

# NOVVM FIDEI SYMBOLVM,

*Sive*

*74 37. 46.*

DE NOVIS MVLTIS PERDVELLIO-  
nis, & duodecim superstitionis articulis Catholicae fidei  
nomine velatis, & à Pio quarto in symboli formam re-  
ductis, Dialogus diuisus in libros tres, quorū duo nunc  
exceunt: tertius Deo volente non ita multò possi  
consequetur: quibus praxis & doctrina An-  
tichristi planè describitur.

*Præfixum est Dialogo Speculum Papæ, id est, vicia &  
expressa Antichristi effigies.*

Authore LEONELLO SHARPO Anglo, sacre  
Theologiz professore.

REGVM L. CAP. 18.

*Quosque claudicatis inter duas partes? Si Dominus  
est Deus, sequimini illum: si Baal,  
sequimini illum.*



LONDINI,  
Excudebat Richardus Field.  
1612.





Academiae Cantabrigiensis  
Liber.

2972:24

237,8:39



# REVERENDISSIMO

CLERO ANGLICANO.



Inimè mirum videri debet (reuerendissimi in Christo Patres, Fratresque charissimi) si ducibus Israelis ad bellum cum Antichristo gerendum profectis, gregarius causæ sanctæ studio incitatus ad vexillum accesserit. Omnes enim vident Papam per suos emissarios renouare pristina bella, nec posse quiescere, sed id omni ratione tentare, vt amissam magnæ Britanniae recuperet possessionem; eiusque rei spe vana licet, Papistas nostros (nostras etiam dicerem, nisi quod alicui videbor loquutus incongruè) plures atque insolentiores esse, quàm solebant. Quis igitur quamuis infimus Christi seruus natus sub, vel potiùs, cum restituto Euangelio, sine quo ne Paradisum quidè patriam amoenam iudicaret, Antichristo iam redintegratis viribus, & recolletò veluti spiritu sedem, vnde eiectus est, tanto ardore repetenti non in faciem resisteret & repugnaret? Non ignorabam quanti sint ijs suscipiendi labores, quantæ exorbendæ calumniæ, qui in certamen cum tam crudeli aduersario pugnamque deuenerint: vt illis fuerit tacuisse melius, si quid è re sua potiùs quàm quid è repub. Christiana futurum esset, cogitarent. Verùm quod in bello

bello vsu-venire solet, vt spectata virtus Imperatorum exemplo acuat studia militum, segnesque animos ad rem gerendam excitet atque extimulet: idem in hac spirituali militia Ministris Dei saepe accidit, quibus facultas à Deo data est, alijs maior, alijs minor, omnibus aliqua. Qua, si rebus ipsis aliquid addere non possint, ac fortasse nec debeant, quia Theologis non noua sunt dicenda, sed nouè, vt scripsit Vincentius, nec diuersa fide, sed diuerso stylo, vt monuit Augustinus: tamè cum testimonij consensu, cum doni differentia, ac tractationis varietate seruire Euangelio multum & possint, & debeant. Accessit etiam ille stimulus, quòd vt primum Regio confixa telo bestia grunnire coeperit, magnum ex ore suo numerum Iesuitarum statim effuderit, qui Regem non modò Regum sed hominum optimum, verè magnum defensorem fidei, non tam argumentis refellerent, quàm conuulsi scorpionum manu scriptis quasi confoderent. Germani haeretici, qui sine gladio voluntate sunt homicidae, vt scribit Hieronymus: nec enim stylus minùs sicutus pericandus, quàm ensis, districtus in Reges, quibus honos suus etià spiritu charior multò atque antiquior videri solet. Vt mihi quidem ne Iacobus Clement, aut Franciscus Rauillac in corpore Regio, quàm Bellar. aut Pacenius aliquis in nomine vulnerando crudeliores fuisse videantur. Romam ethnicam ferunt literam illam, cuius Cicero meminit, affigere solitam non tabellae iudicium, vt quidam interpretantur, sed vt Cicero & Plinius, capiti & fronti calumniatorum: capiti plumbeo, fronti ferreo, vt vultus gererent inscriptos quasi serui stigmati, & iniustos literarum notis ad summam oris contumeliam, quos ideo Plautus literatos homines seire appellat. Næ ego valdè sim iniquus, nisi Iesuitas

Bellarminum  
Parsonium,  
Pacenum,  
Christianouic.  
Becanum,  
Coquzum,  
aliosq; mul-  
tos.

Pro Ros.  
Amerino.

# DEDICATORIA.

fuitas hosce haberi cupiam literatos, quos Roma Pontificia intus alit & fouet tanquam veteres illos anseres & canes, qui clamore & latratu obfessorem Capitolij infestentur. Adde quòd duos illos baculos, quorum meminit propheta Zacharias: <sup>Zach. cap. i. i.</sup> <sup>vers. 7.</sup> authoritatem magistratum, & obedientiam ac concordiam subditorum, quarum illam baculum pulchritudinis, hanc baculum vinculorum vocat: isti nefarii Iesuite frangere studeant, rebellionem articulum fidei ponentes suæ, vt non à nostris modò conuicti sunt, sed & à suis. Nam nunc moderati quidam sacerdotes sæculares, vt vocantur, quò impuniùs superstitionis articulos apud nos furtim disseminnet, perduellionis articulos in Iesuitis callidè infestantur, cum tamen Alanus, alijq; multi sæculares sacerdotes rebellionem & præceperint & perpetrarint. Vtrosque igitur articulos nostri, & vt boni ciues & vt fidi Ministri, duplici militiæ sacramento obligati, pro suo quisque dono, suo loco & tempore, multò magis pro virili oppugnare debent, quò libertatem Imperij, sub quo nati, vnà cum veritate Euangelij, per quod renati sumus, pro vocatione tueamur. Quò iustius Ministros in tantæ molis causa mutos & tepidos perstringit doctissimus Eliensis, qui calamum non stringant, cum ex earum genere causarum hæc, inquit, causa sit, in quibus qui cum Christo non colligit, dispergit cum Christi contrario; vbi suam nisi fidem quis liberet, nec animam liberabit. Simul illud addit, esse vt in hac causa malis vires quàm voluntatem, facultatem quàm fidem desiderari. Quod idem mihi à reuerendissimo quondam Archiepiscopo D. Whitgisto, etiam tum, cum minùs inter partes ferueret contentio, dictum memini, cum optaret vt in tanta apud nos Theologorum excellentium

Epist. dedic.  
ad Regem.

# EPISTOLA

copia plures essent, qui operas à prædicandi munere subcissuas ad scribendum traducerent. Accessi igitur ad signum causæ studio, ducum exemplo, hostis iniuria, militiæ sacramento, Patrum incitamento prouocatus, ut hostem tam indignè laceissentem leuiter repungerem.

Quam ad rem hoc mihi veluti pensum imponendum putavi: ut nouum fidei symbolum ex nouis articulis fidei partim occultis, partim apertis, à Romano Pontifice conflatum, non tam nostratum Papistarum, quibus tot libri Anglicè tam excellenter scripti si non satisfacient, nihil vnquam satisfaciet, quàm exterorum gratia Latino dialogo explicarem, diuiso in libros tres; quorum duo nunc exeunt, tertius Deo volente, & valetudinem concedente, qui nunc iacet in aduersarijs, typis non ita multò post impressus exhibit. In quibus omnibus seditiosam atque impiam personam induco lectissimis quibusque argumentis acriter defendentem hæresim ac perfidiam suam, Iesuitam quendam ROBERTVM SATVRNINVM: eique Theologum Orthodoxum ANTONIVM PATRIOTTAM respondentem. Nostis morem dialogorum, ut ea loquantur homines inter se, quæ nunquam loquuti sunt. Ideò queretur forsitan SATVRNINVS ea tribui personæ suæ, quæ nunquam dixerit: cum ausim religiose affirmare principum Iesuitarum non modò argumentis, sed methodo nonnunquam & verbis uti factiosum istum sacerdotem, præsertim Alani, Bellarmini & Parsonij, ut quiuis eorum mihi per omnia videatur esse meus ROBERTVS SATVRNINVS.

Præfixi dialogo prologum, in quo verum Papæ Speculum, id est, Antichristi viuum simulachrum à S. Paulo

Cicero.

DEDICATORIA.

lo & Iohanne prophetice ductum, & à Patribus cum antiquis, quatenus illi verum prauiderere potuerunt, tum nouis ex euentu certius expositum, pressis quibusdam conclusionibus illigandum censui, in quo se Papa cum sua tota colluue posset agnoscere. Nam ordo naturæ postulabat, vt is Papam euinceret esse Antichristum, quod apparet ex Speculo, qui probare intenderet Papismum esse Antichristianismum, qui docetur in symbolo. Vtrique Christi Speculum, & compendium Christianismi ex Euangelio sumptum, inclusum meæ ad Christianum Lectorem Epistolæ, præponendum esse duxi. Duas enim scitis Ministri partes esse, vnam, vt purè prædicet Christum; alteram, vt certò detegat Antichristum, vt magnus ille vir & martyr Dei iudicauit Iohannes Hussius.

Iam hoc omne (nescio quid nihili) vestro, Patres & fratres, submitto iudicio, committo patrocinio. Nam quæ iustæ mihi rationes ad suscipiendam causæ defensionem esse visæ sunt, eadem vobis ad personæ patrocinium debent videri. Ego cum à multis hominibus nostris huius Pontificij symboli mentionem sæpe factam legerem, à nemine autem, quod sciam, ex composito totum scholijs explicatum viderem, rem suscepi non tam perficiundi spe, quàm experiundi voluntate, sperans fore vt aliorum studia, qui multò id doctius atque ornatius facere possent, commouerem. Audistis antè, cur hoc munus susceperim: audite, si placet, cur vobis dedicarim. Nam cum totum religionis negotium in hoc symbolo mihi pertractandum perspicerem, totum clerum Anglicanum religiosum operis patronum humiliter aduocandum putabam, quem tot eximij pietatis, scientiæ, linguarum, Prophetiæ donis dotatum à



Deo & instructum clerus Romanus dolet, à quo tot lethales ictus acceperit, vt nullius cleri vires magis aut laertos pertimescat. Itaque grandis ille piscator Tiberinus, cum ars sua piscatoria iacere iam & frigere cœpisset, eò quòd laceris & attritis vetustate retibus grandiusculæ quædam pisces enataissent, peritos quosdam ex Academijs nostris artifices ad sese insidiosis muneribus allexit, qui retia fracta iam & perrupta reficerent, capiendis apta non animis, sed coronis: quos aureo cepit hamo Pontifex, vt pisces, deinde remisit, vt piscatores. Cui conuenit illud Martialis,

*Munera magna quidem misit, sed misit in hamo,  
Et piscatorem piscis amare potest?*

Cicer. 3.  
Offic.

Eodem dolo malo alios iuuenes eruditos indies irritare & exitalibus donis inuitare non desinit, vt profligatæ iam & planè perditæ seruiant causæ suæ. In quo sanè similis mihi videri solet Pythio illi argentario apud Ciceronem, qui vt Cannio homini minimè malo imponeret, piscatores ad se conuenire voluit, docuitque quid illos facere vellet, vt frequentes piscarentur, captosque pisces ante suos pedes abijcerent, quò villam suam quamplurimo venderet. Sic Pontifex piscatores ex Germania, sed imprimis ex Anglia conuocauit sub annulo piscatoris, qui clàm ad piscinas vnde exierāt, piscatum redirent, deceptique deciperent, cymbas suas & pisciculos omnium generum ad ipsum adducerent, quò merces Ecclesiæ suæ faceret vendibiliores. Hic est Pontificis dolus malus. Hoccine verò fuit, vt nostram ad se iuuentutem pelliceret præmijs: in Rhemensi & Romano collegio collocaret, quo duplo redderet nequiorem quàm acceperat: Hæc verò circumscriptio nostrorum adolescentum, qua grandis mundi Impostor

# DEDICATORIA.

postor labenti sedi suæ subuenit, omni nostro consilio præuertenda est: qua satis declarat tamen, quantum rebus suis spei ponat in nostrorum ingenijs, quibus arcem Babylonis acerrimè nostro sæculo & defensam sensit, & oppugnatam. Non habet vllos doctiores Anglo-sacerdotibus, præcipuè Iesuitis, qui quò Anglos inficiant, Anglicè scribunt prudentium opinione eleganter, stultorum probabiliter, vt quod bonitati causæ deest, bonitate styli suppleatur. Neque tamen noui quicquam afferunt, sed vetera poliuunt & limant, à suis patribus centies obiecta, à nostris centies refutata: & exesis ac vietis argumentis nouum colorem & florem appingunt, vt Iesuitarum schola Papismum senem, tanquam Medea Peliam, veneficijs suis recoxisse videatur. Sed manifestum in pugna prodit timorem & diffidentiam, dum canonem Apocryphis auget, Scripturam traditionibus minuit, autographon translatione tollit, textum glossa peruertit. Interea libros emittit, quibus argumenta inferciat conclusa ferè ex meris allegorijs, detortis proportionibus, claudis similitudinibus, fictis miraculis, stultis reuelationibus, nudis Patrum nominibus, conductis scholasticorum testimonijs, quæ vestiuit verbis, fateor, lectis ac pænè pictis, & structura sententiarum exquisitissima, vt fucandæ Romanæ lupæ calamistros quosdam intexeret, quorum illecebris infirma multorum adolescentia atque incauta caperetur. Horum ego librorum fautoribus, qui vel illos ad nos attulerint, vel legendo defenderint, vel alijs approbando legendos dederint, optarem poenam illam infligi, quam honoratissimus Iudex lege præscriptam esse declarat. Horum librorum authores, vbi semel illos aër Italus afflavit, suos hyperboreos homines vix putant, qui contra scribunt,

D. Ed. Cok. D.  
commun.  
Placit. in epist  
præfix.  
casui Postma-  
torum.

## EPISTOLA

scribunt, quamuis meliore conscientia & maiore fiducia scribant. Nam & verum canonem tenent, & scripto fidunt, & fontem adeunt, eundemque habent & textum & commentarium; nisi quod Apostolos inducant præeuntes, Patres subsequentes, vt testes suorum temporum, quippe qui Apostolos in causa fidei sine Patribus, non Patres sine Apostolis audiendos esse iudicent. Ita non ludunt rudibus, vt aduersarij, sed spiculis feriunt; nec argumenta promunt sine testimonijs, nec testimonia sine argumentis: quæ non tam numerant quam appendunt: nec particulas vrgent fraudulenter à Scripturæ corpore resectas, vt aduersarij, qui illas in libro aliquo magistrali citatas legunt; sed illam omnibus suis circumstantijs vestitam allegant, vt ex omnibus quod verum est inferant & premant; nec typos aut allegorias consecretantur, sed intimas rimantur substantias rerum atque naturas; nec cincinnis vtuntur meretricijs, sed solidis & sobrijs ornamentis, quæ Dei causam decet. Formidolosi opposcentes, grandes oratores, quales etiam multi qui non scribunt, censendi sunt, quorum si quis aculeos, qui reconditi sunt, excussos arbitretur, vehementer errat. Quorum ego me doctis prælectionibus & concionibus audiendis & libris lectitandis ingenuè fateor instructiorem atque armatiorem ad causam accedere. Vt sicut Scipionum familiam legimus natam fuisse ad ruinam exitumque Carthaginis, sic sperare videar clerum nostrum renatum à Deo & orbi redditum ad excidium interitumque Romæ. Quem igitur potius laborum meorum patronum cupiā, quam clerum fatalem Romæ domitorem? Accedat eodem, quod cum ego superioris institutione vitæ meæ, cum multis claris viris vel in Academia studiorum societate, vel in Curia prædi-

# DEDICATORIA.

prædicationis officio, vel in conuictu amicitiae vinculo coniungerer; hac officiosa dedicatione iucundam veteris in Christo coniunctionis memoriam esse renouandam putarem. Postremò scriptores nostros, qui Deum sæculi paulò acriùs irritarint, & Antichristum pupugerint ad viuum, quàm virulentis professi aduersarij calumnijs sæpe consciderint, quis ignorat? Neque herclè mirum, si libris eorum non pepercerint, quorum iugulis imminerent: si famæ detraxerint, quorum vitæ insidiarentur? qui cum viris optimis per seipso nocere non possent, per falsos fratres sæpe nocuerunt. Hoc si est factum in viridi, quid fiet in arido? Si sic cedros petant, quomodo tandem arbusta prement humilesq̃ue miryas? Quò magis spero, fore vt ij qui scripserint, iniuriæ sensu; qui non scripserint, causæ studio commoti, alium eidem se periculo propter Christi gloriam exponentem autoritate sua subleuent. Nam Doctores & scriptores Euangelici, quò sunt odiosiores improbis, eo bonis omnibus chariores esse debebunt. Hjs de causis ego, Patres & fratres, vobis exiles hosce labores meos supplicissimè & demississimè dedicandos esse censui, quorum & in religione fiduciam, & in doctrina subsidium, & in amore solatium, & in autoritate perfugium mihi positum esse arbitrarer. Videtis, vt initio dixi, Papistarum insolentiam, senserunt patres nostri crudelitatem: pulueræ, siue Iesuiticæ coniurationis obliuisci nec potestis, nec debetis: quæ minata regno Parisienses lanienas, Ecclesiæ flammias Marianas: quarum Papa vetus amicus vester, ô clere Anglicane, fauillas tegit. Meminit officij, meminit obseruantiae erga se vestræ. Argumento vestro à Scripturis opponit suum illud argumentum à facibus. Incedis igitur, *incedis* Horat.

per

EPISTOLA DEDIC.

*per ignes suppositos cineri doloso.*

Ergo quæ scriptionis causâ multis, eadem omnibus  
causâ cautionis. Et quæ mihi ratio quærendi patrocini  
& auxiliij vestri, eadem nobis omnibus excitandi zeli &  
vigilantiæ nostræ . Deus Regem Regnumque  
seruet : Deus clerum orbis Christiani floren-  
tissimum, oculum regni, ab omnium  
inimicorum calumnijs infi-  
dijsq; defendat.

*Reuerentijs vestris in Christo  
deditissimus*

LEONELLVS SHARPV.S.

EPISTO-

# EPISTOLA AD CHRISTIANVM LEC- TOREM, QVA SPECVLVM Christi, & synopsis Christianismi com- prehenditur.



**N**ON te praeferis, Christiane Lector, Synagoga  
Romana odium in reformatam Ecclesiam capita-  
le iamdiu & apertum, in Scripturam sanctam  
occultum, & externe quodam involucro pietatis  
veloq; deuotionis obductum atque obiectum fu-  
isse. Nam quamuis illa florentis Ecclesiae inuisa  
nostra, spretoq; iniuria formae suae valde commota videatur; tamen  
quod se diuino telo humana manu iacto lethali-  
ter vulneratam in capite sentiat, non minus Deo qui telum dedit, quam homini qui  
iecit, audent interdum subirasce. Quod nisi ita esset, nunquam pro-  
fecto tot probra in Scripturam sanctam nequiter a suis impro-  
beg, contorta typis esset passa mandari: nunquam in sua Latera-  
nensi secretiore officina conductas aluisset operas, quae dolarent  
nonnumquam Euangelium, nonnumquam Iesum, nonnumquam symbolum. Sed suc-  
censuit nimirum quatuor Euangelistis, quod Papam suum velus  
ignotum hominem praeferissent. Quintam igitur Euangelistam  
creauit, qui suis rebus accommodatus per monachos euderet quin-  
tum Euangelium. Verum Iesum Mariae filium, caelesti decreto  
pro salute hominum in monte Calvariae crucifixum, dimidiatum  
credidit seruatore. Itaque Franciscum Iesum typicum, Petri  
Bernardonis filium, tanquam a Christo isdem vulneribus, isdemq;  
locis in Aluernia monte compunctum sinxit, & in Lateranensi  
Concilio consecrauit. Duodecim veteres articulos fidei a duode-  
cim Christi collatos Apostolis satis ad salutem esse non censuit.  
Duodecim ergo novos articulos fidei in Concilio Tridentino com-

a Esop. fabu.  
Nalus cercus.  
Caliga nau-  
tica.  
Gladius Del-  
phicus,  
Theologia  
nigra & atra-  
mentaria.  
Scripturarij,  
atramentales  
Theologi.  
b Matth. Pari-  
si. in Henri-  
co 2. pag. 104.  
c Lib. confor.  
Francis. pag.  
304.  
d. Vide bul-  
lam Pij quar-  
ti super for-  
ma iuramen-  
ti profess. or-  
thodox. fidei  
annex. Con-  
cil. Tridenti.  
Sub Inno. 3.

positos,



# EPISTOLA AD LECTOREM.

positos, & à Pio scilicet quarto in symboli formam redactos, Paulo quinto autore publicauit. O sanctam matrem Ecclesiam, Patrem verò longè sanctiorem. Interea palam pretendit summam Christi in Papam indulgentiam & liberalitatem, Papaq; in Christum amorem & obseruantiam. Sed cum Babylonia iam vetula meretrix non modo faciem suam sciè fucare atque pingere, sed affectus intimos dissimulare; odium amore, amorem odio callide præsternere longo iam usu perdidicerit; non quid illa pretendat amplius, sed quid intendat, quiuis piè prudens suo iam sæpe damno maloq; doctus cogitabit. Scit illa Scripturà esse Papalus idololatriæ, luxuriæ, auaritiæ, superbiæ, sanitiæ vindicem. Ringitur Christi Testamento Pontifici non honoris atque imperij, sed laboris & ministerij partem modo esse legatam. Dolet ab Apostolis sese Babylonem mysticam, Papam illum Antichristum præmonstratum. Odit igitur Scripturam, ut lauro crucem: odit Apostolos, ut suos accusatores: odit Christum ut suum iudicem, sed odio occulto: quemadmodum amat Antichristum amore occulto, cui se vehementer inimicam esse simulat, ut cum illo per sanè familiares inimicitias gerere videatur. Ita sese etiam Scriptura cultricem obseruantissimam mentitur, quemadmodum primarum synodorum: nam & illam frequenter allegat in speciem, sed ut diabolus; violenter detortam; & has, sed ut falsarius fraudulentè corruptas: intus angitur capiti vulnus inslictum suo per Scripturas, non ut à nobis expositas, sed ut ab illis synodis intellectas. Nihil autem tam moleste fert, quam in primatu iurisdictionis suæ, id est, primario politice suæ religionis articulo, duos, ut vocat, fundatores suos ad eò mutos testes fuisse, S. Petrum & S. Paulum: S. Petrum, qui Presbytero vni dominationem in cleris diserte interdixerit, seseq; non Archipresbyterum, sed compresbyterum non solum humiliter, sed verè scripserit: S. Paulum, qui cum Epistolam ad Romanos ex composito mitteret, nullum de Papa deq; prerogatiua Romana Ecclesiæ verbum fecerit, neque de cæteris illis veluti posthumis articulis fidei, quos hac iam multis introduxit. Et cū decisa opera de perpetuo militantis Ecclesiæ regimine disputaret, multa q; colligeret unitates: vnum Deum, vnā fidem, vnum Spiritum, vnum corpus, vnum Dominum; tum vnum visibile caput prætermiserit, oblitus Petri sui. Nec mirum, cum ipse Petrus sui fuisset oblitus. Quin potius regimen Ec-

1 Pet. 5.

Ephes. 4.

# EPISTOLA AD LECTOREM.

*clesie inter Episcopos differtuerit, & aristocraticum sub Christo regimen voluerit esse, non monarchicum. Quemadmodum praxis proximè sequentis Ecclesie multis post sæculis confirmavit. Nam quinque Patriarchas equalem habuisse authoritatem & Balsamon testatur & synodus Nicæna confirmat: & Bonifacium tertium non ante annum 607. scribit Franciscus Duarenus, non sine magna contentione obtinuisse à Phoca, ut œcumenicus crearetur Episcopus. Debet igitur Papa omnem regni sui gloriam parricida: & tamen videtur gratias agere Christo, perinde ac si ipse sententia sua, Pasce oves meas, Romanos Pontifices in Petro, ut se ipsum scribit, comprehytero, Reges designasset tot antè sæculis quam essent nati. Ut scitè Cicero cum senatusconsultum commentitium in Armeniam esset Syriamq; perlatum tanquam in suam sententiam factum, gratias sibi per litteras scribit actas ab ultimis Regibus, quod illos sua sententia Reges nominasset: quos non modo nominatos, sed non natos esse nescisset. Sed Nicæna synodus sexto suo canone vehementer vrit Romanum Pontificem, quem Alexandrino parem facit. Nam ideo Pontifex canonem corrumpit, qui primatum Romane sedis coarctasset. Nec eo contentus quinquaginta supposititios canones viginti veris synodi Nicæna canonibus multis post sæculis affinxit, ut orbi fucum faceret, primatum suum, quem coarctatum liquet à Nicænis Patribus visis, dilatatum à mortuis. Ut idem Cicero festuè iocatur in Antonium, cum acta quedam Cesaris falsa retulisset, cives, qui essent in exilium pulsà viuo, reductos à mortuo; civitatem, quibus negata est à viuo, datam à mortuo: immunitates infinitas, quibus crepta sunt à viuo, venditas à mortuo: quibus modis infinitam & perniciosam potentiam affectavit Antonius. Sic multa promittit Acta Pontifex tanquam à Christo, tanquam ab Apostolis, tanquam à Nicænis Patribus profecta, quibus superbissimum occupavit in Ecclesia crudelissimumq; dominatum. Et promittit à mortuis. Nam à viuis nunquam sunt edita. Eodem etiam modo Patres Chalcedonenses mortuos inducit negantes illud, quod affirmaverant. Indicantes, inquiunt Chalcedonenses, ut sedes Constantinopolitana in rebus Ecclesiasticis non secus extollatur & magnificetur atque Romana, secunda post illam existens. Quæ verba falsò recitantur, vel potius improbe depravantur in iure canonico: dum ultimis verbis addis negativam, quæ totum canonem*

*Franc. Duarè.  
de sacris be-  
nef. lib. 1.  
cap. 10.*

*Cic. ad Petri,  
epist. 9. lib. 8.*

*Philipp. 1.*

*Corrupt. can.  
Chalcedon.*

*Distinct. 22.  
Renouantes.*

# EPISTOLA AD LECTOREM.

in contrarium sensum detorquet; Non tamen in Ecclesiasticis rebus significetur ut illa, sed secunda post illam existens. Quid multa? Sex primæ synodi generales, quæ Christi mentem optimè nosse, & fidelissimè tradidisse de Ecclesiæ regione sunt existimande, quamvis primatum ordinis & discriminis Episcopo Romano concederent, primatum tamen potestatis & iurisdictionis denegarunt: & iuxta sextum Nicenæ synodi canonem certos Romanæ sedis cancellos circumdederunt, quibus septa teneretur. Transiit tamen illa lineas & à Deo, & ab hominibus præscriptas. Deus quò puniret contemptum Euangelij, tam grauem veterum induxit orbi, tamquam vniuersalem apostasiam Ecclesiæ, ut dies ipsa defodiens condensque nitentia, veprem illam sub terra latentem non in apricum modo produceret, sed in excelsò, suprà omnes cedros Libani collocaret: primò suprà Episcopos in Bonifacio 3. deinde suprà Reges & Imperatores in Gregorio septimo, cuius à quatuor Concilijs, Wormatiensi, Papiensi, Brixienti, Moguntino penne toties incise, creuerunt tamen in successoribus eusq; ut suprà Concilia tandem euolaret. Donec tria Oecumenica Concilia, Pisanum, Constantiense, Basiliense, Papas non modo Papatu abdicarunt, sed Concilium suprà Papas esse decreuerunt. Nam Pisanum duos Papas Gregorium & Benedictum de gradu deiecit: & Alexandrum quintum elegit. Et Constantiense Iohannis vigesimæ tertij rescripto conuocatum, eundem fugientem examen, propter notoriam simoniam & detestabilem vitam & mores Papatu exuit, & post Gregorium decimum tertium non apparentem condemnauit, & ut membrum aridum abscidit, hæreticum & schismaticum planè incorrigibilem; quemadmodum illum appellat. Et ne temerè fecisse videatur, hæc sacra synodus generalis, inquit, in Spiritu sancto legitimè congregata, & representans Ecclesiæ Catholicæ militantem, habet potestatem immediatam à Christo; (non dicit à Papa, sed à Christo,) cui potestati unusquisq; cuiuscunq; status aut dignitatis, immò Papa ipse tenetur obedire. Porro declarat, si Papa cōtinuaciter recuset obedire statutis, ordinationibus, & præceptis, quæ vel hæc sacra synodus, vel alia vlla posthac synodus generalis legitimè cōgregata vel iam decreuerit, vel posthac decretura sit, eum cogendum ad condignam satisfactionem, & meritò puniendum. Et ita Iohanne

Constant.  
Concilij, sess.  
1.  
Sess. 10 & 12.  
Sess. 4. & 5.

Sess. 10. & 12.

Papa

# EPISTOLA AD LECTOREM:

*Papa & Concilium de maiestate & superioritate, ut loquuntur, diu certarunt: sed hic vicit Concilium. Hic mihi venit in mentem non illepide cuiusdam fabula de rana pullis, quos absente matre vitulus elisisset pede suo, quem cum unus e pullis elapsus, ut ingentem belluam matri rana describeret,*

— Illa rogare

*Quantane? Num tandem (se inflans) sic magna fuisset? Maior dimidio, pullus inquit. Num tanto? rogat rana. Quum magis atque se magis inflasset? Non si te ruperis, inquit, pareris.* Horat. Ser. 2. Saty. 2.

*Duas ranas pede compressit suo synodus Constantiensis. quamvis examen fugientes: seq. Pontifice, quantumvis seipsum inflasset, maiorem & superiorem declaravit. Rectè, nisi duas etiam columbas oppreisset. Et poculum quod Christus in sacra cœna certis de causis populo dari preceperat, id à se pluribus de causis gravioribusque, scilicet, ademptum discrete pronuntiasset. Quod synodus Basiliensis postea restituit, qua Bulla Martini quinti convocata, & Eugenij quarti, quem deposuit, literis confirmata, & Nicholai quinti, qui successit Eugenio, Bulla etiam sancita, Constantiensis Concilij decretum de potestate Concilij generalis supra Papam, veritatem fidei Catholice esse declarat: & veritatibus duabus predictis per-  
Basil. Conc. l. c. 16.  
petinaciter repugnantem hereticum censet.*

*Ergo Papa se vel generali Concilio subiciat, vel se generalis Concilij sententia damnatum hereticum fateatur necesse est. Hinc ille lacrimæ, hinc occulta offensio in Scripturas, in synodos priores, & posteriores, (quamvis hæ Romanæ superstitionem fouerent,) quia reprimerent ambitionem. Donec duæ tandem, Lateranensis & Tridentina, Papam euexerunt non modo supra Concilia, sed supra Scripturas, ut ipse, cum vellet, cornicum, quod dicitur, oculos configeret, & quasi decemaustrini Apostolus doctrinam pro arbitrio suo Scriptura contrariam constitueret. Ita non nisi post multa secula & discrimina Papa transcendit Episcopos, Reges, Concilia, Scripturas ipsas.*

Tantæ molis erat Romanam condere sedem.

*Cuius nunc nudæ nomē aduersus omnes nostros impetus, quasi Gorgonis caput, opponitur: Patres afferimus? Quid mirū si, cum contra se stare videris, reiiciat singulos, quos contemnis vniuersos? Concilia adducimus?*

# EPISTOLA AD LECTOREM.

adducimus? Priora à posterioribus, meliora à deterioribus, plura à paucioribus corriguntur. Scripturas allegamus? Quid proficimus, cum habeant sphingem domi, quæ pro sensu suo & commodo Scripturam tanquam ænigma soluat. Ita reuocant omnia scilicet ad matrem Ecclesiam, vel potius Patrem Ecclesie. Matrem enim faciunt generis masculini: & genus generalissimum reducant ad indiuiduum, id est, Papam pro tempore dominantem. Cuius spiritu plena Synagoga nulli Apostolorum videtur clamsensor, quam sancto Paulo: cuius se silentio non modo non adiutam sensit, sed læsam etiam testimonio, cum explosis operum meritis solâ Dei misericordiam in Christo per fidem apprehensam hominis coram Deo iustitiam esse concluderet. Quæ cõclusio totum Papiſmum penitus euertit, ut post magis intelligatur. Mordet ergo Synagoga. Duas enim res tetigit ad viuum, mitram Pontificis, & ventres monachorum: nam fides in Christi solis fixa meritis & indulgentiis ærarium Ecclesie minuit, & oblationes imaginibus fieri solitas tenuiores rarioreſq; effecit. Unde Synagoga S. Paulum non minus, quam Lutherum aut Caluinum interdum hæreseos subaccusat. Audui equidem duos magnos Pontificios doctos senes, alterum fratrem Hieronymitanum in Portugallia, alterum in Gallia Iacobitam, cum Paulino testimonio pressi dicerent, alter S. Petrum sine dubio esse Catholicum, Paulum verò, nisi commodè exponatur, hæresim sapere videri: alter Paulitocos, Petro teste, difficiles intellectu, ut opus habeant Romano commentario: difficultatis, inquam, meminit Petrus, commentarij non meminit. In cuius Epistola, inquirunt, quicquid sonat contra Romanam fidem in eo nos rectum non assequensum, id quod etiam Rhemenses obseruauerunt. Nam illa primo capite (inquirunt fratres) Romana Ecclesie fidem celebravit, ad quam negat Cyprianus perfidiam accessum habere posse. At undecimo capite, inquam, monuit eandem Ecclesiam, ut, si à Dei benignitate descisceret, caueret, ne, sicut Israelitica Ecclesia fuisse excisa, sic ipsa quoque excideretur. Potuit igitur excidi pace Cypriani dixerim. Alit̃ etiam excisa est, cum ab illo fundamento, quod in sola Christi misericordia per fidem apprehensa positum est, excidisset. Alia igitur fides eius Ecclesie, quam Paulus Apostolus scriptis informatam celebravit: alia huius quam Paulus Papa non scriptis traditionibus deformatam reliquit. Glorietur hæc tamen, ut dixi, S. Paulo fundatore. Malletm  
viret̃m

Rhem. Te-  
stam. argum.  
Epist. in gene.  
Epist. 50.

# EPISTOLA AD LECTOREM.

*uteretur auctore, Sed nunquam faciet. Pluris estimat Paulinus  
 bullas, quam Paulinas Epistolas. Quas tamen veteres Patres to-  
 tius Scripturae clauem recte esse dixerunt. Quas Pontificij plerique  
 sic metuent, ut S. Paulo S. Iacobum non reconcilient sed oppo-  
 nant: perinde ac si Iacobus Apostolus hominem coram Deo iustifi-  
 cari operibus, non sola fide, contra Paulum Apostolum conclusisset. Cap. 1.  
 Cum Paulus nec eandem fidem nec eandem iustificationem intelli-  
 gat, quam Iacobus. Nam ille fidem in corde fixam requirit: hic  
 lingua solummodo iactatam reijcit. Ille vitam flagitat: hic repu-  
 diat mortuam. Ille diuinam, quae promissionem apprehendit, sem-  
 per inculcat: hic remouet diabolicam, quae Christi tantum histo-  
 riam sine applicatione cognoscit. Ille frugiferam & per charitatem  
 operantem celebrat & commendat: hic sterilem & pietatis officijs  
 vacuam inire condemnat. Ille iustificationem coram Deo praedicat,  
 quam Aquinas iustitiam imputationis vocat: hic iustificationem  
 coram hominibus, quam idem iustitiam ostensionis appellat. Mo-  
 ses, unde uterque testimonium deduxit Apostolus, utrumque ex-  
 ponit, licetque dirimit introductam ab aduersario. Imputatio ius-  
 titiae, cuius Moses meminit Gen. 15. & plus quam triginta annis  
 praecessit opus illud, quo Abrahamum coram Deo iustificatum esse  
 somniant. Quam temporis circumstantiam Paulus grauius ex-  
 pendens, fidem Abrahamo imputatam esse ad iustitiam coram Deo  
 concludit quindecim annis, ut Moses notat, priusquam Isaacum  
 genuisset, & alijs quindecim ad minimum priusquam immolare vo-  
 luisset. Nodo insolubili constricti tenentur, quicumque iustitiam  
 coram Deo Abrahamo imputatam commiscuntur, quia filium im-  
 molauit, qui nondum natus est, quum Spiritus sanctus Abra-  
 hamum iustum fuisse pronunciat. Idque S. Iacobus versu 23. videtur  
 etiam intellexisse, quemadmodum Oecumenius ex ipso loco colligit,  
 Abrahamum iustificationis, quae per fidem solam fit, imaginem fu-  
 isse, cum imputatum est illi ad iustitiam, quod crederet: & eius etiam  
 iustificationis, quae est per opera, cum Isaacum filium super altare  
 re postea voluisset offerre. Ergo Abrahae personam fides, fidem  
 opus iustificauit, & perfectam declarauit. Haecine pugna? haecine  
 oppositio est? praesertim inter duos sanctos Apostolos, qui suas Episto-  
 las eiusdem instinctu Spiritus conscripserunt. Sed nulla res grauius  
 inuicem vexat Synagoga, quam quod Paulus Apostolus Spiritu do-  
 rectore*

Cap. 1.

Ver. 23.

Ver. 21.



# SPECVLVM CHRISTI

Apoc. 9.  
2 Theff. 2.  
1 Tim. 4. 1

Apoc. 13.

17.

Coloss. 2. v. 8.  
9. 10. &c.

Paruum Spec-  
ulum Chri-  
sti & Christi-  
anismi.

rectore commentarium mysterij scripserit, quod S. Iohannes de ma-  
gno illo Antichristo post edidit. Quem stellam deciduam facit,  
id est, apostatam à fide, vel potius apostasia principem, ut Paul-  
us exponit. Iohannes angelum abyssi, clauigerum inferni, besti-  
am de terra ascendentem, Agnum duobus simulantem cornibus,  
Draconem vocereferentem. Ergo specie vicarium Christi, reip-  
sa aduersarium, ambitione Regum superiorem, Dei amulum, ut  
Paulus explarat. Iohannes ordine septimum status Romani Re-  
gem, rediuiam bestie prioris imaginem, tempore post occasum Im-  
perij renelandum, ut Paulus interpretatur. Ioh. loco communi  
vrbis septimontana dominum; speciali, in templo Dei, id est, in Ec-  
clesia Dei sedentem, ut idem Paulus exponit: nam Regum throni  
Pontificum sedes vocantur. Officio ergo Pontificem, nomine vel  
Romanum vel Latinum, ingenio magnum hypocritam & egregium  
dissimulatorem, artificio prestigiatores & insitorem animarum,  
cultu idololatram, maleficio homicidam, dedum peccato, deno-  
tum exitio, ut uterque definit. Ne aqua quidem aque similior,  
quam Papa Antichristus. Sed S. Paulus eo non contentus Anti-  
christianismum etiam definit non iniquitatem, sed iniquitatis my-  
sterium. Deinde in tria membra diuidit, curiosas speculationes,  
insulas superstitiones, Iudaicas ceremonias, ex quibus componitur;  
quas qui tenent, caput non tenent, ut inquit Apostolus. Obsecro  
te, Christiane Lector, quid tam simile, quam Antichristianis-  
mus vetus & nouus? Ubi iam sunt, qui Papisimum ab antiquis  
hareticis ortum denegant? quem Apostolice veritati in multis, ut  
cum Tertulliano loquar, coatanum Apostolico stylo legimus iugu-  
latum, ut ex sequenti disputatione constabit. Itaque magis indig-  
nor quam admiror Paulum Apostolum synagoga Romana tanto-  
perè displicere, qui Papisimum ex paganismo, idiotismo, Iudaismo  
concretum esse pramoustrat.

Sed mihi iam ordienti totam Antichristi & Antichristianis-  
mi vim & naturam Latinis literis explicare, viua præmit-  
tenda videbatur & breuis effigies Christi & Christianismi,  
quem idem Apostolus mysterium pietatis definiuit: ut Evan-  
gelij veritas ex disputationum veluti labyrintho in lucem  
educta, hæresim Tridentinam autoritate sua vultuque con-  
terreat.

Deus

# MORTVVM EXCITANTIS.

<sup>a</sup> Deus Pater decreuit, teste Paulo, vt Filius suus vnigeni- <sup>a</sup> Coloss. 1.  
tus ab æterno, <sup>b</sup> creator cœli & terræ, <sup>c</sup> Angelorum atque <sup>19.</sup>  
hominum, <sup>d</sup> splendor gloriæ & character personæ suæ, <sup>e</sup> non <sup>b. Hebr. 1. 10.</sup>  
Angelicam sed humanam naturam assumeret, in qua <sup>f</sup> solus <sup>c</sup> Coloss. 1. 16.  
sine collegis totâ hominis consummaret salutem, Deus filius, <sup>d</sup> Hebr. 1. 3.  
<sup>g</sup> Deus super omnia benedictus in sæcula, rumpatur Arius <sup>e</sup> Hebr. 2. 16.  
rediuius licet, <sup>h</sup> reuelatus in carne, approbatus in spiritu: <sup>f</sup> Hebr. 7. 25.  
<sup>g</sup> Rom. 9. 5.  
<sup>h. 1. Ti. 3. 16.</sup>

*Verus homo verusq; Deus, virgo sine patre*

*Quem peperit, genuit quem sine matre Deus:*

<sup>i</sup> Vt erat in Melchisedecho adumbratus, ideoque <sup>1</sup> vnicus in- <sup>i</sup> Heb. 7. 3.  
ter Deum atque hominem mediator, in plenitudine tem- <sup>1. 1. Tim. 2. 5.</sup>  
poris decretum Patris impleuit, hominiquæ sua sponte per-  
dito Deum iratum reconcilians, excellentia Personæ, <sup>cc</sup>  
sanctitate naturæ, obedientia vitæ, sacrificio mortis suæ <sup>cc</sup>  
salutem meruit æternam solus. Non illi tantam gratiam in- <sup>cc</sup>  
fundens, qua sibi salutem homo mereatur ipse, <sup>na</sup> sed mortis <sup>cc</sup>  
suæ meritum imputans, quod grata piaque mente suscipiat, <sup>ni</sup> Rom. 4.  
Deus Spiritus ab utroque procedens, salutem quam decreuit <sup>24. 25.</sup>  
Pater, & meruit Filius, menti hominis patefacit, cordique ob-  
signat, <sup>na</sup> datus non vt pignus, sed vt arrha, (quod ex Aposto- <sup>n. Eph. 1. 14.</sup>  
lo obseruat <sup>o</sup> Augustinus,) quia reddita pecunia mutuo ac- <sup>o. August. in</sup>  
cepta restituitur pignus; arrha autem soluto integro precio <sup>locum.</sup>  
non redditur, quia pars est precij, quod non est auferendum,  
sed complendum, vt <sup>p</sup> ex Augustino docet Aquinas. Ergo <sup>p. Aquin. in</sup>  
Spiritus Christi datus homini, cœlestis hæreditatis arrhabo, <sup>locum.</sup>  
non redditur. Sic Apostolus tria posuit cœlo terræque fir- <sup>cc</sup>  
miora humanæ salutis fundamenta, æternum Patris decre- <sup>cc</sup>  
tum, infinitum Filij meritum, irreuocabilem Spiritus arrha- <sup>cc</sup>  
bonem. Vt opus salutis à Deo solo, sic noticia salutis à ver-  
bo Dei solo. vnde verbum salutis dicitur. Scribit <sup>q</sup> Galenus <sup>q</sup> Gal. lib. 2. de  
multorum in corpore morborum causam esse à corrupto semi- <sup>sanitate tuen-</sup>  
ne, vt hæreditariorum, vitiatoque alimento. Morbus ani- <sup>da.</sup>  
mæ est hæreditarius, ab immundo semine, vt ait Iobus,  
qui peccandi consuetudine augetur quasi putrido nutrimen-  
to. Iam vt morbi corporum curantur contrarijs, sic & ani-  
marum. Quas Deus <sup>r</sup> mortuas immortalī regignit semine, <sup>r. 1. Petr. 1. 23.</sup>  
regenitas puro pascit alimento, ægras salubri sanat medica- <sup>2. 2.</sup>

d

mento,

2  
 22 mento, id est, puro puro verbo Dei, qui verus Pater, pastor,  
 22 medicus animæ censendus est. Vixit tamen hominibus ad cā  
 rem, vt instrumentis, quos mittit & mouet, vt primum pœ-  
 nitenti prædicent promissam gratis in Christo per fidem ven-  
 niam atque absolutionem omnium peccatorum suorum: ab-  
 soluto deinde præcipiant duo, vnum vt Deo trin-uni pro tam  
 ineffabili salutis beneficio soli pietatis rependat officium; al-  
 terum vt homini propter Deum viuo Dei simulachro chari-  
 tatis impendat auxilium. Obedienti demum proponat in-  
 ternam in terra pacem, æternam in cœlo hæreditatem. Ita vi-  
 22 ri Dei hominem mærentem erigunt promisso, errantem diri-  
 22 gunt præcepto, languentem excitant præmio: sed viri Dei ex-  
 trā loquuntur, Spiritus Dei intus operatur. Illi hæc auri tan-  
 tūm ingeminant, hic cordi ingenerat fidem, charitatem &  
 spem: fidem, quæ promissum apprehendat: charitatem quæ  
 (Coloss. 1. 12.) præceptum obseruet: spem, quæ præmium expectet. Non  
 enim hominem Deus idoneum inuenit, sed facit ad partici-  
 pādā hæreditatem Sanctorum in lumine, quem non volen-  
 tem eduxit, sed reluctantem eripuit: & potestate tenebrarum  
 ereptumque transtulit in regnum lucis, regnum filij dilecti-  
 22 onis suæ. Inuenit enim hominem nondum reuatum, mor-  
 tuum in peccatis, non semimortuum, sed planè mortuum;  
 non paralytico similem, qui æger in lecto decubuit, sed La-  
 zaro, qui iam quatrīduō fœtuit in sepulchro: adeò peccator  
 omnis prius, quàm potentem Christi vocem intus audiat, in  
 sepulchro vitiorum suorum contabuit atque computruit. Ex  
 quo peccator surgit & procedit vt Lazarus, in vtroque enim  
 Domini potentia est, non vires mortui, quemadmodum  
 Paulum exponit Augustinus. Sic, vt opus habeat non adiu-  
 uatrice gratia, qua conualescat, sed creatrice, qua reuiuifcat.  
 Ac iam merè passiuè se habeat, nihiloque plus conferre pec-  
 cator queat ad conuersionē sui, quàm Lazarus ad suscitatio-  
 nem sui: cui Christus voluntatem non infirmam iuuat, sed  
 22 Galat. 6. 15. creat nouam, x vnde peccatoris conuersio noua creatio dici-  
 22 Ephes. 2. 10. tur. Non respectu naturalium facultatem, moraliumuè virtu-  
 tum, quas peccatum corrumpit modò, sed gratiarum spiritu-  
 alium, quas extinxit, vt ex Augustino Magister sententiarum  
 posuit.

u August.  
 Tractat. in  
 Iohan. 49.

# MORTVVM EXCITANTIS.

posuit. Igitur imago Dei animæ impressa, quoad substantiam, deformata modo, quoad qualitates deleta penitus est habenda. Vt Gregor. Nyssenus docet. Ita abolitæ imaginis restitutio est defuncti hominis resurrectio. Hic genius, hæc indoles Apostolicæ doctrinæ; deprimit hominem, vt extollat Deum: corruptam abijcit naturam, vt salutarem effec- rat gratiam. Viuat igitur homo oportet in Deo, atque ad e- etiam à Deo, prius quàm boni aliquid aut velit aut cogitet; merè passiuum prius subiectum gratiæ, donec Christi Spiritu veluti recalescens conuersionem suam velle incipit, fitque voluntarium gratiæ instrumentum, nulla voluntatis innata insitaque vi, sed virtute seminis gratiæ, nouæque vitæ quam acceperit à Deo. Ita Paulus distinguit inter hominem con- uertendum & conuersum. Illum omnino peccati seruum ponens, quia à peccato victum: hunc ex parte liberum, quia à filio liberatum. Non statuens illum ex parte liberum, ne faciat sacrilegum; nec hunc omnino seruum, ne reddat igna- uum. Non renato igitur omnem non volendi, sed bene volendi facultatem adimit, ne naturalis superbiæ cristas erigat: & renato aliquam bene volendi facultatem concedit, ne spiri- tualis industriæ nervos incidat. Vt autem hunc mortuum animet Deus, & imaginem Dei deletam reparet ac reficiat; veram Dei nostrique notitiam menti, iustitiam & sanctimo- niam voluntati hominis inculpat atque imprimit: cæcum il- lustrat immisso sapientiæ lumine, nudum ornat induto iusti- tiæ vestimento, insulsum imbuit infuso sanctimonix condi- mento: vnde Christus à Deo factus homini fideli sapientia, iustitia, sanctificatio dicitur. Duplicem iustitiam & vitam Christiani commemorat S Paulus. Vnam qua viuit coram Deo, alteram qua viuit coram hominibus. Per fidem coram Deo, per apprehensionem Christi; per charitatem coram hominibus, per exercitium pietatis. Ita non sunt bona opera causæ iustificationis, sed iustificatio causa bonorum o- perum, vt disputat Augustinus; nec per virtutes ad fidem, sed per fidem ad virtutes peruenimus, vt Beda ex Gregorio colligit. Alius ordo in moralibus, alius in diuinis; alius apud Aristotelem, alius apud Paulum. Illic homo iusta iustè

y Greg. Nyss.

de oratio.

Dom. Ser. 5.

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

cc

agat oportet prius, quàm iustus sit; hîc prius iustus sit oportet in alio, quàm vel iusta vel iustè agat in seipso. Vt Christus factus pro nobis peccatum, sic nos iustitia Dei in Christo.  
 f 2. Cor. 5. vlt. f Christus ipse sanctissimus peccatû factus imputatione peccati nostri: nos igitur peccatores iusti tantum imputatione iustitiæ Christi. 8 Quemadmodum Apostolum exponit Augustinus, & Augustinum Anselmus. Ipse ergo peccatum vt nos iustitia; nec nostra, sed Dei sumus, nec in nobis, sed in ipso; sicut ipse peccatum non suum, sed nostrum, nec in se, sed in nobis. Sic Augustinus. Sic h Anselmus, Ille peccatum, inquit, vt nos iustitia, non nostra, sed Dei, non in nobis, sed in illo: sicut ille peccatum non suum, sed nostrum, nec in se, sed in nobis. Vterque igitur cum Apostolo imputatam Christi iustitiam nobiscum agnoscit, vtcunque Synodus in hærentem iustitiam formam iustificationis faciat, & Rhenenses imputationem iustitiæ prophanè derideant, quam tamen Pighius confitetur. Peccator igitur mortuus in seipso, iustus viuit in Christo, & viuit non sibi, sed Deo: sed ita viuit, vt in se sentiat luctam illam spiritus & carnis, quam Apostolus non in alijs modò Christianis, sed in seipso ad aliorum consolationem agnouit. Non quod volo facio bonum, inquit Apostolus, sed quod nolo malum id facio: quod vir malus non malè expressit:

*Odi, nec possum cupiens non esse quod odi;*

*Hec quàm quod studeo ponere, ferre graue est!*

Nisi quòd Apostolus de motibus loquatur concupiscentiæ, quibus voluntas non consensit, iste de scædis affectibus, quibus voluntas se immerfit. Quos tamen vi naturalis conscientia odisse se dicit. Quo verò tempore primum homo viuere incipit in Deo, peccatum mori incipit in homine. Lethiferum enim in radice vulnus accepit, quoad reatum; donec autem perfecta sepultura sanetur remanet mortuum, non amputatum, vt humiliemur; non imputatum, ne deiiciamur.  
 » Habitat in nobis peccatum veluti lebusæus, subactus, non expulsus. Subactus timorem nobis eximit, non expulsus excutit securitatem, vt cum eo luctari multo sit salutaris quàm omnino hostem non habere. In hac lucta nobis gratia Dei succurrit,

MORTVVM EXCITANTIS.

ſuccurrit, duplici nos muniens ſacramento, Baptiſmi, & Coe-  
 nę Dominicę: illic fons regenerationis effunditur, hic pa-  
 nis vitę nobis apponitur: inde lauacrum ſalutare pollutis,  
 hinc conuiuium ſpirituale languentibus, vt vtrinque vires ad  
 luſtandum ſuſcipere poſſimus. Ita virtus Dei in noſtra infir-  
 mitate perficitur, quę cum ex noſtris cicatricibus pugnandi  
 ſtudium acuit, tum ex ſuis ſubindę ſuppetijs ſpem certam no-  
 bis vincendi facit. Nam ex lapſu luſtum elicit pro peccato,  
 ex luſtu luſtam incitat cum peccato, ex luſta victoriam pec-  
 cati ducit: ſic ex Theriace medicinam, ex morbo ſalutem pe-  
 rit. Nec interea nos interno ſolatio priuat, dum æternum tri-  
 umphum præſtolamur. Sed in luſta propitiatorium nobis  
 identidem oſtendit; poſt luſtam, quę deſinit in morte, con-  
 feſſum Sanctum ſanctorum aperit: ſic nec deſt pax conſcien-  
 tię viuīs, & aderit requies animę deſunctis. Ita fit vt hæ  
 fractę peccati reliquię filijs Dei per gratiam Dei proſint,  
 dum ex illis ſuperbię componit antidotum, ne ſuorum ope-  
 rum meritis inflentur. Quod deteſtabilior Synodi doctrina  
 cenſeri debet, quę fidelibus vitam æternam ex meritis ope-  
 rum reddendam eſſe decernit, quam Apoſtolus non ſtipem  
 ſerui, ſed hæreditatem filij proponit; non ſolutam ſpiritu-  
 ali obedientię, ſed datam ſpiritualei geniturę, vt Apoſtolum  
 exponit Auguſtinus: coronam iuſtitię reſpectu Chriſti, qui  
 meruit; coronam miſericordię ratione noſtri, quibus meru-  
 it, reddendam à iuſto Iudice, non ex pondere humani meriti,  
 ſed ex vi diuini promiſſi: & reddendam ſecundum opera, non  
 propter opera, vt ex Apoſtolo Gregorius Papa diſtinguit. Grego. in 7.  
 Studium igitur bonorū operum vrgendum, quia Deus te ſe- Pſal. poen-  
 cundum opera iudicabit: ſed meritum deteſtandum, quia te- tential.  
 nunquam propter opera ſeruabit. Quicquid enim recte facis  
 à Deo eſt: non eſt meriti humani, ſed beneficii diuini. Deo  
 igitur id debes, vt creatura creatori, vt mancipium redemp-  
 tori: agnoſce te ſeruum, qui iure Domino tuo debes obſe-  
 quium; quod te Deus appellet filium, agnoſce gratiam, non  
 obliuiſcere naturam. Neq; mereri te quicquam putes, quod  
 benefeciſti, quia facere debuiſti. Porro memento, operi tuo  
 quantumuis bono quod purè ſluit à Spiritu, admixtum tamē



fœcis aliquid à carne, vt hoc ipsum quoque quod iustè vide-  
mur viuere culpa sit, si opus nostrum cum iudicat diuina  
seueritas, apud se diuina misericordia non excuset. Ita vitium  
operis pœnitenti condonetur ex gratia oportet priùs, quàm  
opus ipsum coronetur ex promissione. Postremò statuit A-  
postolus, passionibus huius vitæ non esse dignas gloria quæ re-  
uelabitur. Vt si homo mille annis seruiret Deo, etiam seruen-  
tissimè, non mereretur ex condigno dimidium diem in reg-  
no cœlorum, quod dixit Anselmus: etsi millies moriamur,  
etsi omnes animæ virtutes expleamus, nihil tamen dignum  
possumus agere terrenis bonis, & præsentibus quæ à Deo  
quotidie percipimus, nedum cœlestibus & futuris, quæ ex-  
pectamus, vt Hieronymus, Chrysostomus, Basiliiſque do-  
cuerunt. At meriti ratione tollenda virtutis studium refrige-  
cet. Forſan in spurijs, qui Deo seruiunt animo serui & mer-  
cenario, sed in filijs non item, qui colunt Deum Patrem  
spiritu liberali & voluntario, quem illis Spiritus adoptionis  
dedit, qui testatur illorum spiritibus ipsos esse filios Dei, &  
hæredes cœli, & cohæredes Christi. Quòd si amor Dei ille  
gratuitus, quo motus te à morte ad vitam reuocarit, tibi quæ  
omnes tuas iniquitates remiserit, & sanarit angores, teq; sui  
misericordijs, (attende quid Propheta dicat,) nò tuis meritis,  
sed suis misericordijs coronarit; si amor, inquã, iste gratuitus  
tibi gratuitam obedientiam non eliciet, nihil vnquam eliciet.

Multa sunt argumenta mouentia, quibus persuadet nobis  
Apostolus vt piè, iustè, sobrièq; viuamus; vt operibus bonis,  
quæ quamuis non placet Deum, placent Deo tamen, illustre-  
mus Dei gloriam, nostramque nobis electionem & vocati-  
onem confirmemus. Sed nihil est paterno Dei amore poten-  
tius ad ingenuos filiorum animos permonendos. Est hæc  
voluntas Dei, sanctificatio & salus nostrum omnium; quos ad  
fines Deus nos elegit ab æterno; vocauit, & iustificauit in  
tempore; glorificabit in æternum. Ita misericordia Iehouæ  
ergà filios suos ab æterno in æternum; quibus salutem in e-  
lectione decernit, in vocatione declarat, in iustificatione in-  
choat, in glorificatione consummat. Qui Dei Spiritu persuasi  
certò sciunt sese in Dei gratia & esse iam, & semper fore; fide  
ingressi

Anselm. de  
mensura cru-  
cis.

Hieron in  
hunc locum.

## MORTVVM EXCITANTIS.

ingressi in statum gratiæ, fide stantes, fide sub spe gloriæ Dei gloriantes, vt docet Apostolus: quem locum sic Chrysostomus exponit, vt ei qui fidem suam obstrinxit Deo, non solum plenam factam esse sentiat oportere persuasionem de ijs quæ data iunt, sed de futuris, tanquam iam datis. Vt status regenerationis stabilior quàm creationis censi debeat. Fuit enim status primi Adami mutabilis, secundi immutabilis, cuius vera viuæque membra omnes filij Dei existimandi sunt. Quare si status Christi sit immutabilis, status verè Christianorum, qui Christo per fidem insiti fide sua viuunt, & viuent (vt ex Propheta notat Apostolus) immutabilis sit necesse est. Datum enim est Adamo, posse non mori, vt loquitur Augustinus: datum Christiano, non posse mori. Tria, Bernardus inquit, considero, in quibus tota spes mea consistit: charitatē adoptionis, veritatem promissionis, potestatem redditionis. Quæ sic roborant & cōfirmant cor meum, vt nulla me penuria meritorum, nulla consideratio propriæ vilitatis, nulla æstimatio cœlestis beatitudinis, ab altitudine spei deiicere possit in ea firmiter radicatum. Murmuret igitur quantum voluerit inspiens cogitatio mea, dicens, Quis es tu? aut quanta est gloria, quibusvè meritis hanc obtinere speras? Et ego fiducialiter respondebo, Scio cui credidi, & certus sum, quia in charitate nimia adoptauit me, quia verax in promissione, quia potens in exhibitione Deus meus. Hæc Bernardus ex Apostolo: qui statum regenerationis non modò promisso, sed iuramento Dei, cuique filio Dei certissime confirmatum esse demonstrat. Quem veræ fidei, & actuosæ charitatis, & viuæ spei, & seriæ pœnitentiæ, & nouæ obedientiæ compotem facit, & hæredem promissionis appellat. Cui Deus, vt Abrahamo Patri, sic Abrahami filio volēs vberius ostendere immutabilem consilij sui firmitudinem, non promisit modò, sed iurauit, se illi, quod promiserit, præstiturum. In Deo idem est iurare quod dicere. Tamēn vt nos validam consolationem habeamus, qui ad spem Heb. 6. propositam obtinendam confugimus, quam velut anchoram habemus tutam & firmam, intrā velum, id est, cœlum ingressam, quod ipse Christus præcursor noster est ingressus; per  
duas.

## SPECVLVM CHRISTI, ETC.

duas res immutabiles, promissum & iuramentum, statum nobis immutabilem confirmauit. Accedat ad iuramentum Dei oratio Christi, qua Deum Patrem orauit, vt nos eodem amore, quo seipsum comprehenderet, id est, æterno; & eadem gloria, qua seipsum, coronaret: sed non solum precatus pro nobis, sed etiam mortuus, immò rediuuius; & in cælum receptus, vt perpetuò pro nobis intercederet. Qui suum nobis Spiritum reliquit, quò cœlestem nobis hæreditatem obfigaret. Ergo Deus filijs salutem æternam suis, non solum promisso, sed iuramento, precatone & sacrificio Christi, & sigillo Spiritus sanciuir, vt de ea minimè dubitarent. Et tamen impia synodus decreuit, neminem scire posse certitudine fidei infallibilis se esse in statu gratiæ, nedum fore, sed de sua gratia quemlibet formidare ac timere posse. Vt omnia suprà posita ex Apostolo humanæ salutis fundamenta penitus euertisse videatur, quemadmodum ex Pontificij symboli explicatione constabit. Restitit huic tam impio decreto etiam tum in ipso Concilio Antonius Marinarius; qui credentium & perseuerantiam securam, & securitatem perseuerantem fidenter prædicauit. Restitit Ambrosius Catharinus, qui defendit filium Dei certitudine fidei nosse seipsum esse in statu gratiæ, & iustum posse æquè esse certum se stare in gratia, ac quisquam potest esse certus esse Romam, etiam sine dubitatione ac timore, vt apertè Concilio contradiceret. Opposuit se post Albertus Pighius, qui iustitiam nobis per solam fidem ad vitam imputatam data opera defendit. Accessit Concilium Colonienſe, in quo multi docti Theologi. Verum est, inquit, & requiritur ad hominis iustificationem, vt certò credat non solum in genere, eos qui verè respiciunt veniam per Christum adepturos; sed hominem ipsum qui credit, remissionem peccatorum obtenturum per fidem in Christum: quod ex Apostolo, Bernardo interprete, didicerunt. Habes, lector, speculum Christi, synopsis Apostolicæ doctrinæ necessariò præpositam Tridentinæ, quæ nostram anathemate percellit, plenius post explicandam & propugandam. Cuius ea vis est, vt humanæ reseceat superbiæ plumam, diuinæ proferat gratiæ gloriam, pietatis aciem ingerat stimulum, salutis

Enchiri. Christi.  
stia. instit. in  
Concil. Colo-  
nien. pag. 139.

# EPISTOLA AD LECTOREM.

salutis firmam statuatur anchoram: ut filij Dei in peccato humiles, in beneficio grati, in vita sancti, in morte alacres redderentur.

*Quam doctrinam synodus conuellit: ex qua duodecim noui proderunt articuli fidei, quos Pius quartus in symboli formam reductos imposuit per bullam suis sub iuramento publicè profuendos.*

*Qui quamuis ab hereticis orti & profeminati fuerint, tamen & orthodoxa fidei nomen præferunt, & Apostolos ementiuntur parentes, quò se Christianis insinuent pluribus. Ut Lambertum olim accepimus simulato comitis Varuicensis nomine & sanguine sectatores habuisse non paucos, cum reuera sacerdotis nequissimi spurcius exiisset. Ita duodecim symboli Pontificij nothos plane atque adulterinos articulos quisquis cum veris illis symboli Apostolici & germanis articulis compararit, nihilo similiores Apostolicis, quam sacrifici Symondi nothum Ducis Clarentia filio fuisse reperiet. Iamdiu scholastici & canonista acriter inter se litigarunt, utrum Pontifici novos articulos fidei condere liceret. Hic Bellarminus nuper tanquam honorarius arbiter rem determinat in Torto. Articulos in duo genera diffindit. Alios immediata reuelationis esse scribit, alios ex ea deductos & explicatos, qui tamen fide Catholica credi debeant. Quàm ineptè post videro: nunc quid teneant, ostendo. Primi generis articulos Bellarminus à Papa còdi negat posse. Quod perinde est ac si negaret Solem à Papa condi posse, iam globo suo Dei manu tot antè seculis affixum. Secunde editionis articulos à Papa condi posse disertè affirmat. Quasi diceret, Cuius libri se explicatorem atque interpretem profuerit, eiusdem se authorem esse & conditorem.*

*Iam deductos Iesuite in alia duo membra secuerunt, quamuis inter se tanto artificio intertextos, ut distingui difficillimè queant. Alios enim practicos ponunt, quibus per duellio alitur; alios dogmaticos, quibus superstitio fouetur. Illos mysticè & occultè serunt, hos verò palàm & apertè. Practicos statuo & mysticos illos de Papali potestate in deponendis Regibus per sententiam excommunicationis, & absoluendis subditis à iuramento fidelitatis: de rebellionibus & coniurationibus celandis sub sigillo confessionis, de clericis eximendis à iudicio Principis sui secularis, de potestate Pape suprà Concilium, ceterisque sceleratis propositionibus generis eiusdem,*

EPÍSTOLA AD LECTOREM.

quas Parisiensis curia nuper ingulavit. Et sacerdos quidam moderatus, ut inscribitur, responfor, quo tectius & impunius professo superstitiois articulos doceat, mysticos illos perductionis articulos peruellit: quam ob causam scribit salarium sibi suūq, ordinis sacerdotibus à Pontifice denegatum. Cui respondeat censeo, sicut asina Balaamo, Annon ego sum animal tuum, cui insidere consuesti usque in præsentem diem? dic quid simile tibi unquam fecerim? & nunc quia te veritatē docens semel offenderim, tu me verberabis? & meū mihi pabulū denegabis? Si me audiant huiusmodi sacerdotes, tā ingratū & iniustū dominum planè relinquant, & ad nos se recipiant. Nam vereor ne, dum ipsi inter nostrates apertos superstitiois articulos furtim dissemināt, ut eos à fide Christi auferant, Iesuitis discipulos præparent, quos illi non multò post occultis perductionis articulis imbuant, & à fidelitate atq, obediētia Regis abducāt. His sunt deducti ex deductis, veluti spurij quidam ex spuris orti, viperæ nata de viperis, posteriores prioribus nequiores, mox daturi progeniem vitiosorem. Deducti autē ex immediatis reuelationibus, ut finguntur, veritatē hæresi præstruunt, ut eorum authores insitiam sceleris prætendunt. Sed est hoc omnium hereticorum ingenium, ut ex generali veritate proposita semper assumant atque eliciant hæresim, quæ quasi venefica deceptis sacrum immittit furorem mentibus. Pelagiani è generali gratia & diuini auxilij propositione speciale quoddam hæresis sue assumptum venenum tantò facilius simplicium animis instillarunt. Pontificij reuelatos illos articulos de Christo generatim tenentes, hereticum virus animis infundunt alijs dulci generalium sapore conditum. Exemplū unum apponam, quod pateat latius. Christum in genere credunt ascendisse in cælum, sedere ad dexteram Patris, indeq, venturum ad iudicandam viuos & mortuos. Tamen inde Christum sacerdos quotidie deducit, è cælo videlicet in sacramentū, ut in sacramento sit corporaliter præsens, quæ patet cælo contineri oportere, donec omnia consummentur. At hic distinguunt Christum venturum è cælo semel visibiliter ad iudicium, sed venire quotidie inuisibiliter in sacramentum. O præclarā deductionem, quæ principium, unde exprimitur, vertit. O distinctionem egregiam, quæ primarium articulum distinguendo penitus extinguit! Sed ita nimium hæresis labro poculi quasi melle illito guttatum influit inmundus & illabitur. Vt Pius quartus vetus

EPISTOLA AD LECTOREM.

Et verum Symbolum Constantinopolitanum, quod & Romanum appellant, proœmium fecit introducendo nouo & suo. Quod cum mihi indignum videretur, nouum hoc fidei Symbolum à Papa sacrilega mente compositum, totius Antichristianismi quasi compendium, latino Dialogo disceptandum putavi, tributo in libros tres. Primus Dialogus Antichristum inducit, ut actorem in scena: secundus & tertius, ut Doctorem in Cathedra. Primus proximæ bellæ plenè describit, ideoque inscribitur Pragmaticus Antichristus, siue Hildebrandus rediuuius. Nomen sumens à Cesare Baronio, qui ut Paulum quintum in Venetos incitaret, Videre mihi videor, inquit, sedentem in Cathedra Petri Gregorium septimum, & Alexandrum tertium, duas radices Ecclesiastica iam collapsa liberatis, ambos ex Senensi metropoli, vnde vestra Sanctitas originem ducit: quorum alter expugnavit Henricum peruersissimum Imperatorem, alter mira constantia resistens, Fredericum penitus superavit. Idem tibi certamen ineundum. Ergo Paulus quintus Baronij iudicio Hildebrandus rediuuius. Quod si Papa cum Principibus, ut Baronijs hortatur, Gregorizet aut Alexandrizet, oro Deum per Iesum Christum, ut seruet Principem, qui cum Papis, sed meliore successu, Henrizet atque Frederizet. Secundus & tertius Dialogus Antichristi Dogmata disceptat, ideoq; Dogmaticus inscribitur Antichristus, siue propriè Symbolum Pape, quia continet articulos publicè profitendos: imprimisq; primatum illum incomprehensibilem, qui Papis est transcendens, cum Apostolis non sit Ens, caput Golia, caput malum, caput malorum omnium, quod in secundo Dialogo cernes omni ratione defensum, tamen lapide à verbo Dei iacto dices comminutum. Sed quoniam sceptrum ex pedit fecit, secundus Dialogus propriè rectè inscribitur, Pastor regnans. Sequor, ut possum, non passibus aënis, eximios quosdam Patres Ecclesiæ nostræ, qui cum Antichristi graues, ut videntur, & probabiles opiniones grauiter & solidè refellunt, tum ineptas & noxias institutiones lapide nonnunquam falsèq; derident. Ludit interdum veritas hæresim, quia secuta est, ut ait Tertullianus. Dedecet certè Theologum scurrilis iocus, non dedecet ingenuus ex re causaq; natus lepos, quem cuique etiam temperatissimo non exprimere non potest in fida gravitate & pastoritia maiestate sua ridiculus Antichristus. Prudentè Poeta,

Cæsar. Baron.  
in sentent sua  
cont. Vene-  
tos.



Fortius & melius magnas plerumque secat res.

*Verum Pontificij egre ferunt Papam suum Regi collatum derideri, quasi suum in Iaponia protulisset imperium ultra campos Cuticulindonios: & Cardinalis vanitatem Regi sese arrogantissime componentis festinè nonnunquam vellicari dolent: sed prorsum illud in Purgatorio florentissimum à docto sene confictum eludi ioco permolestè audiunt. Sed quis tam odiosas comparationes, tam superbam vanitatem, tam aniles fabulas non ioco potiùs eludendas, quàm gravi argumento diluendas arbitraretur? ut impius Baalitarum ineptias Propheta derisit pluribus, & Pseudoapostolorum circumcissionem Apostolus concisionem lepidè appellavit. Adèò ridicula sunt nugæ, quas isti pias fraudes appellant: adèò fastuose vanitates, quas populo decepto, quasi frena quadam inijciunt, ut vir prudens etiam in media Papismi nocte Papam non deridere non posset. Henricus secundus cum Papæ nuntium Vindefori laurè accepisset, & ceruum venando iam cepisset, Viden', inquit, domine, quàm præpinguis sera sit, & tamen Missam nunquam audivit. Et cum alius Papæ nuntius Ottobonus, nobiles Angliæ quosdam rebelles ut diris configeret, ad castrum Killingworthi purpura & galero indutus accederet, ferunt illos statim albo indutos indusio vestitum excitasse Chirurgum quendam, qui Ottobonum anathemate repungeret, & iocum addidisse, Anathema candidi non minùs quàm rufi sacerdotis esse metuendum. Quod licuit Regibus & nobilibus Pontificijs Papæ filijs, in Papalem superbiam & superstitionem dicta dicere: liceat Regi, qui Papam patrem non agnoscit, superstitionem, quam ex verbo Dei non modo noxiam, sed insulsam esse didicisti, nonnunquam falsè dicto perstringere. Ut doctus ille Marxinius in Alueario, cum ceteras Papismi lenitates, tum scilicet hasce inferni cellulas perpetua quadam ironia & faceta prævaricatione derisit. Miror equidem ni Papa & Bellarminus tanquam duo aruspices rideant inter se, quòd orbe tam habeant aptum cui imponant. Ego meherclè non scommata, sed argumenta confector. Et doleo magis quàm rideo, cum Papam, magnum Dei flagellum considero, nec Papistam odi, sed Papismum: hæresim, non homines merdeo: hæresi exitium, hominibus salutem exopto.*

Hunc nostri seruare modum didicere libelli,

Parcere

# EPISTOLA AD LECTOREM.

Parcere personis, dicere de vitijs.

*Ne Iesuita quidem personam taxandam putarem, nisi quod personam nobis omnibus vita nostra chariorem, quam militari obijcit gladio, calamo prius vulnerat asserino. Cuius liber illis conuiiatoribus, si esset in illis ulla vel mica gratia, ad salutem prodesse plurimum potuisset; cui verè quadrat illud prudentis Poeta:*

Omne tulit punctum qui miscuit vile dulci.

*Verùm cum Iesuita sese non Aristarchos modo scriptorum nostrorum, ut inquit Orator, sed Phalares censores ostendant, neque Cicer. in notam apponant ad scripta, sed Scriptores flammis & ferro persequantur: nec libros nostros modo nigro sale, sed & Curiam stygio puluere perspergant, gratias habeant nostris, qui pro factis talibus dicta regerunt: & ab ijs senonnumquam styli libertate perstringi ferant, quos sceleris sui furore violarunt, Quò quidem omnes nostri Scriptoribus nostris pietate doctrinæque prestantibus equiores esse deberent: quos à quibusdam tamen audio (paucis illis quidem, ut spero, falsis fratribus,) Iani similibus, interdum carpi leniter atque arrodi solere. Qui si nostri non sunt, dignius faciant, si seipos magis aperiant: si nostri sunt, ut esse malo, sanctis nostrorum laboribus faueant. Nisi fortè audire cupiant ex aliquo scriptore nostro, quod ex Martiali quidam criticus audiuit mox Lelius:*

Cum tua non edas, carpis mea carmina Læli.

Carpere vel noli nostra, vel ede tua.

*Nam molestum & indignum est illorum scripta Theonino dente clam circumrodi à falsis fratribus, quorum iugula cumprimis leonino rictu palam petuntur ab apertis inimicis. Nemo ferè Scriptorum nostrorum est, qui non Papam scripserit esse Antiebristum. Sed sunt quidam apud nos homines moderati valdeq. politici, qui tam aculeata conclusione irritari & exacerbari aduersarium, & compositionis inter partes pacisq. spem omnem penitus praecludi nolint: inter quas verborum magnam putant, rerum paruum vel potius nullam discrepantiam: Deum utrique Ecclesia peræque charum, Deo utriusq. Liturgiam peræque gratam videri: in utraque salutem esse, cum utraque Christo fundamento nitatur: posse Papistam etiam, quamuis claudicantem, ad cælum accedere: nec tantum odium Papistarum esse, quantum nos facimus; nec ab ipsis*

# EPISTOLA AD LECTOREM.

sua sponte conceptum, sed huiusmodi dentatis argumentationibus incensum: Remq; facillimè conuenturam fuisse, nisi quidam feruentiores Theologi literè exculcerassent. Hec tepidiores quidam Christiani neutriq; & utrique videntur moderate & politice disputare. Sed tua, Christiane lector, religiosa prudentia melius nouit, Synagogam Romanam esse idololatricam, idèoque Deum odisse, Moyses iudice, Deoque vicissim exosam haberi: nec Cainum vlla Abelis iniuria, sed sua malitia pietatisque odio prouocatum fuisse: & quamuis uterque in Adami domo Deo facere soleret, Caini tamen sacrificium reiectum, Abelis acceptum: Deoque propter personam opus, non propter opus placuisse personam; id quod S. Gregorius ex Moese colligit; eò quòd persona prius fide inusta exstitisset, ut docuit Apostolus, Hebr. 11. Neque ideo minùs realem esse inter Papistam & Protestantem, quam inter Cainum & Abelem cultus & fidei differentiam. Nec minùs implacabilem animum Synagoga in nostram Ecclesiam, quàm Caini in Abelem, aut Ismaelis in Isaacum fuisse: eumque non prius contentionis flabello, quàm promissionis odio excitatum. Ac quemadmodum Ismaelis odium in promissionem, quam irrisit, larua quadam circumcissionis obiectum, in filium promissionis erupit: sic odium synagoga Romanæ in Scripturas sanctas, promissionis tabulas, latens & occultum, ut dixi, & voluntaria quodam integumento religionis obuolutum, in Ecclesiam nostram promissionis heredem grauiter exarsit & excanduit, sic ut iterum Agar Saram, serua Dominam in domo Abrahe persequi nunquam desinat. Cum autem Caini sacrificium eque ac Abelis acceptum Deo probari possit, Papizantium Missam eque gratam Deo ac Protestantium Liturgiam esse concedam: & cum Christum solum fide apprehensum sine nostris operibus euinci possit, non esse Ecclesie fundamentum, utriusque Ecclesie idem esse fundamentum largiar. Postremò cum Ismaelem filium serua natum vi natura, vna cum Isaaco filio libera nato vi promissionis, Abrahamica familia coheredem esse constabit, Papistam obstinatum dabo claudicantem posse ad cælum accedere. Interea claudicantes hosce & tepidos Protestantes admonebo, ut de rebus Dei ex certa Dei veritate, non ex preuaricatrice charitate sua sententiam ferant: & media consilia nulla putent esse consilia, nec Papam molliùs à se tractatum & leniùs, mitiorem sibi ac faciliore

fore

## EPISTOLA AD LECTOREM.

fore confidant. Quem nos ex sancto Paulo & Iohanne ab eximjis Ecclesie nostra proceribus luculenter exposito, durius & rigidius aliquantò, ut nonnullis videmur, breuibus demonstramus conclusionibus esse Antichristum. Est hec gravis admodum & obscura, fateor, prophetia: cuius granitas fabularum vanitatem respuit, obscuritas interpretationis lucem pleniorē requirit. Ita fit interdum explicatio latior, conclusio semper pressior. Equè enim in vitio est, cum res grandes atque abdita tractantur, curta expositio, & longa conclusio. Nam curta expositio caret lumine, & longa conclusio caret acumine. In utraque peccat aduersarius; nam dum in huius vaticiniij interpretatione versatur, & res grandes attenuat, nec abditas illustrat: siquidem sublimitatē prophetie infercienda fabularū multiplicium lenitate depressit, & incertis Patrum coniecturis, nudisq; nominibus fere contentus non dispulit obscuritatem. Unde fit, ut ex alienis atq; heterogeneis prophetie expositionibus inertes & elumbes eliciat conclusiones. Nos quidē in huius enodatione mysterij S. Patres nonnihil innāt, plus innarent, si vates extitissent. Sed cum ipsi, autore Daniele, prophetie intelligentiam ex impletionē sumēdam esse docuerint, & veritatem temporis filiam esse concesserint: nos, qui in fines temporum incidimus, prophetie membra omnia inter se cum summo studio & reuerentia conferentes, & textui à contextu, contextui ab euentu lucem inferentes, eò quod Christus librum signatum resignauerit, nec Apocrypsim sed Apocalypsim nominarit, fidentiùs conclusionem inde deducimus, non ut articulum fidei, sed ut doctrina Christiana apodixim certissimam. Quanquā Synagoga Pontificia, quæ sine villo Scripturæ testimonio facit hunc decimum tertium articulum fidei sue, Credo Papam esse Christi vicarium: meritò deberet reformatæ Ecclesie condonare, si tot edocta Scripturæ testimonijs hunc articulum faceret fidei sue, Credo Papam esse Antichristum.

Iam preuidebam cum speculum Paulo quinto inscriberem, fore, ut Iesuitis qui magnū Britannia Regem famosis libellis contumeliosissime crebrius appellant, crebra hæc mea Papa sui compellatio bilem commoueret. Quid enim, inquierit? Tu tantum Principem, ut est Papa, toties compellare audeas homo obscurus? aut tantum doctore conuertere te speres Minister hereticus? quibus nihil aliud assequutus es, nisi ut ab omnibus tua stultitia cognoscatur & arrogantia.

# EPISTOLA AD LECTOREM.

gantia. Hec ego praefatio Iesuitici styli fore emblemata, quibus, te lector arbitro, breuiter ante respondeo. Papam à suis magnum Patrem haberi video, sed paruum Principem, à vicinis Principibus magnis in exiguum angulum meridionalem quasi contrusum: sed quantus quantus est, Papam ego compello non ut politicum Principem, sed ut politicum Antichristum. Ciuili cuiusquemodo faueo dignitati, spiritali non parco impietati. Sed quid? Egone Papam conuertendum suscipio? Non plus certè quàm lauandū Ethiopem. Non sic insanio. Scio ventrem aures non habere. Ac fortasse Paulus quintus, ut fertur, est mortuus? Quid tum? At Paulo mortuo viuit Papa: uno capite succiso crescit alterum. Est enim hydra Papatus. Ego verò non hunc vel illum Papam, sed Papam Antichristum esse defendo.

Restat nunc, Christiane lector, ut te per tuam salutem exhorter & obtester, ut contempto synagoga odio Christum quamuis tibi notum bene, mecum melius indies de Scriptura nosse cupias, quò melius utrique notum feruentius amemus, & amatum studiosius imitemur: deinde Antichristum tibi iam forte suspectum, mecum certius ex prophetia impletione cognoscas, quò cognitum utrique odio sancto, execrationeque debita persequamur.


Quam ad rem primò tibi proposui speculum Christi,

& synopsis Christianismi: nunc propono speculum Papa, & effigiem Antichristi.

SPECVLVM



# SPECVLVM PAPÆ.



Nſtituenti mihi, Paule Quinte, eum  
ſermonem referre, & Latinis man-  
dare literis, quem de nouo Papæ  
ſymbolo per te nuper reuſo vtrò  
citroq; doctiſſimi homines habuiſ-  
ſent; verum Papæ ſpeculum, hoc eſt,  
expreſſam Antichriſti & viam effi-  
giem à S. Paulo & Iohanne prophe-  
ticè delineatam toti Dialogo viſum

eſt præfigere, tuoq; inſcriptum nomini diuulgare: partim  
vt te tibi oſtenderem cum illo tuo ſacrilego locuſtarum, ra-  
narumq; comitatu; partim vt ingenuos Papiſtas, vbi Papam  
intùs noſſe cœpiſſent, ab inſano Papiſmi amore reuocarem:  
partim, vt Chriſtianos Reges & Principes, qui Papæ fauent,  
vbi illum & diuini Teſtamenti & Regalis imperij capitalem  
hoſtem eſſe perſpicerent, ad Chriſti Regumque Proteſtan-  
tium partes tuendas aggregarem. Dabunt mihi, ſpero, veniã  
illi præſtantes artiſces, qui nuper imaginem bellux mem-  
bratim ac propè articulatim expinxerunt, quòd eandem ab  
illis latiùs deductam, in breuem tabulam ac veluti pugnum  
compegerim. Dedi enim operam vt diſſuſas aliorum diſpu-  
tationes coarctarem, & in breues ſubinde concluſiones con-  
ijcerem. Nam hoc concluſo & probato, Papam Romanum  
eſſe illum Antichriſtum qui reſertur in Speculo, ſequitur ne-  
ceſſariò, Papiſmum in ea parte quæ inter nos controuerti-  
tur, eſſe Antichriſtianiſmum, qui continetur in ſymbolo.

*In quo status Questionis verè proponitur, & exponitur  
Quid sit Antichristus propriè dictus.*



C primò statum & punctum huius primariæ controuersię verè & breuiter proponam, atque exponam Quid sit Antichristus; nec cum ad manus, id est, ad conclusionem deuenero, non hostem, sed umbram hostis ferire videar. Nostri ferè apud Daniele Antichristi typum, apud Iohannem ipsum inuestigant: vestri apud Daniele, vbi typus eius est, ipsum quærunt; apud Iohannem, vbi ipse est, cauent, ne inueniant. Nam illic pro sensu literali vrgent mysticum, hic pro mystico premunt literalem. Illic vbi Daniel Propheta historicè ac propriè depingit Antiochum Epiphanem, propriè describi somniant Antichristum. Hic vbi Iohannes Propheta mysticè, sed ex professo & ad viuum delineat Antichristum, qui marinæ bestię simulachrum mysticè animet, & ignem è cælo mysticè deducat, eiusmodi fingunt Saganam & quasi Canidiam, quę ligneis quibusque imaginibus motum, mortuis vitam, mutis vocem reddat, & verum è cælis ignem deuocet. Illic decem cornua, quę sunt ex Macedonici imperij diuisione & ruinis orta, decem Reges, septem Seleucidas & tres Lagidas, qui sibi inuicem in regno Syrię successerunt, Iudæamque pupugerunt, & ante Christi aduentum ceciderunt, sumunt pro decem cornibus, siue decem regibus illis, qui post Christi discessum ex Romani imperij post tot sæcula dissoluendi diuisione, & ruinis extiterunt: qui vnà cum bestia regnum acceperunt, nec sibi in eodem regno inuicem successerunt, sed in diuersis prouincijs eodem tempore regnarunt; nec Iudæam deuastarunt iam antè subuersam, sed Romanum, vt vestri putant, imperium, vt res est, Pontificatum penitus euertent & excident. Ita dum Doctores tui in Apocalypsi libro mysterijs pleno literalem & proprium sensum confectantur, vide quàm lepidum & penè comicum ponant Antichristum. Quem S. Iohannes bestiam bicornem dixit, verè bestiam



fliam cōrnutam facient. Duos testes quos S. Iohannes duas oliuas & duo candelabra vocat, si duos homines ad literam vrgeant, id est, Enochum & Eliam ab Antichristo interficiendos, Antichristum valde terribilem fignent, qui oliuas & candelabra interficiet. Si testes duo verum ex ore ignem euoment, hostes igniuomi statim absument Antichristum. Si Antichristus cōtrā verum è cœlo ignem deripiet, & imagunculas quasi totidem Pigmationes animabit, quas, si meminerint, adorari faciet, egregium in scenam magum inducent; ita grauissimam Spiritus sancti prophetiam prophani homines in ridiculam comœdiam commutabunt. Porro dum Danielis historiam cum Iohannis Apocalypsi peruersè comparant, non modò res rebus, sed sæcula sæculis ita confundunt, vt nisi homines vel mortuos extrahant è sepulchris, vel Reges faciant antè quàm natos, eorum interpretationes coherere non possint. Solem medijsfidius, Paule Quirte, non quindecim gradibus, vt in horologio Ahas, sed plus mille gradibus reducant oportet, vt hæc inter se congruant. Beatus Iohannes ex composito scripsit Antichristi mysterium, Paulus commentarium. Nostri dum mysterio Iohannis lucem inferunt ex Pauli commentario, vestri tenebras inducunt ex Danielis vaticinio; quod ego (pace Doctorem, qui contrā sentiunt, dixerim) si vnā propheticā de resurrectione consolationem exceperis Cap. 12. totum intra septingentos annos impletum possem euincere, si numeres ab eo tempore, quo Ierusalem capta est à Chaldæis, ad id tempus quo deleta est funditus à Romanis. Quare typum Antichristi, si placet, ex Daniele sumamus, ipsum in S. Iohannis prophetia inueniemus & Pauli, quam vestri non minùs obscurare studuerunt, vt statum quæstionis penitus inuerterent. Vnde sic à Becano tota hæc quæstio constituitur, An Antichristus propriè dictus venerit in persona sua? quemadmodum etiam antea à Bellarmino. Vterq; igitur vnum & singularem hostem fingit, vt articuli, inquit, appositio fert. Notat enim articulus semper vnum indiuiduum. Errat. Nam sæpe vnū genus, vt eodem loco *ἡ μαρτυρία*, vt Patres exponunt, & Pontificij agnoscunt, ille qui obstat, Imperatorem notat

Beca. in spec.  
exam. Antich.  
reform. c. 10.

in genere, non hunc vel illum Imperatorem. Et Matthæi 16. ver. 18. non solum articulus, sed pronomen etiam demonstratiuum apponitur, ἐπὶ ταύτῃ τῇ πέτρᾳ: quo tamen non vnus modò Petrus à vobis, quamuis falsò, intelligitur, sed Paparum successio: ergo articulus vel hic ponit Antichristum in successione, vel illic non ponit successionem in Papa. Vtrum horum maior accipe. Vtrumque video & Bellarminum & Becanum, prius an sit, inquirere: deinde quid sit, indagare. An sit Antichristus in Scriptura præmonstratus, nulli dubitant: an sit in orbe monstrandus, nulli dubitandum relinquam, si prius quid sit, inquiremus. In quæstione quid sit, vt Antichristum, vnum & singularem hostem ponunt, ex articuli appositione; sic ex nominis compositione ἀντὶ & ἔχριστος, Christi æmulum & aduersarium dant, vicarium negant. At S. Iohannes terrenam bestiam, quæ fatente Bellarmino significat illum Antichristum, dicit habere duo cornua non agnina, sed agnina similia: loqui autem vt Draconem. Habet igitur Antichristus Agni cœlestis speciem, sed Draconis infernalis vocẽ. Simulatione vicarius, veritate aduersarius, vt primum ex rei, deinde vocabuli definitione constat. Nam quid possunt esse aliud duo cornua Agni, quàm duo officia Christi, sacerdotale & regale? quæ bestia se gerere simulat vice Agni: vnde concludo.

Bestia simulatus Agni vicarius, teste Iohanne.

Antichristus est bestia, fatente Bellarmino.

Antichristus igitur simulatus Agni vicarius.

*Non vicarius, inquit, sed æmulus & aduersarius.* Immodò vicarius personæ, vt sit æmulus gloriæ, aduersariusque doctrinæ. At id nominis compositio non fert. Nam ἀντὶ in compositione notat tantum est emulationis & oppositionis. Immodò etiam substitutionis & surrogationis. Nam ἀντὶπαρῶς significat non modò contrariæ partis ducem, sed Proprætorem, qui eandem auctoritatem habet in prouincia, quam Prætor in vrbe: interdum eum, qui est vice prætoris, vt legatum prætoris. Habet omnes significationes in vno verbo: quâto magis in diuersis? vt ἀντικειμενὸς oppositionem, ἀντιδὸς & qualitatem, ἀντιπαρῶς substitutionem notat.

Aduersarius.  
Par Deo.  
Procontul.

Antichristus.

Antichristus omnes hasce continet significationes, qui cum reuera sit aduersarius, tamen & authoritatem Christi vendicat vt æqualis, & locum occupat vt vicarius.

Papa Christi vicem gerit, æmulatur honorem, oppugnat fidem.

Ergo actu vicarius, factu æmulus, animo aduersarius, hoc est dicere, Antichristus.

Quem D. Iohannes in Epistola dicit fuisse suo tempore: 1. Ioh. 2. vers. nani loquitur de propriè dicto Antichristo, vt fatetur Bel- 18. & 22. cap. larminus, cui articulum apponit ð. D. Paulus eundem affirmat tum clàm operari cœpisse, postquam id quod obstitit, è medio sublatum est, suo tempore reuelandum, sessurum & dominaturum in Christi Ecclesia tamdiu, donec Christus ad iudicium veniret; minuendum illum quidem & paulatim consumendũ spiritu oris Domini, id est, ministerio verbi, sed splendore aduentus Domini penitus abolendum. *Non igitur vnum hostem singularem venturum in persona sua, vt fingit Beccanus.* Nisi fortè putet vnum eundemque hominem numero ab Apostolorum ætate vsque ad Christi aduentum viuere potuisse. Sic enim ex præmissis breuiter argumentabor.

Si ille Antichristus fuit Apostolorũ temporibus, pòst autem reuelandus, in Ecclesia dominaturus, nec ante Christi aduentum abolendus: certè vna & singularis persona esse non potest. Nisi fortè ab Antichristo Mathusalem somnient multis centenarijs superatum.

Verum est autem Antecedens, vt S. Iohannes & S. Paulus manifestè probant.

Verum igitur & consequens.

Nam quòd Antichristum. communiter dictum à Iohanne in Epistola, dicunt Apostolorum ætate venisse; Antichristum autem propriè dictum in Apocalypsi nondum venisse: primò sibi satis ipsi non constant, qui alibi ob præpositionem articuli, à Iohanne in Epistola propriè dictum Antichristum intelligunt. Deinde quamuis communiter dictos. Antichristos ibidem commemoret, paruos & minutos, quos per se consideratos fateor magni illius Antichristi præcursores fuisse,

1. Ioh. 4. 3. &  
2. 18. 22.

Bell. de ponti.  
Ro. cap. 10. &  
cap. 15. lib. 3.

fuisse; tamen illud addo & confirmo eosdē etiam partes grandis illius bestię verē esse dicendos, vt Paulus in huius mysterij commentario luculenter exposuit ipse. Ait enim illum, qui tum occultē cœpit operari, ad Christi vsque aduentum duraturum. Non igitur potuit esse animal trimum subito ortum, subitoque extinguendum. Verū, vt minuti riuuli in suis alueis decurrentes separatim denominantur, sed in Thamesin aut Sequanam influentes, nomen amittunt suum, & magnum amnem conficiunt: sic minuti & communiter dicti Antichristi in suas hæreſes delabentes, seorsim confiderantur; sed ex alueis suis in grandem illum Antichristum velut in torrentem sese exonerantes, nomen suum deponunt, & grandem illum Antichristum constituunt. Itaque Iohannes in Epistola dicit illum Antichristum tum fuisse, & post futurum. Quomodo, inquires? Nisi fuisse in occulto, futurum in propatulo: fuisse infantem, futurum virum. Erant hæc quidem hæreſes, erat hæc apostasia, de qua loquuntur S. Iohannes & S. Paulus, *dispositio*, vt Bellarminus fatetur, *tendens ad regnum Antichristi*. Rectē dicit ad regnum, non ad partum. Nam tum est ortus, sed ad regnum Antichristi, non ad essentiam eius, qui tum fuit, vt ait Iohannes, sed ad reuelationem eius, qui tum latuit, vt ait Paulus. Cœpit igitur in illis hæreſibus apostasia, in qua tum fuit Antichristus, quam Paulus duraturam docet non modò ad reuelationem & regnum, sed ad diminutionem atque interitum Antichristi. At hæc apostasia non potuit esse triennij aut vnus hominis. Antichristum igitur illum non vnum singularem hominem, sed successionem hominum esse conuincit. Porro duæ bestię descriptæ à Iohanne in Apocalypſi, marina & terrena. Marina vobis statum significat Romani imperij, terrena Antichristi. At marina non significat hunc vel illum Imperatorem tantum, sed successionē Imperatorum. Ergo terrena non significat hunc vel illum Pontificem tantum, sed successionem Pontificum, quorum plurimi grandes bestię extiterunt. Vt nec bestię apud Danielem quatuor, ex quibus Apocalypſica bestia componitur, Reges singulares, sed regna designant; Hic Bellarminus contra nos topicē, vel potius typicē disputat.

*Qualis*

*Qualis figura, talis res figurata.*

*Antiochus figura Antichristi homo singularis.*

*Ergo Antichristus res figurata homo singularis.*

Propositio si sit generalis, planè falsa est. Nam proportio inter figuram & rem figuratam non tenet in omnibus, sed in ijs tantum, in quibus comparantur. Multi sæpe typus vnus, vt multi summi Sacerdotes vnus Christi: & vnus typus vnus, vt Melchisedec Christi; quem vos tamen vnum facitis typum multorum Sacerdotum. Non igitur, quia vnus homo Antiochus typus, ideò vnus homo Antichristus. Non stat comparatio in vnitae personæ, sed in similitudine naturæ. Ergo si generaliter sumpta propositio planè falsa est: si particulariter, argumentatio mera fallacia est. Sed si libet à typo argumentari, repono illi argumentum à typo, cuius author est Spiritus.

Prima bellua, id est, Romani Imperij status, bellua multorum capitum.

Secunda, id est, Antichristi status imago primæ, teste Iohanne.

Ergo Antichristi status est bellua multorum capitum.

Quot autem capita, tot personæ. Vt igitur status Antichristi referat statum imperij, non in vna persona tantum, sed in multarum personarum successione consistit. Quod cum dicimus, non id debet in præiudicium verti sanctorum Episcoporum, qui Romæ sub Imperatoribus sanguinem fudere pro Christo suum; sed in opprobrium successorum, qui Scripturæ sanctæ regulam relinquentes, fudere sanguinem alienum. Non enim Roma regenerata & patiens, sed Roma degenerans & persequens, sedes bestię multicapitis haberi debet. Quod ita tamen intelligendum est, bestię caput esse vnum tantum vno tempore, multa successiue: cui multa Deus permisit, vt faciat:

1. Vt cornibus duobus agnum simulet.
2. Vt loquatur sicut Draco.
3. Vt potestatem faciat prioris bestię in conspectu eius.
4. Vt faciat terram & inhabitantes in ea adorare priorem bestiam.

5. Vt bestia prioris lethale vulnus curet.
6. Vt imagini prioris bestia spiritum & vocem reddat.
7. Vt imaginem bestia adorare nolentes occidat.
8. Vt fallacia edat miracula, nominatim, vt ignem faciat descendere de cœlo in conspectu hominum.
9. Vt nomen gerat bestia, & nomen hominis, & numerum nominis eius, id est, numerum annorum sexcentorum sexaginta sex.
10. Vt e nomine characterem bestia omnibus imprimat vel in fronte vel in dextra gerendum.
11. Vt interdicit ne cui liceat emere vel vendere sine bestia characterem.

Hæ sunt bestia secundæ, hoc est, Antichristi germanæ notæ vobis interpretibus, quamuis vestris interpretationibus miserè detortæ, vt paulò post constabit.

Nunc hoc sumo, hæc omnia tam immensa, tamque miranda, non posse ab vna indiuidua bellua triennio & semisse perfici, ad quæ tam multæ belluæ, & tam multa sæcula requiruntur.

Est igitur Antichristus animal grandæuum, non simplex bellua, sed composita: nam vt multi Marij in vno Cæsare, sic multi Antichristi in illo Antichristo, quæ D. Paulus hominem peccati & perditionis appellat. Nihil igitur afferunt, qui eò dictum hominem peccati existiment, quòd esset homo singularis. Nam vt Florus populum Romanum sub vnius hominis figura depinxit, infantem ducentis & quinquaginta annis, adolescentem alijs ducentis & quinquaginta, virum alijs ducentis & quinquaginta, post senem iam annis ducentis, successione semper eundem in eadem vrbe dominantem, iisdem semper artibus ad eundem semper finem, aut vnum hominem ad magnitudinem aspirantem, donec inertia Cæsarium confenuit atque decoxit: ita videntur Apostoli multos Pontifices Romanos, vt vnum hominem perditum, & vnam bestiam in eadem vrbe septicolli successiue regnantem prophetico spiritu descripsisse; infantem Apostolorum aetate, post occultè crescentem in ambiosis quibusdam Romanis Episcopis, donec in Bonifacio tertio adoleuit, & ad virilem ætatem

ætatem & quasi robustam maturitatem in Gregorio septimo peruenit, alijsque eius successoribus, alium semper sed non aliud, eundem infantem, eundem iuuenem & virum, æuo non animo differentem, iisdem artibus, vt vnum hominem, ad idem fastigium aspirantem atque anhelantem, eundem latentem & reuelatum, eundem regnantem & destruendum, nunc præsertim senem de pontanum ac planè decrepitum Antichristum, vt sua iam annosa impietate confectus contraxisset quodammodo & decoxisse videatur. Summa est igitur Antichristum propriè dictum esse successionem siue regnum regno Christi contrarium, professione vicarium, præsumptione æmulum, proposito aduersarium.

## CAP. II.

*In quo Qualis sit Antichristus, inquiritur.*



Vid sit Antichristus, inuenimus: qualis sit, inquiramus. Ita, quis sit, certè cognoscemus. Qui ne nobis appareat, Sathanas bonorum quorundam ingenijs abusus est, prophetiæ euentum ignorantibus, vt ex illo errore primario fabulā egregiam inferrent. Nam cum

Antichristum vnum & singularem hostem esse fingerent, inde commenti sunt cum natione & religione Iudæum de tribu Dan, Iudæorum Messiam, sessurum in templo Hierosolymitano à se reedificato, triennio & sesqui regnaturum, tres Reges occisurum, & septem alios sub iugum missurū, Christianisque omnibus innumerabili exercitu subactis, orbis totius monarchiam adepturum: sub illo tempore duos illos testes, quos Enochum & Eliam putarunt, viuos alicubi seruatos, redituros in terram, vt cum Antichristo configerent, ab eoque tandem occisos, post tres dies & dimidium reuicturos: futurum, vt eo miraculo conuersi Iudæi Antichristum in Oliueti monte conficerent, Christoque mox post quadraginta quinque dies venturo se adiungerent. Hanc fabulam veteres quidam confinxerunt, quam tanta inconstantia narrarunt, vt facile appareret ex contradictione esse mendaciū: quam to-



Apocal. 9.  
2. Thes. 2. &  
1. Timor. 4.  
ver. 10.  
August. lib. de  
ciui. Dei 20.  
cap. 10.  
Greg. lib. 4.  
epist. 38.

tam Bellarminus narrat, vt verum, excepta tantum illa fabulæ parte de tribu Dan. Nos autem reiectis fabulis veritatem Dei consulamus scriptam ab Apostolis; & iam euentu optimo prophetiæ interprete, Patrumque sententijs Scripturæ consentientibus patefacta. S. igitur Iohannes Antichristum stellam de cælo deciduam vocat; Paulus apostatam à fide, vel potiùs apostasiæ catholicæ caput & ducem; refugam à Domino Deo, vt exponit Augustinus; superbiæ Regem cum præparato Sacerdotum exercitu, igitur Episcopum, vt Gregorius primus. *At Bellarminus Luciferum stellam illam intelligit, secundum illud, Quomodo cecidisti de cælo, Lucifer, Esay. 14. & urget tempus præteritum, quod non casuram vidit S. Iohannes stellam, sed cecidisse;* Nec attendit hanc glossam à textu penitus abhorrere, 1. Quòd Luciferi de cælo casus quintæ tubæ sonitum longè præcesserit. 2. Ignorat phrasim Prophetarum, qui, quæ ventura prædicunt, propter certitudinem prophetiæ euenisse prædicant. 3. Nec huius Prophetæ sensum obseruat, qui stellarum nomine Ecclesiæ Pastores intelligit. *Tandem Lutherum stellam cadentem nominat, & hæreticos Lutheranos & Protestantes locustas, quarum exercitum de Abyssi puteo, cum caderet, eduxit.* De quo pòst videro. Nunc illud requiro, quomodo abiectus & misellus, vt vocant, fraterculus è cenobio, qui ad Scripturas reuocat omnia, potuerit esse stella de cælo decidua? Non magnus Lucifer, nedum paruus Lutherus potest dici stella cadens, sed magnus aliquis Episcopus, suppar syderibus ipsis, æmulus Luciferi, qui iamdiu à cælesti doctrina vitæque ad terrena commenta atque impios mores declinauit, hoc est, è cælo in terram cecidit. Nam in cælo stant  
 „ Episcopi dum officium suum faciunt; in terram cadunt, dum  
 „ obliti muneris, doctrinæ vitæque cælestis, terrena quærunt.  
*At hoc non Papa soli conuenit. Nam & alia multi Draconis cauda detractæ stelle in terram ceciderunt.* Certè. Sed nulla cui talis potestas fuerit, quam ei sanctus Iohannes ascribit, præter  
 „ Papam. Data est enim huic stellæ cadenti clauis putei Abyssi. Magnus iste Episcopus, dum quasi stella luxit in Ecclesia, tanquam in cælo, clauem cæli sibi commissam, vt debuit, exercuit: postquam de cælo decidit, clauem accepit putei Abyssi.

Ergo

Ergo angelus Abyssi, inferni clauiger Antichristus. Cuius duplice causam affert beatus Paulus. Vnam, quod clauis sua doctrinam dæmoniacam in cibis nuptijsque prohibendis in Ecclesiam introduxerit: alteram, quod sese efferens suprâ omne quod vocatur Deus, id est, suprâ Reges & Imperatores, illos excluserit è regnis; itaque tenebras Abyssi in rempub. inuenerit. Annon hæc viua effigies Papæ? qui simul ac cadendo stella esse desijt, ignis fatuus esse cœpit. Cuius clauis non iam cœli clauis, sed Abyssi. Odium enim profectâ à Deo doctrinæ, & politicæ, certissimum stigma Antichristi. De clauis non ita multò post plura in symbolo. Quem S. Iohannes stellam deciduam, eum S. Paulus apostatam à fide nominat, nec particularis, sed vniuersalis apostasiæ ducem facit: quam tam proprijs notis tantò antè descripsit, vt digitum intendisse videatur ad Romanam Ecclesiam, cui conueniunt quarto modo. Quæ nuptias cibosque prohibuit, non in aperta blasphemia, vt quidam veteres hæretici, sed in occulta hypocrisi, vt prædicti apostatæ, id quod notat Apostolus. Vnde sic infero.

Caput catholicæ siue generalis apostasiæ est Antichristus.

Papa est caput catholicæ siue generalis apostasiæ.

Papa est igitur Antichristus.

Non est Antichristus ergo Iudæus, aut caput Iudæorum, qui non possunt dici à Christo discessisse prius, quàm ad illum accesserint, sed apostaticus Christianus. Et vt à Gregorio Lib. 4. epist. magno notatur. *Episcopus cinctus Sacerdotum exercitu, nec Episcopus modo, sed vniuersalis Episcopus.* Nô quòd eo nomine vnus omnes Episcopos deposuerit, sed quòd se vnum omnibus præposuerit. Vnde sic iterum arguo.

Apostaticus Christianus & Episcopus vniuersalis est Antichristus.

Papa est apostaticus Christianus & Episcopus vniuersalis.

Papa igitur Antichristus.

Ac nomen quidem illud vniuersalis Episcopi Gregorius Papa *ibidem.* *pa scelestum, prophanum, sacrilegum* appellat. *In quo consentire nihil est aliud, inquit, quam fidem perdere.* Vt scripsit ad Anianum. *Et honori se per illud Imperij superponere,* vt scripsit ad Mauritium. Quod qui faceret, vt Iohannes Constantinopolitanus

Episcopus, & Cyricius postea fecit, eum fidenter pronuntiauit *imitatorem Luceferi, praeursorem Antichristi*. Verus ah nimis verus Propheta Gregorius. Nam intra quinquenniū rex ille superbix, quem iam tum propè abesse cum præparato Sacerdotum exercitu prædixit, cathedram illam ipsam, ex qua Gregorius suum illud fudit oraculum, occupauit; & post annum iam millesimum tenuit, prius vniuersalis Episcopus vocatus, quia primum omnibus Episcopis præfuit. Vt Bonifacius tertius stella decidua. Deinde vniuersalis Princeps ex se creatus, quia post Regibus & imperatoribus imperauit, vt Gregorius septimus. Vnde Pōtifex Romanus à Pōtifice Romano prophetice conclusus, propter *lesam maiestatem Lucifer*, propter perditam fidem Antichristus. Pontifex autem, vt ipsi dicunt, in definitiua sententia errare non potest. Habet enim assistentem cathedræ Spiritum. Pontifex igitur Antichristus. Nam vt in summam omnia conferam, stella cadens, pastor degenerans, Episcopus regnans Antichristus. Et non in hoc speculo, Paule Quinte, te ipsum agnoscis?

Neque te falli sinas ab ijs, qui Antichristum hostem externum fingunt, quem Apostolus domesticum facit, tanquam perduellem. Quod vt iste Regis nomine contra Regem abutitur, sic ille Christi nomine Christum oppugnat. Quem ideò Paulus in Ecclesia colloeat, non extrà Ecclesiam. Et sedentem non corporali gestu, sed spiritali dominatu. Sedet enim vt Deus, qui non sedet gestu corporali. Porro Regum throni, Pontificum sedes vocantur. Et sedet in templo, non materiali; nam templum nusquam ita sumitur in nouo Testamento, vt fatetur Bellarminus: igitur in spiritali, id est, Ecclesia, pro qua templum Dei semper accipitur, vt multi etiam Patres exponunt. Et sedet in templo Dei, non igitur in templo quod Hierosolymis reedificabit Antichristus, vt fingitur. Nam id non templum Dei vocetur, sed diaboli. Porro sedere dicitur in templum, vt ex Græco rectè vertit Augustinus, tanquam ipse sit templum Dei, quod est Ecclesia. In qua regnans *non se Deum putat* homo miserrimus, *nedum solum Deum*, vt Bellarminus somniat, (non aded delirat Antichristus) sed *vices Deum*. Sedet enim vt Deus, & præ se fert

Theodor. in  
2. Thess. 2.  
Chrysostomus.  
Oecumenius.  
Hieronymus ad  
Algasum.  
quæst. 11.  
Qui omnes  
affirmant in  
Ecclesia sessu-  
rum: in tem-  
plo Hieroso-  
lymitano  
negant.

fert se esse Deum. Non Christus, sed Prochristus. Vicarius personæ, æmulus gloriæ. Nam in multis se exæquat Christo, pro Deo sese gerens, peccata condonans, animas redimens, nouos articulos fidei condens, omnium hominum iudex, ipse à nemine iudicandus. Vt quamuis se non appetat Deum, tamen præ se ferat se esse Deum. Vt docet Apostolus. Nonne est hæc viua pictura Pontificis? nonne illum nobis penè palpandum repræsentat? *Minimè*, inquit Bellarminus. *Nam Antichristus se solum Deum putat.* In quo sibi non constat.

*Nam Bellarmini Antichristus est Messias Indeorum, qui se prædicat à Deo missum.*

Non igitur se solum Deum prædicat. Alius est enim Deus mittens, alius Deus missus.

Porro Papa non sedet, inquit, ut Deus, sed ut Episcopus: at sedet ut is qui omnem habet Dei potestatem & in cælo & in terra; ut alibi dicit. Sedet igitur saltem ut deificatus Episcopus. At se non vocat Christum. At si non nomen Christi, certè potestatem assumit. Vnde sic infero.

Qui sedet ut Deus in Ecclesia, & præ se fert se esse Deum, est Antichristus.

Papa id fecit & facit.

Papa igitur Antichristus.

Nam caue putes, Paule Quinte, adeo stolidum esse Antichristum, ut sese supra Deum ipsum efferat, aut ut maiori fastu turgeat, quàm in miserum possit mortalem conuenire. Dicitur igitur efferre sese *non supra omnem Deum, verum & falsum*, ut censet Bellarminus. In quo etiam secum pugnat.

Nam magus se non effert supra omnem Deum. Non enim supra Diabolum Deum sæculi.

*Antichristus est magus*, ut dicit Bellar. de Pont. l. 3. c. 14.

Non igitur effert se supra omnem Deum. Antichristus: ut dicit Cardinalis:

Sed effert se supra omne quod dicitur Deus, ut docet Apostolus. Cui non essentia dei, sed nomen Dei attribuitur supra omne quod dicitur Deus, & verè dicitur. Nomen autè Dei in Scriptura attribuitur & Angelis in cælo, & Princip. in terra, & se-

basma significat cum Augustum, & ut ita loquor, augustitatem, tum etiam illud quicquid est quod vel colitur ut Deus, vel in quo colitur Deus. Vnde imagines & altaria apud Ethnicos sebasmata appellantur. Iam cum Angelis in cælo, & Principibus in terra, & rebus sacris in Ecclesia imperet Pontifex, non potest non esse Antichristus.

Neque verò, Paule Quinte, te deludi finas ab ijs, qui Christum à propriè dicto Antichristo palàm, expressè, directè, negari docent. Non tam hebes fuit Antichristus, ut Christum, cuius nomine & professione tantum se emolumenti & honoris acquirere posse perspiceret, expressè, apertè, & directè, negaret. Non sic insaniuit. Reliquum erat igitur, quod simul & odio suo satisfaceret, & commodo seruiret, ut Christum implicite, per cōsequens, & indirectè negaret. Potuisset Antichristus tot annos in Ecclesia regnum tenere, si Christum apertè negasset? Nunquam certè potuisset. Nam omnes illum Christiani, quibus dominatus est, vel ut stultum exhibissent, vel ut blasphemum exussissent. Non è re fuit igitur Antichristi, ut Christum isto modo negaret. Adde quòd ab Apostolo vaser, subdolos impostor describitur, cum omni fraude iniustitiæ aduenturus. Accedat eodem quòd tota illius religio non iniquitas dicitur, sed iniquitatis mysterium. Vnde glossa impietatem Antichristi mysticam pietatis nomine palliatam notauit. Absurdum igitur fuisset, ut Christum  
 „ palàm & expressè & directè negaret, Non enim id vel regni  
 „ commodo, vel Antichristi genio, vel iniquitatis mysterio  
 „ conueniret. Sequitur igitur ut Christum clàm, & implicite,  
 „ & indirectè negaret, & retento Christi nomine fidem aboleret. *At id minus Antichristis conuenit, ut clàm & indirectè negent Christum; magno autem Antichristo, ut directè & apertè.*  
*Vnde aduentus eius vocatur reuelatio*, ut sophisticè colligit Bellarminus. Quibus verbis non Christi negandi, sed regni occupandi modus exprimitur. Nā si modū doctrinæ consideres, mystica dicitur magni Antichristi apostasia, & oppositio ut cæterorum, nisi quòd illorum particularis, huius vniuersalis à Christo apostasia censeri debeat. Nihil igitur affert Bellarminus, quin Antichristus ille Christum occultè & indirectè

rectè neget, vt Papa, qui Christum Deum & hominè verbo confitetur expressè & directè, diuinitatem tamen & humanitatem Christi implicite & indirectè negat. Proprietates enim vtriusque naturæ tollit: Deitas infinita est, humanitas finita.

Deitatem Patris picturis & imaginibus circumscribit Pontifex: humanitatem Filij fingit multipræsentem.

Fingit igitur diuinitatem finitam, humanitatem infinitam.

Christum & iustum & misericordem verbo directè confitetur: reipsa indirectè negat.

Perfecta iustitia imperfectam satisfactionem non admittit, id est, humanam. Perfecta misericordia imperfectam veniam non concedit: non remittit culpam & retinet pœnam.

Papa satisfactionem & veniam imperfectam à Christo fidelibus præstari docet. Negat igitur Christo perfectam iustitiam & misericordiam, atque ita Christum idolum facit.

Christi officia tria verbo directè fatetur, reipsa indirectè negat, prophetiam, sacerdotium, & regnum.

Prophetiam, dū Scripturas canonicas, in quibus vox Prophetæ nostri in rebus ad salutem necessarijs plenissima continetur, siue principia fidei, siue præcepta vitæ cōsideret, imperfectas esse docet. Ideoque suas Decretales Epistolas inter Scripturas canonicas connumerat. Vah blasphemiam, vah superbiam non ferendam! In eo verè Iudæus, quod mandata Dei traditionibus humanis abrogauerit. Nam vt Iudæi non scriptam Cabalam habuerunt Scripturæ veteris interpretem: sic Papa non scriptam traditionem, quasi Iudaicam Cabalam induxit, qua mandatis Dei scriptis sensum de suo, quem vellet, affingeret. Verùm quo Christus argumento Iudaicas, eodem nos papisticas traditiones breuiter refutamus.

Humanarum traditionum obseruatio est diuinorum mandatorum abrogatio, teste Christo. Matt. 15.

Papismus est humanarum traditionū obseruatio, vt testatur Decretales. Vnde lepidè Duarenus malè cum rebus humanis actum esse dixit, ex quo Decretis alæ accesserunt, hoc est, ex quo Decretales volare in Ecclesia supra Scripturas ausæ sunt.

Papif.



Papissmus igitur diuinorum mandatorum abrogatio.

Vnum apponam exemplum, quo constet expositione sua Bellarminum, Papæ corculum, maximum legis mandatum refixisse. Deus inquit, Non facies omnem similitudinem vt adores. Hic distinguit Bellarminus: *Non adorabis idolum, sed imaginem adorabis.* Vocis, non rei distinctio. Nam imago idolum fit, cum adoratur. Idoli autem adoratio idololatria. Et certè idoli in lege nulla mentio, sed similitudinis, & quidem omnis, quæ tanquam genus imaginem æquè ac idolum comprehendit. *At idololatria est colere creaturam pro creatore.* Immò verò etiam cum creatore. Nam adoratio in lege absolute prohibetur omnis similitudinis, siue pro Deo adoretur, siue cum Deo. Et ratio prohibitionis absoluta est. Idololatria fornicationi comparatur; Deus zelotypo marito, qui nolle se proficitur vllius rei similitudinem adorari, vel coram se, vel secum. Videtur eandem idololatriæ excusationem Bellarminus asserere, quā meretrix adulterij sui. Dicit illa zelotypo marito, Nō sumpsi mœchū pro marito, sed pro amico; sumpsi tecū, non pro te: sic Deo zelotypo respondet adulter animus Bellarmini: Non adoro imaginem pro Deo, sed cum Deo, non pro creatore, sed cum creatore. Deus autem zelotypus, vt maritus, imaginis cultum, quasi mœchi amplexum, omnem absolute respuit. Itaque S. Iohannes adoratorem simulachri facit adoratorem dæmonij. Papam constat adoratorem esse simulachri. Sequitur igitur adoratorem esse dæmonij. Debet mihi plurimum Papa quem idololatram arguo. In quo vereor ne præuaricatus esse videar, quòd, dum illi idololatriæ nomen addam, demam Antichristi.

Apoc. 9

*Nam Antichristus non est idololatra, vt contendit Bellarminus.*

Papa est idololatra, vt res ipsa conuincit.

Papa igitur non est Antichristus.

Author Papæ sum, vt, si fidat propositioni Bellarmini, nostram assumptionem concedat; ita dum sumet idololatriæ nomen, forsitan deponet Antichristi. Sed resumat, aded nutat & vacillat Bellarminus. *Quo fatente Antichristus adorat Maosim, id est, vt ait ipse, Dæmonem.* Adorator autem Dæmonis



nis est idololatra. Antichristus igitur idololatra. Sumpfit autem Papa iam à Sancto Iohanne notam idololatraz, refumat igitur Antichristi.

Sed hinc etiam emergit, id, quod probare institueram, Papam nihil aliud agere, quàm vt præcipuum mandatum Dei traditione atque expositione sua rescindat prorsus atque abroget. Quid est prophetiam Christi negare, si hoc non est? Quid? quòd Christi etiam Euangelium non corruperit modò, sed planè peruerterit? Dum quintum Euangelium à Dominicanis suis condi passus est, vt testatur Matthæus Parisiensis, *Quod vocarunt Euangelium Spiritus sancti; & Euangelium æternum: in quo docuerunt Christum non esse Deum, & Euangelium eius non esse verum Euangelium, nec plus cum suo comparandū Euangelio quàm putamen cum nucleo.* O blasphemiam infernalibus flammis vindicandā. Cuius rei sunt Neptunij, vel potius Vulcanij Patres, qui in fornace illa sua Tridentina de nouo prophanum illud Euangelium vrendo & tundendo excuderunt: sed sine nomine quinti Euangelij. Quamquam nuper ab humili Gabriele nequissimo parasito Clemēs Ostraus nomen quinti Euangelistæ lætus lubensque acceperit, quasi Clemens quintum Euangelium absoluisset. Quod quatuor Euangelij non modò labem infert, sed interitum. Cuius authores anathema Paulinum incurrunt, quod non modò Papis, sed & Apostolis, sed & Angelis denuntiarum est, si quis non modò contrarium, sed aliud Euangelium inuexisset. Dicit enim, Non si quis contrā, sed, Si quis præter illud, quod Galatæ à Paulo accepissent, id est præter illud quod in Scripturis legalibus & Euangelicis accepissent, vt locum exposuit Augustinus: si non modò contrarium Euangelium annuntiassent, aut totum Euangelium subuertissent, verum si vel paulum euangelizassent præter Euangelium, etiam si quiduis labefactassent, vt locū explicauit Chrysostomus, Aliud enim Euangelium non modò corrumpit, sed peruerit Euangelium Christi. Papa Romanus non modò aliud inducit, sed contrarium, in quo plurima non apponit modò, sed opponit Euangelio Christi. Quorum in altero labefactat Euangelium, in altero destruit. Omnis enim additio imperfectionem infert,

D

opposi-

Anno. 1254  
Mat. in Hen.  
3.

Gal. 1. ver. 8.

Augu. contra  
Iher. Peniti.  
lib. 3. cap. 6.

ver. 7.

6 oppositio falsitatem. Ergo papismus non corruptio solum  
 7 Euangelij, sed etiam euersio censi debet. Ex illo quinto Eu-  
 8 angelio nouum fidei symbolum sumptum est, quod duo-  
 9 decim nouos fidei articulos continet sequenti dialogo dis-  
 10 ceptandum. Cui consiciendo varij iam antè Pontifices insu-  
 11 darunt, & partem aliquam veluti collectam quisque suam  
 12 contulit, sed totam manum extremam addidit Pius Quartus,  
 13 quod tua autoritate, Paule Quinte, nuper recusum est, vt  
 14 extaret omnipotentia tua pontificia specimen eximium. Si-  
 15 mul & Conformitates sancti Francisci mandato tuo typis non  
 16 ita pridem diuulgata in lucem denuò prodierunt, credo, vt  
 17 Iesus typicus per te orbi renatus, verum Iesum de solio suo  
 18 dimoueret. Exurgat Deus, vt dissipentur inimici. Verus  
 19 Iesus confundat Iesum typicum. Annon ista, Paule Quinte,  
 20 manifestè probant te esse magnum illum Antichristum? qui  
 21 quamuis Christum Prophetam esse verbo apertè fateare,  
 22 tamen re ipsa Christi prophetiam indirectè neges & euer-  
 23 tas?

Quid? quòd Papa sacerdotium etiam & regnum obliquè  
 tollat?

Sacerdotium, ex quo pendet sacrificium & intercessio  
 Christi, dum aliud sacerdotium constituit, quod vel aliud of-  
 ferat propitiatorium sacrificium; vel idem Christi sacrificium  
 repetat, tanquam imperfectum. Cum Apostolus propitia-  
 7 torium Christi sacrificium, si numerum quæras, vnicum; si  
 8 tempus, semel oblatum; si sacerdotem, à seipso; si locum, in  
 9 cruce; si modum, cruentè; si virtutem, perfectè efficax conse-  
 10 crandis fidelibus, tota epistola ad Hebræos argumentetur.  
 Quo igitur ore Pontifex vel aliud propitiatorium fingit, vel  
 idem sepè repetendum à prophanis sacerdotibus incurrentè  
 in altari, quasi vnicum Christi cruentum sacrificium non  
 sufficeret fidelibus consummandis? In quo quidem se insig-  
 nem Christi aduersarium ostendit. *At Christum indes sacri-*  
*ficiant, inquit, vt applicent fidelibus.* Atqui non sacrificarunt  
 Apostoli Christum, sed verbo & sacramentis proposuerunt,  
 vt fidelibus applicarent.

Ex sacrificio Christi redemptio Ecclesiæ prima Sacerdo-  
 tij

tij pars, quam Papa Romanus cum Sanctis communicauit.

De Gregorio sic loquuntur:

*Hic nos saluet à peccatis,*

*Vt in cælo cum beatis*

*Possimus quiescere.*

Gregorianos igitur, non Christianos putes loqui.

De Petro & Paulo:

*Concede vt amborum meritis eternitatis gloriam consequamur.*

Ex Romano  
Breviario.

Verum est, quod dicitur, Dominus vix cerni potest præ Apostolis.

*O felix puerpera,*

*Nostri pijs scelera,*

*Iure matris impera*

*Redemptori.*

In Missali Pa-  
risiensi.

*Ad eò vt Iesuita ad sanationem anime lac Matris putent cum sanguine Filij commiscendum: & à foro iustitiæ Dei pronocent ad forum misericordiæ Matris eius, quam deam, & cæli reginam appellant. Vt papismus non iam ampliùs Christianismus dici debeat, sed Marianismus.*

Bernardi, in  
Mariæ.

Iam si Papa redemptionis officium cum Sanctis communitur: quid mirum si intercessionis officium cum iisdem partiat? Cum tamen Apostolus, vt vnicum Deum, ita vnicum mediatorem inter Deum & homines constituat hominem Iesum Christum vnicum intercessionis mediatorem, qui nostras Deo preces offerat, vt qui vnicum redemptionis precium pro nobis soluat omnibus, cum intercessionis efficacia ex redemptionis merito pendeat.

Porrò Christum Regem verbo fatetur, re ipsa negat. Cum Christo, qui ambulat in medio septem aureorū candelabrorum, & Ecclesiæ suæ non modò interest, sed præest, extrauagans iste Sacerdos, à se lectus vicarius, Princeps voluntarius regnet, tanquam absentis vices suppleat, & totam Christi potestatem in cælo & in terra sibi assumens, Christum titularem Regem faciat, & otiosum Deum, vt eidem denuò cum Iudæis ad ludibrium coronam spineam imponere capiti, & sceptrum arundineum in manū tradere videatur. At *Christus Rex inuisibilis*

*fibilis, Papa visibilis:* At Christus, quāuis inuisibilis, realiter ad-  
est in eucharistia, immò *carnaliter*, vt Papa docet, falsò, docet  
tamē. At in reali præsentia maioris, id est, Christi, nulla est re-  
alis potentia minoris, id est, Papæ. Ita realis Christi præsentia  
in eucharistia tollit visibilē & spiritualem Regem ex Ecclesia.

Iam cum officia Christi, quæ verbo fatetur, reipsa neget:  
quid mirum, si beneficia minuat, quæ ex officijs emanent? Si  
crucem dans, crucis meritum elidat: si mortem docens, mor-  
tis virtutem aboleat: si spiritum concedens, energiam spiri-  
tus eneruet: si Euangelium prædicans, Euangelij lucem ex-  
tinguat, dum liberum arbitrium cum Dei gratia: satisfactio-  
nes humanas cum Christi sanguine: inhærentem iustitiam  
cum imputata obedientia in iustificatione confundat; vt pars  
salutis homini, pars Deo tributa, gloriam tanti operis inter  
Deum & hominem diuidat. In quo maioremne Deo contu-  
meliam, an hominibus iniuriam faciat Antichristus, satis con-  
stituere non possum. Ex præmissis breuiter argumentabor.

Quicunque Christum Iesum negat obliquē & indirectē,  
est Antichristus.

Papa Romanus Christum Iesum obliquē & indirectē ne-  
gat; cuius naturas, proprietates, officia, beneficia  
tollit.

Papa igitur Antichristus.

In quibus semper aliud agit, aliud simulat.

Astutus igitur Antichristus.

### CAP. III.

*In quo fumosum Antichristi regnum, & locustarum in-  
genium ex Iohanne fusiùs describitur.*

Apocalyp. 9.

I



Tellæ de cælo deciduæ datam dixit S. Io-  
hannes clauem putei Abyssi. Vide in hoc  
infernæ negotio, angelus Abyssi quàm se se-  
dulum ostenderit.

2. Nam vt clauem accepit, sic statim adhibu-  
it ad aperiendum puteum Abyssi, vt sequitur  
in S. Iohanne. Vnde ascendit fumus putei, vt fumus fornacis

magna

magnæ, & obscuratus est Sol & aër à fumo putei.

3. Fumosum igitur Antichristi regnum & tenebrosū. Non arbitror quenquam literalem potius quàm literatum Apocalypseos interpretem tam ineptum esse, vt hîc tenebras exteriores intelligi sentiat, & Solis quem videmus, aëris quē haurimus, non animarum atque mentium obtenebrationem designari, fumosque ex camino, non ex inferno exhalantes describi putet. Iam regnum Christi regnum lucis, regnum igitur Antichristi regnum tenebrarum. Quarta tuba sonante tertiam partē Solis & Lunæ & stellarum obscuratam Iohannes dixit fuisse, cum Christi humanitatem destrueret Marcion, diuinitatem negaret Arius, sic vt orbis factus esset Arianus; naturas confunderet Eutyches, diuideret Nestorius, cum Christi gratiam obfuscarer Pelagius: sed nihil ad has tenebras vniuersales quas induxit Antichristus. Nam ille aliquid maligni sumpsit à singulis, multumque addidit de suo, cum Scripturas peregrina lingua claudi iussit, ne populus Deum ad se loquentem intelligeret: cum preces ignota lingua fundi præcepit, ne populus ad Deum cum intelligentia loqueretur: cum fidem implicitam, id est, brutam ignorantiam docuit, qua mentes incredulitate occæcarent: cum picturas interea non spectandas modò, sed colendas proposuit, vt oculos vanitate pasceret, animas idololatria suffocaret. Nonne hîc puteum Abyssi apertum intelligitis? Nam præ tenebris non videtis ex puteo fumum ascendentem, qui Solem ipsum atque aërem obscurauit. Est hoc certè regnum Pontificium. Nam regnum mendaciorum regnum tenebrarum. Quodd laicis Scripturas eripuit, vt margaritas porcis: & preces præscripsit, vt cantilenas psittacis: & fidem tradidit, vt Isagen asinis: & imagines dedit, vt libros idiotis. Ita æternum Christi Euangelium Antichristus ipso Sole lucidius & splendidius densitate tartareæ caliginis obnubilat, dignus qui fumo Abyssi pereat, quodd fumum vendat: vt constat ex doctrina Antichristi, quæ Christi doctrinæ contraria est. Nam Christi doctrina quatuor præcipuos in nobis edit effectus. 1. Corruptam hominis naturam abiicit. 2. Salutarem Dei gratiā effert. 3. Concupiscentiæ vim enervat. 4. Conscientiæ

pacem parit. Ita veram peccatori humilitatem inserit, humi-  
li fidem erga Deum, fidei sanctimoniam, sancto securitatem:  
quod sibi displicens, Deoque fidens, sancteque viuens, in via  
certus, in fine lætus exulter. Antichristi doctrina contrarios  
planè producit effectus. Nam deprauatam hominis naturam  
extollit, gratuitam Dei gratiam minuit, concupiscentiæ fo-  
mitem addit, conscientiæ pacem detrahit. Siquidem peccato-  
rem virium suarum opinione tumidum, diuinæ gratiæ dimi-  
nutione ingratum, intrâ turpem, extrâ speciosum, in via du-  
bium, in fine timidum facit. Vt nec seipsum rectè noscat, nec  
in Deum ritè credat, nec piè viuat, nec quietè moriatur.  
Habes, Paule Quinte, formam & faciem Christianismi & An-  
tichristianismi, tibi tuisque propositam, vt illam ament, istam  
execrentur. Nullæ profectò Ægyptiacæ tenebræ densiores,  
nullæ Cimmeriæ sunt cum spiritualibus regni Pontificij te-  
nebris comparandæ, quas Antichristus angelus Abyssi ex fu-  
mo putei excitauit.

Cuius administri locustæ, & scorpiones ex tenebris & fu-  
mo geniti, quibus expedit mundum esse tenebrosum. Cæca  
superstitio liberalior, vt putant, atque obsequentior illis erit,  
quàm oculata religio.

4 Ex fumo locustæ exierunt, inquit S. Iohannes.

Ex fumo corrupto locusta nascitur: ex peruersa doctrina  
monachus Antichristianus, qui neque volat in altum per cœ-  
lestem contemplationem, nec graditur infrâ secundum Dei  
ordinem, sed Luciferianis quibusdam speculationibus in cœ-  
lum elatus, rursus in terram decidit. Et cum quædam de sacra  
Triade verè & grauitè disputauit, ad inanissimas traditiones  
suas subinde relabitur, vera quædam admiscens multis falsis,  
vt diabolus, qui vera præmittit, vt falsa inferat. Rectè locusta  
ex ignorantia populi crescens, tanquam ex fumo.

Locustæ sunt seniores & iuniores. Seniores ex familia  
Franciscana, Dominicana, Benedictina, &c. Iuniores ex fa-  
milia Loyailana, docti & expoliti: qui postquam in linguam  
Anglicanam Testamentum transtulissent, Rhemeneses nouum,  
Duacenses vetus: fumosas quasdam interpretationes appo-  
suerunt, quibus coactæ versioni tenebras inducerent. Ita  
versionem



versionem satis per se perplexam annotatio magis perplexam facit. Vt in hoc mysterio videre licet, cuius multis sanè partibus satis lucis à textu & euentu, fumi multum assurgit è glossa & commentario Iesuitarum. S. Iohannes Antichristum illum dicit fuisse suo tempore, quem S. Paulus dicit ad Christum aduentum duraturum. Quid clarius? Huic illi loco caliginem offundunt ex glossa, quæ fingit Antichristum illum vnum esse hominem & triennialē. Sanctus Paulus illum ponit apostatam non à nomine, sed à fide Christi; & apostasiam duabus perspicuis notis definit. Huic loco fumum aspergunt è glossa, quæ comminiscitur illum esse Iudæum, qui nunquam antè accefferat ad Christum, nunquam igitur à Christo discesserat. Quid dilucidius, quàm Antichristi sedem esse urbem septicollem, & regnatricem, vt sanctus Iohannes ponit, iam templum & Ecclesiam Dei factam, vt sanctus Paulus exponit: id est, Romam, vt ipsi fatentur. & tamen huic luci notam inducunt ex alia glossa, sedē illius esse Hierosolymam. Cuius, post prædicationem Euangelij in toto orbe, finale Math. 24. 14. interitum Christus prædixit fore: & Propheta Daniel templi desolationem vsque ad consummationē & finem perseueraturam, id est, finem mundi, vt non modò Hieronymus, sed Christus exponit, Lucæ. 21. 22. 24. Tamen & Danieli & Christo mendacium impingunt, dum Hierosolymam ab Antichristo fingunt reædificandam vnà cum templo, in quo, se deat & regnet. Quid euidentius, quàm Enochum esse translatum, ne videat mortem? Heb. 11. Et tamen huic textui manifesto fumosam & planè contrariam glossam apponunt, rediturum esse, vt videat mortem, vt interficiatur scilicet ab Antichristo. Nonne videtis ex fumo putei genitas locustas, quæ certis clarisque Scripturæ sententijs, quasi Solis radijs, fumum suis glossis offundunt? vt huic mysterio non illustrando, sed obscurando studere videantur. Nihil magis metuunt, quàm ne grauis ille cucullus detrahatur Antichristo suo, qui nunc intus quasi Democritus ridet orbem, quem fumo suo deceperit. Vnde, quemadmodum Poetæ mœstum Agamemnonem obuoluto capite propter magnitudinem doloris in scenam inducunt; sic isti Poetæ obuoluendum cucullo caput hilari

hilari suo Antichristo propter magnitudinem risus existimant, dum prodit in scenam, ne se derisum orbis sentiat.

5 Multitudini & potentia locustarum respondet numerus & potentia monachorum, veterum & nouorum, præsertim Iesuitarum, quorum numerus vires illis addit ad nõcendum.

6 Data est illis potestas sicut scorpionibus terræ: præceptumque ne lædant scænum terræ, neque omne viride, neque omnem arborem, sed tantum homines, vt sequitur in S. Iohanne.

Sunt igitur locustæ rationales, sed quæ ratione sua ad perniciem hominum abutantur. Non enim herbis & arboribus infiliunt, sed corpora hominum atque animas infestant, quos aculeis configunt, veneno inficiunt, & lenta morte conficiunt.

Isti Iesuitæ, quos ad viuum repræsentant locustæ & scorpiones, veneno suo suffocant & extinguunt fidelitatem subditorum ergà Principem, & fidem Christianorum ergà Deum.

Fidelitatem subditorum, dum illos docent absolui à fidelitatis iuramento suis Principibus præstito, quos Pontifex excommunicatos denuntiauerit, *Qui Reges Catholicos in fide, sed malos, tanquam arietes: hereticos, tanquam lupos, arcere potest à grege, dominioque priuare, vt scripsit Bellarminus: neque solum hereticos manifestos, sed etiam occultos, quemadmodum Symancha: nec ipsos modo, sed eorum filios & fautores eradicandos censuit cū Symancha Crescellus: quibuscumq; modis, vt Sanderus, sue vi, vt à Iehu Iesabelem, sue dolo, vt à Iuditha Holopbernem, quemadmodum Reynoldus & Bouchierus: sine cultro & pugione, quibus Henricum tertium & quartum Gallorum Reges indignissimè necatos esse constat, vtrumque catholicum, vt vocant, tantum quia faueret hereticis, & ante sententiam latam: sine pugione & veneno, quibus sepe modis petita est Elizabetha regina, vt suasisse Walpoolus & Comensis: sine puluere tormentario, quo Regem Iacobum cum tota Regali progenie & nobilitate, quo totum Britannia regnum à nefarijs quibusdam coniuratis Anglis penitus disperdendum censuit Garnettus Iesuitarum in Anglia Prouincialis.* Vnde constat cleropapissimum, cuius medullam pono Iesuitissimum,

tisimum, esse nihil aliud, quàm perduellionis catechisimum. Non hîc venenum locustarum scorpionum agnoscimus, quo subditorum erga Principes fidelitatem extinxerint? Venenum aliud, si placet, videamus, quod simplicium animis suffuderint, vt Christianorum fidem suffocarent. Quam implicitam esse docent oportere, qualaici credant, vt Ecclesia credat; cum tamen vel quid ipsi, vel quid Ecclesia credat, ignorent. Vt Bellarminus *non in notitia, sed in assensu suam docet, fidem carbonarij fidem circularem, quam Staphylus celebravit. Quam Magister Sententiarum probat ex Iobi 1. vers. 14. Arabant bo-* Mag. lib. 3. distinct. 25.  
*nes, & asina pascebantur iuxta eos. Multi credunt, inquit, quia ignorat, & fidem habent velatam in mysterio. Maiores & doctores bobus assimilant, minores & simplices asinis, qui in humilitate maioribus adherendo in mysterio credunt. Asinina interpretatio,* pace Magistrati dixerim. Ex qua tamen liquet, Laico-papif-  
 mum nihil esse aliud quàm merum idiotisimum.

9 Nec tamen isti locustæ scorpiones omnes homines lædunt, sed eos tantum, qui non habent signum Dei in frontibus suis: horum animos veneficijs suis inficere conantur. Vt doceat S. Iohannes colluviem hominum incredulorum esse tantummodò prædam locustarum.

10 Et datum est locustis scorpionibus, non vt occiderent homines, sed vt cruciarent mensibus quinq;. Quod quomodo verum esse potest, inquiet aliquis, cum Iesuitæ sint insignes homicidæ?

Respondeo, loqui S. Iohannem hoc versu de strage animarum, quam isti locustæ vastratrices potissimum solent edere. In qua non vno statim ictu homines occidunt, sed sensim cruciando necant, vt ij qui sunt à scorpionibus icti, cruciati lento contabescunt. Hic est sensus S. Iohannis, cum dicit scorpiones non occidere homines, sed cruciare.

Nam dum isti scorpiones Antichristianismi sui virus hominibus instillant: Deus bone, qualem morsum, qualem aculeum post se relinquunt? vt vexant hominum conscientias? vt mordent intus & pungunt? Sentiunt homines se esse miserimos peccatores, & post mortem iudicium timent. De vero igni gehennæ pauca, de falso Purgatorij multa ex monachis

audiunt: peccati amaritudinem sentiunt, non sentiunt remediij suauitatem. De Christo nonnunquam aliquid audiunt: de cruce, de morte, de resurrectione Christi, velut historicè concionantes monachos attendunt; de virtute crucis, de mortis beneficio, de resurrectionis efficacia, quarum omnium vis & energia in speciali applicatione consistit, altum silentium. Immò verò præsumptionem & arrogantiam doctores esse clamitant, si saucia pœnitentis peccatoris cōscientia fide Iesum Christum suū seruatorē esse sibi certò persuadeat; seque in statu gratiæ esse confidat, nisi fortè cuiquam Angelus id specialitèr reuelarit. Quasi fideli cuiusque spiritui, Christi Spiritus, Angelorum Deus, non interius, & certius, & augustius testimonium dederit, ipsum esse filium Dei, & hæredē cœli, & cohæredem Christi: modò se fidelis regi sentiat à Spiritu Christi, à quo testimonium acceperit: & regiminis gratiam cum solaminis gratia copularit. Quorum neutrum sentiunt aut docent isti locustæ scorpiones, qui dū suos discipulos sancta diuinæ misericordiæ fiducia priuant, nec Deo seruire sinunt filiali spiritu, sed seruili, ideoque nec lætitia spiritus, nec conscientiæ pace potiri in angustia patiuntur; & remittunt tremulos peccatores ad thesaurum Ecclesiæ, papales indulgentias, satisfactiones humanas, cæterasque quicquillas generis eiusdem. Interea & doctores astuti, & discipuli infausti, veræ fidei & pœnitentiæ penitus expertes, cum omnia fecerint, intus tamen, intus horrorem diuini iudicij & tormentum conscientiæ grauissimum persentiscunt. Siquidem isti locustæ scorpiones illos aculeis suis pupugrunt.

Vnde dicitur cruciatus eorum vt cruciatus scorpionis cum percusserit hominem.

Nam vt scorpio cum cauda aculeata pungit hominem, non statim sentitur vulnus, sed pōst paulatim venenum lethale diffundit: sic læsi ab hisce scorpionibus Loyalanis non statim sentiunt vulnus, sed sensum sine sensu pereunt, vbi pestiferæ doctrinæ venenum insuxerint. Ita lædunt homines locustæ scorpiones numero, veneno, aculeo.

¶ Miræ locustæ, quæ comparantur equis paratis ad præliū.

Quid

Quid locustavilis ad equū bellicosum? Hic tamen horum vilium locustarum robur expressit.

12 Gerunt etiam locustæ coronas in capitibus: vbi dolum & fraudem demonstrauit. Obseruatione dignum est locustarum capita coronata dici, cum Bestiæ marinæ post ferantur cornua coronata. Cur? Nisi quod sacerdotes plus dolo & astutiâ, quàm Imperatores ethnici violentiâ valuerunt.

13 Sed coronas locustæ non aureas gerunt, sed similes auro. Hic fastum depingit. Veræ & aureæ coronæ sunt regum propriæ, fictæ & falsæ sacerdotum; ideoque non aureæ, sed similes auro esse dicuntur. Quibus tamen vt veris & suis insollescunt. Nam illæ patientiâ regum tantoperè valuerunt, vt aureas illis sæpe coronas excusserint.

14 Facies locustarum vt facies hominum, quibus homines decipiant.

15 Capilli mulierum, qui varias falsæ doctrinæ illecebras & lenocinia representant. Vbi rursum locustarum describit astutiam.

16 Dentes quasi Leonum, quibus instar domini sui Leonis rugientis, eos, quos dolo ceperint, rictu lacerent atque discerpant. Habes sæuitiam & feritatem.

17 Et habent loricas vt loricas ferreas, Nobiles locustæ, bellicosæ, capitibus coronatis, faciebus humanis, capillis scemininis, dentibus leoninis, galeatæ & loricatæ, à Spiritu sancto elegantèr ad viuum describuntur.

Dicit fortè aliquis, totum hunc locum non de Antichristo, eiusque ministris, sed de Turcis intelligendum. Respondéo, id fieri non posse. Nam cum quarta tuba sonante Angelus hæresiarchas Antichristi præcursores præmonstrasset: quinta tuba sonante Angelus hæresiarcharum regem inducit: cui terribili sanè procemio præcedit Angelus capite octauo in extremo, voce magna sonans Væ, væ, væ habitantibus in terra.

Primo væ tenebrosū Antichristi regnum intelligens. Secundo væ violentam Turcæ tyrannidem. Quod non potest esse idem, quia dicit v. r. su. 12 Væ vnum abiit: & ecce veniunt duo væ posthac. Non est igitur hoc idem væ, sed aliud væ.

Bellarminus.  
Christiana-  
tic.  
Paceni-  
Becanus.  
Personius.  
Cidonius.  
Garnettus.  
Gerardus.  
Grenwellus.  
Creswellus.  
alijsque innu-  
meri.

Tertio vix terribilem postremi iudicii grauitatem.

At Bellarminus vno verbo dicit, nec probat, *Lutherum esse stellam cadentem, Lutheranos & Protestantes locustas*; oblitus Paulum quintum Principem, se magnum Ducem martialium locustarum. Qui postquam serenissimum Iacobum Iuliano Apostatæ comparasset, oblique significat denuntiatum excōmunicatum à suis subditis occidi in prælio posse, quamuis non à sicario. Sanguinarius Cardinalis à Pasquillo aptè depingitur, *In canea leo*; cum verbo sanè perapposito:

APERI CAVEAM, CERNES INDOLEM.

Nimis dentatus iocus, dicet aliquis, in doctissimum Cardinalem. Itanè? qui probat eadem Regis in prælio, non meretur reprehensionem in prælo? Non tractat serenissimum Iacobum, vt Regem; ne nos quidem illum, vt Cardinalem. Fuit antea doctus, nunc malitiosus. Antea disputationis, nunc rebellionis dux & signifer. Antea tectus, nunc apertus inimicus. Non defuit antea scorpioni virus, sed delituit. Cardinalis Comensis sicarium apposuit Parræum, qui Reginam Elisabetham pugione interficeret. Cardinalis Bellarminus nihilo honestior, sed occultior, negat Regem occidendum à sicario, sed à milite non negat. Quasi quicquam interfit ad parricidium vtrum quis Regem suum in campo, an in lecto, vtrum aperto Marte, an occulta fraude necauerit. Rectè dici potest de Bellarmino, quod Cicero dixit de magno caudicido, Regem occidat oportet, qui eius opera vti velit. Itaque huic tortuoso sophistæ, & locustæ loricato & sanguinario licet illud iure suggerere, quod cerdoni cuidam Martialis:

*Ira scinostro non debes, Torte, lepori:*

*Frans tua, non viua est lesa lepore meo.*

*Ingenuos permitte sales. Cur ludere nobis*

*Non liceat, libeat cum iugulare tibi?*

Quàm promptum discipulum Rauiliacum inuenerit huius auditor Mariana, docet numquam satis deslenda mors nobilissimi Gallorum Regis, Henrici Quarti, nunquam satis à Regibus vindicanda. Primus horum discipulus ei dentem excussit: secundus vitam eripuit: ipsi cor sepelierunt. Magnanimus



⁂animus Rex à terribilissimo parricida interfectus, Cæsari similis  
& in vita & in morte, ita querens à Christiano Poeta quodam  
inducitur:

*Marte tibi ut fueram similis, fortissime Cæsar.*

*En etiam similis nunc tibi morte cado.*

*Sed te mors ausa est à fronte lacerare ferro,*

*Sacrilega à tergo dat mihi sicā necem.*

*Et tu patricia cecidisti vulnere dextre,*

*De vili obscurus me latro plebe necat.*

*Sed iste latro non fuit, inquires, discipulus Mariana.* Certè non  
plus quàm Catsbæus, Percæus, Wrightus, Fauxus, fuere disci-  
puli Garnetti, Personij, Gerardi, & Grenwelli. Sed ad S. Io-  
hannem reuertamur, qui locustis caudas aculeatas tribuit, & 18  
cyclum, id est, breue tempus ad nocendum: quorum Regem  
Angelum Abyssi ponit ad extremum, cui nomen Hebraicè A- 19  
baddon, Græcè Apollyon, id est, perdens: ipse Romanus  
Antichristus destruens animas, perdens respublicas, deiiciens  
coronas, dissipans Ecclesias: armatus tot legibus sanguinarijs,  
tot synodis coniuratis, legionibus bellicis, vinctis, laqueis,  
carceribus, tormentis, ignibus, tot stipatus Inquisitoribus,  
tot emissarijs Iesuitis, alijs dogmaticis, alijs pragmaticis Re-  
gicidis, ut Abaddon & Apollyon dici iure possit.

Vides, Paule Quinte, Romani Antichristi genium ex stel-  
la, quæ de cælo cecidit; ex clauē Abyssi, quam accepit; “  
ex Abyssi puteo, quem aperuit; ex putei fumo, quem e- “  
duxit; ex fumi regno, quod extruxit; ex fumi foetu, quem “  
extruxit, locustis, scorpionibus; qui monachos & veteres & “  
nouos ad viuum effingunt; numeroſo examine, quo lædunt; “  
duplici veneno, quod infundunt; lethali aculeo, quem infi- “  
gunt; potentia, superbia, fraude, sœuitia, quam exercent; “  
verè ut subditi digni suo Rege Abaddone videantur, cui “  
obtemperant.



Valis Antichristus sit exposuimus: nunc quid gesserit, exponamus. Cuius ingenium expressit stella, quæ de cælo cecidit: res gestas exprimet Bestia, quæ de terra ascendit.

Bellarmin. lib.  
3. de Pont.  
Cap. 15.  
lib. 3. cap. 10.  
&c. 15.

Duplicem autem bestiam descripsit S. Iohannes, vnam è Mari ascendentem; alteram è Terra. *Ille vobis significat Romanum imperium: ista propriè dictum Antichristum.*

Romana Monarchia ascendit è Mari, id est, è turbulento statu, è factionibus discordijsque nationum, tanquam è pelago procelloso: quæ vocatur bestia non respectu ciuilis potestatis quam accepit à Deo, sed bestialium vitiorum, quæ sumpsit à dracone.

Alteram bestiam Propheta inducit ascendentem de terra, non eandem, sed diuersam, similem quidem in multis, non tamen eandem. Vidi enim, inquit S. Iohannes, alteram bestiam ascendentem de terra, quæ cùm septimum caput Romanæ bestię dicitur, tum bestia etiam ipsa per se, propter differentem originem & naturam.

1 Orta de terra. Ergo terræ filius Antichristus. Ideò de terra, quia de terrena & sensuali concupiscentia & consilio diabolico natus; vt hæc tria idem significantia coniungit Iacobus Apostolus, terrenum, sensuale, diabolicum.

2 Loquitur dicitur vt Draco, quamuis duo Agni cornua simulat, de quibus suprâ satis.

Atque hic Bellarmino nobiscum propemodum conuenit, *Dracone diabolus intelligi: priore bestia vniuersitatem impiorum, sed sub Romano imperio, vt nos cum omnium interpretum consensu ponimus, nec alibi negat Bellarminus. Posteriore bestia Antichristum, vt alibi: in apologia simul predicatorum & Apostolorum Antichristi; quem etiam prioris bestie caput occisum, & renouiscens, nobiscum agnoscit veram illius imaginem bestie.*

3 Cuius potestate omnem facere dicitur in conspectu eius. Primò constat vnam eandemque sedem vtriusque bestię positam

positam urbem septicollem, quæ Regibus Principibusque dominata est; quæ non potest esse alia quam Domina Roma. In qua sede marinæ bestię terrenā successit, omnemque potestatem imperij Romani ad se transtulit, adeo vt à suis Regnum sacerdotum appelletur. Omnem igitur potestatem prioris bestię facit in conspectu eius, id est, Romæ.

4 Facit terram & inhabitantes in ea adorare bestiam. Quomodo? dicet aliquis: cum Pontifex cogat incolas terræ non Imperatorem colere, sed seipsum.

Ita videlicet, si bestias intelligas non personas quæ regnabant, vel in Imperio vel in Papatu, sed tyrannicas potestates, quas personæ belluinæ exercebant. Deinde, si consideres potestatem Papalem esse reuerà Imperialem, & quamuis Christi se nomine contesta commendet, tamen à dracone introductam æquè atque alteram, vt draconem colat: & viuat esse imaginem Imperatoriæ potestatis, quæ Pontificiam continebat. Erat enim Imperator Pontifex maximus. Iam Imperatores blasphemias in Deum euomebant, verum Dei cultum condemnabant, veros Dei cultores opprimebant, cultum dæmoniorum defendebant; draconi, à quo tyrannicam potestatem acceperant, apertè & palàm seruiebant. Quid Pontifices? Annon ore blasphemio diuinum numen & nomen cum Domitiano arrogarunt? Annon Christi gratiam cum Iuliano deriserunt? Annon Christi seruos cum Diocletiano affligerunt? Annon cultum & doctrinam dæmoniorum inuexerunt? Et dum nomen Christi apertè gererent, annon draconi clam & occultè seruierunt? Ita discrimen inter Imperatores & Pontifices, quoad cultum draconis, in modo fortasse nonnullum, in re planè nullum cernitur. Sed hinc necessaria adhibenda distinctio est. In Imperatoribus cæca Christi ignoratio, in Pontificibus primis vera Christi confessio, in succedentibus ficta Christi professio, qui veterem Romanam idololatriam & tyrannidem verbo condemnabant, re autem reuocabant. Quid enim aliud est Papismus, si multas eius partes verè expenderis, quam recoctus paganismus? cuius authores adeo fascinati à diabolò, vt aliud intenderent, aliud agerent; intentione Deum, re ipsa

re ipsa draconem colerent, vt deceptores, sic decepti, dæmoni-  
 aci cultus authores, vt ait S. Iohannes, dæmoniaca doctrina,  
 21 vt ait S. Paulus. Quid igitur aliud est papismus siue cul-  
 22 tum, siue doctrinam consideres, quàm oculus draconismus?  
 Putant se rectè facere cū alios mediatores, siue Angelos, siue  
 Sanctos. inuocant: cum Sanctorū imagines adorant: *cultum,*  
*qui debitus est exemplari, vt aiunt, reddentes imagini;* quod con-  
 trā decuit, nullum reddere cultum imagini, cum nullus sit  
 debitus exemplari: putant in eo se piè facere, sed reuerà dæ-  
 23 monia colunt cum colunt simulachrum, vt docet S. Iohannes.  
 24 Ex quo Lactantius concludit, nullam ibi religionem esse, vbi  
 25 simulachrum est. Vnde consequitur, Romanam synago-  
 26 gam esse vacuum religionem, quia est plena simulachris. Pu-  
 tant Pontifices se esse abstinentiæ & continentiæ magistros,  
 cum cibos & nuptias conscientiæ causa prohibent; reuerà  
 dæmoniorum doctrinam inducunt, vt docet D. Paulus. Non  
 hoc intendunt, inquires. Non intendit sicarius patrem suum  
 occidere, sed hostem: at pro hoste patrem in tenebris occi-  
 dit; dicemus igitur illum non patrem occidisse, sed hostem,  
 quia non patris, sed hostis mortem intendit? Quod si absur-  
 dum dictu sit in hisce exterioribus tenebris, quin æquè ab-  
 surdum in interioribus animæ tenebris iudicamus, si quis di-  
 cat se Deum colere, cum draconem colit, quia Deum intēdit  
 27 colere, non draconem? Ergo Imperatores & Papæ conue-  
 niunt in tertio, hoc est, in dracone adorando, à quo suam  
 potestatem acceperint. Adde, quòd Papa, in quo imago pri-  
 oris bestię reuixit & reluxit, vt pòst patebit: dum cogit ho-  
 mines ad adorationem sui, eos dici potest ad imaginem prio-  
 ris bestię adorandam compellere. Vnde sic disputo.

Qui cogit homines adorare imaginem prioris bestię, est  
 Antichristus.

Papa cogit homines adorare imaginem prioris bestię.

Papa igitur Antichristus.

5 Nam prioris bestię lethalem plagam dicitur curare atq;  
 reficere: & imagini prioris bestię spiritum & vocem reddere.

Ne sim longior in ijs, quæ sunt ab alijs latius explicata,  
 plagam lethalem accepit Imperium in Augustulo, qui po-  
 strems

Strenuus Imperatorum occidentalium fuit, à quo mortuum  
iacuit imperium annis trecentis & 25. donec à Papa in Caro-  
lo magno renouatum, quasi reuixit, vt Bellarminus gloriari  
confitetur. Ait enim, *Papam imperium à Græcis primum ad Gal-  
los, deinde ad Germanos transfuisse, & saucisse vt Imperatoria cle-  
ctio penes septem viros esset, sed ea lege, vt Imperatoris electi con-  
firmatio & inauguratio ad Pontificem pertineret: vt isto modo  
caput illud emortuum spiritu Papæ reuiguisse quodammodo  
& reuixisse videatur.* Sed sibi vim imperij reseruans Germa-  
nis nomen reliquit: vt Bellarminus imprudens facetur, *Anti-  
christum fore ultimum, qui tenebit Romanum imperium, sed sine* Cap. 15. de  
miracu. anti.  
*nomine Romani Imperatoris.* Est igitur Germanicus Impera-  
tor respectu potèntiæ planè titularis; potestatem enim im-  
perij Pontifex non spiritualem modò, sed etiam temporalem  
ad sese omnem transtulit: ergò status Antichristi viua imago  
veteris imperij; Germanicum imperium, non tam imperium,  
quàm titulus imperij veteris, & mortuum simulachrum: cui  
spiritus, id est, auctoritatè; & vocem, i. edicta reddidit Pon-  
tifex, cum Imperatorè còfirmatione sua velut animauit. Quo-  
rum verò? Vt sedem Pontificiam, in qua vis imperij sine no-  
mine residet, iuxta Iohannis prophetiam fulciat atq; sustineat.  
Vnde Imperatores Germanicum procuratorem & prote-  
ctorem Apostolicæ sedis appellant. Vnde sic argumentabor.  
Restitutor Romanæ veteris monarchiæ est Antichristus:

teste S. Iohanne.

Solus Pontifex Romanus est restitutor Romanæ veteris  
monarchiæ, non modò restante, sed gloriantè Bellarmino.

Solus igitur Romanus Pontifex est Antichristus.

At hunc locum Bellarminus iuxta litteram exponit: sicut & illum  
de igni cælestis deducendo.

Facit, inquit, *Antichristum & Antichristiana Ecclesia, vt ima-  
go bestie viuat & loquatur.*

Nunquam autem Pontifex, vel Pontificia Ecclesia fecit, vt ima-  
go bestia viveret atque loqueretur,

Non est igitur Pontifex Antichristus.

Porro *Antichristus*, inquit, *de cælo deducet ignem in conspe-  
ctu hominum.*

Pontifex nunquam de cælo deduxit ignem in conspe-  
ctu

*Etia hominum.*

*Non est igitur Antichristus.*

Propositio primi syllogismi literaliter intellecta, non est S. Iohannis propositio. Non enim cuiusvis bestię imago animanda est ab Antichristo, sed imago prioris bestię, id est, Romani imperij: quam Papa, quoad nomen & titulum in Imperatore, quoad robur & potentiam in seipso renouauit. Peruersę igitur ex S. Iohanne colligit datam Antichristo potestatem animandarum imaginum, aut vocum formandarum, quod sanis hominibus æque credibile videri solet, ac Mēno- nis statuam Solis ictu tactam, vt meminit Tacitus, articulatam vocē emisisse. Sed fac ita esse: assumptio literaliter intellecta Papę conuenit & Papistica synagoga, si Legendę credis. Quoties enim ab illis mouere, sudare, annuere, loqui finguntur imagines, in conspectu & opinione simplicium, vt ad Sanctorum cultum, quorum sunt imagines, inuitentur?

Martialis.

Portentum est quoties cępit imago loqui. In imaginibus Ethnicorum sæpe diabolus est loquutus: in imaginibus Papistarum Sacerdos, vt diaboli vicem ad homines deludendos gerere videatur. Retorqueo igitur argumentum.

Quæcunq; Ecclesia facit, vt imagines hominum opinione loquantur, Antichristiana est.

At papistica Ecclesia facit, vt imagines opinione hominum loquantur.

Papistica igitur Ecclesia est Antichristiana.

6 Venio iam ad alterum Bellarmini syllogismum, si prius sextam illam actionem bestię (Et facit signa magna, vt etiam ignem faciat de cœlo descendere in conspectu hominum) paucis explicaro.

Bestia, id est, Antichristus, facit magna miracula, ver. 13. quæ beatus Paulus signa & miracula mendacia appellat. 1. Ratione finis, quia seducendis hominibus seruiunt, Ioh. 14. 2. Ratione materiæ; sunt enim vel signa mendaciū hominum, vel portenta fallaciū spirituum: vt loquitur Augustinus. 3. Ratione formæ; quia cum veræ miracula naturæ excedant, & omnipotentia Dei producantur; falsa dicenda sunt, quæ partim



partim ex causis naturalibus efficacia Sathanæ fiunt. In quibus omnibus Bellarmino nobiscum optimè conuenit. Primè & secundi generis miracula infinita in regno Antichristi tenebroso extiterunt; apparitio spirituum, visiones Angelorum; Domina nostra quàm sæpe veluti natauit è cælo? miseræ animæ quàm sæpe erepserunt è Purgatorio lachrimantes, obfidentes vias, & tormenta sua commemorantes, vt misericordiam viuorum elicerent? Hinc prouincia Purgatorij adeò quæstuosa facta est: hinc peccatorum maxime nundinæ. Tum imagines pedibus ingredi: tum campanæ per se sonare potuerunt: tum Angeli velut pueri symphoniaci in Cantuariensi Ecclesia cantitare & Dunstani cythara ludere: tum Apostoli de cælo descendere, vt Basilio operam suam ad Missam celebrandam commodarent. Hæc omnia mendacia miracula à vafis nebulonibus subinde conficta, vt miraculosa mendacia confirmarent, pecuniasque à simplicibus abraderent. Quoties enim spiritus à magistratu deprehensus, Angelus excusatus, Domina nostra commissa cauea, simul omnes egregie vapularunt? animæ virgis cæcæ, vt maluerint esse in purgatorio? omnesque technas & præstigias suas, causam doli, modum facti, metu supplicij detexerunt. De hijs miraculis Paulus loquutus est: quæ plane falsa, speciem miraculorum habebant, virtutem non habebant, mendacium hominum signamenta. Erant alia fallacium portenta spirituum, quæ partim vi causarum naturalium, partim efficacia Sathanæ extiterunt, vt illa synagoga altera plane Canidia videretur. Facit Antichristus ignem de cælo descendere in conspectu hominum, inquit S. Iohannes; id est, hominum opinionem, vt hominibus videtur. Vtrum id mystice, an literaliter accipiendum sit, paucis videamus. Ignis iuxta Scripturam mystice descendit, vel cum Deus approbat religionem, & sacrificia seruorum suorum, vt Abelis & Eliæ: vel cum Deus extraordinaria ratione gratias Spiritus in suorum corda demittit, vt in linguis ignitis: vel cum Deus ignem de cælo proiecit precibus suorum commotus, vt Eliæ, ad hostes suos dissipandos. 1. Ignis victiæ, 2. Ignis gratiæ, 3. Ignis vindictæ. In omnibus Dei simia Antichristus. Nam solum Missæ sacrificium confirmauit

& approbavit miraculis, & transubstantiationem. Testis est illa columna ignea è cælo, pertingens in terram vsque in eum locum, vbi negligentia Sacerdotis, vt Legenda commemorat, corpus Dei ex pixide cecidisset in gramen: columna autem ignea instar Solis fuisse dicitur circa corpus Dei, sic vt omnia pecora campi, excepto nigro quodam equo, qui vnum tantum genu flexit, genua quatuor corpori flecterent. Quod ego miraculum è Legenda transtuli, vt gratificer Bel-larmino, quò sciret tum fuisse pecora bene educata, similia suo famelico iumento, quod pabuli oblitum sui sacramentum flexis genibus adorabat. Quod animalia non fecissent, nisi Deus, scilicet, columnam igneam cælitus demississet, qua corpus Dei iacens in gramine demonstraret. Adde, quòd Antichristus gratiani Spiritus & sanctificationis, agnis Dei, granis benedictis aque lustrali, & campanis impetiat, vt Primasius exponit. Porro diuina vindicta, velut igni cælitus delapso suos hostes conterit, sed opinione hominum, qui quos Antichristi iracundia percellit, eos diuina vindicta velut igni cælitus proiecto percussos existimant. Quod vtrum de excommunicationis fulgure verum sit, quod Papa, qui vindictæ deus nominatur, iacit, Reges viderint, quorum regna sæpissime illo Papali fulgure deflagrarunt. At excommunicare Regem, nullum est, inquit, miraculum. At sic excommunicare Regem vt de regno deijcias, & subditos à Regis sui obedientia absolvas, magnum est miraculum, vel Reges tam fuisse patientes vt ferrent, vel subditos tam insanos vt crederent. Quare non est hic materialis ignis, sed mysticus deductus è cælo per Antichristum in conspectu hominum, non quòd ita reuera faciat, sed quòd ita facere videatur. Quanquam si literalis expositio magis placet, nactus sum Gregorium septimum, magum egregium, qui ignem è sinu suo, cum vellet, excuteret. Sic infero.

Quisunque opinione simplicium vltorem cælitus deducere videtur ignem, est Antichristus,

Papa id fecit, & facit.

Papa igitur Antichristus.

Progredior. Bestia dicitur omnibus paruis & magnis impressisse

pressisse characterem suum vel in fronte, vel in dextra gerendum; in quo etiam Christum peruersè quidem imitatur. Character Christiani, quem Deus suis seruis imprimit, est subiectio Christo, eiusque solius capitis sui & seruatoris agnitio.

Estque { Partim internus.  
{ Partim externus.

Character internus est vera fides animæ per Dei Spiritum impressa, qua in Christum credimus nostrum vnicum Seruatorem. Character externus vel confessione oris, vel operatione manuum exprimitur. Gerit igitur verè Christianus Dei characterem in corde per fidem, in fronte per professionem, Ro. 10. in dextra per operationem: vt S. Paulus exposuit. Porro duo sacramenta sigilla fidei, testimonia professionis, exercitia sanctitatis.

Baptis & coena  
Dominica.

Similiter Antichristus characterem habet proprium & suum, quem Antichristianis imprimit atque inurit. Cuius character pendet ex nomine, nomen ex statu. Bestiæ primæ, id est, Romanæ, siue Latinæ monarchiæ, capita septem fuerunt, id est, septem regiæ administrandæ reipub. formæ. Primum caput Reges propriè dicti. 2. Consules. 3. Decenviri. 4. Tribuni Militum. 5. Dictatores. 6. Propriè dicti Imperatores. Septimum, Antichristus. Bestiæ status igitur est Romanus aut Latinus. Nomen igitur est Romanum aut Latinum. Ergo character bestiæ est nota discriminis, qua omnes ij, qui sunt Romanæ aut Latinæ religionis, quos Papistas dicimus, ab alijs omnibus discernuntur.

Estque subiectio Papæ Romano, vt suo capiti, eiusque sedis agnitio. Character Antichristi internus & externus.

Character internus, est illa fides implicita, quam suprà attigi. Character externus est externa oris confessio, vitæque ad Papæ leges conformatio; vt observatio rituum ethnicorum character Græcorum nominatur: qui sacramentis à Papa inuentis confirmationis atque ordinis sancitur. Characterem autem bestiæ sic inurit Antichristus omnibus, neminem vt finat emere vel vendere, non compunctum bestiæ stigmatibus. Ita quiuvis Papista stigmaticus; alioqui nec domicilia tenebit, nec larem fouebit, nec contractus inibit, nec mercaturas

caturas exercebit, nec humanitatis solatia cum Christi fidelibus habebit, vt Martinus Quintus in Bulla Constantiensi Concilio annexa verbatim declarauit.

8 Sequitur vltimo loco nomen bestię sue Antichristi: non nomen proprium, sed commune. Quid sit Bestia si sci-  
mus: quid sit nomen bestię intelligemus.

Bestia septem capitum, vt dixi, est status Romani Imperij, & Latini: cuius sex capita, seu Reges, Romani & Latini appellabantur. Septimus igitur, id est, Antichristus, vocatur Romanus aut Latinus. Est ergo septimus Rex Romani, siue Latini imperij Antichristus, Papa autem est septimus Romani imperij Rex. Papa igitur Antichristus.

9 Verum non modò nomen bestię gerat oportet, sed numerum nominis eius, non numerum temporis, sed numerum nominis. Sic enim S. Iohannes, Et nequis possit emere aut vendere, nisi qui habeat characterem, & nomen bestię, aut numerum nominis eius. Non dicit numerum temporis, quo Antichristus fuit reuelandus, sed numerum nominis, quod suis erat impressurus.

Numerus autem nominis est numerus annorum sexcentorum sexaginta sex, qui nomine continetur siue Hebraico, quo idiomate prophetia S. Iohanni tradita: siue Græco, quo idiomate scripta à S. Iohanne. Romanus Hebraicè, Latinus græcè scriptus, numerum illum conficiunt.

*Λατίνος*, teste Irenæo: Romanus, computante Foxio.

Ergo nomen Antichristi commune est Romanus aut Latinus.

Porro nomen etiam est hominis, quod etiam conuenit. Nam Latinus nomen Regis Italię fuit, Romanus Papæ. Hic est sapientia, inquit Sanctus Iohannes, qui habet intellectum computet numerum bestię; numerus enim hominis est, & numerus eius sexcenta sexaginta sex.

Vetus traditio est à Traditionarijs minimè repudianda, Irenæum nomen *Λατίνος* ab Ignatio, Ignatium à Polycarpo, Polycarpum à S. Iohanne accepisse. Alia sunt nomina, quæ numerum hunc continent, vt Euandas, & *την*: sed neutrum nomen est bestię, neutrum nomen est hominis, neutrum eiusmodi

eiusmodi, quod suis omnibus imprimit Antichristus, & cui cæteræ Antichristi omnes notæ conueniunt. Ex præmissis ita concludo.

Quiscunq; cogit omnes sub ditione sua vt suscipiant characterem, & nomen bestię, & numerum nominis eius, & numerum hominis, est Antichristus. At Papa Romanus cogit omnes sub ditione sua vt suscipiant characterem, & nomen bestię, & numerum nominis eius, & numerum hominis, vt antea demonstraui.

Ergo Papa Romanus est Antichristus.

## CAP. V.

*In quo. Vbi sedeat Antichristus, ostenditur.*



Ctiones, characterem, & nomen bestię vidimus: sedem videamus. Exposui de stella, quæ de cælo cecidit: adieci de bestia, quæ de terra ascendit. Habe de meretrice, quæ bestię infidet. Modò Antichristum ipsum stella cadens: nunc Antichristi sedem meretrix Babylonia repræsentat. Stella cadens, quòd stationem suam deseruerit: meretrix, quòd fidem fregerit: modò Antichristum designauit bellua terrena, idè sic dicta, non modò quòd ex quiete & otio firmiorem stabilioremque originem traxerit, sed quia belluinis affectibus seruans, duci solet ad ea quæ terram & carnem sapiunt. Nunc Antichristi sedem & Ecclesiam meretrix Babylonia vestris latentibus adumbrat: Non enim ipsi dubitant Romam vocare Babylonem, vt Rhemenses, Perfonius, Bellarminus: & mysticam Babylonē, vt Augustinus Babyloniam, quasi primam Romam; & Romam quasi secundam Babylonem vocauit: & velut prioris filiam Babylonis. Vnde vestri Romam meretricem Babyloniam esse concedunt à S. Iohanne descriptam. Immodò procedunt longius, nam Sanderus tuus illam vocat sedem & ciuitatem Antichristi. Quod datis, accipimus. Nam sequitur ex concessis Romam non ethnicam, sed Pontificiam esse mysticam Babylonem. Nam statum imperij sextum caput & 18,

bestię,

August. de ciuitate Dei lib. 16. cap. 17. & cap. 22. lib. 18. Sic Hieronymus in Esai. 6. 47. ver. 1. & alibi sæpe. Demonstr. 13.

bestiæ, sequitur septimū status Antichristi. Non potuit igitur Roma Ethnica & Imperatoria esse sedes & ciuitas Antichristi. Erga Roma Christiana & Pontificia est. Vnde efficitur Romam non Ethnicam, sed Pontificiam esse mysticam Babylonem. Hæc enim est summa conclusionis meæ.

Mystica Babylon est sedes & ciuitas Antichristi descripta in Apocalyp. cap. 17.

Roma autem est mystica Babylon ibidem descripta.

Roma igitur est sedes & ciuitas Antichristi.

At de Roma in assumptione distinguunt, vrgentque Romanam Ethnicam & Imperialem, quæ tum regnavit, & Sanctos persequuta est; non hanc Christianam & pontificiam à S. Iohanne esse descriptam. Est quidem illa grauis & illustris admodum Prophetia:

Rationes è  
textu cur sit  
Roma Ponti-  
ficia sedes  
Antichristi.

1 Valdè autem frigida fuisset & ieiuna, si de persecuti-  
one quam ipse tum vidit in alijs, & quam ipse sensit, prophe-  
tasset. Vaticinia non præsens tempus intuentur, sed futu-  
rum.

2 Quòd si Romanam Ethnicam Babylonem esse sen-  
sisset, quæ tum Sanctos afflixit, non vt de mysterio lo-  
quutus esset; non enim id ei videri potuit adeò mysticum, vt  
pagani affligerent Christianos. Mysticum id planè visum est  
malum, vt Christiani postea Christianos opprimerent.

3 Neque verò Romanam Ethnicam eodem sensu meretri-  
cem appellasset, quæ fidem Christo non dederat, nondum  
igitur tregerat: nec meretricijs artibus & lenocinijs gentes  
decepit, sed militaribus copijs armisque deuicit. Romanam  
igitur, postquam fidelis ciuitas esse desijt, meretricem  
nominat, quæ gentes non vt Bellona fregit, sed vt Circe fas-  
cinauit.

4 Neque Mercatores eius animarum institores fecisset,  
omnesque gentes in eius veneficijs errare dixisset, si Romanam  
designasset Ethnicam: quæ nationes viribus subegit, non ve-  
neficijs incantauit. Nam illa carnificinas instituit corporum,  
non nundinas animarum. Ac inter omnes quidem Romæ  
pontificiæ negotiationes nulla quæstuosior, quàm animarum  
negotiatio, de qua S. Iohannes; quam Ethnica Roma non  
exercuit.



exercuit. Igitur Christiana Pontificia est illa Babylon, cuius Merces sunt hominum animæ, cuius Mercatores monachi, qui licitare faciunt homines nummo salutem suam. Non sine causa Martiali festiuo Poetæ iocari libuit in Calliodorum quendam, qui nummis seruum mille ducentis addidisset, vt ex hominis precio cenaret opiparè, & nullo alijsque piscibus delicatioribus vesceretur.

*Exclamare libet: Non est hoc, improbe, non est,*

*Piscis. Homo est. Hominem, Calliodore, voras.*

Idem de Bellarmino, Becano, alioue simillimo Iesuita potest verè dici; qui auctionatur animas, vt pascat ventres.

*Num piscis, Iesuita, putas, queis vesceris? Erras.*

*Sunt homines; homines, Cannibal albe, voras.*

Quibus si ne sic quidem satisfacio, (noui enim illorum argumentosum & minimè cedens acumen) referam illos ad Angelum mysterij interpretem, qui Romam iam nomine tenus Christianam & pontificiam, meretricem Babyloniam esse conuincit.

Primum septem capita Bestiæ, de quibus antè mysticè loquutus est, sunt septem montes, inquit Angelus, & septem Reges. Montes septem capita vrbs: Reges septem capita regiminis. Illis vrbs Romanæ situs, hijs regiæ septem administrationis reipub. formæ notantur, quas antè memorauim. Quinque præcesserant tempus Iohannis, sexta tum fuit, id est, Imperium, quod prior bestia adumbrat: septima nondum aduenerat, id est, Papatus, quem bestia posterior repræsentat.

At montes septem & septem Reges, inquiunt Rhemenses, non literaliter & propriè sumuntur, sed mysticè & indefinite, vt ita significant omnia regna persecutorum. Cur igitur addit Angelus, Ex septem regibus quinque ceciderunt, vnus est, & alius nondum venit? Quem locum Rhemenses postea sic exponunt, sed imprudentes, vt, quinque præcessisse Christum, vnum tum fuisse, alterum futurum fateantur; quo suam ipsi futilem interpretationem sustulerunt. Quorum vide quanta sit peruersitas. In cæteris ferè omnibus, vbi sensus est planè mysticus, sensum de suo fingunt literalem:

hic vbi Angelus sensum literalem apertè ponit, fingunt de suo mysticum: contrà sensum, qui septem vrbis montes quodidè videt, vnde Roma vrbs septicollis appellata est. Contrà historiam, que septem Reges, id est, septem regias illius vrbis administrandæ formas passim inculcat. Neque verò dicit Angelus, vt illi somniant, Septem capita sunt septem montes, & septem montes sunt septem Reges: sed, Septem capita sunt septem montes, & illa, id est, septem capita sunt septem Reges, vt Bellarminus agnoscit. Nam Rhemenſium expositio primùm inepta est. Nam capita Reges adumbrant capita politici corporis concinnè admodum: montes inconcinnè. Deinde falsa est, nam si montes sint Reges, ciuitas quæ

Anglo-  
Rhem in  
Apocal. c. 17.  
3.

mulier est ver, 18. sedet super septem Reges. Nam sedere dicitur super montes ver. 9. Cuius loci lux Anglo-Rhemenſes adeò permouit & perpulit, quemadmodum antè Sande-  
rum, vt non possent non confiteri, & Romam esse meretricem  
Babyloniæ, & fieri posse non incommodè, vt magnus ille Anti-  
christus Roma sedem suam habeat. Ex hac igitur expositione  
Angeli, & confessione aduersarij emergit hæc propositio.  
Vrbs illa magna in septem sita montibus, & septem subiecta  
Regijs imperij formis, est sedes Antichristi. Vnde sic disputo  
& negatiuè & affirmatiuè, Negatiuè: At Hierosolyma quam-  
uis vrbs magna fuerit, tamen nec in septem sita montibus, nec  
septem subiecta regijs imperij formis vnquam fuit. Non est  
igitur Hierosolyma sedes Antichristi. Affirmatiuè: At Romæ  
ex omnibus vrribus vni proprius hic & situs & status. Roma  
igitur propria Metropolis Antichristi. Iam cum Romæ  
tantum sedeat Antichristus, vt interpretatur apud Iohannem  
Angelus, & fatetur aduersarius: sedeat autem in templo  
Dei, vt Paulus ponit, id est, in Ecclesia Dei, vt ex Scriptura  
Patres exponunt: sequitur vtrinque necessariò Romam non  
Ethnicam, sed Ecclesiasticam esse sedem & Metropolim An-  
tichristi. Vtrumque Sybilla prædixit, & situm loci, & habitum  
Antichristi: Nam maximum terrorem & furorem eius im-  
perij futurum prædixit propter ipsis Tybridis: regemque  
fore *τοῦ βασιλεως*: simul & nomen addidit ponti simile fu-  
turum, alba, id est, argentea mitra indutum Pontificem, ful-  
gente

Oracul. 8.

gente gemmis: vt modò prædixit Irenæus. Ergo Pontificem Latinum qui Petri Cathedram occupat, vt Bernardus; qui sanctissimus Dominus, & sanctissimus Papa vocabitur, vt Ioachim Abbas. Potuit S. Iohannes? potuit S. Paulus? potuerunt Sybilla, Irenæus, Bernardus, Ioachim Abbas, Papam propius attingere, quàm attigerunt? aut clariùs demonstrare situm sedis, statum regiminis, habitum Regis, ripam Tybridis, nomen, cathedram Antichristi; sic, vt vnus è Papistis illum planè sanctissimum Papam nominarit? Sed redeamus ad Angelum. A quo bestia, quæ gestat meretricem, sic describitur, (quæ erat) id est, florens Imperium (sed non est) reuerà Imperium Romanum, quoad robur & potentiam, sed potius eius simulachrum, cap. 13. (& tamen est) Romanum Imperium quoad nomen & titulum: (& octaua dicitur bestia) quippe quinque ceciderunt, vt ait Angelus ver. 10. Rex vnus est, id est, Imperium tempore S. Iohannis; & alius tum nondum venerat, id est, Papatus, qui veteris Imperij robur & potentiam ad se sine nomine transtulit: & caput bestię septimum dicitur: quamuis bestia etiam ipsa per se. Bestia autem quæ fuit, & non est, (octaua est) id est, Imperium nouum quoad nomen & titulum: & est vnum de septem, id est, de Imperatoribus. Ergo licet vetus Imperium ab Angelo videri possit bestię nomine descriptum: tamen noui præcipue designatur, quod secus bestia renouauit, vt illi meretrix insideret, illoq; niteretur. Quid hac Angelica interpretatione planius? quàm cõprobauit euētus. Nam huic bestię meretrix insidet, ab hac sustentatur. Nam ideò Romanus nomine, re ipsa Germanicus Imperator, vt docui, defensor, procurator, & protector sedis Apostolicę scilicet nominatur.

Ex præmissis sic breuiter argumentabor.

6 Bestia, cui meretrix insidet, est nouum Imperium. Est enim non sextum caput, sed octauum.

Ergo Roma non Ethnica sub paganis, sed nomine tenus Christiana sub Christianis Imperatoribus est meretrix à S. Iohanne descripta.

7 Iam decem illa cornua, inquit Angelus, sunt decem Reges, ver. 12. qui nondum regnum acceperant.

Non igitur, sunt decem illa cornua, de quibus Daniel vaticinatus est, quæ iam sua regna finierant. Sed potestatem, inquit, accipient vnâ cum Bestia, id est, cum Antichristo, regiam: quod non potest intelligi nisi de Proconsulibus vel Proprætoribus vicarijs Imperatorum in prouincijs, qui post dissolutionem occidentalis Imperij absolutam eodem tempore cum Papa potestatem regiam acceperunt. Nam dum Imperium stetit & floruit, nec Papa Romæ, nec Reges in prouincijs absolute regnare potuerunt: cum cecidit, ille Romam magnamque Italiæ partem occupauit, & hujus prouincias. *Et hac decem cornua vnâ cum bestia*, vt fatetur Bellarminus & probat euentus, *inter se Romanum Imperium diuiserunt.* Vnde sic infero.

Lib. 3 de  
Rom. Pont.  
cap. 13.



Quo tempore Roma meretrix Babylonia est ab Angelo, habita, eodem tempore decem cornua potestatem absolutam cum Antichristo acceperunt.

At non antè Romam Christianam & pontificiam factam decem cornua potestatem absolutam cum Antichristo acceperunt.

Sequitur igitur Romam non antè quàm Christiana & pontificia facta est, habitam esse ab Angelo Babyloni- am meretricem.

Cuius gloriosa professio aureo fornicationis poculo scire comparatur. Edwardus Quartus Angliæ Regem fuerunt tres potissimum habuisse meretrices, vnâ sanctissimam dilectam, alteram vaserissimam, tertiam lepidissimam: Meretrix Babylonia videtur vna trium expressisse ingenium. Quid enim illa sanctius? quid hilarius? quid fallacius? Habet illa faciem non suam, quemadmodum vir eius Antichristus. Nam ille semper personam gerit, personatus igitur Antichristus. Meretrix autem non modò propter carnalem impudicitiam, sed propter spirituales idololatriam, ad quam gentes lenocinijs pellexit suis, quæ cum illa rem habuerant. Fœda igitur & blasphemia meretrix: adde etiam, superba, pecuniola, crudelis. Idè coccineis & inauratis ornata vestibus dicitur, ditata omnium generum mercimonijs, & innocuo Sanctorum ebria sanguine. Nam quas res impietas in blasphemijs, libido in

in lasciujijs, cupiditas in rapinis, superbia in delicijs, crudelitas in supplicijs efficere potuit; eas Angelus tantò antè prædixit Ecclesiam sub scorto Babylonio perpeffuram. Neque si demus Romam ethnicam ab incunabulis suis Babylonem fuisse, quia dicitur bestia septem habere capita, quicquam inde consequetur incommodi. Nec si purpuratam meretricem esse dicamus ab ortu primum suo cum à Romulo fundaretur, id Angeli expositionem euertit. Mansit enim eadem, quæ principio fuerat. Immo multò deterior pseudo-christiana sub Antichristo, quàm Ethnica sub Romulo. Proditum est Romulum magnum latronem, raptorem virginum, frædistragum, fratricidam fuisse; ipsæque sceleribus nouam urbem fundauisse. Sed non tam magnus ille latrocinij, quàm iste sacrilegijs: nec tam impurus ille raptu virginum, quàm cultu hic imaginum: nec tam humani rupti reus ille, quàm hic Diuini fœderis: nec ille tam fraterni prodigus, quàm hic Christiani sanguinis. Qualem igitur hunc putemus, qui latronem rapacitate, raptorem virginum impudicitia, frædistragum perfidia, fratricidam immanitate superauit? Vnde Angelus Romam pontificiam κατ' ἐξοχήν Babylonem & meretricem purpuream appellauit. Nam illa spolijs cœ provinciarum, hæc Ecclesiarum etiam omnium exuuijs est superba. Illa carnalibus tantum, hæc spiritualibus etiam adulterijs stuprisque confecta. Illa fidem hominibus, hæc Deo datam violauit. Illa in Sanctorum modò corpora, hæc etiam in animas sæuiit. Illa Agnos Christi vi aperta, quasi Leæna, hæc quasi Vulpes occulta fraude conserpsit immaniter & deglutit. Quare fuerit Roma Babylonia meretrix ab ortu suo: certè inebriare Reges decem aureo fornicationis suæ poculo non potuit, prius quàm essent decem Reges. Stante enim Roma Ethnica subditi Imperatoris erant, Reges non erant: Reges sub Roma Pontificia extirerunt, sub Roma igitur Pontificia inebriati: cui per excellentiam meretricis nomen ab Angelo attributum est. Neque tamen Romam Pontificiam, quæ sub Imperatoribus Ethnicis pro Christo passa est, vnquam accuso: non enim Roma regenerata & patiens, sed Roma degenerans & persequens, propriè

priè meretrix Babylonia dici debet. Neque Romam imperialem, quæ sub Constantino, Theodosio, cæterisque pijs Imperatoribus Christum professa est, totam excuso: quia Roma, quæ fuerat ab initio Babylon, & reliquias præteriti Paganismi, & semina futuri Antichristianismi sinu quædani retinuit. Neque tamen inde sequitur, quia pij isti Imperatores fuerunt capita ciuilia huius purpuratæ meretricis, idcirco illos ipsos purpuratam meretricem fuisse. Quia non est necesse vt omnes eiusdem successionis, eiusdem etiam affectionis existerent. Ne Paulum Quintum quidem ipsum, si resipisceret, & miser peccator rediret ad Deum suum, à spe salutis excluderem. Vnde quidam contra nos disputant.

Antichristus seruari non potest. Est enim filius perditionis; vt docet Apostolus.

Papa seruari potest, tefatente.

Papa igitur non est Antichristus. Vel sic:


Pro Antichristo orare non licet.

Pro Papa licet.

Papa igitur non est Antichristus.

Hæc obiectio petitione Principij nititur. Nam Antichristum illum vnum & singularem hominem præsupponit. Nos contra, vt multis ostendimus.

Igitur si disputent ad idem, & Papam sumant collectiuè, falsa est assumptio: si sumant pro hoc vel illo indiuiduo, vera est assumptio, si Papa resipiscat. Sed tum quatuor sunt termini. Nam Papa aliter in assumptione sumitur, aliter in conclusione. Illic enim sumitur pro Papis singulis: hic pro serie Paparum. Sed de hoc sophismate suprâ satis.

 Sed hic nodus alius soluendus est, quomodo sedes Antichristi possit dici meretrix purpurata, vc docet S. Iohannes: & templum Dei, siue Ecclesia Dei, vt docet S. Paulus.

Nam si Antichristus sedeat in Ecclesia Dei, vt antè docui: & Roma Pontificia est sedes Antichristi, vt multis ostendi: videtur Roma Pontificia esse Ecclesia Dei. Respondeo & distinguo de propositione, & quidem è Scriptura Dei, quæ duobus modis considerat Ecclesiam Dei. Vno, quoad inter-

nam



nam veritatem, & externam professionem. Altero, quoad externam professionem tantum, Vt Ecclesiam Sardensem Beatus Iohannes vocat Ecclesiam Christi, quamuis à veritate Christianę doctrine turpissimè defecisset. Quid ita? Quia professæ est adhuc nomen Christi, & sacramentum baptismi retinuit, & quia quædam in illa latuerunt nomina, quæ se minimè polluisent. Ita dici potest Ecclesia Romana Ecclesia Dei & Christi, quia profiteatur nomen Christi; deinde, quia retinet vestigia quædam & notas externas visibilis Ecclesiæ, vt baptismum, decalogum, symbolum, orationem Dominicam; sed notas miserè corruptas: vt Philistæi, qui arcam præsentia retinuerunt, sed sibi arcam pestilentia esse senserunt: vt Cutthitæ degeneres Israelitæ, qui Scripturas Moïsi habuerunt, & Deum timere simul & idolis seruire voluerunt: vt horum posteri Samaritani, qui fontem Iacob apud se manere gloriati sunt, cum fontem aquæ viuæ inquinassent. Rectè igitur legati de Ecclesia Romana in Concilio Tridentino questi sunt: *Verum id esse, quod questus est per Ieremiam Deus: Duo mala commisit populus hic, vnum quòd me dereliquit fontem aquæ viuæ: alterum quòd sibi hincas cisternas effodit, quæ aquas continere non possunt.* Quanquam non negarim quædam occultas reliquias inuisibilis Ecclesiæ in ea delitescere, quæ non flexerunt genua Baal. Verùm quod Sardensi dicitur, Nomen habes quòd viuas, sed mortua es: idem meritò dici Romanæ potest, quoad internam fidem animam Ecclesiæ, Planè mortua es, quamuis quoad externam professionem viuere dicaris, Vocaris templum Dei, quòd nomen Christi retinearis; sed es meretrix Babylonia, quòd fidem fregeris. Dei templum æquiucòcè, non vniuocè: decuit autem æquiucòcè Ecclesia æquiucòcos Christianos.

Iam decem cornua, id est, decem Reges, vnum porro consilium habent, vt loquitur Angelus, & virtutem & potestatem suam bestia tradent; illi seruient, illi lenocinabuntur, illam suis copijs sustentabunt, ad illius nutum gladios distringent, & sacris, vt vocant, cum bestia atque inter sese iuncti fœderibus, cum Agno dimicabunt. Sed postquam Agnus Antichristum verbi sui prædicatione conficere paulatim

& consumere cœperit, tum illa decem cornua, quæ prius cum scorto rem habuerant, scortum odisse incipient, & desertum ac nudum relinquent.

Lib. 3. de

Pont. cap. 12.

8 Quod de Roma veteri non potest dici, sed moderna, de qua pars prophetiæ magna iam impleta est. Papa enim amisit, vt queritur Bellarminus, *magnam Germaniæ partem, Suetiam, Gothiam, Noruegiam, Daniam uniuersam, bonâ Angliæ, Galliæ, Heluetiæ, Polonia, Boemiæ & Pannoniæ partem.* Potuisset rectius dicere Totam Angliam, eique addere Scotiam & Hyberniam, nisi quod in occultis & fractis Antichristi reliquijs apud nos spem suis aliquam, licet vanam, veller ostendere. Vtinam vt magnæ Britanniæ Reges cum multis alijs magnis sanè Principibus scortum reliquerunt: sic Reges Galliæ & Hispaniæ reliquissent. Omnino magis illis timenda Roma, quàm Britannico, cuius & corona libera, & successio certa, & subditi integri, & regnum remotum & occlusum Pontificijs insultibus. Vtinam igitur tanti Reges, tanti Regis fœderati sui virtutem in hac parte pietatemque imitentur; quod prophetiam plenè simul expleant. Licet humilis conditionis hominibus non consilia proponere, sed vota, præsertim tam piam & grauem prophetiam exponentibus: si monere non licet, optare licet, primum vt illi duo magni Reges cum Britannico cæterisque illustrissimis reformatæ Ecclesiæ Regibus & Principibus contrà Antichristum consentiant: proximè, si illi cum Antichristo & inter se fœdera contrà reformatæ Ecclesiæ Reges & Principes occultè pepigerint, vt nostri omnes primo quoque tempore sanctū fœdus ineant, caueantque ne vicini fratresque nostri, Galliæ & Belgij Protestantes, ab ipsdē incauti, dum nos negligimus, opprimantur. At vicinis regibus non debemus bellum inferre. Certe. Sed debemus, ne bellum illi nobis periculosum inferant, præcauere. At paci studendum est. Sanè, quæ nihil habitura sit insidiarum & fraudis: alioqui insidæ paci sanctum bellum præferendum, ad quod Spiritus sanctus Reges cohortatur, vt scortum Babylonium iunctis copijs, id est, Romanis, vt Bellarminus fatetur, deuascent atque conficiant. Sicut Angelus prophetiam suam extendit ad extremum meretricis

tris interitum; qui non potest Romæ Ethnicæ & Imperiali conuenire; nā hoc excidium sequitur dissolutionē Imperij veteris, eiusque in decem regna diuisionem; quæ iuxta prophetiam prius meretricis deperire voluerant, deinde perdere debuerant atque cōsumere. Conuenit igitur excidium Romæ Pontificali & nomine tenus Christianæ, vt Angelus luculenter exposuit: nam quodd sedere dicitur super aquas multas, id est, super multos populos, multasque nationes, vt Angelus interpretatur ver. 15. & quodd mulier vocatur magna ciuitas, quæ regibus terræ dominatur, ver. 18. nihil id impedit, quod minus Roma Pontificia esse possit. At Roma iam Pontificia regnatricis non recte dicitur. Primò satis est Romam tum imperatricem describi sedem, in qua meretrix Babylonia post esset dominatura. Deinde qui nunc *eam regnum Romanorum*, regnum Sacerdotum appellant, fatentur regnatricem, qui regnum sæculare in spirituale callidissime commutarunt, id quod ipsorum Doctor Angelicus Aquinas obseruat. Sed iam illustis prophetia non præsentem aspexit modò, sed longè venturam prospexit ætatem. Ideoque meretricis partibus omnibus, vt vides, delineata primum descriptio, deinde damnatio. Quæ non potest intelligi de Romæ incendio iam Ethnicæ à Gothis & Vandalis illato, sed de exitio finali & repentino, quasi vi magna lapidis molaris mitteretur in mare. Haud enim, inquit Angelus, post vnquam inuenietur. Quod non potest Romæ Ethnicæ conuenire, nam postquā illa lethale vulnus à Gothis acceperat, postea sanatum denuò conualuit. Porro addit Angelus exitium meretricis æternum fore; quod etsi Romæ conueniat etiam Ethnicæ, tamen vt Pontificæ attributum intelligatur, Mulier, inquit Angelus, quæ est ciuitas magna, simul cum pseudopropheta suo mittetur in stagnum ignis: caueant igitur sibi ranuncula, immundi illi spiritus Iesuitæ, qui ex ore draconis, & bestiar, & pseudoprophetæ quotidie produnt. Lepide nostros Bellarminus, Becanus, cæteraque ranuncule rideat licet, sed risu Sardonio, quodd nobis, vt scribunt, idem sit ciuitas & Antichristus: pagus & Iosephus. Nam mulier, quæ est ciuitas magna, simul cum pseudopropheta

9.

Turrianus.

Aquinas.

10.

11.

- pheta suo mittetur in stagnum ignis. Hic est exitij nulla distinctio. Nam simul & sedes & sessor peribunt in æternum. At Roma Christiana non peribit, inquit. Certè, si veritas nomini responderet; sed nomine tantum Christiana, reuerà autem Antichristiana meretrix funditus interibit. Itaque clamat Angelus, Exi è Babylone, popule mi, ne, sicut eius peccatorum particeps, sic plagarum socius existas. Quem locum Hieronymus allegat in Epistola ad Marcellam, vt ei persuaderet Roma esse exeundum, non iam Ethnica, sed Pontificia, quia Babylon esset. Quam ipsi etiam Pontificij sedem Antichristi esse concedunt. Quæro igitur ad extremum, vtrum Romam Ethnicam sedem Antichristi faciant, quia tum Romæ sedit, cum Imperatores Ethnici ibi regnarent; an quia post sessurus cum inde discessissent. Si, quia tum Romæ sedit cum Ethnicis Imperatoribus, totam suam de Antichristo fabulam penitus euertunt, quem fingunt in fine sæculi esse venturum, &c. Si quia post sessurus cum Imperatores Ethnici inde discessissent, sequitur Romam esse Babylonem & sedem Antichristi, non tum Ethnicam, sed post Pontificiam. Nam quoddam Hierosolymam ex Apocalypsi probare conantur esse sedem Antichristi, de eo proprius non ita multò post dabitur differendi locus. Nunc ex præmissis emergit primarius ille Syllogismus, quem probare institueram.



Mystica Babylon est sedes & ciuitas Antichristi descripta in 17: & 18. Apocalyp, fatentibus aduersarijs, Roma nomine tenus Christiana & Pontificia est mystica Babylon, vt expositio Angeli manifestè conuincit. Roma igitur nomine tenus Christiana & Pontificia, est sedes & ciuitas Antichristi.

Hæc est Angeli expositio, Paule Quinte, non mea: hæc te igitur, si vllam partem habes sensus, pungit ad viuum; hæc lacerat, hæc cruentat expositio. Hic tuos illos egregios aduocatos, quamuis nihil sentire videantur, intus vulnerat & lacinat syllogismus, expositionis Angelicæ velut amentis iactus atque vibratus. Quid enim aliud iunt, quam lenones foedissimæ meretricis? Quid aliud agunt, quàm vt argutis  
verborum

verborum quasi tendiculis & doctis illecebris capiant imperitos, vt illos ad vietam & veterinosam meretricem adducant, quam ipsi prius omnibus pigmentorum suorum myrothecijs exornarunt? Sed quod Chrysostomus de muliere dixit, quæ faciem suam cerussa pinxit, Deum illam in resurrectione pro creatura sua non agniturum: idem potest multò verius dici de hac tam venusta & picta meretrice, de qua loquuti sumus. ”

## CAP. VI.

*In quo, Tempus, quando reuelatus Antichristus, exponitur.*



**P**aura de sede, in qua dominatus: pauciora de tempore, quo reuelatus. Latuit enim diu Antichristus, & sensim occultè creuit: vt terræ-motus, qui non statim existit, sed ex paruo vento paulatim oritur, concluso diutius & compresso in concauis quibusdam terræ cauernulis, nullū edente motum, nullum sonitum. Qui paulatim vires & incrementa capiens, tandem violenter erumpit, terram dilacerat, rupes diffindit, disijcit montes, euerit arcēs, vrbes diruit, amnes absorbet, inflammat aërem, excitat fulmen, cælum rugitu, mundum terrore complet. Talis est operatio terræ-motus: parua & tenuis, & occulta initio: magna, terribilis in extremo, postquam eruperit. Talis est operatio Antichristi: principio quasi ventus exiguus in concauis Ecclesiæ meatibus delitescet, post sensim grandescens, viresque colligens, orbem concutiet. Initio simulatione sanctimoniz se insinuans, clam irrepet in hominum animos: tandem ad hominum perniciem reuelabitur & palam erumpet, postquam id quod obstitit è medio sublatum est, vt docet Apostolus. Conuenit inter nos, id quod ob stare dixit S. Paulus, ne Antichristus, qui tum fuit, reuelaretur, fuisse Romanum Imperium, vt omnes serè Patres existimant, Tertul- De resurrec-  
lianus, Ambrosius, Chrysostomus, Cyrillus, Primasius, The-  
ophylactus, in hunc locum, & Hieronymus ad Algasiam 2. Thess. 2. 6.  
quæst. 11. Nisi melius ver. 6. Quid nunc detineat scitis, in-  
telligendum sit, quid detineat aduentum Christi, vt Anti-  
christus

christus prius suo tempore reueletur, quemadmodum ex verbis præcedentibus doctissimus Iuellus exponit, Non adueniet, inquit Apostolus, dies Christi, nisi venerit defectio prius, & nisi reueletur Antichristus. Versu 7. docet, quis detineat aduentum Antichristi: Tantum ille qui nunc detinet, detinebit, donec è medio tollatur. Quod omnes fere Patres, vt dixi, de Romano Imperatore intelligunt, Sub cuius occassu venturum prædicant Antichristum. Vtus est Apostolus primum neutro genere, vers. 6. Deinde masculino, vers. 7. Quorum altero nonnulli sentiunt Imperium, altero Imperatorem Romanum designari. Nam quamdiu Romanum viguit Imperium, & Romanus Imperator Romæ regnauit; Antichristus illic sedere & dominari non potuit. Latuit igitur eo tempore, seipsum indicare non est ausus. Imperator, qui obstabat, de medio tollendus fuit, vt Antichristus Romæ palam dominaretur. Vt illic Pontificis sella pro Cæsaris throno poneretur. At in hoc à nobis aduersarij dissident: *Euertipenitus & aboleri dicunt Romanum Imperium debuisse, sic vt ne nomen quidem Romani remaneret Imperij, prius quam veniret Antichristus*: quod postquam dixit, negat Bellarminus; in qua cōtradictione, vt in alijs multis, doctissimus Eliensis hominēprehendit. Certe quod dixit, nec Apostolus docuit, nec Pater vltus dixit. De medio tollendum docuit Apostolus & loco mouendum id quod obstabat, quatenus reuelationem dominationemque Antichristi impediret: non docuit abolendum & desolandum, quemadmodum ipsi dicunt, sic vt nomen suum amitteret. Aliud est autem remotio, imperij, aliud abolitio. Abijt Imperator ex vrbe Romana: Imperium Romanum dissolutum & in decem Reges diuisum est, venit iam igitur Antichristus. Hæc est conclusio omnium, quos supra memini, Patrum. Qui tenebat de medio sit, inquit Hieronymus, & non intelligimus Antichristum appropinquare? Nam sic S. Iohannes, decem cornua (inquit) regnum accipient vnā cum bestia, id est, cum Antichristo, & Romanum Imperium inter se diuident decem Reges (numerus autem decem sæpe sumitur indefinite.) Auditis prophetiam: euentum videte. *Decem cornua regnum acceperunt, & inter se Ro-*

Ad Geront. de  
monogamia.



*manum Imperium diuiserunt, vnde cum bestia, id est, cum Antichristo, fatente Bellarmino. Venit iam igitur Antichristus. At non est abolitum, Romani Imperij nomen.* Ne debuit quidem aboleri. Nam S. Iohannes docuit bestia marinae sextum caput, id est, Imperium, postquam fuisset lethaliter vulneratum, deinde sanandum & curandum. Non igitur penitus abolendum & desolandum, vt dicunt, sic vt ne nomen quidem Imperij retineret. Porro dixit & causam, cur secunda bestia, id est, Antichristus, prioris bestia imaginem renouaret, vt ei meretrix infideret, sic vt docui, illaque niteretur. Non igitur penitus abolenda prior bestia, ne posterior suo praesidio orbata concideret. At quomodo tum consentiunt S. Iohannes & S. Paulus? S. Paulus dicit imperatorem de medio tollendum, vt vacuum Antichristo Romam relinqueret; quemadmodum Pontificij exponunt. S. Iohannes dicit meretricem insidere dorso bestia, id est, imperatoris, vt ab eodem fulciatur. Quomodo ista reconcilias? inquires. Ita videlicet, si S. Paulum de veteri, S. Iohannem de nouo imperio loquutum intelligas. S. Paulus enim loquitur de imperio quod obliuit, vel detinuit, deque eo tantum: sic enim ait, Tantum ille qui nunc detinet, detinebit, donec de medio tollatur. Detinuit autem Antichristum tum vetus imperium, non nouum. S. Paulus igitur non de nouo, sed veteri imperio loquutus est. S. Iohannes loquitur de imperio, quod gestat meretricem: tantum igitur abest, vt impediatur illam, vt potius fulciatur atque sustentetur. Ad eamque rem imperium in occidente renouatum est, vt Romanam suffulciret Ecclesiam. S. Iohannes igitur hoc loco non de veteri, sed de nouo imperio est loquutus. Accerte Pontificij, qui abolendam non modo dignitatem, sed etiam appellationem imperij censent, priusquam adueniat Antichristus, videntur totam prophetiam contradictionibus quibusdam implicatam suis eludere voluisse. Dicunt ipsi imperium Romanum quod nunc est, ex prophetia Danielis ad finem mundi duraturum: & idem dicunt dissoluentum & diuidendum in decem regna. Stulte, dicunt tamen, priusquam veniat Antichristus. Perinde ac si decem potentissima regna ex nudo nomine, & inani titulo imperatoris possent existere:

exillere: aut verbū idem dici posset ab ijs penitus abolendum; prius quā Antichristus adueniat, quod ab ijs dicitur ad mundi finem duraturum. Quorum in altero videntur Epicuri insaniam imitari, qui mundum construxit ex atomis, vt isti regna decem ex vocabulis. Quid enim iam aliud est Romanum imperium, nisi vocabulum? In altero lasam memoriam produunt, qui dicunt Romanum Imperium, quod nunc est, vsque ad finem mundi continuandum, & tamen funditus abolendum ante aduentum Antichristi, quem triennio & semisse ante mundi finem regnaturum esse contendunt. In vtroque singularem impietatem ostendunt, qui dum prophetiam de Antichristo grauissimam impossibilibus & contradictorijs inuoluunt atque implicant, Dei verbum prophanant, & Ecclesiam ludificantur. Summa est ab vtroque Apostolo collecta, vetus imperium de medio tollendum, & in decem regna dissoluendum & distrahendum, prius quā veniret Antichristus: nouum restituum & instaurandum, veteris simulachrum, cuius cum veniret, quasi dorso insideret & incumberet.

Vetus igitur illud Imperium, de quo S. Paulus loquutus est, quod Antichristi reuelationem impediuit, quomodo de medio sublātum sit, consideremus. Cuius duos gradus ponimus. Primum cum Imperij sedem Roma Constantinopolim transtulit Constantinus Magnus: secundum post diuisionem Imperij in occidentale & orientale, quæ statim vtrunque debilitauit, post occidentale dissoluit, quod propriè Romanum Imperium fuit, sed prius orientale omni titulo & iure Romæ Italiæque priuauit. Sedem Imperij vacuam, & Maiestatem primò diuisam & imminutam, deinde prius in occidente, post in oriente deletam & euersam, duos gradus ponimus remotionis eius ostaculi, quod Antichristi reuelationem in vrbe Roma, dominationemque impediuit. Historiam paucis delibo: plenam ex fonte hauriant, siqui volent.

Reuelationis etiam Antichristi duos gradus statuo. Vnum, quo regnare coeperit, alterum, quo agnosci.

Regni item duos gradus noto, vnum, cum summum in vniuer-

vniversam Ecclesiam imperium assumpsit, anno 607. cum  
 vniversalis Episcopus à Phoca regicida dictus, eodem propè  
 tempore, quo exortus Mahumetus, vt Phocas regicida,  
 vniversalis Episcopus, & impius Mahumetus Gemelli planè  
 videantur. Ventus ille falsæ doctrinæ, & ambitionis Eccle-  
 siasticæ furtim in nonnullorum Episcoporum animos irrep-  
 serat, qui, vt testis est Socrates, vltra limites sacerdotij sese Socrat. lib. 7.  
 in peregrinū efferentes dominium, de primatu omnium Ec- c. 11.  
 clesiarum contenderunt: ad eamque rem canonem Niceni  
 Concilij confinxerunt Sozimus & Celestinus, à Carthagini-  
 ensibus Patribus detectum & reiectum. Sed ventus ille tenuis  
 in Ecclesiæ corde vtcunque compressus, non totus erupit  
 prius, quàm Bonifacius tertius superbum illum titulum à  
 Phoca Imperatore importunis precibus expressisset.

Et tamè adhuc Antichristus pupillus fuit, nō solum Impera-  
 tori subditus ad tempus, sed Imperatoris vicario Exarcho Ra-  
 uennati; per quem electio Papæ facta per clerum populum-  
 que Romanum, necessariò est confirmata tandiù, donec Be- Anno. 684.  
 nedictus secundus ab Imperatore Constantino quarto Po-  
 gonato hoc priuilegium obtinuit, vt Papa sine confirmati-  
 one Imperatoris crearetur. Ac tū primùm Antichristus cœpit  
 esse sui iuris ~~aut potius~~, vt loquitur Apostolus.  
 Non ita multò post, vt Bonifacius tertius sese supra omnes  
 Episcopos extulit; sic Gregorius secundus se Imperatore su- 723.  
 periorẽ prædicauit: tertius Leonem tertium Imperatorem,  
 à Gregorio secundo excommunicatum, eò quod imagines  
 abolere tentaret, suis omnibus in Italia vestigibus exiit,  
 eiusque subditos à iuramento fidelitatis exsoluit. Et ita to-  
 tum regnum Occidentis ab eo abstulit, vt Pontificius testa-  
 tur author libri, qui Fasciculus temporum inscribitur. Tan-  
 dem, ne intermedia minutatim in historia consisterentur,  
 Gregorius septimus quasi terramotus erupit, & Ecclesiam, Anno. 727.  
 & Imperium conuassauit. Nam ille primus Pontificali  
 stabilire imperium, vt testis est Auenuinus, quod illis suc- Lib. 5. Annal.  
 cessores 450. annos inuitis Imperatoribus tenuerunt, aded, Boio.  
 vt Imperatorum suum vassallum effecerint. Postquam iam  
 ad ~~auxilium~~ suam venisset Antichristus, duobus hisce gradibus  
 reuelatus,

reuelatus, in Ecclesiâque dominatus, cepit agnosci primò singillatim à multis sanè pijs & doctis hominibus, à Gregorio septimi tempore vsque ad Lutheri felicem ætatem, quæ generatim agnita Roma Babylon, & Papâ Antichristus in omnibus reformatis Ecclesijs. Non me laet hanc reformatæ Ecclesiæ assertionem quibusdam è nostris dubiam, vestris omnibus deliram videri, sed si propositas cõclusiones grauiter penderint, nostri sibi exemptum scrupulum, vestri infixum aculeum sentient. Sic enim ex præmissis argumentabor omnibus.

Quicumque omnes essentielles illius Antichristi notæ à B.

Paulo & Iohannè positæ soli conueniunt, is solus est

grandis ille Antichristus.

At Papæ Romano omnes essentielles illius Antichristi notæ soli conueniunt.

Solus igitur Papa Romanus est grandis ille Antichristus.

Iam ut assumptio dilucescat, breues illas propositiones supra latius expositas, & solide conclusas, sub vltimo velut aspectum colligemus.

Docui principio quid sit Antichristus.

Cap. 1.

1. Antichristus ille non est vnâ singularis & indiuidua persona, sed status & successio personarum.

2. Est simulatione vicarius, præsumptione æmulus, proposito aduersarius.

Deinde qualis sit Antichristus.

Cap. 2.

3. Caput generalis à fide apostasæ est Antichristus.

4. Apostaticus Christianus & Episcopus vniuersalis est Antichristus.

5. Antichristus non est externus, & professus, sed domesticus & hypocriticus aduersarius.

6. Oblique & indirectè Christum negans, est vaser Antichristus.

7. Qui sedet in templo Dei vt Deus, & præ se fert se esse Deum, est Antichristus.

8. Qui effert se super omne quod dicitur Deus, seu se habere, super Angelos in cælo, super Principes in terra, super

res

res sacras in Ecclesia, est Antichristus.

9 Qui Christi naturas, proprietates, officia, beneficia, per consequens & implicite tollit, est Antichristus.

Docui quale sit regnum & satellitium Antichristi.

Cap. 3:

10 Inferni clauiger Antichristus.

11 Fumosi & tenebrosi regni caput est Antichristus.

12 Locustarum Rex est Abaddon, vel Apollyon, id est, diaboli primogenitus Antichristus.

Ostendi, quid agat Bellua ex terra surgens.

Cap. 4:

13 Terræ filius Antichristus.

14 Agni duo cornua gerens, vocem draconis edens Antichristus.

15 Omnem potestatem prioris bellæ faciens in conspectu eius, est Antichristus.

16 Imago prioris bestię est Antichristus.

17 Qui cogit homines adorare imaginem prioris bestię est Antichristus.

18 Restitutor Romanæ veteris monarchię est Antichristus.

19 Qui cum mendacibus miraculis & signis aduenit, est Antichristus.

20 Septimus Romanę siue Latini Imperij Rex est Antichristus.

21 Qui cogit omnes sub ditione sua suscipere characterem & nomen bestię, & numerum nominis eius, & numerum hominis, est Antichristus.

Ostendi, vbi sedeat.

Cap. 5:

22 Qui sedet in vrbe regnatrice sita in septem montibus, & septem regijs Imperij formis, propter ripas Tybridis, & est Pontifex Latinus, & Petri Cathedram occupat, & vocatur Papa sanctissimus, est Antichristus.

23 Cuius sedes est mystica Babylon, id est, Roma nomine tenus Christiana & Pontificia, is est Antichristus.

24 Qui sedet super meretricem blasphemam, idololatricam, libidinofam, superbam, mercantem animas, sanguinariam, suoque & genio & ingenio per omnia congruentem, est Antichristus.

Cap. 6.

25 Quæcum decem cornua absolutam potestatem regiam acceperunt, is est Antichristus.

Docui, quo tempore reuelatus.

26 Qui post occasum Romani Imperij, & discessum Romani Imperatoris ex vrbe Roma, in vrbe Roma, iam templum & Ecclesia Dei facta, sedens dominatur, est Antichristus.

Harum omnium notarum nulla Luthero, per pauca Turcæ conueniunt; Papæ autem Romano & separatim singulæ, & coniunctim vniuersæ conueniunt soli, vt est antea demonstratum.

Solus igitur Papa Romanus est grandis ille Antichristus.

Habes, Paule Quinte, speculum in quo te totum contemplare: nisi quoddam habearis quosdam tuæ momentaneæ dignitatis quàm æternæ salutis cupidiores, qui speculo fuliginem quandam asperferunt, ne in eo te ipsum agnosceres. Quibus nunc breuiter respondendum est.

## CAP. VII.

*In quo, Qualis non sit Antichristus, ostenditur.*



Valis sit Antichristus, docuimus: qualis non sit, doceamus. Quanquam rectum sit index sui & obliqui, vt rectè Philosophus: tantum tamen aduersariorum vel inicitia, vel peruiacia concedamus, vt quemadmodum veras germanasque Antichristi notas attulimus ex diuino textu, sic falsas & commentitias ex humano sensu profectas refellamus.

Bellarminus honestè scribit, *Opiniones Patrum de Antichristo, quæ probari nequeunt è Scripturis, non esse tenendas vt certas veritates, vel credendas vt materias fidei.* Vtinam regulam, quam probat ipse, sequeretur: facilius inter nos conueniret. Ac nonnullas in hac causa suorum fabulas Scriptura duce reiecit: sed alienas, credo, fabulas repudiauit, vt cum maiori autoritate narraret suas.

*Alias vt falsas & absurdas, alias vt magis probabiles, falsas tamen.*

*Vtraque*



*Utraq; igitur reiecit. Quamobrem? Quia probari, inquit, à Scriptura non possunt. Quis hunc hominem neget bona fide agere nobiscum?*

De generatione Antichristi.

1 *Non est, ut ait ipse, ex virgine natus Antichristus.*

2 *Non est diabolus, ut sensit Hyppolitus.*

3 *Non est diabolus incarnatus.*

4 *Non est Nero rediniuus.*

*Hæc quidem opiniones absurde sunt, inquit. Aliæ sunt magis probabiles, neque tamen veræ.*

1 *Non est Antichristus spurius, ut dixit Damascenus.*

2 *Non est ex tribu Dan, ut duodecim Patres existimant, omnesque penè Papistæ præter Bellarminum.*

Viden' Paule Quinte, quemadmodum Bellarminus tuus duodecim Patres in hac causa reijciat? à suisque desciscat? Negat veterem Antichristi tribum. Expectamus, ut proximè nationem neget. Negat Danicum esse: proximè negabit Iudæum. Nam pro tribu Dan probat opinionem Hieronymi Bellarminus. *Quamobrem? Non potest hoc, inquit, à Scriptura probari.* Quanquam pro tribu textus non minùs certè probabiles alij Papistæ afferunt, quàm pro natione attulit Bellarminus. Sed illos vir integræ fidei scilicet reiecit. Viden' vestri quemadmodum in hac causa dissentiant, ne nostris ampliùs suas dissensiones obijciant?

De natione, & religione, & officio & sede Antichristi.

*At Antichristus, inquit, erit natione Iudæus, religionè circumcissus, & ad tempus obseruator Sabbathi, officio Messias: nam veniet potissimùm pro Iudæis, & ab illis accipietur pro Messia: & Hierosolymis in templo Dei à se reedificato sedebit.*

Mendacem oportet esse memorem.

*Messias Iudæorum, inquit, venturus est non in suo, sed in Dei nomine, ait Bellarminus.*

*Antichristus autem venturus est non in Dei nomine, sed in suo. Ut ibidem ipse.*

Antichristus igitur non est Messias Iudæorum.

At probat ex duobus Scripturæ locis, Antichristum esse Messiam Iudæorum; vno, *Si alius venerit in nomine suo, inquit*

Christus Iohan. 5. *illum recipietis*. Vbi ex hypothetica suppositione indefinitæ personæ, Si alius, categoricam propositionem inferit definitè, id est, ille Antichristus. Absurdè, nec ad suam sententiam accommodatè. Quæ ponit *Antichristum illum paulo antè mundi finem esse venturum*. Non igitur illi Iudæi, quos tum viuos Christus est alloquutus, iam mortui, tum Antichristum recipere possunt pro Messia. Nisi fortè vt Enochum & Eliam ante finem redituros comminiscitur, qui oppugnent Antichristum, sic Iudæos, quos Christus est alloquutus, ante resurrectionem vniuersalem rediuiuos fingat, qui Antichristum recipiant. Ac vide quàm malè cohæreant partes fabulæ. Ait enim, *Primum Enochum & Eliam ab Antichristo interfectos post tres dies & dimidium reuicturos: deinde futurum, ut eo miraculo conuerfi Iudæi Messiam suum in Oliveti monte confodiant, & ad Christum post quadraginta quinque dies venturum reuertantur*. Quod somnium suum altero, quem adducit, loco refellit. Ait Apostolus, quòd ijs, qui amorem veritatis non receperunt, vt salui fierent, mittet Deus operationem erroris, vt credant mendacio, & iudicentur, id est, iudicio damnationis. 2. Th. 2. 9. *Qui sunt isti, inquit, qui Christum non receperunt? Iudæi scilicet*. Quamquam non dicit Apostolus, *Qui veritatem non receperunt, id est, Christum, sed, Qui veritatis amorem non receperunt*. Vt falsi Christiani. Sed quomodo puniet illos Iudæos Deus? Mittet illis, inquit, operationem erroris Deus, vt credant mendacio, id est, Antichristo & damnentur. Ergo Iudæi Antichristum pro Messia accipient. At Bellarminus Iudæos ab Enocho & Elia conuertendos asserit, cap. 6. ideoque seruandos. Apostolus loquitur de hominibus Christum respuentibus, ideoque dannandis, non igitur loquitur de Iudæis. At dicit Apostolus, *ijs esse missum Antichristum, qui Christum recipere noluerunt, quod de Iudæis est verum, de Christianis falsum*. Immo dicit ijs seducendis esse missum, qui veritatis amorem non receperunt: quod Pseudochristianis Papistis optimè conuenit, qui quamuis Christum recipiant, tamen amorem Christi nō recipiunt. At Apostolus loquitur in præterito tempore, *Qui non receperunt amorē veritatis, non in futuro:*

ergo Iudeos intelligit, qui ante quam hoc Apostolus scripsit, prædicationi Christi & Apostolorum credere recusarunt. At Apostolus loquens de Antichristianorum peccato & supplicio, quod peccatum præcedens præsupponit, in præterito tempore illorum peccatum expressit, quod non referendum ad tempus epistolæ, quam Paulus scripsit, sed ad tempus poenæ, quam illis indixit. Quod si præteritum tempus Iesuita premat eatenus, perinde ac si Antichristum Apostolus ab ijs solis recipiendum intelligeret, qui ante illud tempus Christum reiecerant: teneat oportet eum in fine mundi recipiendum ab ijs, qui ante annos mille quingentos diem suum obierunt.

Et non est hæc egregia demonstratio, quæ probat Antichristum esse officio Messiam Iudeorum, ab ijs in fine mundi recipiendum? *Unde, ut error, errorem patet, concludit, esse natione Iudeum, religione circumcisum, &c.* Vici, Antichristum esse Apostaticum Christianum. Sequitur igitur non posse villo modo infidelem esse Iudeum, qui nondum ad Christum accesserit. Probavi, esse hostem domesticum & hypocriticum, qui Christum occultè & indirecè negat. Sequitur igitur non posse villo modo esse Iudeum hostem externum, & professum, qui Christum palàm & directè negat. Conclusio ex Scriptura & Patribus, in templo Dei, id est, in Ecclesia Antichristum esse sessurum. Igitur in templo Hierosolymitano non sessurum Antichristum Hieronymus cum multis Patribus alijs definiuit. Et tamen iste Pythagoras, qui suum, Ipse dixit, stultis satisfacturum existimat, eum in templo Hierosolymis a se reedificato sessurum pronuntiat.

In quo vide quam secum ipse pugnet.

Templum ab Antichristo reedificatum est templum diaboli.

Sedebit autem, inquit, in templo a se reedificato Antichristus.

Sedebit ergo in templo diaboli: non igitur in templo Dei.

Nisi fortè templum Dei in templum diaboli commutabitur.

Porrò sedebit Roma Antichristus, ut iam ipsi fatentur Rhemenses.

Non igitur Hierosolymæ. Nisi fortè Hierosolyma loco mora Romam transmigrarit. Quod illi forsan efficere poterunt, qui magos orientales in tres Reges Sheba commutant.

occidentales. Nam Sheba sita est in occidente ab vrbe Ierusalem; cum Chaldaea, vnde illi venerant, in oriente sita sit. Non igitur video, quin eadem virtute possint Hierosolymam transferre Romam, qua orientem in occidentem conuerterunt. Vici supra ex confessione aduersarij, Romam esse sedem & ciuitatem Antichristi: & tamen in miro genere logicae Hierosolymam Antichristi sedem esse contendit. Nam vbi duo Dei testes, inquit, occiduntur ab Antichristo, illic est sedes Antichristi. At Hierosolyma duo Dei testes occiduntur ab Antichristo. Ergo Hierosolyma sedes erit Antichristi. Propositionem sumit pro concessio, quæ tamen probationem maximè requirebat. Non enim vbicumque duos Dei testes occiderit Antichristus, ibi suam sedem habebit. Non plus quàm magnus aliquis Princeps, qualem illi Antichristum ponunt, ibi dicendus erit habere sedem imperij, vbicumque illius ad suos hostes interficiendos valebit autoritas.

*An nescis longas Regibus esse manus?*

Manus Tiberij vsque Hierosolymam se extendit ad Christum crucifigendum, quamuis Romæ federet. Antichristus longimanus. Cuius autoritas ad duos Dei testes interimendos longius se solet extendere, quàm sedes. Non igitur vbicumque scuit, ibi sedet Antichristus. Propositio ergo generaliter sumpta, planè falsa est: particulariter intellecta, paralogismum facit. Assumptio etiam falsa est. Non enim Spiritus sanctus Hierosolymam, sed Romam, vel potius Romanum imperium, magnam illam ciuitatem vocat, in cuius plateis duorum Dei testium corpora iacebunt: vocatur autem illa magna ciuitas spiritualiter Sodoma & Egyptus, vbi & Dominus noster crucifixus est. Hierosolyma supra vocatur ciuitas sancta etiam post Domini nostri passionem: quomodo igitur hic vocatur spiritualiter Sodoma & Egyptus? vt scribit Hieronymus ad Marcellam. Ierusalem ciuitas sancta, Roma ciuitas magna semper intelligitur in Apocalypsi, quæ Regibus terræ dominata est, quod non potest Hierosolymæ conuenire. Porro aduerbium (spiritualiter) Romam attingit. Nam vt Roma mysticè Babylon, sic spiritualiter Sodoma & Egyptus. Sodoma propter superbiam & immundiciem, Egyptus

*Aegyptus propter idololatriam, & in Sanctos crudelitatem.*  
 Nam quis adeo cæcus est, cui Roma iamdiu non idolorum cæ-  
 sacrarium, libidinum lupanar, superbix regina, Sanctorum cæ-  
 laniena, regicidarum spelunca videatur? Verè igitur spiritua-  
 liter Sodoma & Aegyptus. *At ubi Dominus noster crucifixus, ibi cæ-*  
*duo Dei testes occiduntur ab Antichristo. At non Roma, sed Hie-*  
*rosolyma Dominus noster crucifixus est. Ergo non Roma, sed Hie-*  
*rosolyma duo Dei testes occiduntur ab Antichristo.* Negamus as-  
 sumptionem. Romæ in magna ciuitate, id est, in imperio  
 Romano, Dominus noster crucifixus est: *Primum quæ man-*  
*dato & authoritate Romani imperij Christus ipse crucifixus, vt*  
*Rhemenfes confitentur Apoca. 17. & 18. ver. deinde quia Ro-*  
*mæ sæpe Christus in membris crucifixus: postremo ne qui-*  
*dem intra Ierusalem crucifixus, sed extra, vt S. Paulus ad*  
*Heb. cap. 13. ver. 12. Accedat eodem, quod Ierusalem ante*  
*Apocalypsim, quæ sub fine Domitiani extitit, vnâ cum tem-*  
*plo funditus excisa, nunquam reædificanda fuit, vt esset sedes*  
*Antichristi: vt ex propheta Daniele superius euicimus. Qui*  
*desolationem templi & vrbis vsque ad finem mundi persequeretur*  
*esse dicit, vt ex Christi verbis Hieronymus exponit.* Neque verò me-  
 friuolæ responsiones Bellarmini valdè  
 perturbant. *Quibus presumis (vt scribit) Danielem aliquid quod*  
*non dicit, voluisse dicere, quasi quod voluisset, dicere non pos-*  
*set. Fingit igitur Prophetam ita dicentem; Vltimum non*  
*reædificandum donec paulo ante mundi finem: vel vt desolatum*  
*fuit ante quàm reædificatur, ita in eo iam reædificato desolationis*  
*abominationem, id est, Antichristum, vsque ad mundi finem per-*  
*maneat: vel nunquam plene reædificatum iri, itaque in templo*  
*inchoato, non consummato Antichristum esse sessurum.* Omnino  
 Ierusalem figura Ecclesiæ Christianæ: quæ postquam per  
 prædicationem Euangelij inter gentes extructa est, & vrbis  
 & templi Hierosolymitani finis fuit, vt vaccinatus est Chri-  
 stus, optimus Danielis interpres: qui prædixit abominatio-  
 nem desolationis, id est, alas abominabiles & desolantes,  
 (intelligens aquilas legionesq; Romanas, vt Lucas exponit)  
 vrbi temploque finale excidium illaturas, sic vt vtriusque deso-  
 latio vsque ad mundi finem permaneret, quemadmodum  
 Chri-

Math. 24. 14.

Luc. 21. 22.  
23. 24.

Ad Marcel.

Theodoret:  
lib. 3. cap. 20.  
Sozom. lib. 5.  
cap. vlt.  
Cic. de Ora. 3.

Christus explanat, prædicens Hierosolimam à Romanis euerfam, calcandam à gentibus, donec tempora gentium implerentur, id est, donec ipse ad iudicium veniret, quod proximis verbis describitur. Ita prolatis Ecclesiæ Christianæ finibus, vrbis & templi finis extremus fuit, teste Christo. Nam apparente veritate typus euauit: adeò vt primitiua Ecclesia Hierosolimam in æternos cineres collapsam crediderit, & Hieronymus opinionem quorundam de restitutione templi, Iudaicam fabulam appellarit. Ergo Hieronymi iudicio Bellarminus, qui de restitutione templi somniat, non Christianus Doctor, sed Iudaicus fabulator. Nisi peior censendus sit, qui cum Iuliano apostata Christo inendacium impeggerit, dum vnà cum illo ad templum reedificandum veluti lapides comportarit. Ille in ludibrium Christi, hic in honorem Antichristi. Vt eundem de cœlis ignem operi disturbando metuere debeat Bellarminus, quem, sicut testatur historia, pertulit Iulianus. Vnum autem est, quod valde vereor, ne in malam partem accipiat ipse Antichristus, quòd tantum orbis monarcham, vt ipse futurus est scilicet, in templo imperfecto collocarit, Scitè Cicero Capitolij, in quo Latialis stetit Iupiter, fastigium illud non solum propter vsum & necessitatē, sed propter ornatum venustatemq; celebrauit: vt etiam si in cœlum extolleretur Capitolium, vbi imber esse non posset, nullam tamen habiturum fuisse videretur sine suo fastigio dignitatem. Bellarminus autem opera Antichristi, quamuis lapides & cæmentum congerisset ad templum Hierosolymitanum, in quo tantus Princeps sessitaret, tantum absuit, vt Domini sui dignitati consuleret, vt ne necessitati quidem subueniret; reliquit enim templum sine lacunaribus, sine fastigio; & reliquit in terris, vbi crebræ pluuiæ, crebræ tempestates subinde ingruunt, vt magnum Principem exposuisse cœli inclementiæ in magno palatio suo ad ludibrium videatur.

Sed, si placet, fabulam putatitij Principis in loco suppositio regnantis pertexamus. Addit enim multa de regno & vicarijs Antichristi, de quibus in Scriptura altum silentium.

Scitum est somnium, quod ex Daniele malè intellecto natum



natum est. Qui de Antiocho Epiphane Antiochi magni filio, Seleuci Philopatoris fratre, & successore illius innominatæ bestię, cornu decimo literaliter & propriè vaticinatus est, sicut de nouem alijs quæ præcesserant, cap. II. Quod Bellarminus ipse fassus est, & tamen inde conclusit.

1 *Antichristum ex vilissimo loco surgentem, fraude & dolo Iudeorum regnum obtenturum.*

2 *Pugnaturum cum tribus regibus, Ægypti, Lybie & Ethiopia, ipsę, demittis regna ipsorum possessurum.* Quod ne de ipso quidem Antiocho typo Antichristi verum fuit.

3 *Septem alios Reges subiugum missurum, & monarchiam totius orbis adepturum.* O egregium victorem omnibus Pompeiis, Cæsaribus & Alexandris præferendum, qui tantum triennio & semisse perficiet.

4 *Innumerable exercitus Christianos persequunturum.* Et hæc esse Bella Gog & Magog.

Hæccine putes oracula Scripturæ, an somnia Bellarmini? Fuerit in multis Antichristi typus Antiochus. Quid tum? Si nos ea, quæ Antiochi personæ propria fuerint, ad Antichristum omnia accommodemus, quorum respectu non fuit typus Antichristi, & ex illis non simile, sed idem inferemus; ex inferis reuocetur Antiochus, eiúsque anima transmigret in Antichristum oportet, vt hæc omnia exequatur. Et quamuis Antichristus vilissima bellua sit, vt Antiochus; tamen non iam ex vilissimo, sed ex honoratissimo loco surgat oportet, sit Antiochi magni filius, sit Seleuci Philopatoris frater, & successor in Regno Syriæ, vt disertè à Daniele dicitur Antiochus, c. 11. ver. 21. Et eius loco surget vilissimus. Immò magnus annus Platonis redeat necesse est, vt iterum Antiochus vas Romæ sit antequàm regnet, Demetrium nepotem suum, vt Rex Richardus Angliæ tertius, de medio tollat, tres expeditiones faciat in Ægyptum:

*Atque iterum ad Troiam magnus mittatur Achilles.*

Iterum bella gerat Antiochus, iterum in reditu suo Iudeos semper affligat, cæteraque omnia Antiochi gesta referat Antichristus, quæ Daniel Propheta ita describit ad viuum, vt Porphyrio, qui quo Spiritu scriberet, nesciebat, non tam prophetiam

prophetiam, quàm historiam scripsisse videatur. De qua pòst plura. Nunc reliquos fabulæ concinnos actus persequamur.

*Enochus tandem & Elias à cælo redeant in terras oportet, duo scilicet illi testes Dei, qui prædicent Euangelium in persona sua, & cum Antichristo pugnant ab eodem interficiantur; sed post tres dies & dimidium reniuiscent; cæteraque, quæ ex illo 11. cap. Apocalyp. miserè premendo literam vi expresserunt, nullo vt loco magis iudaizare videantur. Quamuis eo loco nec Enoch nec Elias nominatur, nec Antichristus, vt quidam docti sentiunt, intelligitur; siquidem bestia, quæ facit aduersus duos hosce Dei testes bellum, ascendisse dicitur de Abyssò, quæ videtur esse prior bestia, quæ dicitur ascendisse de mari, cap. 13. vers. 1. cum secunda dicatur ascendisse de terra. Deinde atrium templi datum est calcandum gentibus 42. mensibus, ver. 2. quod tempus assignatum est persecuutioni prioris bestię, cap. 13. vers. 5. Porro calcandum gentibus, non Iudæis, quorum Princeps fingitur Antichristus. Iam qui duos testes duos præcisè homines senserunt, de personis nunquam adhuc inter se conuenire potuerunt. Alij Eliam & Moysen: alij Eliam & Elizeum: alij ne Eliam quidem, sed Ieremiam: alij cum Elia & Mose Iohannem theologum testem supernumerarium ponunt: de Enocho ferè omnes Patres silent. De duobus autem testamentis, quasi binarijs testibus, varijsque testamentorum duorum synceris interpretibus qui locum exponunt, facilius multò se expediunt, vt paulò post intelligitur. Qui amici sacris in mœnore & squalore pœnitentiam gentibus prædicabant, à quibus mercedis loco atrocissimam mortem acceperunt. Durauit autem sœua prioris bestię persecutio, & testes Dei fidelissimos absorpsit annis 294. quos menses quadraginta duo iuxta Danielis hebdomadas planè conficiunt. De quibus paulò post plura. Nec tamen Deus passus est testes suos inultos mori, si prophetiæ historiam conseramus. Nam Deus illos sanguinarios Imperatores duorum testium vice vltus est, sic, vt ex longa siccitate, & ex nimio Solis ardore natis morbis acribus, & perperacutis gentes perustæ, pestes eiusmodi contraxerint, quæ sæpe totas vrbes depopulatæ sint, & totos exercitus deuastarint.*

*Ita*

Verf 7.

Ita forsitan dici poterunt duo testes cœlum clausisse ne plueret, aperuisse etiam vt plueret, cum precibus Christianæ legionis pagani Imperatoris exercitus à Quadis circumclusus, propter aquæ inopiam, nimia siccitate iam iam periturus, è cœlo pluuiam largam obtinuit; cum interea hostium exercitus fulminibus & fulguribus cœlo percussus interiijt. Vnde Christianorum fulminatrix legio dicta est. Et cum testes Dei indignissime crudelissimeque habiti sceleratis gentibus ignem æternum minarentur, fortè etiam ignem è cœlo venturum prædicerent, quo nonnunquam vrbes & exercitus deflagrarint: annon ignem ex ore quodammodo expuisse dicantur hostibus Dei consumendis? Et cum hostes Dei sæuissimè Imperatores mutuo se sæpe Marte confoderint, & tantam terræ marique stragem ediderint, vt campos & amnes in sanguinem conuertisse viderentur: nonne Deus ita videri potest iuxta prophetiam causam suorum testium iustissime vindicasse? præsertim cum alios ex eorum cineribus testes, quasi phœnices, excitarit, qui testimonium dicerent veritati: vt ita duo Dei testes quamuis non in indiuiduo, at in successione reuixisse videantur. Et quia non modò triumphans, sed etiam militans Ecclesia cœlum, cum in Apocalypsi, tum alibi sæpe in Scriptura nominatur: idèd cum Dei templum Dei testes ex illis veluti ruinis ac parietinis refecissent, ita, vt loquitur Propheta, cœlos ascendere, atque in cœlo esse videbantur. Quòd si quis locum hunc de Antichristi persecutione, qui prioris bestię sæuitiam ad viuum expressit, deque Antichristianis, qui ducentis nonaginta quatuor annis ad minimum Ecclesiam hisce posterioribus sæculis atrocissime persequuti sunt, exponendum intelligat, non repugnabo; cum gentes agerent sub nomine Christi, vt loquitur Tertullianus. Tantùm quid alij doctissimi viri probabiliter sēserint, ostēdo sine contrā dicentium præiudicio. Verū ab aduersarijs tribus verbis omnia, quæ dixi, refelluntur; sic enim clamant, Nondum venit Antichristus: & ad quæstionem, An sit Antichristus, omnia reuocant. Quam iam vltimo, si placet, loco disceptemus.

*In quo, An sit Antichristus, id est, an venerit, disputatur.*



**A**N sit Antichristus in Scriptura præmōstratus, satis constat: An sit in orbe monstrandus, nunc magis etiamnum constabit, cum vtrum venerit discussserimus,

- |                        |   |
|------------------------|---|
|                        | 1. Prædicationem Euangelij in toto orbe.  |
| Duo præcur-<br>rentia: | 2. Euersionem & desolationem Romani Imperij, vt nomen remaneat.                   |
|                        | 3. Prædicationem Enoch & Elia.  |
| Duo comi-<br>tantia:   | 4. Grauiſſimam & publicam Ecclesiæ persecutionem, quæ publicum Dei cultum tollat. |
|                        | 5. Durationem regni Antichristi triennalem & semestrem.                           |
| Duo conse-<br>quentia: | 6. Statim post dies quadraginta quinque mundi interitum                           |

*Cuius aduentus sex signa posuit Bellarminus.*

Ex primo signo sic disputat.

*Si Euangelium nondum in toto orbe annuntiatum est, nondum venit Antichristus.*

*Verum primum. Verum igitur & secundum.*

Propositionis consequentiam probat ex verbis Christi Matt. 24. v. 14. *Euangelium Regni annuntiabitur in toto orbe, ut sit testimonium omni nationi*, inquit Christus. Sed non dicit, Et tunc veniet Antichristus; sed, Et tunc veniet finis. Id est, *vel mundi consummatio*, vt Bellarminus autumat, *vel excidium Hierosolymæ*, vt nos eueicimus. Sed fac illis verbis mundi finem intelligi: tamen nisi Bellarminus controuersum sumæ pro concessio, Antichristum non ante mundi finem esse venturum, id quod nos constantèr pernegamus: hæc expositio Bellarminum iuuare non poterit. Sed quid si locus non de fine mundi, sed de excidio Hierosolymæ intelligendus sit, iuuabit illum multò minus. Hæc igitur primum oppono Chry-

Chrysoſtomum Bellarmino, qui locum non de interitu mundi, ſed de excidio Hieroſolymitanæ vrbs. & templi interpretatur. Quod contextus euincit. Nam Chriſtus diſcipulis, quibus verſu 2. dixerat futurum, vt vrbs. & templum funditus excinderentur, ſic vt ne lapis quidem ſuper lapidem relinqueretur, primum de excidio Hieroſolymæ, quam æternam fore credebant, ver. 3. percontantibus reſpondit: Dicitis nobis, quando erunt iſta? id eſt, quando templum deſtruetur: deinde de fine mundi, ipſiusque ad iudicium aduentu ſciſcitantur. Quæſtionis igitur duæ partes ſunt, prima de excidio Hieroſolymæ, ſecunda de mundi fine; quem Hieroſolymæ ſuperſtitem fore non purabant. Primæ igitur primo reſpondet Chriſtus à 4. verſ. ad vigeliſimum tertium, Secundæ à vigeliſimo tertio ad verſum quadregeliſimum ſecundum. Ac primo de calamitatibus vaticinatus eſt Chriſtus, quæ excidium præceſſerunt, vſque ad verſum decimum quintum verſu decimo quinto excidium ipſum à Daniele prædictum expoſuit. Quod ſiquis abominationem deſolationis ſtantiem in loco ſancto per analogiam pro Antichriſti ſeſſione in Eccleſia ſumendam putet, non repugnabo: ſed ſi propriè & ad literam exponat, non modo Chryſoſtomum, ſed Lucam, vt dixi, & Chriſtum ipſum habet repugnantem. Inter cæteras calamitates, quæ ſunt Hieroſolymæ excidium antegreſſæ, ſpirituales poſitiſſimum prædixit duas, in pseudoprophetis ſeductionem, in populo defectionem. Præmonet igitur Chriſtus diſcipulos, & ſolatur. Præmonet, vt caueant à pseudoprophetis: ſolatur duplici promiſſione, vna ſalutis æternæ, verſu 13. Si ad finem perſeuerent: altera proſperæ ſucceſſus, quem ipſorum miniſterium in Euangelio per totum orbem diſſeminando eſſet habiturum prius, quam Hieroſolyma funditus eſſet exciſa. Vt eſſet teſtimonium omni nationi, euerſa Hieroſolyma victuram, tamen Eccleſiam, cuius terminos in omni natione, tam gentium quam Iudeorum, Apoſtoli eorumque diſcipuli prædicando Euangelio, ante vrbs excidiū proruſſent. Neque verò putandum eſt, Chriſtum hæc prophetias tractatione conſiſſiſſe, ne æteret errorem, quem diſcipuli de Hieroſolymæ ad mundi finem duratione conceperant.

rant. Itaque postquam ver. 15. excidium descripsisset, adiunxit & consilium, & solatium. Consilium ver. 16. 17. 18. 19. 20. vt, qui in Iudæa sunt, fuga sibi maturè prospiciant, precen-  
turque mulieres grauidæ, ne hyeme vel Sabbatho fugere co-  
gantur. Solutum, quo promittit fore, vt propter electos Iu-  
dæos tempus obsidionis contrahatur: alioqui neminem Iu-  
dæum euasurum, vt Chrysostomus exponit ver. 22. Hæc expo-  
sitiō Chrysostomi collatione Lucæ cū Matthæo luculentèr  
cōfirmatur. Nam vt Matt. 24. 15. Christus illa verba ex Dani-  
ele proponit, Quum videritis abominationem desolationis,  
(quā Daniel vocat abominabiles alas desolantes) stare in lo-  
cō sancto, Lucas cap. 21. 20. sic exponit: Quum videritis Hi-  
erosolymam obsessam exercitibus, quos Daniel abomina-  
biles alas appellat, tum demum intelligite desolationem &  
vastitatem vrbi sanctæ, & templo sancto appropinquare. Mo-  
netque Iudæos vt has calamitates sibi peculiariter imminen-  
tes fuga deuitent, ver. 23. 24. Cum autem Christus Matthæi  
versu 23. de fine mundi, suoque ad iudicium aduentu vatici-  
nari incipiat, versu 34. vbi maxima vtriusque prophetiæ mix-  
tura videri possit, ita distinctè loquitur, cum & excidij Hi-  
erosolymitani, & dissolutionis vniuersi signa præcurrentia se-  
paratim præmonstrasset: vt illius tempus definiat, huius in-  
definitum relinquat. De illo, Amen dico vobis, inquit, hæc  
generatio non præteribit, donec hæc omnia (digitum, vt vi-  
detur, ad Hierosolymā intendens, vt in Oliueti monte conse-  
dit) implentur. De hoc verò, id est, de fine mundi, vt cer-  
titudinem rei notat, sic incertitudinem horæ & diei, quas ne-  
que Angelus, neque Filius hominis nouit, sed Pater tantum.  
Ex quibus propositionis Bellarminianæ consequentia vanis-  
sima esse deprehenditur. *Que predicationem Euangelij toto or-  
be dispersam, ex illis versibus ponit signum præcurrens aduentum  
Antichristi; contra literalem prophetiæ sententiam non solum  
à Chrysostomo, sed à Christo ipso, Luca interprete, clarissi-  
mè positam. Vides propositionis inconsequentiam: vide iam  
assumptionis falsitatem. (At Euangelium nondum in vniuerso  
orbe annuntiatum est.) At Paulus Coloss. 1. ver. 6. ait, Euangelij  
toto orbe annuntiatum fuisse suo tempore. Ideoque ante  
exci-*



excidium Hierosolymæ, quod circà biennium post mortem Apostoli contigit: vt Eusebius scribit lib. 3. Et addit Apostolus, sic venisse Euangelium toti mundo, vt fructum ferret. *Certè, inquit Bellarminus, virtualiter tum in toto orbe fuit Euangelium, sed non actualiter.* Non? *Quomodo* igitur tum fructum ferre potuisset, nisi actualiter in toto orbe extitisset? Sed significantius ibidem Apostolus loquitur, vers. 23. Euangelium tum annuntiatum vniuersæ sub cælo creaturæ fuisse. Cui credemus? Paulo, an Bellarmino? Apostolo an Cardinali? Exiuit sonus eorum in omnem terram, inquit Apostolus: id est, *Exibit*, vt exponit Bellarminus. At Chrysostomus iisdem Chrysost. Apostoli testimonijs prophetiam Christi tum impletam hom. in Mat. probat, Euangelium toti orbi prædicatum ante excidium Hierosolymæ. *Ita per famam, inquit Bellarminus, potius Euangelium ad gentes omnes peruenire, non per proprias prædicationes.* Non dicit Paulus rumorem Euangelij in toto orbe, sed fructum per prædicationem dissipatum, quæ sine prædicatoribus esse non potuit. Nec tamen toto orbe quiuis paruus & ignotus orbis angulus designatur, sed maxima pars orbis notiam tum & habitabilis, vt Lucæ 2. 1. Nec per omnes nationes, singulæ nationes, sed omnia genera, id est, Iudæi, atque gentes. Nam hoc loco & alibi oppositio est inter omnes nationes, & Iudæos. Tum in Iudæa tantum Euangelium audiebatur, in qua septum Ecclesiæ ad tempus cernebatur: post diruto interstitio, septoque sublato, inter gentes promiscuè personabatur tanta prædicatorum multitudine, & tam mirabili prædicationis efficacia, signorumque virtute, vt faciliè credendum sit sonum Euangelij ante annos quadraginta in omnem terram peruenire potuisse; totidem enim ad minimum intercesserant inter prophetiam expositam & impletam. Postremo quamvis prædicatum omnibus, non tamen receptum ab omnibus: ideo relictum vt testimonium omni nationi, vt oblatum omnibus, & reiectum à multis, eosdem inexcusabiles redderet: Parum ne cernis & futilem Bellarminianæ propositionis consequentiam, & manifestam assumptionis falsitatem? Vnde sic argumentum retorqueo, Christo prophetatæ, Paulo interpretante, astipulante Chrysostomo: Annuntia-  
tum

tum est in toto orbe Euāgelium ante excidium Hierosolymæ.

Ergo Bellarmino concedente, venit iam Antichristus. Ac mihi quidē acerrimo iudicio Calvinus videtur vniuersalem fidei prædicationem ponere præcedentem vniuersalem à fide defectionem, cuius caput ab Apostolo ponitur Antichristus. Non enim potuit esse vniuersalis à fide defectio prius, quam vniuersalis præcessisset fidei prædicationio: quam cum interrupit, ut in oriente Mahumetus, sic in occidente Antichristus, verum fuit, interrupta successione excitari extra ordinem à Deo quosdam viros Dei, Angelos Dei, qui sincera prædicatione Euangelij visibilem Ecclesiam ab eo misere disiectam insturarent atque reficerent: deicerentque murum occidentalæ Babylonis, quemadmodum Hiericuntis: & protererent Antichristi gloriam, quasi Dagonis; ut clangore tubæ Euangelicæ cecidisse iam Babylon in hominum animis, & orbis iam non de Antichristi aduentu dubitare, sed de abitu deliberare videatur. Nam apud partem orbis Christiani maximam unius Antichristi titulus resedit: immensa potestas clauit; spiritalis iudicio alienorum, temporalis suorum: indulgentiarum decreuit emporium, argenteus Euphrates exaruit, nummorumque maximi fluij in illam Ecclesiam decurrentes penitus exiccati, sed in suos alueos reducti; non sine summa erga Tyberinum Pontificem charitate, cui Lutherus, Calvinus ceterique præcones Euangelij tantam opum redundantiam perniciosam esse duxerunt. Ut Ateium Capitonem, & L. Arruntium scribit Tacitus, ad coercendas Tyberis exundationes, diuertere voluisse fluitios & lacus, per quos intumuit, ut Tyberis accolis fluitijs orbat, quamuis minore cum gloria, tamen cum minore periculo fluere. Idem orbis Christianus cepisse cōsiliū videtur ad moderandam Pontificis Tyberini exitialem redundantiam, et vanum nobis scrupulum iniiciat Bellarminus de Antichristi introitu, de cuius interitu cogitamus. Primam hominis demonstrationem accepimus: secundam consideremus, quæ sic concluditur. *Si Romanum Imperium nondum funditus exarsum sit, sic ut nō-*

Annal. l.

men

*nomen amiserit Romani Imperij, nondum venit Antichristus.*

*Verum autem est primum.*

*Verum igitur est secundum.*

*Vel sic.*

*Si ante aduentum Antichristi Romanum Imperium diuidendum fuit in decem Reges, quorum nemo vocabitur Rex Romanorum, nondum venit Antichristus. Nam est adhuc Rex Romanorum.*

*Verum est autem antecedens.*

*Verum igitur & consequens.*

Libet experiri vires & neruos omnes huius mirificæ demonstrationis, in qua tantopere triumphant: quamvis in explicatione prophetiæ satis ante refutata est, cuius assumptionem vndiquaque munire conantur. Hæc autem est assumptio: *At Romanum Imperium nondum funditus euersum est, sic ut Romani Imperij nomen amiserit. Quod probant, quia Romanum Imperium diuidendum in decem Reges, quorum nemo vocabitur Rex Romanorum. Vtramque partem firmare contendunt ex 2. & 7. Danielis, & 17. Apocalyp. 2. Danielis, inquit, describitur successio quatuor regnorum vsque ad finem mundi per quandam statuam habentē caput aureum, pectus argenteum, ventrem æneum, & tibias ferreas. Caput aureum significat, inquit, regnum Chaldaorum, pectus argenteum regnum Persarum; venter æneus regnum Alexandri & Græcorum, tibie ferrea regnum Romanorum: duæ tibie occidentale & orientale Imperium Romanum. Iam ut duæ tibie habebant decem digitos, inquit, quæ non sunt tibie: sic Romanum Imperium diuidetur in decem Reges, quorum nemo est, vel dicitur Rex Romanorum. Eadem quatuor regna apud eundem Danielem cap. 7. designantur per quatuor bestias, leonem, vrsū, pardum, & aliam inominatam habentem cornua decem, quorum nullum est vel dicitur bestia. Hæc autem bestia, inquit, significat Romanum Imperium, & decem cornua decem Reges, qui Imperium illud diuisuri sunt. Quod probat ex 17. Apocalyp. ubi Iohannes describit bestiam cum septem capitibus, & decem cornibus, super quam sedebat Mulier, &c. Nam Angelus, inquit, sic interpretatur: Mulier est*

*urbs magna qua sedet super septem colles, id est, Roma. Decem cornua sunt decem Reges qui vno tempore simul regnabunt & odient, sic enim loquuntur, Fornicariam &c. Quibus urbis inquit, Angelus aperte significat Imperium per illos decem Reges diuidendum & desolandum, sic ut nē nomen quidem retineat Romani Imperij. Quod autem Antichristus non sit ante venturus, aperte conuincitur, inquit, ex Danielis cap. 7. vers. 24. Cornua decem ipsius regni decem Reges erant, de quibus hactenus diximus, inquit, & alius consurget post eos, (nimirum Antichristus) & ipse potentior erit prioribus, & tres Reges humiliabit, & sermones contra Excelsum loquetur, & Sanctos Altissimi conteret, & putabit quod possit mutare tempora & leges, & tradentur in manu eius usque ad tempus, & tempora, & dimidium temporis. Et hoc probant ex Hieronymo, qui subdit; tum undecimum Regem paruulum nasciturum, qui tres Reges de illis decem superaturus sit: immo Bellarminus procedit ulterius, & ex undecimi cap. versu 21. Et eius loco stabit vilissimus, concludit Antichristum ex vilissimo loco surgentem fraude & dolo Iudeorum regnum adepturum, neque solum cum tribus regibus Egypti, Lybie, & Ethiopia pugnaturum, sed & de ceteris regna ipsorum possessurum, sed septem etiam alios Reges sub iugum missurum, & Monarchiam totius orbis obtenturum triennio scilicet, annique dimidio; interea innumerabili exercitu Christianos oppressurum: & hæc esse Bella Gog & Magog. Ex quibus omnibus Danielis & Iohannis de Imperio Romano, de Antichristo, deque eius regni latitudine, ortu, fine, & duratione, prophetijs inter sese, ut ipse putat, concinne concordantibus, concludit nondum aduenisse Antichristum. Quō maior necessitas nobis imposita est ab illo Danielis prophetiam accuratiùs explicandi, quemadmodum suprā Iohannis prophetiam exposuimus: sic argumento, solidè satisfiet, dum prophetiæ historiam conferam, confusus ordinem, obscuris lucem inferam, testamentum testamento, librum libro, caput capiti, versum versui, componam, nec textui iungam perspicuo longum, nec obscuro breuem commentarium: nam ita nec inferam superflua, nec præcidam necessaria. Præsertim cum vaticinium sit ænigma, quod à Propheta obscure descriptum pluribus, à Doctore paucis exponi*

exponi dilucidè non potest, quodque vatem requirat inter-  
pretem, donec ab euentu explanetur. Quò nobis æquiores  
erunt Pontificij, præsertim Bellarminus, qui duodecim in hac  
causa Patres reiecit, si nos eosdem in hac parte Prophetiæ,  
præsertim vnum Hieronymum cum honore dimittamus:  
cum Augustinus prophetias citius impleri dicat, quàm intel-  
ligi: & nudis autoritatibus omiſſis requirat interdum, vt  
res cum re, causa cum causa, ratio cum ratione concertet. Ire-  
næus autem prophetias prius quàm habeat efficaciam, ænig-  
mata atque ambiguitates appellet: in quo Bellarminus nihilò  
plus nobis dabit, quàm sibi ipse sumpsit: qui cum ab Irenæo  
pungi Papam suum & vri iudicaret, idem pro suo commodo  
respondebat. *Certius enim, (inquit) Irenæo & sine periculo vi-*  
*detur, suscinere adimpletionem prophetiæ, quàm suspicari:* Et vi-  
dentur Pontificij hanc modestiam ex Daniele didicisse, qui  
de alijs rebus, vt nos probabimus, de Antichristo, vt Pontifi-  
cij sentiunt, vaticinatus, verba clausa & signata vsque ad præ-  
stitutum tempus esse dicebat. Quem primum si de Romano  
Imperio, deque Antichristo vaticinatum esse fateamur: nihil  
ille vel caussam nostram lædet, vel Pontificiam subleuabit.  
Nam si quarta bestia Danielis sit status Romani Imperij, &  
decem cornua decem Reges inter quos distrahetur, & vnde-  
cimum inde ortum cornu Antichristus: certè Papa qui ex oc-  
casu & distractione Imperij est exortus, est Antichristus. Hic  
autè, si placet, expendà singula quæ à Bellarmino afferuntur,  
& inquiram quemadmodum inter se, & cum textu congruant.

Ait Bellarminus *quartum Imperium*, quod ille Romanum  
intelligit, *ad finem vsque mundi duraturum*. Et tamen ait *Ro-*  
*manum Imperium funditus destruendum ante aduentum Anti-*  
*christi, qui post triennio & semisse regnabit*. Quomodo igitur  
verè dicit, ad mundi finem Romanum Imperium duraturum?  
Remitto magnum istum Chrysippum ad Aristotelis Analy-  
tica, ad quæ alios interdum sine causa relegat, vt cum eadem  
ipse relegerit, doceat nos quomodo duo contradictoria  
possint simul esse vera: *Romanum Imperium vsque ad mundi*  
*finem permanebit: Romanum Imperium vsque ad mundi finem non*  
*permanebit: Siquidem omnimodam desolationem sustineat necesse*

Irenæ. lib. 4.

aduer. Hæres.

cap. 43.

Lib. 5. pag.

ante pen.

Bell. lib. de

Pont. 3. cap.

18.

Dan. 12. 9.

*est ante aduentum Antichristi, qui triennio & semisse ante mundi finem dominabitur.* Nunc quomodo Bellarmino cum Daniele conueniat, consideremus. Placet sanè multis ætatis nostræ doctissimis viris, qui Danielem exactissimè perrimati videntur, quartum Imperium (quod multi sine dubio non minùs eruditè pro Romana monarchia acceperunt) fuisse regnum Seleucidarum & Lagidarû in Syria & Ægypto, quatenus Iudæam interiectam vtrinque pupugerunt: idèoque vt cæteris tribus formidolosius esse descriptum, quia Iudæa perniciosius. Decemque cornua fuisse decem Reges Syriæ & Ægypti, qui successiuè Iudæos opprèsserunt: & Antiochum Epiphanem decimum fuisse & postremum, qui Iudæos præter cæteros immanissimè crudelissimèque vexarit. Idèoque typum Antichristi fuisse, qui Christianos non minùs afflixerit; ipsum autem Antichristum non fuisse, vt Bellarminus somnauit. Rationes eorum, si placet, è textu petitas afferamus aliquas.

1. Quarta bestia regnum fuit ante aduentum & regnum Messia finiendum, vt docet Propheta cap. 7. ver. 21. 26. 27. quod de Seleucidarum regno verum est, de Romano falsum.
2. Quarta bestia bellauit cum Iudæis, eosque grauiter opprèssit, Deique cultum impediuit, non modò ante aduentum Christi, sed ante purgationem templi, restitutionemque cultus Iudaici per Iudam Macchabæum, cap. 7. ver. 25. 26. 27. quod Seleucidarum regno conuenit, Romano non conuenit.
3. Quartæ bestia decem solummodò fuerunt cornua, decem Reges, vt nominatim post ostendam, qui Iudæam tyrannidè perculerunt: quod de septem Seleucidis & tribus Lagidis est verum, sed, si de Romanis intelligatur, est falsum; qui postquam Iudæa dominatum sunt adepti, multò plures quam decem extiterunt. Porro decem illi Reges sibi inuicem in eodem regno successerunt: quod septem Seleucidis & tribus Lagidis competit; decem autem illis post natis ex Imperio Romano regibus non competit, qui indiuerfis prouincijs eodem tempore regnarunt, vt fatetur aduersarius. Adde quòd pardus, cap. 7. significans Macedonicum Imperium, hirco adumbretur cap. 8. quod apparet ex eo, quoniam vt illic pardus dicitur



dicitur habuisse quatuor capita, sic Hirco, cum cornu eius  
 magnum fractum esset, id est, Alexander, quatuor dicuntur  
 cornua orta loco eius, id est, quatuor Principes, inter quos  
 hirci Imperium est diuisum. Quod Romano Imperio non  
 conuenit, Macedonico conuenit; nam Ptolomæus Lagi  
 filius Egyptum, Philippus frater Alexandri Macedoniam,  
 Seleucus Nicanor Syriam & Babylonem, Antigonus Asiam  
 minorem Alexandro mortuo, occupauit; quatuor Alex-  
 andri Principes, ut ipse Hieronymus obseruat. Quod si qua-  
 ratur, quomodo possint esse duæ tibiz à Daniele prædictæ,  
 quæ duplex Imperium Romanum, occidentale & orientale,  
 Bellarmino iudice scitè referunt, ex quibus decem Reges, ut  
 decem digiti, prodierunt: respondeo, Ex quatuor Alexandri  
 Principibus, duos potentissimos, Seleucum Nicanorem, &  
 Ptolomæum Lagidem fuisse, qui quatuor illa regna mutuis  
 collisa bellis in potestatem suam redegerunt: quorum ab il-  
 lo regnum Seleucidarum & Regum Syriæ in septentrione, ab  
 hoc regnum Lagidarum & Regum Egypti in austro de-  
 scendit, qui pro Iudæa intermedia pugnaverunt, eamque pu-  
 pugerunt. Duæ illæ tibiz, quæ Iudæos miserè procularunt,  
 ex quibus decem Reges, quasi decem digiti, exierunt, quos  
 Daniel vndecimo capite describit. Nā tres Lagidæ à Ptolomæo,  
 septem à Seleuco Seleucidæ sunt orti: ab eoque in fi-  
 ne regni Seleucidarum super Iudæos cornu paruulum est  
 ortum, cap. 7 & 8. id est, rex impudens facie, hoc est, Antio-  
 chus Epiphanes, cornu decimum, cap. 11. propriè & ex Decem.  
 composito graphice depictum. Primum quartæ & innomi-  
 natæ bestiz cornu Ptolomæus Lagides, Rex austri, id est, <sup>1</sup>  
 Egypti, vers. quinto describitur: ibidem etiam Seleucus <sup>cap. 11.</sup>  
 Nicanor, ex Principibus Alexandri potentissimus, Rex A-  
 quilonis, secundum cornu. Nam contrà Ptolomæum ille <sup>2</sup>  
 præualuit, Iudæamque à Ptolomæo possessam ad tempus, vers. 5.  
 totamque Syriam tenuit, in eaque dominatus est. Cui succe-  
 sit Antiochus Soter tertium cornu: cuius filius Antiochus <sup>3</sup>  
 Theos, quartum cornu, ut foedus inter se & Ptolomæum Phi- <sup>4</sup>  
 ladelphum confirmaret Aegypti Regem, Bernicem Phila- <sup>ver. 6.</sup>  
 delphi filiam duxit uxorem; ut illam prophetiz partem im-  
 pleret

- pleret de duobus pedibus vno ferreo, altero luteo, vt se miscerent in semine hominis, nec tamen coalescerent, Daniel 2. vers. 43. Prophetiam comprobauit euentus. Nam Antiochus Theos habuit vxorem iam viuam Laodicen, ex qua suscepit Seleucum Callinicum, quintum cornu, qui Bernicem eiusque filium & seruos interemit: Antiochus Theos ipse ab vxore Laodice veneno sublatus est, & Ptolomæus Bernicis pater breui post nuptias dolore est mortuus. Sed eius loco surrexit in Ægypto Ptolomæus Evergetes sextum cornu, ab iisdem cum Bernice radicibus ortus, id est, frater eius, qui cum Seleuco Callinico bellum gessit sororis vlciscendæ causa, eumque superauit, & Rex iam Syriæ coronatus, cum spolijs & captiuis in Ægyptum est reuersus, & Callinico potentior multos annos Syriam, in eaque Iudæam tenuit. Quamobrem duo filij Callinici, Seleucus Ceraunus, & Antiochus magnus, Syriam intrarunt, & graue bellum excitarunt: Ceraunus contra Ptolomæum Evergetem. Quibus mortuis, Antiochus magnus contra Ptolomæum Philopatorem filium Evergetis maximas copias comparauit. De Antiocho magno Angelus vaticinatur, à decimo versu vsque ad vigesimum. Primò de prælijs eius cum Ptolomæo Philopatore, ijsque secundis interdum, quibus Syriam recuperauit: versu 10. Interdum aduersis, quibus rursus amisit: vnde Ptolomæus Philopator successu elatus septimum cornu fuit, & multa millia Iudæorum occidit, nec propterea semper præualebit. Post de Antiochi magni prælijs & victorijs, quas de Ptolomæo Epiphane referet filio Philopatoris, deque Iudææ depopulatione, vnde octauum cornu existit Antiochus magnus. Qui Cleopatram filiam dedit in matrimonium Ptolomæo Epiphani, vt ferrum cum luto iterum frustra misceret, iuxta vaticinium cap. 2. cum pacem & amicitiam ijs nuptijs obtenderet, reuerà autem Ptolomæi exitum intenderet, sed frustra; quia sese Cleopatra cum marito contra Patrem coniunxit. Deinde de expeditionibus Antiochi magni in insulas Græciæ, quas deuicit, deque bellis quæ gessit cum Romanis, quæ summam illi ignominiam inusserunt, deque ignominiosa morte, quam in Barbarorum tumultu

tu turpiter obiit propter sacrilegium. Cuius loco succedit Seleucus Philopator filius, nonum cornu, qui maximis tributis imponendis populum exhaustit, & ararium & templum Hierosolymitanum exinanivit, nec bello, sed dolo perijt: quē Heliodorus ab Antiocho Epiphane subornatus veneno sustulit. Iam eius loco, inquit Angelus, stabit vilissimus, id est, Seleuco Philopatori vilissimus homo succedet, in regno Syriæ, vilissimus ratione morum, non maiorum, Antiochus Epiphanes filius Antiochi magni tertius, frater Seleuci Philopatoris, Demetrii patruus, cornu decimum, cornu illud paruulum à Daniele cap. 7. & 11. capite reliquo plenè descriptum. Nam Angelus primò de eius aduentu, deinde de rebus gestis, postremò de exitu, reliquo capite vaticinatur. De aduentu, vt notet eum nec successionis, nec electionis iure legitimo ad regnum Syriæ accessisse: Erat enim Demetrius nepos hæres regni; sed fraude & blanditijs surrepisset, quasi tutorem & protectorem pueri Principis, & regni administratorem Demetrio puero & absente, qui tum eius loco quasi vas Romam missus est. Habes historiam prophetiæ respondentem, cum ab alijs, tum à Iosepho descriptam Antiquit. lib. 12. cap. 1. Antiochus igitur Epiphanes cornu decimum, & paruulum, quòd ex paruis & insperatis initijs regnum Syriæ vsurpasset, homo propter scelera vilissimus & contemptissimus; qui tria cornua in eodem Syriæ regno præcedentia dolo extirpasset & abiecisset; patrem, fratrem, & nepotem, vt ad regnum accederet. Et sermones contra Excelsum loquutus esset, & Sanctos Altissimi toties cõtriuisset, vt tempora persequendi populi Dei, populi Danielis, paruulo illi cornui assignata, Antiochi Epiphanis persecutioni præcisè conueniant omnia. Quæ diuersè numerantur ratione & initij & finis. Liberationis enim ab Antiochi tyrannide quatuor gradus notantur, quatuor diuersis temporibus obtentæ. Vnus cap. 7. ver. 25. Cum à Iuda Maccabæo Dei cultus renouatus, ac templum restitutum est. Nam à prophanatione templi, quæ cœpit 15. Casleu, anno 145. ad hanc restitutionem factam 25. Casleu, anno 148. tres anni & decem dies intercesserant; quod spacium Daniel tempus, & tempora, & partem

De bello Iu-  
daic. lib. 1. c. 1.

tem temporis appellat, 7. ver. 25. Alter gradus, cum Iudæi victoriam adepti Antiochi copias è Iudæa expulissent, & cceptam restitutionem confirmassent; quod accidit post triennium & sesquiannum, vt Iosephus obseruat, ab eo tempore, quo quotidianum sacrificium cessauisset: quod spacium Daniel tempus & tempora & dimidium temporis appellat, 12. ver. 7. Tertium tempus est à prophanatione templi ad lethalem Antiochi morbum, quod 1290. diebus à Daniele comprehenditur, 12. ver. 11. Vltimus gradus & tempus à prophanatione ad mortem eius, quæ post quadraginta quinque dies contigit; & hij dies à Daniele 1335. exactè numerantur. Ex quibus omnibus apparet, Danielem quarta bestia non Romanum Imperium, sed regnū Seleucidarum & Lagidarum adumbrasse: nec cornū decimo & paruulo Antichristum propriè, sed Antiochum Epiphanē descripsisse. Ac vide quàm malè conueniat Bellarmino cum Daniele. Daniel suū cornu describit vt decimum, Bellarminus suum inducit vt vndecimum, quasi bestia vndecim cornuum extitisset. Daniel de decem loquitur Regibus qui successiue Iudæos affligerunt populum Danielis: Bellarminus de decem loquitur Regibus qui vnà cum vndecimo eadē tempestate, diuersis locis in orbe regnarēt. Daniel de decem suis Regibus tres præcedentes eradicatos, spectante, ac, vt videtur, procurante decimo ponit; cæteros sex aut omnes, aut complures ante illum natum mortuos fuisse: Bellarminus fingit ab illo tres occisos alibi, & septem alios subiugatos, qui tum in rerum natura non fuerunt. Postremò Daniel suū cornu, seu regē, fractū statuit, turpi fuga infamem, tetra lue correptum, postquā Iudæos annis præscriptis vexauisset, miserè contabuisse. Bellarminus suum cornu fingit Egyptijs, Lybijs, & Ethiopibus deuictis, & septem alijs Regibus subactis, triennio annique dimidio Monarchiam orbis consequutum. O victorem mirabilem, & omnibus non Antiochis modò, sed Alexandris & Cæsaribus eeleriorem! Itaque iam expectamus Bellarminum oratorem Antichristi, qui illius bella & victorias magnificè decanter, vt Cicero Cæsaris: Nullius tantum est flumen ingenij, nulla dicendi aut scribendi tanta vis tantaque copia, quæ, non di-  
cam

cam exornare, sed enarrare, Antichriste, res tuas gestas possit. Nec enim disunctissimas terras puto citius cuiusquam passibus potuisse peragrari, quàm tuis nò dicā cursibus, sed victorij illustrabuntur. Nam tu, ô magne Antichriste, innumera- bili exercitu conscripto, omnes in orbe Christianos triennio anniq; dimidio sub iugum mittes, & totius orbis monarchiam obtinebis. Et hoc est prælium Gog & Magog. Liceat igitur id mihi, quod apud Ciceronem sequitur, addere: Quæ quidem ego nisi ita magna esse fatear, vt ea vix cuiusquam mens aut cogitatio capere possit, amens sim. Sed imaginaria victoria decet imaginarium Antichristum. Sic autem ex præmissis contrà Bellarminum argumentabor.

Antichristus si in hac prophetia reperitur, vbi ad literam descriptus Antiochus: est illic aut in sua persona, aut in suo simili, aut in identitate, vt ita dicam, aut in effigie.

Si Antichristus per omnia sit Antiochus, certè, vt Antiochus est mortuus, id quod in fine capitis habetur, ita mortuus Antichristus. Ergo Antichristus mortuus antequàm natus. Ac quò genere mortis excessit Antiochus, 2. Mac. cap. nono declaratur: E corpore contuso vermes affatim exisse, quæ illum intus exederant, sic, vt caro illius computruerit, ac præ dolore deciderit, vt exercitus fœtorem bestiarum ferre non posset. Vermibus igitur exesus Antichristus, & iam putridus putreat & fœteat necesse est, vt Antichristus sit plane alter Antiochus.

Si Antichristus fraude & dolo idem regnum Iudæorum obtinebit, quod obtinuit Antiochus: si tria cornua, tres Reges humiliabit & eradicabit in eodem regno Syriæ proxime præcedentes, patrem, fratrem, & nepotem, id quod fecit Antiochus, vt dolo regnum paternum obtineret: Ergo tres etiam viui sint oportet, postquam sunt mortui, & ante resurrectionem resurgant oportet Antiochus pater, Seleucus frater, Demetrius nepos, quem regno exuat, illosque dolo abijciat atque euellat Antichristus. Hæc est summa conclusionis meæ: Antichristus Antiochus aut in identitate, aut in effigie. Si in identitate, magnum miraculum. Si in effigie, claudum argumentum. Claudicat enim omnis similitudo, vt

docent dialectici. Et symbolicum argumentum, vt docet Aquinas, non est argumentatiuum. Hic tamen, si placeat, ad illustrationem potius, quàm ad probationem causæ, in quo sit dissimilis, in quo similis Antichristus. Antiocho, breuiter obseruemus. Antiochus non ex vili conditione & origine, vt multi Pontifices, sed ex regia stirpe prognatus. Antichristus terræ filius, vt docet S. Iohannes. Antiochus igitur vilissimis moribus, sed clarissimis maioribus: porro natione Syrus, religione incircumciscus & sabbathi contemptor, Iudæorum oppressor, Iouis Olympi cultor à Propheta describitur. Quid Antichristus, vt à vobis delineatur? Annon licet animo vilis, tamen origine vilior, natione Iudæus, religione incircumciscus, & sabbathi obseruator, Iudæorum Messias, idolorum hostis prædicatur? Vt suspensus in officio Antichristus probabiliter se negare posset Antiochum. Vides quàm dissimilis: vide iam quàm similis Antiocho. Nunquam enim negabo Antiochum in multis esse typum Antichristi: simul illud addam, B. Paulum & Iohannem ex Danielis prophetijs transfuisse quædam in suas, quibus Antichristum illum exprimerent ad viuum atque effingerent. Antiochus aduersarius, hostis Dei, hostis Ecclesiæ, eleuans sese suprâ vel contra omnem Deum, exlex, cuius pro lege voluntas, cuius os loquutû magnifica, cuius manus Sanctos Altissimi contemns: talis ab Apostolis descriptus Antichristus. Antiochus vt patrios & falsos ritus, sic Iudaicos & veros abrogabat. Antichristus & gentilium idola subuertit, & Christianum verumque Dei cultum immutauit. Antiochus intus atheos, extrâ idololatra: Nam Iouem Olympium in templo Hierosolymitano coluit, colique ab alijs iussit; quem illius patres ignorabant, qui Apollinem & Dianam colebant. Sic Antichristus occultus atheos, sed apertus idololatra. Deum Mazim in loco suo venerabitur Antiochus, quem vers. 38. descriperat: sic habet vulgata versio. Sic etiam Antichristus, *Qui diabolum vt deum roboris & potentia sue authorem venerabitur; colet diabolum in Deum, vt habet glossa vestra interlinearis.* Et Bellarminus, *Colet diabolum more magorum, sed occultè. Et hic vocatur Deus Mazim, cuius ope Antichristus edet*



edat miracula. Erit igitur Antichristus ipſius confeſſione idolatra, quod ab eo ſæpe negatur. *At Antichriſtus aduerſus omnes pugnabit Deos, ut ipſe ſolus Deus habeatur; ut nuper ſcripſit. Quomodo igitur diabolum adorabit, ut antè ſcripſit.* Vides in multis quàm ſit Antiocho ſimilis Antichriſtus: do igitur à Daniele typicè deſcriptū Antichriſtum, ſed non propheticè: quem etiam Bellarminus ait *ad literam loqui de Antiocho*, cum Bel. l. 2. c. 21. de Antichri, hiſce ſimilitudinum notis Papam ſuum propius à noſtris vgeri pungiq̃ue iudicaret. Quamuis alibi Hieronymum citet illa verba verſus vigefimi primi cap. 1. non de Antiocho, ſed de Antichriſto propriè explicantem. Itaque eodem loco Hieronymum & ſequitur & relinquit. Neque hercle mirum. Cum ſe Hieronymus ipſe relinquere videatur. Nam Hieronymus prima parte vndecimi capitis Seleucidas propriè deſcribi, & verſu vigefimo Seleucum Philopatorem propriè deſignari fatetur. Et ſtabit in loco eius viliffimus, id eſt, inquit, loco Antiochi magni Seleucus cognomento Philopator. Quid igitur habuit cauſa, cur verſum vigefimum primum, Et eius loco ſtabit viliffimus, non de Antiocho Epiphane propriè explicaret, Seleuci fratre & ſucceſſore, ſed de Antichriſto, quem Daniel propheticè minimè deſignauit? Nutat igitur hic Bellarminus, & loquimur è lintre. Ait, negat, literaliter de Antiocho loqui Angelum, & Hieronymus eiufmodi rationem adduxit contrà ſe, cui Hieronymus ipſe reſpondere non poſſit. Verùm Bellarminus non ſatis habuit à ſeipſo diſſidere, niſi Daniele & Iohānem inter ſe commiſſiſſet. Ait enim eadem decem cornua à Iohanne propriè deſcribi, quæ Daniel ante deſcripſit. Daniel autè loquitur de decem cornibus fractis & extinctis prius, quàm Meſſias in carne veniſſet: Iohannes loquitur de decē cornibus ijs, quæ ſuo tempore nōdum regiam poteſtatem acceperant. Daniel loquitur de decē Regibus Seleucidarū & Lagidarum, qui ſibi inuicem in eodē regno ſucceſſerunt. Iohannes loquitur de decem Regibus, inter quos Romanum Imperium diuidendum fuit, qui in diuerſis prouincijs eodem tempore regnarunt. Daniel docet quid cornu paruum, quod fuit decimū, alijs tribus præcedentibus faceret, ſine mentione reliquorum: Iohannes docet,

Hieron. in 11.  
cap. Daniel.

quid decem cornua facient Antichristo; quod non est vnum ex decem cornibus, sed est vnum ex septem capitibus bestiarum. Danielis Rex est cornu decimū, vnum hominem designans: Iohannis Rex vndecimum non tam cornu, quàm caput, nec vnum hominem, sed vnum statum significans. Decem cornua Danielis ex ruinis Macedonici imperij: decem cornua Iohannis ex distractione Romani imperij prodierunt. Ita nihil simile inter Danielis & Iohannis cornua, nisi quòd vtrinque decem extiterunt. Decem Danielis cornua, si chronologiam spectes, multis ante sæculis abiecta ceciderunt, quàm decem Iohannis cornua surrexerunt, id est, quàm distracto imperio Romano absolutam vnà cum bestia potestatem regiam acceperunt. Decem illa cornua, si cosmographiam consideres, in Syria & Babylone regnarunt: è decem hisce cornibus, in quibus certus numerus pro incerto positus à nostris euincitur, aliud Galliæ, aliud magnæ Britannię, aliud Hispanię, alia reliquis orbis regionibus & populis regio iure imperant. Decem illa cornua Iudæam interiectam post captiuitatem, ante Christum natum pupugerunt, decem hæc cornua à Christo in cælis regnante conuersa, tandem bicornem Romæ bestiam simul pungent atque confodient. Operitum Chronologum, o scientem cosmographum Bellarminum, qui vtriusque prophetię tempora & loca tam belle distinxit. Urbane & lepide Cicero poetam quendam aliorum iudicio perineptum, sed perliteratum suo, publicè perstrinxit, quòd fecisset Euripidem & Menandrum vno loco, & alio Socratem atque Epicurum inter se colloquentes; quorum ætates non annis, sed sæculis constaret esse disiunctas: cui multos esse dixit condiscipulos in theatro, qui simul literas minimè didicissent. Nec minùs festiue lusit quosdam scriptores, qui Numam Pythagoræ discipulū fuisse aiebant, cum Pythagoras aliquot post Numam sæculis natus esset. Alius verò salissimè stulti cuiusdā Historiographi inscitia dixit sese ex Græco factum esse Babylonium, patriamque suam ab Hellesponto veluti dissectam cum ipsis mœnibus & turribus & populis translata esse in Mesopotamiam. Quorum inscitiam Bellarminus peruenuisse videtur exprimere, qui Re-

ges Syriæ mortuos, cum multis Europæ Regibus post annum millesimum natis conuersantes quodammodo inducit, Europam in Asiâ portans, & Lutetiam Londinum, cæterasq; sedes Regum & Principum qui à Romano imperio discesserunt, vnâ cum populis Hierapolim & Babylonem subitò transmurtauit. Vt vix me contineam quin exclamem, Næ iste perdoctus Historiographus tandem efficiet, vti

*Et Ararim Parthus bibat, & Germania Tigrim.*

Omnino facilis error est in confusione anni, vel annorum, sed sædus error in confusione sæculi, immò sæculorum, quem magnus Doctor admisit. Sed scio quid respondeat, Malles se cum quibusdam Patribus errare, quàm nobiscum rectè sentire. Redeat iam igitur illa terribilis demonstratio ex praua Danielis interpretatione confecta,

*Si Romanum Imperium nondum funditus euersum est, nondum venit Antichristus. Nam omnimoda desolatio Romani Imperij certum est signum præcedens aduentum Antichristi (vt ex Daniele constare dicit, qui nec de desolatione Romani imperij, nec de aduentu Antichristi verbum vllum fecit.)*

*At Romanum Imperium nondum sic funditus euersum est. Nondum igitur venit Antichristus.*

Omnimodam autem desolationem imperij Romani sic probat ex Daniele:

*Si ante aduentum Antichristi Romanum Imperium diuidendum est in decem Reges, quorum nemo est vel dicitur Rex Romanorum, tum nondum venit Antichristus. Non enim adhuc venit omnimoda desolatio Imperij, quia nomen manet.*

*Verum est primum.*

*Verum igitur & postremum.*

Assumptionem probat ex Daniele, ex prima visione de imaginis duabus tibijs; & secunda, de decem cornibus innominatæ bestię. Nam vt duæ tibię habent decem digitos, qui non sunt tibię, & vt decem cornua non sunt bestię: sic Romanum Imperium diuidetur in decem Reges, quorum nemo est Rex Romanorum. Acutissimè, vt sibi videtur. Sed duæ tibię Danielis non sunt occidentale & orientale Imperium Romanum, sed Ptolomæus Lagides & Seleucus Ni-

canor Principes Alexandri, vt docui: nec decem cornua bestię sunt decem Reges ex Romani Imperij occasu surgentes, sed decem Seleucidę ex duabus illis tibijis quasi digiti prodeuntes post euersum Imperium Macedonicum, ex quo quatuor cornua sunt primum orta loco Alexandri, vt ostendi: quę deinde ad binas tibias reciderunt. Annon assumptionem suam Bellarminus egregiē demonstrauiť à Daniele? At demonstrauiť, inquires, post ex Iohanne. Nam decem illa cornua Iohannis sunt decem Reges, inter quos Romanum Imperium est diuisum. Do. Neque enim ita iacturam causę fecero. Sed non ponitur à Iohanne id, quod affinxit Bellarminus, *Quorum nemo est vel dicitur Rex Romanorum.* Quia contrarium potius à Iohanne ponitur, vt supra vici. Quemadmodũ vetus Imperium Romanum ẽ medio tollendũ fuit, vt docuit Paulus, quatenus reuelationem dominationemque Antichristi impediret; sic nouum vt veteris simulachrum, restituendũ à bestia terrena, cap. 13. id est, ab Antichristo, quò meretrix Babylonia dorso eius infideret, cap. 17. Vnum ẽ duobus marinę bestię capitibus, id est, Imperium occidentale Romanum, emortuum in Augustulo, resuscitatum in Carolo per terrenam bestiam, id est, Antichristum, reuixit & conualuit: non igitur penitus extinctum interiit. Imago prioris bestię vitam recepit & vocem. Non igitur prorsus perdidit dignitatem & nomen. Reuiguit imago Imperij veteris, remansit appellatio; res non periit ipsa, sed transijt à summo Principe sæculari ad summum Principem spiritua- lem; vt docet Aquinas: sic vt *Antichristus fuerit status ultimus, qui Romanum teneret Imperium, sine nomine tamen Romani Imperatoris*, vt falsus est Bellarminus. Ergò maiestatem & potentiam Imperij veteris ad se transtulit Pontifex: Imperatori nomen modò & titulum reliquũ voluit Pontifex, vt sibi similis esset Imperator. Nominalis Pontifex, nominalis Imperator. Reuera Pontifex Christi fidem oppugnat, nomen proficitur, & vicem gerere videtur. Nominalis igitur vicarius, realis aduersarius. Sic maiestas Imperij residet in Papa, titulus in Imperatore. Titularis igitur Imperator, realis Pa- pæ subditus. Vocetur igitur Rex Romanorum, cui tamen Pontifex

Pontifex ne pedem quidem terræ in Italia reliquit. Ita quoad rem & potestatem vetus Imperium Romanum ita diuisum est inter Reges & bestiam vt penitus deletum sit, nisi forte non in terrarum, sed syllabarum numero consistat Imperium. Retorqueo igitur argumentum, vt iam primarij syllogismi assumptionem euertam, qua sumit pro concessio, nondum euersum esse Romanum Imperium.

Docuit prophetia S. Iohannis diuidendum Imperium Romanum & desolandum, vt loquitur Bellarminus, & tum venturum Antichristum.

Diuisum Imperium & desolatum iamdiu probat euentus.

Venit iam igitur Antichristus.

## CAP. IX.

*In quo quatuor alie Demonstrationes refelluntur, & quid feret Antichristus, exponitur.*



Vas Bellarmi demonstrationes, quasi duas arundines aperte fregimus: quatuor alias, si placet, breuiter dissipemus, ab alijs plenius refutatas. Seiunctas quibus debiles sentientes coniunctas dedi vt fierent ipsa copula firmiores, duas ex signis comitantibus, duas ex consequentibus non minus egregie conclusas, quibus probet nondum aduenisse Antichristum. Ac *primum signum quod Antichristi comitatur aduentum, est Enoch & Elia non predicatio solam, sed etiam dimicatio aduersus Antichristum.* In quo Bellarminus multa delirat, similiter atque mulier quædam apud nos fanatica, quæ tantam sibi cum Angelo Gabriele familiaritatem fingit fuisse, vt ab eo multas acceperit literas ad multos varijs de causis perferendas, per Eliam, vt opinor, rabellarium. Nam alium eiusmodi virum etiam fanaticum habemus, missum ad mundum illuminandum: vt minus infamire videantur quàm Bellarminus, qui perinde ac si Enochum & Eliam in Paradiso nudius tertius conuenisset, aut ab illis saltem litteras accepisset, quam Iudaicam fabulam accepit ab alijs,

alijs, eam ita mordiculis tenet, & confidenter narrat, vt credere videatur, vtrumque tot sæculis asseruatum in Paradiso quodam aëreo, viuentem in corpore mortali, vt redeuns in terram ad oppugnandum Antichristum in fine sæculi ab eodem occidatur, occisusque post triduum resurgat ante generalem resurrectionem; eoque miraculo conuertat Iudæos, impellatque vt Antichristum Messiam (vt putabant) suum in Oliueti monte confodiant, Christumque tandem verum suum Messiam amplectantur. Ad eamque rem Bellarminus varia Scripturæ Patrumque testimonia detorsit, quæ serenissimus doctissimusque magnæ Britanniæ Rex Doctori iam imbelli & exoleto tam palam extorsit, vt causâ planè obtinuisse doctorum omnium iudicio videatur. Non est opus igitur, vt illa testimonia rursum excutiamus, ne actum agamus: quæ sunt à Rege suo natiuo & proprio sensui restituta tamen, vt ex illis argumentemur, bestiamque telo confixam regio prosequamur. Dabunt iam nobis omnes piè docti, duos hosce Prophetas propter eximiam sanctimoniam singulari à Deo donatos priuilegio fuisse: cum alterum transulisse dicatur, ne videret mortem, alterum ignito curru in cælum assumptis. Liceat igitur ex Bellarmino quædam discendi gratia percontrari, vt veritatem huius rei, nō modò ad refutationem fabulæ, sed ad consolationem Ecclesiæ expiscemur. Quæro igitur primum vbi iam sint Enochus & Elias? Responder Bellarminus, & quidem asseuerantè, In Paradiso. Quid? num in illo Paradiso, in quo Adam initio collocatus fuerat, quem Moses descripsit constitum à Deo in regione Eden, locum deliciarum refertissimum, irriguum magno quodam flumine, ex quo quatuor ingentia & nobilissima flumina profluxisse dicuntur? Ex quo Adamum eiectum memorat, posito ad eius aditum obstruendum terribili Cherubino, ne quis ex Adami posteris illum locum ingrederetur? Vbi Armeni, post hæretici in Florentino Concilio cōdemnati, Sanctorum animas ad diem iudicii post mortem remanere dixerunt? Ita, inquit Bellarminus, in eodem ipso Paradiso Enoch & Elias viui asseruantur. Magnum verò priuilegium, quod cum cæteri Sancti cœlorum incolæ iam cum Deo viuant, ipsi

duo



duo à cœlis atque à Deo tot iam sæculis exularint, Vt demus Paradisum esse cultissimum & amœnissimum sic vt olim fuit, in quo suauitate florum & fructuum, dulcedine fontium, pratorum viriditate, garritu auium, syluestrique symphonia, opacitate arborum se tot sæculis oblectare potuerint; nō fuisse tamen illis tanti totus Paradisus, vt eo vel vnus dieculæ damnus solari possent, qua cœlo caruissent. Nam quod Bellarminus ex apocrypha Ecclesiastici Scriptura probat Enochum translatum esse in Paradisum, dixisset tamen aliquid, nisi etiam apochrypho textui Paradisus fuisset adiectus: nam quamuis sit in Latina versione vulgari, non est tamen in græco autographo. Sed quid interea respondebit de Elia, quem disertè Scriptura canonica ponit assumptum in cœlum, non quasi in cœlum, sed in cœlum fuisse? Negare non potest id quod multi saniores Pontificij concedunt, Deum Scriptura decretum suum publicasse de Elia verbis disertissimis, nisi fortè Deus opinione Bellarmini, cum Eliam in cœlum assumere statuisset, subito mutata voluntate in Paradisum proiecerit? Cœlo iam igitur Elias caret ægrius, quò semel à cœlo propius absuit. Sed si Paradisus qui locus quondam fuit iucundissimus atque amœnissimus, iamdiu penitus sublatus est: quid tandem solatij reliquit Enocho & Eliæ, quod desiderium suum aliqua saltèm ex parte lenirent? Iam vt omit- tam cæteros Pontificios, Iesuita Pererius multis probat Paradisum aquis diluuij penitus obrutum, tam incultū iam esse atque insalubrem, vt quamuis locus non defierit esse, defierit tamen esse Paradisus. At exiesuatus Bellarminus, vt illum ab aquarum eluione Enocho & Eliæ locum amœnorem & salubriorem conseruaret, in locum orbi Lunæ proximum euexit. At Iesuita Pererius tantò illum incommodiorem & insalubriorem esse conuincit, & prorsus inhabitabilem. Primò quidem ob viciniam Solis aliorumque syderum, tum ob elementum ignis eo loco proximè cœlo Lunæ subiectum: deinde propter agitationem & perpetuam volubilitatem illius loci rapidissima cœli vertigine continentèr circumacti, Vt pessimè Bellarminus bonis Patribus prospexisse videatur, qui Paradisum in loco Lunæ proximo collocaue-

rit: & magnam incolis terræ iniuriam fecerit, vt scitè Pere-  
 rius & festiuè notat, tanta Paradisi maximæ sine dubio  
 prouinciæ altitudo ad orientem opposita, quibus Solis  
 lumen auferret. Ludus est videre duos doctos Iesuitas in-  
 ter se de Paradisi situ digladiantes, vt tanquam Madianitæ  
 mutuo se Marte iugularint. Sed ex hoc conspectu tamè veritas  
 eluxit, Enochum & Eliam non esse iam in terrestri Paradiso.  
 At in Paradiso vult esse sine controuersia Bellarminus; sequi-  
 tur igitur esse in cœlesti. Quod tandem ipse concedit, aitque  
 eos esse in cœlo non æthereo, sed æreo tantum. Æreus  
 Doctor, qui tantis Dei Prophetis æream à Deo felicitatem  
 datam somniet. Nam quòd religioni videatur habere eui-  
 quam fateri cœli fores apertas prius fuisse, quàm Christo, ad  
 eamque rem omnes suas copias sanè conscripserit, atque in  
 vnum contulerit, certè illas eruditissimus Eliensis ita con-  
 truiuit omnes & contudit, vt è campo sophistam fuderit pe-  
 nitens & profigarit. Enochus & Elias membra Filij hominis:  
 Filius ascendit primus in cœlum virtute sua; Enochus autem  
 & Elias membra Christi ascenderunt virtute Filij hominis; vt  
 Christus vtriusque prodromus iure dicatur. Ex quo cum satis  
 constet Enochum & Eliam iam in cœlo viuere: iterum quæ-  
 ram, vtrū animabus tantum, an corporibus etiam cœlum in-  
 trarint. Nam si tantum animabus, vt quidam viri docti cen-  
 suerunt, bis resurgant oportet, si verum dicit Bellarminus:  
 semel vt oppugnent Antichristum, iterum vt Iudæos con-  
 uertant ad Christum. Sin corporibus etiam, id quod plures  
 doctioresque ex vtraque parte Theologi concludunt, ne pri-  
 uilegium illis suum in solatium nostrum concessum dene-  
 gent, non anxie quæram vtrum visione Dei beatifica fru-  
 antur, cum in domum Dei, in qua docet Christus mansiones  
 esse multas, id est, in cœlum ingressos esse audiam. Satis ha-  
 » beo, quòd Deus solanda in terris Ecclesiæ tria extare volu-  
 » erit exempla & specimina gloriificationis nostræ, Enochum  
 » ante legem, Eliam sub lege, Christum sub Euangelio: illos  
 » aliena, Christum sua virtute primum cœlos introisse cor-  
 » poribus. Enochum in solamen coniugum, Eliam in sola-  
 » men virginum, Christum in solamen vtriusque status; qui na-  
 tus

tus ex virgine & desponsata, vtrumq; decorauit ortu suo, virginealem exemplo, coniugale miraculo: sed imprimis vt integritati in Enocho, zelo in Elia, omni virtuti in vno Christo partefactus in cœlum aditus nosceretur. Vnde quiuis fidelis in Christo principium, in Enocho & Elia præludium: in illo causam energeticam, in hisce tesseram charactericam resurrectionis ascensionisq; in cœlum suæ cum sancta læritia contempletur; indeque concludat contra Iudaizantem hæreticum, Enocho & Eliæ, quibus ipsis modò beandis aditum in cœlum datum legit, reditum in terram denegatum: Christo autem qui non pro seipso solum, sed vt pro illis, sic pro nobis ascendit, soli redeundum in fine sæculi, vt suos secum in cœlum introducat. Nec dubitet quin qua virtute Christus, quos cum redierit in terram superstites offendet, in nictu oculi immutatos in cœlum transferet, eadem virtute Enochum & Eliam in ipsa translatione atque assumptione immutarit, vt corpori suo glorioso similia, cœloque idonea reddiderit illorum corpora, quemadmodum etiam & nostra reddet. Vnde tertium quæro, quomodo Bellarminus fingere possit illorum corpora esse mortalia & corruptibilia, quæ tot iam sæculis in cœlo immortalitate atque incorruptione latentur? Non enim potest caro & sanguis hæreditatē cernere regni cœlestis, nec corruptio incorruptionem possidere, vt docet Apostolus. Cui contradicit Cardinalis. Translatus est Enoch, ne videret mortem, inquit Apostolus. Redibit, vt videat mortem, inquit Cardinalis. Ita semper in rupem impingit Bellarminus, vt ei metuendum sit ne à rupē frangatur. Quodd si Enoch & Elias in cœlo iam Dei domicilio corporibus viuant, vt cum Scriptura saniores Pontificij fatentur: sequitur igitur illorum corpora esse incorruptibilia & immortalia. Quartum igitur quæro, quomodo tum possint in fine sæculi interfici ab Antichristo? Quomodo mori, vt post triduum reuiuiscant? Nulla est veritatis species in inuento; nulla probabilitatis in cōmento. Et tamen duos hosce Paradisi cœlestis colonos, vt Hieronymus, ait æternitatis candidatos; non quòd iam petant, sed quòd iam habeant immortalitatem, vt Tertullianus, characteres &

Primogenitos resurrectionis nostræ, vt Epiphanius; cœli antiquissimos incolas, quibus mutauit legem naturę dignitas gratiæ, vt Athanasius; iste delirus doctor Bellarminus *fugit redituros in terram, vt Antichristi manu moriantur?* Mortalitas absorbebitur à vitâ, sed immortalitas non absorbebitur à morte. Non cam dabit Deus lætitiâ Antichristo, vt de cœli incolis occisis triumphum agat. Sunt enim immortales. Si cœlestes, si immortales, quid hic habent in terrâ negotij, vt pugnent cum Antichristo, quem Christus tribus modis, efficaci ministerio verbi, potentibus regum copijs, glorioso aduentus sui splendore destruere atque abolere decreuit? Quod si daremus illos cum Antichristo pugnaturos, non tamen inde sequeretur, Antichristum nondum aduenisse, quod ille contendit; sed hoc tantum sequeretur, Antichristum nondum abiisse, quod nos concedimus. Et non est hæc tum egregia demonstratio? Cuius hæc summa denique:

Nondum Enoch & Elias è Paradiso redierunt.

Nondum igitur venit Antichristus.

Lycurgum ferunt, quò suam continuaret rempublicam, longo itinere simulato ciues suos iureiurando obstrinxisse, ne formam reipublicæ à se relictam immutarent, donec ipse rediret. Lycurgus nunquam redire constituit. Sperauit igitur suam rempublicam æternam fore. Quod Lycurgus dolo bono fecit, id Pontificij dolo malo faciunt, multa perpetuandæ hierarchiæ suæ causâ simulantes, vt suos discipulos credulos quasi fascino quodam deuinciant, ne à se formatum Antichristum expectent, donec Enoch & Elias è Paradiso redierint. Certè sciunt illos nunquam è Paradiso redituros. Nunquam igitur suum Antichristum esse venturum.

Tertia demonstratio  
Bellarmino.

Et tamen signum aliud apponit Bellarminus, quod Antichristi comitatu aduentum, persecutionem grauissimam, & notissimam, & quæ publicum Dei cultum tollat. Quod sanè signum vero sensu quamuis Romano Pontifici apprimè conueniat, qui verum & purum Dei cultum grauissima & notissima persecutione, quantum in ipso fuit, publicè sustulit: tamen iste Rom. aduocatus miro translationis artificio ignitæ persecutionis infamiam remouet à Papa, qui intulit; affia-  
git

git Ecclesiæ nostræ, quæ pertulit. Vt à Nerone scribit Tacitus, postquam vrbs ab ipso esset incensa, in Christianos tamen incendij culpam esse translatam. Piget in tam crudeli demonstratione diluenda diutius versari, qua malignè insectatur dolores nostros, vt ille Fimbria nostris illudat Scæuolis, quibus Antichristus graue vulnus inflixit, quod non toto corpore telum bestię receperint. Quid? quod non minus elumbis sit, quàm crudelis demonstratio? ad quâ tamen probandâ cum maiori malitiâ dicam, an inscitia difficiles aliquot Scripturæ locos promore suo violenter inflexerit. Nodos illos soluere, Scripturamque ab illius corruptela breuiter vindicare necessarium videtur. *Cum venerit Antichristus, persecutionem, ait, grauissimam & notissimam omnium, quæ unquam fuerunt, futuram, & eiusmodi, quæ publicus Dei cultus penitus cessaturus sit. Nondum autem adhuc eiusmodi persecutionem fuisse, nec publicum Dei cultum penitus cessauisse. Nondum igitur aduenisse Antichristum.* Quasi diceret, grauem sub Papa persecutionem fuisse, si persecutionem, sed non grauissimam: notam, sed non notissimam: grauiorem notioremq; fuisse persecutionem Ecclesiæ Primitiux, quàm nostræ, de qua tamen nos tantopere querimus; quam etiam castigationem appellat. Quid est hoc aliud, quàm miseris nostris crudeliter illudere, & cineribus insultare, cum tot myriadas hominum innocentium Pontifex flamma ferroque consumpserit, persecutionem Pontificiam eleuare comparatione persecutionis imperatoriar? eamque non persecutionem, sed castigationem nominare? quam si Principes nostri Dei vicem vlciscerentur, vt duce Burbonio Caroli Quinti exercitus, capta Roma, fecisse memoratur, dum sanguine sanguinem elueret, & nequam illis Cardinalibus peccatores testiculos amputaret, quemadmodum lugubriter sanè deflet in epistolis suis Sadoletus; defineret fortasse sarcasmis suis Bellarminus iustas querelas nostras irridere, quas nobis illius inhumanitas non minus quam suorum immanitas expressit. Sed redeamus ad argumentum: *Propositionis suæ tria membra confirmat. Primum persecutionē Antichristi fore grauissimam omnium, quæ unquam fuerunt, prabat ex Matth. 24. ex verbis illis Christi, Et erit tunc*

*tribulatio magna, qualis non fuit ab initio mundi usque modo neq, fiet.* Quem locum non de persecutione Antichristi, sed de calamitatibus Iudæorum in vrbis excidio intelligendum esse cum loci contextus, tum Lucæ testimonium apertissimè conuincit. *Et ex 20. Apocalypsis legimus, inquit, Sathanam tunc solvendum, qui usque ad illud tempus fuerat ligatus.* Quem locum etiam non esse referendum ad Antichristi aduentum liquet ex antecedentibus, & consequentibus. Anteuertit hanc solutionem Sathanæ aduentus Antichristi, quem ex antecedentibus non modò natum & adultum, sed confirmata & corroborata iam ætate dominatum iam diu constat. sub figura bestię ante descriptum cap. 13. ita furem, vt homines imaginem bestię adorare nolentes deciderit: eiusque Synagogam sub typo meretricis ante depictam aureo fornicationis suæ poculo inebriantem Principes terræ; ipsam autem ebriam factam Sanctorum sanguine. Addo etiam ex consequentibus: nam Angelus, à quo Sathanas mille annis ligatus dicitur, deinde post illorum annorum finem solutus ad modicum tempus, vers. 2. & 3. cuius modici temporis etiam 12. capite mentio facta est, commemorat se vidisse animas eorum, qui pro Christi testimonio sunt occisi, eo quòd nec imaginem bestię colere, nec eius characterem suscipere voluissent, vers. 4. & 5. Sed ad dilucidiores huius loci intelligentiam præsertim obscurissimi, pauca distinctiones ex textu præmittendæ sunt, vt huius demonstrationis vanitas omnium oculis appareat. Bis ligatus Sathanas intelligitur, bis solutus. Ligatus semel à Christo, ne cuiusquā

» fidelis perderet animam: solutus tamen vt affligeret carnem.

» Ligatus in perpetuum, ne spiritualibus technis Ecclesiæ salutem euerneret: sed solutus ad terminum, vt corporalibus plagis patientiam exerceat. Hic distinguo terminum, à quo ligatus, à termino, quo bis solutus. Semel à decollatione Baptistæ ad regnum Constantini: iterum à regno Constantini ad imperium Oromanni primi, & Pontificatum Bonifacii octau. Solutus est à morte Baptistæ trecentis propè annis, vt fureret in Romanis Imperatoribus aduersus Ecclesiam primitiuam, ad Imperium Constantini, quo ligatus est iterum

Expositio loci de solutione Sathanæ & ligatione.



ad annos mille Angelicatenâ, versu 2. cap. 20. solutus ite-  
rum, vt sauiret (versu 3.) ad tempus modicum, vt ante, an-  
nis etiam propè trecentis in Imperatoribus Turcicis & Ro-  
manis Pontificibus vsq; ab Ottomanno primo, & à Bonifacio  
8, quorū ille foris, hic domi simul anno à Christi morte 1300,  
à Constantinî morte 1000, aduersus Ecclesiam ille ex ori-  
ente, hic ex occidente admodum sauire xcepit. Sicut qui nu-  
merent initium mille annorum ab anno Christi 773, quo He-  
rosolymis excisis, Ecclesiam iam in gentes propagatam Sathana-  
nas, vt est 12. cap. conatus est extinguere, semen illud mul-  
lieris, quæ in solitudinem profugisset ad modicum tempus,  
id est, ad tempus, tempora, & dimidium temporis, quod spa-  
cium supra quadraginta duobus mensibus, & mille ducentis  
sexaginta diebus aptissimè respondet, vt docti docent, qui  
iuxta supputationem Danielis annos ducentos & nonaginta  
quatuor conficiunt. Quibus Draco, vt dicitur, iratus mulieri  
semen illius reliquum extinguere cogitabat. Iam ad caput  
vbi eadem historia continuata existimatur, Angelus dicitur  
vinxisse Sathanam catenâ ad annos mille, qui anno millesimo  
septuagesimo tertio finiti sunt, quo tempore soluisse intel-  
ligitur Sathanam in Gregorio septimo, in quo vir iam An-  
tichristus futere aduersus Imperium videbatur. Sed illi re-  
tius videntur hunc Iosum interpretari, qui Sathanam ad  
annos mille vinctum, ad flumen Euphratis solutum existi-  
mant in externo hoste Ecclesiæ Ottomanno primo Turca-  
rum Imperatore, eiusque posteris tantum, imaginissimis  
Christiani nominis hostibus, in quibus vaticinium illud de  
Gog & Magog in seculum esse arbitrantur. Nisi illi potius au-  
diendi sint, qui neq; de Turca tantum, nec de Papa tantum,  
sed de vtroque locum intelligant, numerantes, vt dixi, secun-  
dam Sathanæ solutionem à regno Constantinî, quo mille an-  
nos ligatus, ad regnum Ottomanni, & Pontificatum Boni-  
facij, quo solutus, post sanguinarium illud Lateranensis  
Concilij decretum de comburendis Dei seruis, vt ab illis vo-  
cantur, hæreticis, quod ab eo tempore multas hominum  
innocentium Myriadas lenta morte cruciatis crudelissimè  
deuorauit atque consumpsit. Qui locum referunt ad Anti-  
christum

christum tantum, pungunt Bellarmini Dominum. Qui referunt ad Turcam tantum, tollunt Bellarmini demonstrationem. Qui referunt ad utrumque, cum utrumque præstant, tum duas quasi scenas, ynam Constantinopoli, alteram Romæ verè constituunt, quarum in illa nigrum, in hac album diabolium ferocientem cerneremus. Nam quòd foris Saracenos, intus Antichristum, intra millenos annos Ecclesiæ sæpe graves plagas intulisse constat: maximasque turbas intra Ecclesiæ viscera, acerbissimosque rerum civilium motus Sathana duce, Papa autore extitisse: primum externorum hostium impressionem, nec aded generalem, nec aded diurnam fuisse dico, nec internorum persecutionem quamvis religionis specie sæpe, non tamen religionis causa tam sæpe, quam Imperij cupiditate excitatam: vt Ecclesia pacem externam intermissam potius senserit, quam amissam, & Sathanæ tum catena paulum laxata potius ab Angelo, quam planè soluta videretur. Qui delicias & amores suos Antichristum auxit & fouit externam magis pace, quam bello: orbi blandiendo, potius, quam minando: ligatus magis, quam solutus. Ita præ continuis illis Turcarum incursionibus, & perpetuis Paparum persecutionibus, quibus annis hisce trecentis orientalis & occidentalis Ecclesia tota miserrimè dissipata est, videri potest quasi pax externa quædam, & respiratio concessa ad mille annos Ecclesiæ, sed eiusmodi vt exclamare possit cum Ecclesia apud Isaiã: Ecce in pace amaritudo mea amarissima. Quibus ligatus Sathanas externam interdum Ecclesiæ pacem concedens internam eripere tentauit, id curans sedulo vt Antichristo suo nundinas animarum quaestuosissimas redderet, dum velut hasta in templo posita peccata quamplurimum venderet, maximosque inuitori suo thesauros inde corraderet & corrogaret, delicias affunderet, potentiam compareret; quod ille quidem sine longa pace nunquam efficere potuisset. Ligatus tum igitur Sathanas, non ne fureret omnino in Ecclesiam, sed vt inanis & pro suo commodo fureret, valideret potius in catena, quam fureret, nec tam ficiarium ageret, quam præstigiatorè, & homines inficeret potius, quam interficeret: nec tam cruentaret homicidijs, quam menda-

cijs dementaret, & comædum potius ageret, quàm tragædum, & ludicris orbem deliniret magis, quàm tristibus permisceret, nisi cum Imperium primogenito suo parare contenderet, vt tragicomædiam tum prorsus egisse videatur.

Ita ligatus Sathanas Antichristo suo plus sanè profuit, quàm solutus. Immò verò quod ligatus acquisiuit, solutus propemodum amisit. Nam quos Antichristus superstitione occæcatos, & pacis artibus delinitos per diu tenuit, eos bellis attritos, & innocentium persecutionibus offensos sic irritauit, vt aduersus illum tandem insurgerent, oppressamque Euangelij causam fortissimè vindicarent. Nunc loco de solutione Sathanæ breuiter exposito, redeamus ad argumentum Bellarmini, qui sub Antichristo grauissimam omnium persecutionem fore contendit ex hoc loco, qui si Turcam tantum attingit, tollit Bellarminianæ demonstrationis fundamentum: si Antichristum etiam premit, regerit in authorem suum argumentum. Nam grauissima qua de loquitur persecutio iam venit. Venit iam igitur Antichristus. Adde quod Papam propius vrget, quàm putarat! Nam

Persequutor internus Ecclesiæ grauissimus, est Antichristus, Papa est persecutor internus Ecclesiæ grauissimus.

Papa igitur Antichristus.

*At oportet Antichristi persecutionem etiam esse notissimam, inquit. Non est autem Papa persecutio notissima. Quamobrem? Quia tum omnes impij aperto Marte Ecclesiam oppugnarent: neque solum infideles & manifesti peccatores, sed hypocrita falsi, fratres Papa sese adiungerent, seseque aperientes Ecclesiam palam inuaderent. Nam eiusmodi persecutio Antichristo conuenit, at Papa non conuenit. Quamobrem? Quia nunc tam multi hypocrita falsi, fratres, inquit, sunt in Ecclesia. Romanam intelligens. Concedo. Etenim est veritatis plena defensio: Papa magnus hypocrita gignat filios oportet sui similes magnos hypocritas & dissimulatores. Sed illud vereor, vt illi possim concedere, quòd hypocritas & synceros Christianos, quos quasi paleam & triticum non ante diem aduentus sui Christus separandos esse dicit, eosdem sub aduentum Antichristi Bellarminus separandos esse contendat. Vnde sic disputo.*

O

Cum

Cum omnes hypocritæ pateſcent, veniet Antichriſtus.

Cum venerit Chriſtus, omnes hypocritæ pateſcent.

Ergo cum venerit Chriſtus, veniet Antichriſtus.

Ita non iam animal trimum, ſed animal ephemerum Antichriſtus: niſi forte poſt aduentum Chriſti, finemque mundi aduenturum ſentiat Antichriſtum. Nam quod addit in extremo, cuiusmodi perſecutionem futuram ſub Antichriſto, vt ceſſent omnes publicæ religionis ceremoniæ & ſacrificia, merum ſanè delirium eſt. Oblitus eſt videlicet, quod ab Apoſtolo ponitur, Antichriſtum futurum in ſignum hypocritam, nec externum aduerſarium, ſed domesticum, qui ſimulatione pietatis & ſanctitatis parùm cautos alliciet atque decipiet, vt Acoſta, Viega, Pererius, Ribera, quatuor principes Ieſuitæ clariſſimè oftendunt; atque ita futilem hanc Bellarmini demonstrationem penitus elidunt. Quam tamen ſi placet expendamus.

*Publicus Dei cultus, & quotidianum Chriſtianorum ſacrificium, ſub Antichriſti perſecutione ceſſabit eo tempore quo veniet Antichriſtus.*

*Nondum Dei cultus & Chriſtianorum ſacrificium ceſſauit.*

*Nondum igitur venit Antichriſtus. |*

Propoſitionem probat ex Danielis 12. verſ. 11. Ab eo tempore quo quotidianum ſacrificium de medio tolletur, ſunt dies 1290. Vbi Daniel, ſi credimus Bellarmino, loquitur de Antichriſto: refragante Daniele, qui ſeipſum exponit 8.c.v. 11. & 11.c.v. 31. per Antiochum Epiphane & eius exercitus quotidianum Dei cultum ſublatus iri diſertè affirmans, loquens non de quotidiano ſacrificio Chriſtianorum, ſed de quotidiano ſacrificio Iudæorum. Moſ Iudæorum fuit offerre Deo ſacrificium matutinum & vespertinum, quod vocarunt *εὐχαισμον*, quod ſacrificium ſublatus eſt per Antiochum, vt Ioſephus & author 1. lib. Maccabeorum & Chryſoſtomus planè reſtantur. Percontanti Danieli, quando finis horum malorum futurus eſſet, reſpondet Deus, Ab eo tempore, quo quotidianum ſacrificium ſublatus eſt, & abominatio deſolationis collocata, de qua loquutus eſt cap. 11. ver. 31. dies futuros mille ducentos nonaginta ad cuiusdem reſtitutionem, &

Iudæo-

Iudæorum liberationem ab Antiochi tyrannide. Huius autem restitutionis & liberationis varios gradus diuersis temporibus à Daniele notatos ostendi fuisse. Nam à cultu Dei interrupto ad primam eius restitutionem per Iudam Maccabæum, dicit Propheta fuisse tres annos & decem dies; quod spacium 7. cap. ver. 25. tempus & tempora & partem temporis appellat. Ad victoriam autem Iudæ Maccabæi, qua Antiochi copias è Iudæa expulit, itaque primam restitutionem stabiluit, dicit Daniel fuisse triennium & semissem: quod spacium cap. 12. 7. tempus & tempora & dimidium temporis vocat. Ad tempus autem quo Dei manu percussus Antiochus promisit se Iudaicam religionem restitutum, intelligit fuisse dies mille ducentos nonaginta: ad tempus mortis eius mille trecentos triginta quinque; quibus in numeris omnibus prophetiæ Danielis historia Iosephi & Maccabæorum optimè congruit. Quò magis miror Bellarminum adeò cæcū in prophetia, adeò rudem in historia fuisse, vt publicum Dei cultum & sacrificium Iudæorum sublatum per grauissimam persecutionem Antiochi triennio anniq̃ue dimidio, somniet esse publicum Dei cultum & sacrificium Christianorum sublatum per persecutionem Antichristi, scilicet triennio anniq̃ue dimidio in fine sæculi. Assumptionem experientia confirmat, quasi testante publicum Dei cultum nunquam penitus sublatum fuisse per Papam, nunquam Christianorum sacrificium cessauisse. Intelligit autem Missam, cæterosque publicos Ecclesiæ Romanæ degenerantis cultus voluntarios, quos nec cultum Dei, nec sacrificium Christianorum esse Symbolum demonstrabit. Ita propositio ducitur ex Scripturæ contrario sensu: assumptio nititur petitione principij. Et non est hæc egregia demonstratio?

Iam duo signa consequentia

1. Duratio regni Antichristi triennio anniq̃ue dimidio:
2. Deinde totius mundi post 45. dies dissolutio:

Annon æquè præclaram demonstrationem conficiunt? Regnum Antichristi iusto triennio & semisse definit. Quod totum

2. Chron. 2.2.

tum tempus non sufficeret congregandis Iudæis suis toto orbe dispersis: nedum templo etiam extruendo, quod ita funditus excisum est, ut ne lapis quidem super lapidem reliquus sit. Cuius prima ædificatio, summa pace, summoque rerum omnium apparatu, cōquisitis operarijs, quorum centū quinquaginta millia numerat Scriptura, non nisi septennio tamē à Salomone perfecta est. Secunda verò instauratio hostis identitē imminentis incurfione, vel metu impedita sic est, ut sæpe.

— *Penderent opera interrupta, minaq.*

*Murorum ingentes, aequatæque machina celo.*

Ioh. 2.

Nec nisi quadragesimo sexto anno completa est: & triennium tamen ac semissem Bellarminus tanto operi constituit. Rectē Antichristum magum fingit, qui spiritus potuit ex orco forsitan euocare, quos quasi viridarios ventorum alis vestos circumcirca dimitteret ad Iudæos suos ex tam diuersis regionibus quā citissimē colligendos, & postea quasi Merlin fabros conduceret ad lapides comportandos, & arte mirabili compaginandos. Sed eodem etiam triennio & dimidio, ut Christianos omnes sub iugum mittat, decem Reges subigat, & monarchiam orbis acquirat, eiusmodi fabula est, quam Turcæ rideant; & Christiani execrentur. Scribat ista suis idiotis, quos docuit fidem non in notitia, sed in assensu cæco sitam esse, ut recipiant sine disquisitione, quicquid illis Ecclesiæ nomine quamuis incredibile tradatur. Ac vide tandem quid iste magus effecerit. Bellarminum ipsum induxit saltantem in circulo. Sic enim facit pro se disputantem.

*Antichristus præcisè regnabit triennio annique dimidio.*

*Papa spiritualiter regnavit in Ecclesia supra mille quingentos annos; neque quisquam alius fuit sumptus pro Antichristo qui triennio annique dimidio præcisè regnauerit.*

*Papa igitur non est Antichristus.*

*Ac proinde Antichristus nondum venit.*

Ita resolui potest syllogismus.

*Sine quo Papa est Antichristus, neque alius quisquam qui tam diu præcisè regnauerit, nondum venit Antichristus.*

*Verum est antecedens.*

*Verum igitur consequens.*



Hic vides Bellarminum circulari disputatione principalem quæstionem afferentem, vt probet id quod est in quæstione. *Nondum venit Antichristus. Quare? Quia Papa non est Antichristus*, Papa non est Antichristus. Quamobrem? *Quia nondum venit Antichristus*. Eccum in gyro saltantem Cardinalem. Propositionem syllogismi sui stabilire conatur ex Daniele & Iohanne perperam intellectis, Antichristum videlicet tres annos cum dimidio precise regnaturum. Danielis cap. 7. versu 25. vici tempus, & tempora, & partem temporis, id est, triennium & decem dies, fuisse spacium illud, quo templi prophanatio & diuini cultus interruptio primùm facta est per Antiochum, vt Iosephus vaticinij optimus interpres numerauit. Non Archimedes melius potuit describere. Tantum enim temporis fluxit à prophanatione templi ad purgationem primam restitutionemque factam per Iudam Macchabæum. Ab illa autem purgatione ad exactionem exercituum è Iudæa, tempus, & tempora, & dimidium temporis numerantur cap. 12. Quibus duobus anni mille trecenti 8. cap. ver. 14. commemorati continentur, cum restitutio cœpta stabilita melius & constituta est: à quo tempore si numeres ad mortem Antiochi, sunt dies mille ducenti nonaginta, c. 12. 11. Si ad mortem Antiochi, mille trecenti & triginta quinque; à Propheta numerantur cap. 12. ver. 12. Iam si placet, egregiam Bellarmini de duratione regni Antichristi demonstrationem conferamus, & quàm bellè Bellarmino non solum cum Daniele, sed cum Bellarmino conueniat, intelligimus. Primùm, quæ literaliter & propriè intelligenda sunt de tyrannide Antiochi, qui tot ante Antichristum sæculis perijt, literaliter & propriè sumit pro regno Antichristi, qui in mundi fine, Bellarmino teste, regnabit. Sed Hieronymum semper allegat, qui locum illum 8. cap. de annis bis mille trecentis ad Antichristum refert, qui sexennium & amplius efficiunt. Quomodo igitur annos mille ducentos & sexaginta, qui triennium & semissem præcisè conficiunt, Antichristum modò regnaturum esse contendunt? Dies 1300. & dies 1200. ac sexaginta quomodo congruunt? Iam quòd ex duodecimo cap. regnum Antichristi exactè definiant tempore, temporibus, & dimidio.

midio temporis, id est, triennio cum dimidio, dicant mihi quomodo reconcilient dies illos mille ducentos nonaginta, quibus ab eodem Daniele regnum Antichristi circumscriptum esse defendunt? Dies mille ducenti & sexaginta cum diebus mille ducentis & nonaginta præcisè, quomodo concordant? Nouam mediussidius Arithmeticam excogitent necesse est, nouamque Dialecticam, vt numeros isto reconcilient. Nam quod addit Bellarminus, *Daniel: postquam dixerat cap. 12. Antichristi regnum duraturum diebus mille ducentis & nonaginta subiunxisse Beatum esse, qui expectat & peruenit vsque ad dies mille trecentos & triginta quinque, hoc est, vsque ad quadraginta quinque dies, ad mortem Antichristi, vt ipse exponit, quia tum Dominus vt putat, veniet ad iudicium, &c.* malè affecti cerebri delirium est, vt statim clariùs luce constabit. Nam iudicium illud cuius Daniel mentionem facit, non est extremum mundi iudicium, quo Christus omnes in fine sæculi iudicabit; sed temporale iudicium, quod sedit, vt bestiam illam Antiochum loquentem grandia conficeret atque consumeret, cum tamen alijs potestas esset concessa Bestijs post ad tempus & tempora permanendi. At Bellarminus statim post hosce dies quadraginta quinque mundi dissolutionem futuram somniat. Vt sextum illius & vltimum signum breuiter expendamus, Vult, credo, videri Bellarminus esse Deo à consilijs, qui plus nouit quàm Angeli, vel ipse Filius hominis: nisi quòd non tam de die & hora, quàm de anno aut aliquo eiusmodi tempore consummationis mundi nuper nos facere voluerit certiores. Nisi quòd post quadraginta quinq; dies à cæde Antichristi nuper scribat, Scripturam non dicere diem iudicii non esse longiùs prorogandum. Ergo quos dies Christus breues futuros promisit propter electos, longiores Bellarmipus, bonus Theologus scilicet, fore significat. Quos contrahendos Christus propter electorum solatium dicit, eos Bellarminus innuit propter dolorem prorogandos. Ab~~ant~~ verò tales Theologi in malam rem, malumq; cruciatum, qui quos fontes cōsolationis Christus electis aperuit, eosdem penitus occludunt. Quis autem fons consolationis vberior quàm promissio Christi, diem iudicii propter electorum liberationem

Dan. 7. ver. 11.

berationem accelerandum? Et tamen iste mundanus Cardinalis significat propter electorum afflictionem differendum. Ignorabunt, inquit, qui post quadraginta quinque dies vixerint, an dies ille diutius differendus sit. Bene scit sibi esse in præsentī sæculo: laurè & delicatè cum illo suo Ioue Latiali victitat: num ad eò bene sibi futurum sit in venturo sæculo non sciunt. Itaque de præsentī sæculo prorogando cogitant. Credo si Deus Cardinalem ad suas illas cœlestes epulas inuiteret, dies ab eo plures quamuis senex, aut etiam annos aliquot auferret, quibus cutem illam senilem curaret suam, & cum prophano illo Martiale tacitè responderet.

Martial, lib. 9.

*Quæro qui malis fieri conuina Tonantis,  
Me meus in terris Iupiter ecce tenet.*

Hic sibi cœlum defixerunt: Itaque diem illum iudicij quàm longissimè abesse cupiunt, quo sibi tot scelerum in Christum, in Reges & populos Christianos sciunt rationem esse reddendam. Sed veniamus ad eius argumentum. Quo docet ne expectemus Antichristum antè quàm abierit: nec eius aduentum putemus ante mundi exitum futurum. Sic igitur argumentatur.

Nondum venit mundi finis.

Nondum igitur venit Antichristus.

Hoc erit illis perpetuum argumentum, nam quamdiù mundus durat, ita semper arguent pro Antichristo: Quod quia Bellarminus absurdum putauit, quæstionem mutauit, & concludit, Antichristum non longè abhinc aduenisse.

Nam si longè abhinc aduenisset Antichristus, longè abhinc mundi finis fuisset.

Falsum est consequens.

Falsum igitur antecedens.

Propositionem probat ex Apostolo. Antichristum paulò ante mundi finem venturum, & immediatè ante secundum aduentum Christi, Et tum exlex ille reuelabitur, quem Dominus Iesus consumet spiritu oris sui, & fulgore aduentus sui abolebit. Distinguit autem Apostolus inter Antichristi aduentum & interitum: inter Antichristi essentiam, & apparentiam, siue reuelationem. Deinde inter eius reuelati-

onem,

onem, & destructionem magna distantia. Latuit tempore Iohannis & Pauli, vt supra docui. Fuit igitur. Apparuit post remotionem Imperij, id enim fuit quod obstabat ne apparet. Quod non nisi multa post sæcula contigit. Deinde distinguit Apostolus inter consumptionem Antichristi, & finalem inteitum. Postquam est reuelatus, eum consumendum paulatim dicit spiritu oris Domini, sed fulgore aduentus Domini funditus abolendum. Hic prophanos Bellamini sales libet attingere. Valdè debilem, inquit, oportet esse spiritum oris Christi, si Antichristum supra mille annos regnantem conficere non potuit. Vnde distinguit inter verbum Domini & potestatem. Quasi verò potestas non insit in verbo minuendi atterendique Antichristum, cuius vim & potentiam bestia sensit in suo casu, sentiet in interitu. Nam nunc res est in fieri, Christus nunc verbo suo debilitat Antichristum, post aduentu suo interficiet. Debilitando videlicet interficiet, vt ridiculam illam Cardinalis distinctionem eludamus, qui sic distinguit; Non dicit debilitabit, sed interficiet. Nosque ludit, quòd nunc verbo Domini dicimus Antichristum interficiendum, nunc contra verbum Domini ab Antichristo interficiendum. Non pudet Christianum, & senem, & Theologum, non enim dicam Cardinalem, quem nihil pudet, in re tam seria ludere? Vt Deus ipse, sic verbum Dei æternum est: verbi igitur Ministros, Dei testes interficere potuit Antichristus, verbum ipsum nunquam interficere potuit: quod etiam cum ipse computruit, permanebit. Immo verò vt verbum Dei viuum est, sic verbi Ministri, Dei testes ab Antichristo interfecti, verbi virtute reuiuiscunt, si non in indiuiduo, at in successione, vt Antichristum istum homicidam interficiat. Non igitur debilis Christi spiritus, sed debile Cardinalis ingenium, qui gradus, & media quibus in abolendo Antichristo Christus vtitur, nondum intelligit. At Iohannes vltima hora dicit venturum Antichristum, inquit. At horam vltimam totum tempus à Christi ascensu ad secundum aduentum intelligit; quod quia breuissimum, respectu gloriæ Sanctorum, qua muis longissimum respectu patientiæ, Deus horam appellat. Quod testimonium ita retorqueo.

Cum

Cum ille Antichristus venit vltima hora est, inquit Iohan-

nes. At Antichristi iam venerunt, (intelligens corpus cum capite illo Antichristo, quem alibi iam tum ingressum affirmat.)

Ergo nunc hora vltima est.

Quod si tum fuit hora aduentus illius Antichristi, non igitur ad triennium & semissem ante mundi finem restringendus.

At ex Daniele probat Antichristum postquam tres annos Cap. 12. 12. cum dimidio regnavit, quadraginta quinque dies ante diem iudicii destruendum. Nam cum dies mille ducentos nonaginta permanisset, addit, Beatus est, qui dies mille trecentos triginta quinque viderit. Hic locus proprie, vt docui, est intelligendus de Antiocho: eiusque morte, & Iudæorum liberatione. Sed fac intelligi locum de Antichristi regno, deque mundi fine: primum inde sequitur Antichristi regnum præcise duraturum annos non mille ducentos sexaginta, qui triennium cum dimidio conficiunt, sed annos mille ducentos nonaginta: sequitur porro ex eo, Antichristum 45. dies ante finem mundi destruendum, quem Apostolus dicit aduentu Christi abolendum. Tertio sequitur, & tempus aduentus Christi fore distinctè notum hominibus, quem Christus ignotum Angelis esse asseuerat. Quod si hæ consequentia sunt absurda, certè & absurdum est antecedens, ex quo consequuntur.

Habes, Paule Quinte, sex Bellarmini demonstrationes minimè demonstrantes nondum aduenisse Antichristum. Nunc cum omnes de Antichristo quæstiones, an sit, quid sit, qualis sit, quale regnum & satellitium habeat, quid agat & gerat; nomen, quo appellatus; stigma, quod impressurus; sedem, qua dominatus; tempus, quo reuelatus, disceptarim: post etiam qualis non sit, ostenderim: non est opus, vt tibi, quis sit, multis exponam, cum ipsum intus in pectore & in sinu tuo totum Antichristum gerere videare. Audisti, quid fecit; audi, quid feret. Tantum enim abest, vt eius aduentum vocemus in dubium, vt expectemus interitum

prænuntiatum ab Angelis apud Iohannem. Vidi, inquit, Angelum volantem in medio cœli, habentem Euangelium æternum, vt Euangelizaret sedentibus super terram, & super omnem gentem & tribum & linguam & populum, dicentem magna voce, Timete Dominum, & date illi honorẽ, quia venit hora iudicij eius; & adorete eum, qui fecit cœlum & terram, & omnia quæ in eis sunt. Hæc angelica concio quid aliud est, quàm summa omnium concionum, quas Lutherus, Caluinus, & cæteri præcones Euangelij in omnibus orbis christiani partibus habuerunt, vt populum ad fidem Christi, ad timorem Dei, eiusque solius adorationem traducerent?

Solus is qui fecit cœlũ & terrã, adorandus; soli ei seruiendũ.

Deus solus creauit cœlum & terram.

Deus igitur solus adorandus, Deo quæ soli seruiendum.

Hic Angelicus syllogismus à nostris velut aries admotus, omnes idolorũ munitiones extructas ab Antichristo fregit, euerit, atque ex hominum animis eiecit. Et secutus est alius Angelus, dicens: Cecidit, cecidit Babylõ ciuitas illa magna, quia à vino iræ fornicationis suæ potauit omnes gentes. Hic primum spiritualis ruina Babylonis, non materialis intelligenda est: quæ verbi prædicatione labefacta & concussa, stantibus adhuc mœnibus, cecidit in hominum animis, planeque prostrata est. Quis enim paulò cordatior est, cui Romanæ & Ecclesiæ & Curia non pateat impietas? non dilucescat iniquitas? cui non fornicationum mater, spoliolum vorago, superbiz Regina, scelerum officina, turpitudinum sentina videatur? Centum abhinc annis & sexaginta quidam non hæreticus, vt Lutheranus vocatur, sed Romano-catholicus ita de Papa scripsit. Vt citatur catalogo testium veritatis.

Tom. 535.

*Ima tenet Iupiter,*

*Cœlum habet Pluto:*

*Et accedet dignitas*

*Animali bruto,*

*Tanquam gemma stercorei,*

*Aut pictura luto.*

Quod si tum exolus est habitus, cum tenebræ illius tegerent  
fœditatem:



scditarum: quânto nunc odiosior videtur omnibus, postquam illam lux Euangelij detexerit, atque oculis omnium denudarit? Tertius Angelus sequutus est illos, dicens voce magna: Si quis adorauerit bestiam & imaginem eius, & acceperit characterem in fronte sua, aut in manu sua, hic bibet de vino iræ, quod mixtum est mero in calice iræ ipfius. Et cruciabitur igne & sulphure in conspectu Angelorum, & ante conspectu Agni. Et fumus tormenti eorum ascendit in sæcula sæculorum. Hic Angelus non modò Romæ & bestię, sed Romæ amatoribus, & adoratoribus bestię sempiternum minatur interitum, seu fronte palam, seu manu clam bestię characterem gerant. Hic ego quemuis virum Dei, Angelum Dei, ipse postremissimus Christi seruus admoneo, vt nec otij ad segnitiam, nec argenti ad avaritiam, nec deliciarum ad libidinem, nec honoris ad superbiam alendam studium sectetur: sed animarum, quæ iam ad bestiam defecerint, recuperandarum; quæ sanæ permanserint, conseruandarum, sine intermissione gerant curam: quibus Angelus Dei bestię characterem compunctis tam grauiam, nunquamque finiendam tormenta denuntiat. Non est dubium, quin simul ac quisquam vestrũ negotium Dei & Sanctorum seriò suscipiat, multas sit passurus iniurias non solum ab apertis inimicis, sed, quod est grauius, à falsis fratribus: illis Antichristi causam agentibus, hijs suam Christi nomine velantibus; vt ab hisce nihil nisi molestiam & angorem, ab illis mortem & perniciem expectare possit. Sed audiat vocem illam, quam Iohannes audiuit è cælo dicentem, Scribe: Beati mortui qui in Domino moriuntur, à modò vtique dicit Spiritus, vt requiescant à laboribus suis, & opera illorum sequuntur illos. Quòd si beati sint mortui, qui viuunt & moriuntur in Domino, id est, in fide Domini: quânto beatiore qui viuunt & moriuntur pro Domino, pro fide Domini? Tres habemus testes huius beatitudinis; vocem è cælo, Scripturam in Ecclesia, Spiritum in conscientia, testantes breuem esse miserię sensum, beatitudinis sempiternum: vitam morbo debitam, soluendam officio, nec magnoperè interesse vtrum quis in lecto, an in campo moriatur, modò in Christo & pro Christo moriatur: momen-

tancam nobis datam esse vitam, sed gratiam bene redditæ vitæ immortalem; cumque sit omnibus definita mors, optandum esse Dei seruis, vt vita, quæ debetur necessitati, pietati donata potius, quàm reseruata naturæ videatur: præsertim contrà infidiosum & sanguinarium Antichristum, eiusque satellites, qui nuoc, si vnquam, maximè ringuntur, & grunniunt, & Sanctis Dei ferrum flammamque minitatur. Illi igitur impij cum cadent, pœnas impietatis atque improbitatis suæ grauissimas apud inferos luent: hij verò Christi sanguine abluti in victoria, statim à morte sedem in cœlo suam & requiem consequentur. Nam post in sexta phiala, quam sextus Angelus effudit in magnum illud flumen Euphratem, mentio fit magni prælij, ad quod tres immundi spiritus ranarum similitudine prodeuntes ex ore Draconis, ex ore Bestiæ, & ex ore Pseudoprophetæ, Reges terræ congregant ad diem magnum omnipotentis Dei: & ad locum, qui vocatur Hebraicè Armageddon, congregabit illos (Deus). Quibus verbis malitia Sathanæ, Antichristi, & Antichristianæ synagogæ luculentè exprimitur, & ranarum Iesuitarum, quæ coaxantes è cauernulis Reges terræ sollicitant ad bellum contrà Christum, & Ecclesiam gerendum; sed quo successu dies & locus ipse declarat. Dies enim est, quo Dei omnipotentis dextera clade Antichristi magna & gloriosa futura est. Locus vocatur Harmageddon, Hebraicè, mons furum & latronum, vt Aquinas: vel maledictus exercitus accinctus ad prælium, vel exercitus vastitatis, qui vastitatem & inferret & feret. Nisi fortè melius sit, vt quidam legunt, Charnageddon, id est, deuotum excidio agmen, vel Gnarmageddô, quod significat astutiam excidij; vt sensus sit, Principes in eum locum adducendos esse fraude dæmonis & Antichristi, vbi excidio pereant. Quanquam alius aliter, & quidem optimè, sumit nomen non pro appellatiuo, sed proprio. Erat autem Mageddo ciuitas in terra Canaan montana, quoniamque vt *har* Hebræis mons est, ipsaque in monte sita erat, Harmageddon dicitur. Nobilitatus Cananæorum cadibus locus, vbi Iabin & Sisera contrà populum Dei pugnâtes, Dei manu fracti & prostrati, regnante Debora, pro qua stellæ

dimicare

dimicare dicta sunt. Vt pro nostra Elisabetha contra classẽ inuincibilem venti & fluctus depugnauerunt, cui conuenit illud Claudiani:

*O nimium dilecta Deo, cui militat æther,*

*Et coniuuati veniunt ad classica venti.*

Ergo locus huius pugnae Harmageddon, vt similes hostes Ecclesiæ cum Iabin & Siserà à Deo congregati similem nunc exitum expectent. Quem septimus Angelus, qui phialam suam effudit in aërem, clarissimè demonstrauit. Exiuit enim vox magna è cælo à throno dicens, Factum est, & facta sunt fulgura & voces & tonitrua, & terræmotus magnus, qualis nunquam fuit, ex quo homines fuerunt super terram. Et facta est ciuitas magna in tres partes, & ciuitates gentium ceciderunt, & Babylon magna venit in memoriam coram Deo, dare illi calicem vini indignationis iræ eius. Et omnis insula fugit, & montes non sunt inuenti, & grando magna sicut talentum descendit de cælo in homines, & blasphemarunt Deum homines propter plagam illam grandinis.

Quid mirum offenso creatore, offensam creaturæ vniuersam? Nā quemadmodum stellæ manentes in ordine & cursu suo de cælo pro Debora cōtrà Siserā pugnauerunt: ita nunc fulgura, & tonitrua, & terræmotus mirabiles, & grando immensā & talentaris pro Ecclesia cōtrà Babylonem magnam, irato Deo, dimicabunt. Vt quemadmodum tum victoria ad aquas Megeddo, ira etiam & hæc non humanis viribus, sed armis cœlestibus tribuenda sit. Similiter etiam cap. 20. Iohannes post mille annos soluto Sathana, Gog & Magog ab eo congregatis ad bellum, castra Sanctorum obsessa scribit, vrbemque dilectam: sed ignem à Deo proiectum è cælo addit, qui hostes deuoraret. Quo loco non intelligit eosdem hostes Iohannes, quos descripsit Ezechiel, Seleucidas populos Syriæ & Asiæ minoris. Nam Gog significat Asiam minorem, à Gyge nomen sumens Rege ipsius. Magog est Hierapolis, sedes idololatriæ in Syria princeps per Scythas extructa, ab ijsque sic nominata. Ita apud Ezechielem Gog Asiam minorem, Magog Syriam significat. Iam quia Seleucidæ Iudæorum infensissimi, crudelissimi que hostes extitissent, à quibus

post captiuitatem suam ante aduentum Messie grauissimas calamitates pertulissent, igitur apud Iudæos vsitato prouerbio sæui hostes Ecclesie Gog & Magog appellantur. Quod Iohannes transtulit ad hostes Christiane Ecclesie depingendos, quos Sathanas extremis temporibus, duce Antichristo, ad bellum excitet contra Sanctos. Non igitur eosdem, quos depinxit Ezechiel, sed similes hostes Ecclesie, ideoque Gog & Magog appellatos, ignibus à Deo de cælo missis extinctos atque consumptos, ut non terrenis, sed cælestibus copijs confecta victoria Antichristianis animos demeret, sanctis admoueret. Interea namq; vnus ex septem Angelis ca. 17. cū Iohanne colloquutus est, dicens, Veni, & ego tibi ostendā damnationē magnę meretricis, quę sedet super aquas multas, i. populos, nationes & linguas, qua cum Reges terrę fornicati sunt, & populi inebriati vino fornicationis eius. Qui postquam diu bestię aduersus Agnum militarint, tandē ab Agno deuicti, qui est Rex regum & Dominus dominantium, copias suas contra bestiam coniungunt, Babyloniamque meretricem nudam iam & desertam ab omnibus comedent, atque igne consumunt. Ac vide quo ordine victoria procedet. Antichristus primò spiritu oris Domini, id est, Ministerio verbi consumitur: splendore aduentus Domini aboletur. Sic Paulus. Sic Iohannes. Post prædicationem æterni Euangelij per secundum Angelum, sequitur spiritalis ruina Babylonis denunciata per tertium, ca. 14. Cecidit cecidit Babylon. Tandem per septimum Angelum decreto Dei de Antichristi interitu publicato, sequitur per vnum ex septem Angelis ostensa damnatio, & externa per Principes effecta ruina Babylonis. Illa Prophetia completa est, hæc complenda: fidem faciant completa complendis. Sequitur ad extremum extrema damnatio, & æterna destructio meretricis, cap. 18. per alium Angelum cælitus publicata: Cecidit. cecidit Babylon ciuitas magna, sedes & metropolis Antichristi; facta est nunc habitatio dæmonum, & custodia omnis spiritus immundi, & volucris immundę. Subiungitur ab eodem admonitio cælestis ad eos, qui in Babylone etiamnum manent: Exite de illa popule mi, ne particeps delictorum, eius particeps plagarum existas.

existas. Hic Papistas omnes, bonos præsertim & ingenuos, & salutis suæ studiosos Angelus appellat. Si non moueant illos verba Dei, facta moueant. Si non audiant homines, audiant Angelos. Si non metuant temporarias pœnas, æternas pertimescant; decedant à Babylone quamprimum. Ne sicut societate scelerum, sic societate pœnarum cum ea coniuncti reperiantur. Quas Angelus proximis versibus graphice describit. Donec tandem vltimus Angelus fortis sustulit lapidem, quasi molarem magnum, & misit in mare, dicens: Hoc impetu mittetur Babylon ciuitas illa magna: & vltà iam non inuenietur. Vbi & amatorum eius acerbissimi luctus, & Sanctorum summa lætitia, post triumphusque describitur. In hoc igitur prælio, de quo Angeli vaticinantur, nihil est causæ, cur vel Antichristiani tollant animos, vel despondeant Christiani: nam si duces vtriusque partis contendere velimus, isthinc Agnus, illinc Antichristus: isthinc inuictus Leo, illinc imbellis bestia pugnabit. Si subsidiarios milites à terra, ex hac parte fortissimi Principes à Christo conuersi, cum desertis à Christo & exoletis sacerdotibus congregientur. Si subsidiarios è coelo, quos Euangelij testes habuimus Angelos, eosdem habebimus cõmiliones. Ita cohortes Angelicæ cum humanis copijs decertabunt. Si authores belli, Deus ex hac parte cū demone, potentia & æternitas cum infirmitate & putredine dimicabunt. Si causas belli, veritas, & purus vnus & viui Dei cultus, scripta religio, sana fides, celestis magnanimitas, cum fraude, cum idololatria, cum superstitione, cum perfidia, cum timiditate confligent. Quod si Deus suos milites aliquot sinat in causa cadere, vt surgant, ad ipsiusque perueniant: num & causam suam cadere, & veritatem ac virtutem sinet ab errore & scelere superari? Nunquam profectò faciet. Nihil igitur habent Christiani causæ cur metuant, nihil Papa, cur insolescat.

Nam Papa solus omnes Antichristi notas recipit.

Papa igitur solus Antichristus.

## CAP. X.

*Totius operis scopus & conclusio.*

**A**bsolui Speculum, Pauli Quinte, ubi propositum ad agnitionem, cuius ad cautionem, quod totus repræsentatur Antichristus, velut in prologo, in quo vera illius & germane nota, reiectis falsis & commenticijs, omnes continentur. Quæ reuinctur signa, & coniunctim vniuersæ Papam demonstrant esse magnum illu Antichristum. Vnde consequitur Papistum esse Antichristianum. Quid sit, & quis sit Antichristus, apparet ex prologo: quid agat, & quid doceat ex dialogo, dicto in libros tres. Primus velut in scena exhibetur vobis pragmaticus: reliquis duobus, dogmaticus Antichristus. Ille per duellum agit, hic sophistam. Ille dignitatem oppugnat Imperij, hic veritatem Euangelij. Ille fidelitatem subditorum corumpit, hic verò fidem Christianorum. Primus igitur liber Christianæ fidelitatis erga Reges & obedientiæ fundamenta proponit contra Christianam rebellionem Catholicæ religionis habitu contractam. Reliqui duo Christianæ doctrinæ & fidei columnas erigunt contra Antichristianam hæresim compositam ex duodecim nouis articulis fidei: Pio quarto in symboli formam redactis, quod ideo symbolum Papæ nomino. Sanctè profiteor me fidelem Christi & Regis esse seruum. Non id sumo homo obscurus atque infans Reges vt moneam à magno Rege iam semel admonitos: à nullo igitur amplius nisi à Christo Regum Rege admonendos. Existat igitur cogitatione nostra parumper Iesus Christus, qui quamuis abest corpore, tamen adest Spiritu, & cum omnium Christianorum, tum præcipuè Principum animis interest & inest, atque adeò etiam præest, cuius amanda benignitas, tremenda Maiestas etiam Regibus, nam Regum timendorum in proprios greges, Reges in ipsos Imperium est Dei, & Dei, vt nos Scriptura docet, in carne manifesti, qui cum illis Spiritu præsens sic agere videtur & queri.

Prologo præia

Non me latet, quem nihil latet (ô Reges & Principes Christiani)



Christi ad  
Reges &  
Principes  
Christianos.

Christiani ) Pontificem Romanum, meum, vt se vocat, vicarium, vt se gerit, aduersarium, & hæreseos magistrum in Ecclesia, & perduellionis architectum in repub. multis iam sæculis extitisse. Nam à quo primò tempore vniuersalis Episcopus est factus, nihil aliud egit, quàm vt meum peruerteret Euangelium, vt vestrum dissiparet Imperium. Nec mirum, ex corruptione Euangelij dissolutionem Imperij consequutam. Nam cum duplicem Imperij columnam, auctoritatem in magistratibus & fidelitatem in subditis Euangelio meo constituerim: mirum quantum deprauato Euangelio in hominum animis vtraque Imperij columna conciderit. In quo sanè Pontificis summa perfidiæ culpa fuit, scordix vestra, quod cum ego cunctos Episcopos vestre potestati iudicioque subiecerim, & illi vos passim in unum Episcopum euolare, vt non modò vestram, sed meam etiam Maiestatem lædere auderet. Quare vt dignitas Imperij pristina vel amissa recuperari, vel recuperata retineri perpetuò possit, auctor vobis sum, vt veritas Euangelij Pontificia tyrannide percussa & oppressa iamdiù, regia tandè auctoritate recreata vindicetur. Quid enim potest esse æquius, quàm vt vos habèa gloriæ meæ vindices, quos Ministros potentia fecerim? Quod si antehac quæstio fuit, vtrum iste Pontifex esset Antichristus ille à dilectis discipulis meis Iohanne & Paulo propheticè descriptus, nunc quæstio non est, postquam vaticinium exposuerit & comprobavit euentus. Siquidem partes interpretationis omnes de personarum successionem, de Regis regniq; genio & ingenio, de bestia rebus gestis, de impressione signatis, de numero nominis, de situ sedis, de tempore reuelationis, de poculo meretricis, de genere mercis, de ruina Babylonis, denique de aduentu & exitu, de ortu & interitu Antichristi, primis extremæ, vtriusq; mediæ tanto consensu concentuq; respondeant, & complenda ex completis inferant, vt rem clariorem facere vix possem, si Papam Romanum nominassem. Et rectè quidem Antichristianismus ab Apostolo meo definitur, non iniquitas, sed iniquitatis mysterium. Quod si qualis esset Antichristus, talis appareret, minis; hæc vobis esse putarent laborandum. Nunc cum e-

mentita pietate, & sanctimonia simulata se insinuauerit, iniquitate mystica quot myriadas hominum minimè malorum decepit, fefellit, induxit? Detracta iam igitur persona huic mystico Antichristo, nemo iam amplius nisi sciens & volens potest decipi. Ne veteres igitur Romani Pontificis artes & prastigie iam detestæ vobis toties expertis amplius imponant, præcauete. Simulat ille sese etiamnum esse principem fœderis, & tamen fœdus meum immutauit. Obtendit sese Testamenti mei custodem esse, & tamen non modò rasit Testamentum meum, sed aliud de suo supposuit. Vocat se fundamentum Ecclesiæ, & meum sibi peculiare nomen arrogat, & tamen cuniculis æstis Ecclesiam meam subuertit ac subruit. Crucis meæ zelum singularem prætexit, & tamen crucis virtutem penitus exinanivit. Duplex Dei fœdus, sacra Scriptura commemorat, legale & Evangelicum. Legale, quod conditionem operis habet annexam, Fac hoc, & viues: Evangelicū, quod conditionē fidei requirit, Crede, & saluus eris. Sed requirit fidem non vt opus, sed vt instrumentum, quo Spiritus promissionem recipere possitis. Itaque rectè illud conditionale, hoc gratuitum appellatur. Vbi non est fœdus, ibi non est fides. Vbi non est fides, ibi non est salus. Humana fides humano fœdere nititur, diuina diuino. Diuina fides duplex, vt duplici fœderi respondeat: vna legalis, quæ promissiones minasque legis veras credit esse. Altera Evangelica, quæ & iustificans rectè dicitur, quæ promissiones Euangelij in me ipso fundatas, non modò veras in genere credit, sed in individuo cuique credenti applicat ad vitam æternam, Iam salus vobis expectanda non ex formula fœderis vtraque, sed alterutra. Legalis formula fœderis est, vt dixi, Fac hoc & viues. Evangelici, Crede, & saluus eris. Si igitur ex legali fœdere salutem expectes, totus oportet, & totum, & toto tempore facias, quod mandatur. Non facis. Morieris igitur. Si salutem expectes ex Evangelico, certò credas oportet, quod promittitur. Hæ sunt vtriusque fœderis distinctæ formulæ in procuranda salute minimè confundendæ: quas tamen Papa confudit, Fac & Crede: & ita tertium fœdus induxit, quod sacra Scriptura non agnoscit. Ita scilicet princeps.

ceps fœderis fœdus diuinum abrogauit. Non est negandum fidem & opera in homine iustificato coniungi oportere: sed in fœdere duas hæc cōfundi formulas, *Fac & Crede*, ad hominem iustificandum, id verò constanter pernegandum est, vt meus docuit Apostolus Paulus. Nam vt lex nullam patitur minimam transgressionem, ita nec Euangelium minimam admittit satisfactionem vestram. Iam quid euidentius quàm ab hoc hypocritico aduersario, qui se fidelem Testamenti mei custodem iactitat, Testamentum meum falsum fuisse multis locis, vel, quod grauius est, aliud eius loco suppositum? Vt cum Dominicani nouum Euangelium procuderunt sciente & conuiuentē Papa: vt cum nuper Paulus Quintus Conformitates sancti Francisci scilicet, æmuli mei Iesu typici, vt vocatur, recudi iussit. Planè Testamentarius, qui delecto Testamento meo falsum de suo subiecerit. Humanum Testamentum, quod mors testatoris ratum fecit, nec additionem admittit, nec detractionem, inquit Apostolus. Necdum diuinum, quod sanguine & morte mea confirmatum est. At meum Testamentum duplex, inquit, nuncuparium prius, scriptum posterius. Posterius autem antiquauit prius, vt docet Apostolus. Sed intelligo quid pungat illos. Legata scripto non satis è re putarunt sua: igitur nuncupatiuum non ex meis concionibus, sed ex suis decretalibus affinxerunt. Quantò rectius Rabbini quidā veteres, qui Mosi Pentateuchum propter absolutam omnium partium symmetriam corpori comparant humano? Cui si membrum aliquod addas, vt manui digium, deformitatem; si detrahas, vt ori maxillarem, debilitatem induxeris. Si partem aliquam claudas, vt os, quod natura aperuit; aut aperias, vt latus, quod natura clausit, vitæ periculum struxeris. Ita si Papa scripto Dei Testamento membra addat heterogenea, Dei librum deprauat, vt cum addit apochryphos, & decretales Epistolas: si demat homogenea, hominis animam defraudat, vt cum secundum è decalogo præceptum eradit, & poculum è cena tollit: si aperire cupiat clausa, contumeliam infert Deo: si claudere studeat reuelata, iniuriam homini. Surgent Rabbini in iudicio, & Pontificem ac Pontificios condemnabunt, qui to-

tum Dei Testamentum scriptum imperfectionis infimulent: cum illi Mosis Pentateuchum corpus esse perfectissimum iudicant. Qui demant, addant, mutant quidvis pro arbitrio; radant quod displicet lima sua, quod placet substituant: curiosè reserent arcana, sic ut clero suo planè vilescant; inuidiosè claudant reuelata, ne populo Dei innotescant. Contumeliosi in Deum, cuius ultimam voluntatem vel corruperunt, vel penitus sustulerunt. Iniuriosi in filios Dei, quibus legata cœlestia vel palàm eripuerunt, vel furtim surripuerunt. Hic doctos & ingenuos Papiſtas omnes appello. Non hic parua res agitur, sed vna nimirum omnium maxima: agitur Dei Testamentum. Aguntur igitur legata omnium filiorum Dei, quæ nisi saluo Testamento constare non possunt. In hoc ergo ius suum contra omnes & homines, & demones filij Dei tueri debent. Magistri vestri Romam Babylonem esse concedunt, contextus & euentus conuincunt esse Pontificiam, cui Iohannes meus certam perniciem denuntiat. Exite igitur quamprimum. Itanè dicet aliquis vestrum, è Catholica Ecclesia? Semper hic errat: diceret à Catholica meretrice, si Iohannem audiret. Valere igitur iubeatis illam, quæ vos valere non finet. Quaſo vos, ut salui esse velitis. Salui autem esse non potestis, nisi Testamentum nouum, quo salus hominum comprehenditur, ab Antichristianis corruptelis saluum atque integrum conseruetur. Noui autem Testamenti partes duæ sunt, remissio peccatorum, & peccatoris sanctificatio, quæ in vera mentis illuminatione, & cordis reformatione consistit, Testamenti formula est, Ego ero vobis Deus, & vos eritis mihi populus. Vnde tria legata pendent, remissio culpæ vestræ, imputatio iustitiæ meæ, donatio æternæ vitæ. Remissio culpæ gratuita est, perfecta est, æterna est. Gratuita est: Ego deleo peccata vestra propter meipsum, non propter vos, sed propter meipsum. Ego sum ille. Agnus occisus, qui solus tollo peccata vestra. Adeone igitur insanitis, ut ab Agno occiso ad aureum vitulum demigretis? ut hominis peccatum ab homine peccati remitti posse credatis? Non est penes illum gratiæ dispensatio, nedum peccati condonatio, quæ ut  
gratuita

gratuita est, sic absoluta est. Non enim alia remitto peccata, & alia retineo; non remitto culpam, & retineo pœnam, sed omnes iniquitates vestras purgo, pœnasque condono. Mihi seria confessio vestra, vobis perfecta venia mea. Quid? quòd etiam æterna est? Peperi vobiscum æternum Testamentum, me nunquam vos relicturum, vt vobis beneficiam, sed in dam timorem meum cordibus vestris vt à me nunquam discedatis. Remissionem culpæ necessariò sequitur imputatio iustitiæ, imputationem iustitiæ donatio vitæ, & quidem æternæ: nam qui credit in filium Dei, nunquam veniet in condemnationem, sed transiit iam à morte ad vitam; & à me iam iustificatus, à me iam glorificatus, vt mea gratia seruatus, mecum in cœlestibus considerare, realemq; cœli possessionem se habere certò sibi persuadeat. Sanctificatio vestri pars noui Testamenti altera, vestræ glorificationis initium, vt coronatio complementum. Quid enim aliud est gratia, quàm gloria inchoata? Quid aliud gloria, quàm gratia consummata? Vita igitur æterna, quæ in hoc sæculo inchoatur, & in futuro perficitur, non differt genere, sed gradu. Est igitur vestri sanctificatio in hoc sæculo inchoata, sic vt hæreat peccatorum reliquiæ vel in sanctissimis, sed infucata: remansit in Paulo regenerato natiua corruptio, sed exarmata: remansit, non ad exitium, sed ad exercitium. Remissa est, sed non finita. Solutus est reatus, sed mansit actus. Sanctificatio igitur non est perfecta, sed vera, quæ mentes vestras illuminet in veram notitiam, & voluntates reformat in synceram obedientiam Euangelij, itaque totum hominem & internum & externum in effigiem mei Spiritus mei virtute transformet: quam in Euangelio tanquam in speculo contuentes, à gloria in gloriam, id est, à gloria sanctificationis vestræ ad gloriam coronationis procedere possitis. Atque hoc loco, videte mihi cum Papa quàm malè conueniat. Ego veniam propono gratuitam, ille mercenariam. Ego categoricam & absolutam, ille imperfectam & hypotheticam. Ego æternam, ille reuocandam. Ego sanctificationem peccatoris in hac vita synceram requiro, sed inchoatam: ille perfectam fingit, sed fucatam. Iam Iesus Christus vester, vt in gratu-

ito fœdere; & in nouo Testamento proponitur, vnicum Ecclesiæ ponitur à Prophetis & Apostolis fundamentum, cui bona opera vt aurum, argentum, & gemmas, tanquam superficiem aureo & gemmeo fundamento consentaneam superstrui docent oportere: bona autem opera ipsum esse fundamentum negant, quia opera vestra quantumvis speciosissima, nequeunt pondus & molem regni cœlorum sustinere. Solum Christum, solum Christum fide apprehensum potentissimum velut Atlantem faciunt, qui fulcie cœlum suis humeris, suaque virtute possit; factum à Deo vobis sapientiâ, iusticiam, sanctificationem, redemptionem, ideò totius operis fundamentum. Non quòd ab eo salus inchoetur, perficiatur autem à vobis; est enim vnus totius ædificij magnus lapis, vt imus in fundamento, ita summus in angulo; vt salutis basis & initium, sic fastigium & complementum. Quod Papa vester non solum deformauit ligno, scœno, & palcis superstruendis, id est, doctrinis admodum ineptis & insulsis, à fundamento dissentaneis, sed doctrinis impijs & pestiferis & fundamentum euertentibus, initium, materiam, formam instrumentum, finem salutis sceleratissime sustulit. Nam cum Scriptura sancta gratuitam Dei misericordiam causam iustitiæ efficientem: meritoriam, obedientiam meam & actiuam & passiuam: formalem, eiusdem per Spiritum sanctum imputationem: instrumentalem, fidem ex verbo Dei conceptam, & in gratuita promissione fundatam: finalem, diuinæ & iustitiæ & misericordiæ gloriam constituerit: cum impiè Pontifex omnia salutis fundamenta conuellit, tum omnia vobis obstruxit solatij lumina. Dum vitam æternam vobis, quam ego *probo*, id est, mercedem ex gratia propono. is stipem ex opere constituit; quam ego donum, ille debitum; quam ego patrimonium, ille stipendium; quam ego datum adoptioni, ille obedientiæ persolutum. Non obedienti modò dicit; quod verum est, sed propter obedientiam quod est falsissimum: scilicet vt ille mea dona venderet, eodemque modo & mihi gloriam & vobis pacem eriperet. Ex quibus omnibus emergit, Romanum Antichristum, quidcunque prætexat, esse diuini fœderis violatorem, Testamenti corruptorem, fundamēti



damenti euerforem, Sathana plenum, id vnum agentem, vt importet meis ruinam Ecclesiis, damnationem animabus. Quid mirum igitur, si vestris inferat corporibus exitium, Imperijs vilitatem? dum suos subinde emissarios sacerdotes in vestra regna summittit, qui tanquam canes famosis libellis lacerent regium nomen & famam, vt Reges in odium & contemptum adducant. Qui tanquam vulpes regios subditos à fidelitate obsequij regibus & mandato meo debiti, & iuramento suo præstiti, miris præstigijs abalienent. Et tanquam lupi, postquam regium nomen falsa infamia asperse- rint, & regios subditos à fidelitate obedientiaque abduxe- rint, regium sanguinem effundant, quibuscunque possint mo- dis, siue apertis rebellionibus, siue cõiurationibus occultis, idq; factum non modò licitum, sed meritoriũ esse defendant.

Caninum dentem conuitiando produnt, vulpinam fraudẽ æquiuocando, lupinam rabiem coniurando: Id agunt, vt fallant imperitos, arrodant integros, deuorent innocentes. Fidem prætehdunt, sed docent periurium. Dicunt se homi- nes reconciliare Christo, sed reconciliant Antichristo. In- terea quos Papæ adiungunt, Regi detrahunt. Ita enim astruunt spiritualement obedientiam, vt ciuilem destruant. An- non hoc planè vulpinum est? Adoriuntur infirmiores, vt su- perent firmiores. Quemadmodum serpens seduxit Euam, vt Eua seduceret Adamum: sic istæ serpentes aggrediuntur vxores prius, vt vxores inducant maritos: fæminas captant, vt irretiant iuuenes, in quibus plus vigoris & caloris insit ad quoduis facinus perpetrandum. Ita scholam habent ple- nam & fæminis masculinis, & masculis fæmininis. Annon hæc serpentina calliditas vobis videtur? Iam quàm infan- dis conuitijs canes isti ex monte Tarpeio Principes & vi- uos & mortuos, excellentias gloriaeque terræ lacerarint, tes- tes sunt infames libelli quos in Elisabetham Angliæ Regi- nam, & Iacobum magnæ Britanniz Regem nuper emise- runt. Quid mirum si pios Doctores maledictis incessant, qui tantum queunt scribere, cum magnos Principes insecten- tur qui possunt proscribere? Sed neque mirũ id videri debet, quòd regio nomini non parcant, cum non parcant sanguini.

Non

Non enim canes modò, sed lupi sunt, vt non modò ex pul-  
 uerea dicerem Iesuitica coniuratione inita, sed ex crudeli-  
 sima Henrici 3. & 4. Galliar Regum morte perfecta ma-  
 nifestum est, Miseret me veterani, miseret seruitij, ò Reges &  
 Principes, vestri, qui tales fatores dissidij, doctores periurij,  
 auctores regicidij feratis. Cauete canes, capite vulpes, arcete  
 lupos, vt vos Spiritus admonuit meus, quibus conuivium io-  
 cus, deceptio ludu-, rebellio & coniuratio cibus est. Ne pa-  
 tientia vestra mihi vobisque ampliùs damno sit, prouidete.  
 Expergiscimini tandem aliquando, & gloriam meam vnà  
 cum vestra salute defendite, suscipite causam Euangelij, exu-  
 toque Antichristo induite Christum Iesum, non falsum & fi-  
 ctitium, vt ab Apostata pingitur; sed verum & genuinum, v  
 ab Apostolo pradicatur. Nolite ampliùs pro rebus umbras  
 pro substantijs spectra complecti, nec vana præferre solidis  
 nec fragilia sempiternis. Vana quidem & fragilis est extern  
 species Christi, quæ ludit oculos; solida & æterna veritas est,  
 quæ pascit animas: non forma, sed virtus crucis salutem pa-  
 rit. Neque verò nitor ille & splendor Antichristi, qui vos  
 spoliât viuos, nec iuuat mortuos, perstringat oculos, vt vos  
 à Christo vestro detineat, à quo solo cum solatium in vita,  
 tum requiem à morte veram expectare possitis. Quò maior  
 quorundam insania, quicquid depereunt Antichristum, vt Chri-  
 sti tantum nomine retento fidem negligant, nec salutarem  
 crucis virtutem, nec internam Spiritus energiam sentire, nec  
 cœlestem Euangelij lucem, nec spiritualem regni mei glo-  
 riam humi strati suspicere possint: perinde ac si humilis atque  
 abiecta conditio mea, cui nullus externus decor, nulla spe-  
 cies inerat, expetenda, vt meus propheta prädixit Esaias, vul-  
 tum à me vestrum atque animum auertisset: aut illos ego  
 grauissimos animæ dolores, acerbissimosque corporis cruci-  
 atus causa mea pertulisseni, ac non propter vestras transgres-  
 siones vulneratus, propter vestras iniquitates fractus fuiss-  
 sem, vt castigatio pacis vestræ resideret super me, & salus ad  
 vos è plagis atque vulneribus manaret meis. Ita profectò se-  
 res habet humilitas conditionis, quam subiui; infirmitas  
 carnis quam assumpsi; signominia crucis quam sustinui causa  
 vestra;

vestra, contempta res iudicio carnis & vilis apparet. Sed si celestis illa maiestas, si potentia, si gloria, quæ per humilitatis, infirmitatis, atque ignominie meæ velum quasi transparent oculo fidei, animis vestris cernerentur: quemadmodum & Agnus occisus, & inuictus Leo à Iohanne describor, ut in infirmo homine potens Deus vobis appaream; quantum amorem simul & timorem, si cælum, si gehennam creditis, infinitæ misericordiæ cum infinita iustitia potentiaque coniunctio in animis vestris excitaret? Magnis peccatoribus, cuiusmodi ferè Reges sunt, magna opus est gratia, cuius prædicatio vobis tam erit grata, quam fuit necessaria, ubi pungentem intus aculeum accusantis conscientie sentire cœperitis: quod possitis ad cælum peruenire per viam penitentiae, qui per viam innocentie non potestis. Sed qui vim morbi sui non intelligunt, vim remedij non requirunt. Vnde dum vulnus peccati non sentiunt, non expetunt gratiæ medicinam. Quibus denuntio me solum aut patronum benignissimum futurum, aut seuerissimum iudicem: ut meam dexteram aut salutarem apprehendant, aut vindicem expectent. Omnes homines, quicquid aut habet, aut sunt, id mihi totum iure debet: præsertim Reges & Principes, quos singulari gratia mea paucos supra tot myriadas hominum euexerim, atque in solio meo collocarim. Quorsum verò quorsum? Ut desidia luxuriamque se dedant, draconi seruiant, euehant, ornent Antichristum? Minimè verò, minimè. Sed ut Ecclesie inuigilent, Agno militent, proterant & delumbent bestiam. Quod si Senatus ille Sanctorum in cœlis procidat ante Agnum sedentem in throno, & adoret viuentem in sæcula, & coronas suas ante thronum abiciat, dicens, Dignus es, Domine, qui gloriam accipias & honorem, quia tu creasti omnia, & occisus, Deo nos per sanguinem tuum redemisti: si chorus ille innumerable Angelorum symphoniacus Agni occisi virtutem, sapientiam, & fortitudinem magna voce decantet, atque honore debito prosequatur: quid vos tandem, quorum adhuc sub purpura puluis & cinis latet, qui que arcscntes modò geritis coronas, redemptoris & Regis vestri causa facere debetis? Nam cum pias illas animas duris militie meæ labori-

R

bus

bus periculisque perfunctas, in veram promissæ desponsæque beatitudinis possessionem perduxerim: certè vos adhuc in ipso pugnæ velut ardore ac descrimine versantes cum necessitas auxilij mei, tum expectatio præmij debet ad flagrantius tuendi mei nominis studium commouere. Hic mihi grauis & iusta causa querimoniz data est, quòd mutæ suspiciones & discordiæ vestræ Antichristum per se quidem debilem & contemnendum, potentem & tremendum effecerint. Hinc idolum Lateranense aureum caput tumentis tituli assumpsit: hinc argentea brachia nummariz iurisdictionis dilatauit: hinc æneum ventrem coniurationis prodicionisque distendit: hinc ferreas violentiæ superbiæque suæ tibias mouit domoque extulit, quibus non coronas modò vestras, sed ceruices etiam conculcauit. Narro vobis: discordia regum auxit Antichristum, concordia minuet. Num è re vestra putatis admittere speculatores, qui vestra consilia explorent? incendiarios, qui semina dissidij iaciant inter vicinos Reges, eosque inter se committant? harpyas quæ vestras pecunias rapiant? hirudines quæ sanguinem exugant? subdolos perduelles, qui fictis verbis iugula petant? Qui cum vos in sinu rideant, quòd vobis plumbum relinquant, & aurum auferant, tum id vnum agunt potissimum, vt distrahant animos vestros, & ad bellum contrà fratres gerendum inflamment, quòd vestris discordijs magnus latialis Iupiter, crudeli gaudio in miserijs vestris ac cruore tripudiet. Vos ipsos appello: nonne tales semper estis experti Papæ nuntios, datarios, Iesuitas? Sit discordiarum finis aliquando: iam ista mala tollentur omnia: iam ista serpens, que iamdiu malo publico dissidij vestris intumuit, compressa atque illisa morietur. Me igitur authore quamprimùm fida stabiliqque concordia inter vos constituta, singuli vestram in regnis suis, in quibus ego Reges vicarios reliqui meos, purum Dei cultum instaurant, sanam fidem renouent, bonos mores restituant, repurgent vera Ecclesiæ sacramenta, reuocent veterem disciplinam introductà à collegio Apostolorum, in Nicæno Concilio confirmatam. Porro, vt quod singuli fecerint vniuersi comprobent, publicum Concilium publico consilio cogant, in quo

quo, sublato periculi metu, & partium studio, causa Christi vestri contrà Antichristum tutò & liberè disceptetur.

Hic Reges & Principes Pontificios separatim admonéo, vt à duobus consiliarijs caueant, quorum alterum Sirenem, alterum Erynnem nomino. Sirene suadet illis vt indulgeant genio, laborem fugiant, periculum metuant, res constitutas ne moueant, pacem cum veteri amico suo & collusore Pontifice ne violent; nec malum quod vident remedio maius adhuc emendare conentur. Non enim possunt, inquit, Papam exuere, si velint. Non possunt? Quid non potest brachium Regis brachio Dei roboratum? ex quo fides oritur: ex fide magnanimitas Regum; quarum illa pellet cœcam superstitionem, hæc degenerem ignauiam & fornicinam. Illa faciet vt videant, hæc vt superent humana quouis obstacula, quò tam facilè queant exuere Papam quam togam veterem & grauem. Probrosus est Regibus Pontificijs, dicere, quòd malum vident remedio maius, & quod adhuc emendare non possunt: quòd Papam non possunt eicere, si velint. Potuerunt Germaniæ Principes, potuerunt Dania, Scotiæ, Sueuiæ Reges, potuerunt; vt bonam Galliæ, Heluetiæ, Poloniæ, Boemiæ & Pannoniæ partem taceam. Angliæ Reges, pater, & filius puer, & filia, etiam tum cum omnes vicinos alienos haberent, clerum seditiosum, populum supersticiosum: perturpit tamen non modò viri, sed pueri & fœminæ pia magnanimitas humana impedimenta omnia. Pudeat igitur pontificios Principes & iuuenes & viros id facere non posse quod puer, quod mulier potuit. At sirene forsitan insusurrabit, non esse irritandum Paulû Quintû plenû Gregorijs, Alexandris, Bonifacijs, Iulijs. O magnam stultitiâ timoris, id mali, quod metuas, ita cauere, vt cû amouere poteris, vtrò accersas atque attrahas. At nolunt aliqui Papâ exuere, si possint. Malum putant necessariû, reges frârandis suis subditis, subditi moderâdis suis regibus. Quibus Christus durior & rigidior videtur, vt qui nunquâ cum scelere dispenses, nihil remittat, nisi seriò pœnitenti. Opus igitur illis facili & indulgentè Antichristo, qui cû adulterio incestuque dispenses, & nuptias diuina lege prohibitas approbet atque confirmet.

Vt iam mores hominum sunt, danda peccandi copia. Ita scelera Papam faciunt necessarium. Infelix necessitas, quæ damnationem homini facit necessariam. Perditè diligit iniquitatem suam, qui ut eam teneat, perdit animam. Valde carere æstimat vitam breuem, qui, ut eam pro libidine traducat, amittit æternam. Interea quos tam dura necessitate constringit Antichristus, quàm onerosum illis iugum imponit? Ut quos in futurum catenis caliginis destinauit, in præsens aureis catenis vincire videatur. Quas Deo duce, socijs Protestantibus Regibus faciliè depelletis. At dispar illorum religio nobis suspecta est. At ista disparitas est vestra securitas. Nam audent cum talia Pontifices iam, quando tot Principes ab illa pestilentia sella discesserint: quid facerent, si nulli omnino discessissent? Quòd si Frederici, Henrici, Caroli, Gregorios, Alexandros, & Clementes, in media Papismi nocte faciliè mulctarunt: si Philippus pulcher, & Ludouicus duodecimus Bonifacio & Iulio tum pro suis meritis acceperunt: quantò facilius eorum posterì Protestantibus regibus in tanta Euangelij luce coniuncti Paulum Quintum coercebunt? Præsertim cum Hispania Rex Philippum secundum patrem suum, satellitem Romanæ sedis, indignè habitum à Papa propter detentam Siciliam & Neapolim non meminisse non possit. Et Gallia Rex non modò Henricum Tertium, sed & Quartum patrem suum ab eiusdem emissario nuper crudelissimè interfectum recordetur. Quare Pontificijs regibus non suspicionem contrà vicinos Reges, sed bilem contrà Pontificem pia generositas regum Protestantium commouere deberet, ut iunctis copijs idoli caput comminuere, brachia decurtarent, vngues refecarent, ventrem aperirent, tibias & pedes abscinderent, quibus patrum suorum coronas indignissimè deiectas esse meminissent. Quàm malè sirenes suadeant, accepistis: quantò peius Erynnēs consulant vobis, accipite. Quarum lethalem musicam ab animis atque auribus vestris, si sapitis, repelletis, suadentium, ut bellum pro Antichristo contrà fratres & consanguineos vestros gerendum putetis. Nihil enim illis aliud propositum est, quàm vtrorumque thesauris exhaustis, & viribus dimi-  
 nutis.



autis & mutuo Marte consumptis, vt antehac sæpissimè contigit, ruente throno Regum Cathedram extruant Sacerdotum: quibus volupe est, vt veprem illam suam efferant, quæ flammam lucis inferat, & Cedros Libani consumat. Iam vobis antè denuntio caueatis à bello, quod sacra vobis Erynnæ gerendum contrà Ecclesiam meam clamitant. Nam in campo contrà vos Christum estis habituri. Non me præterit Romæ nuper, vt antea sæpe, conciliabulum quoddam Sacerdotum à Romano Pontifice deformandæ minuendæque gloriæ meæ causa, mandato Sathanæ coactum conuenisse. Cepisse consilium, quo Reges & Principes Pontificij fœderibus inter se coniungantur contrà Reges & Principes Protestantes, imprimis contrà Iacobum magnæ Britannię Regem, qui Pontificem Antichristum, & vt ille infert, Pontificios Reges & Principes Antichristi membra esse concluderet: causam igitur communem tuendam armis communibus: summisissè etiam Sacerdotes suos, qui suos filios, vt vocat, ad bellum contrà seruos meos suscipiendum commouerent. Quò maior necessitas reformatæ Ecclesiæ Regibus imposita est ab Antichristo, vt prophetiam simul impleant, & Dei bellum gerant, suasque copias contrà bicornem bestiam atque arma coniungant. Nam Reges adhuc Pontificios sapientiores futuros arbitror, quàm vt suum atque igneum bestię consilium exequantur. Sciunt illi non impune tulisse priorem bestiam, cuius decem cornua coronata dicuntur, quòd seruorum meorum innocentem sanguinem fuderit. Nam quæ me iam natum Principem salutis vestræ potestas Imperij condemnauit, crucique affixit, eadem nascentem Ecclesiam meam decem persecutionibus extinguere conata est. Quarum auctores quomodo Sanctorum vicem vltus fuerim, Imperatores aliquos mutua morte confoderim, populos eorum diuturna peste consumpserim, totas vrbes diluijs & terræmotibus deuastarim, totos exercitus fulminibus & fulguribus è cœlo iactis percusserim ac dissiparim, ipsorum historiæ declarant. Quot mihi fuerunt creaturæ, tot fuerunt Phialæ furentis iracundiæ, quas in meos meorumque hostes effuderim. Dicit aliquis vestrum: At illi pagani

qui occidebant, Christiani qui occidebantur: nos Catholici, qui punimus, illi hæretici, qui puniuntur. Tam illi hæretici, quam vos Catholici. Vos Catholici? Vtinam Christiani: non verba, sed res oportet præstet isthuc mihi. Nomen Christi geritis, fateor: sed gentes agitis sub nomine Christi. Illi hæretici? Certè, vt ego hæreticus, qui ad Scripturas omnia reuocaui. At Antichristus etiam Scripturas allegat. Sanè, vt diabolus peruersè intellectas. Qui quemadmodum Iudæos impulit, vt me propheticiis adumbratum ac promissum Scripturis omnibus verum suum Messiam occiderent: ita multos nomine Catholicos, reuerà hæreticos hæreticissimos, Antichristi mancipia, commouit, vt & libros, & seruos meos comburerent, &, quantum in ipsis fuit, fidem & Ecclesiam meam renascentem partim vi partim fraude delerent. Cuius causam sæpe exerta manu coelitus vindicaui. Vnum insigne exemplum apponam. Postquam duos illos seruos meos Hussium & Hieronymum Constantiense Concilium condemnasset ad rogam, duas Erynnes Papæ legauit in Germaniam, Cardinalem Vintoniensem, & Cardinalem S. Angeli; qui cum Sigismundum Imperatorem à bello Turcis inferendo reuocassent, ipsum contrà Euangelij mei nouos professores Boemos accenderent, & tres alios magnos Germaniæ Principes in campum cum maximis copijs euocarent. Vultis totius rei, pugnaq; exitum audire? Boemi aciem instruant, signa dant; vix dum congredi cœperunt, cum Imperator & Principes pannico terrore perculsi, Furijs illis nequicquam ad arma clamantibus sedè fugerent, & quinque Boemiam ingressi, quinque fusi fugatique discederent. Nec ita multo post tres Papæ huius authores tragædiæ, duæque Erynnes Cardinales, non sine summo dedecore & mœrore perierunt. In quibus omnibus, qui Dei manum non videt, cæcus est: qui non timet, impius. Prætereo illam inuincibilem scilicet classẽ Hispanicam, Sacerdotum sollicitatione collectam, quæ dispersa ventis, absorpta fluctibus, Dei manu palam contusa dissilijt. Quid? Num vos Dei dexteram contractam putatis? aut supersedisse Deum tuendis suis seruis arbitramini? Infinita sunt exempla diuinæ potentia, quæ cum prioribus

prioribus sæculis, cum nostro sæpe in tuenda Ecclesia contrā potentissimos hostes ostendit sese atque extulit; Ventura probentur præteritis. Quod si vel primi illi, vel secundi tyranni impietatem suam impunè tulissent, esset fortasse cur in suo scelere cum facibus illis suis lætaretur Antichristus: esset, cur impunitatem sibi promitterent Reges terræ, qui potentiam suam ad bicornis bestię regnum constituendum atque amplificandum contulerint. Nunc cum primum decem illa prioris bestię cornua coronata & cruenta confregerim & contriuerim: & postea secundę bestię fumosa mancipia terra marique dissiparim: quid de Antichristo fiet, in sexto sigillo declaratum est. Sed quid interea sperent Antichristi satellites, qui ab hisce facibus accensi vires ei suas ad nocendum commodarint? Moneo vos igitur, (ô Reges & Principes Pontificij) primum vt è Babylone quamprimum exeatis: deinde vt ad me conuersi Antichristum coniunctis cum Ecclesia copijs debelletis, saltem ne hasce sirenes & Erynnes audiat, quæ perniciem vestris animabus & corporibus important. Certè quidem Pontifex Romanus & magnus Antichristus sunt termini conuertibiles. Certum igitur stat decretum Dei, Pontificem ab iisdem, à quibus adoratus est Regibus, comburendum. Non potestis & mihi seruire & Pontifici, quocumq; a vobis pacta pax, videte ne non tam pax dicenda sit, quàm pactio seruitutis. A qua si Reges & Principes Pontificios non abduxero, tum vos, ô Reges & Principes Protestantes, commonebo, vt infidæ cum Pontifice paci sanctum bellum præferatis, & pia putetis arma, quibus nulla nisi in armis posita spes est; cauentes ne falsæ pacis opinione decepti de improviso opprimamini. Omnino pacem vobis cum vicinis Regibus, illisque vobiscum esse cupio: sed pacem cum Romano Antichristo esse nolo. Quamobrem? Quia impia est. Quia perniciosa est. Quia esse non potest. Impia est. Traditionibus humanis cum Scripturis sanctis, arbitrio libero cum Dei gratia, iustitiæ inhærenti cum imputata iustitia, satisfactionibus humanis cum meo sanguine in salutis negotio procurando quæ potest esse pia pax? quæ consensio? quæ concordia? Inuocationi mortuorum

tuorum cum inuocatione viui Dei, Missæ Papali cum cœna Dominica, fidei Christianæ cum Antichristiana perfidia, quæ potest esse sancta societas? quæ coniunctio? Constat de impietate, Audite de perniciæ. Dulce quidem nomen est pacis, & pulchra opinio vnitatis. Sed quis verè Christianus dubitet eius modò pacis vinculum esse tutum, quod veritate & vnitatem Spiritus continetur? Vnde consequitur, in pace cum mendacio facta vobis dulcem inclusam esse perniciem. Satis de periculo. Addo, ne coagimentari quidem posse pacem inter semen mulieris & semen serpentis: inter Agnum & Antichristum: inter quos Deus æternas posuit inimicitias. Citius igni cum aqua pax, quam Christo vestro cum Antichristo intercedet. Quare moneo Reges & Principes Protestantes, quam reformationem Ecclesiæ me ducē inchoarunt, me ducē perficiant. Ad eam rem primò vt domestica dissidia, præsertim in articulis doctrinæ Euangelicæ, sedato & Christiano colloquio componant. Verendum enim, ne intestina diuisio hostem reducat externum. Deinde vt communi hosti communi consilio & auxilio resistant: periculum enim est, ne, si resistent singuli, vincantur vniuersi. Tertio quò melius defendat Christum suum, simul lauadant Antichristum. Maior enim est animus inferenti periculum, quam propulsi. Postremo, si prophetiam adhuc implere non possint, vt bellum saltem è suis finibus totam exterminent. Nefas enim est, vt vnà cum Christo vestro habitet Antichristus. Ad extremum vtrisque suadeo, vt in huius tantæ rei deliberatione primùm pietatis sapientiæ vestræ politica prudentia ne præponderet: alterum, vt æternæ Dei veritati mala hominum consuetudo ne præiudicer. Tertium, vt tam nobilem vobisque dignam actionem meticolosa dubitatio ne procrastinet. Vltimum, vt pacis cum Antichristo insidiosa conditio, libertatis recuperandæ studia ne restinguat. Ita vnusquisque vestrum regno & ditione sua contentus de vicino inuadendo non cogitabit: de dæmone, cuiusque filio natu maximo Romano Antichristo, id est, non de vno impio, sed de totius impietatis regno delendo atque extinguendo cogitabit. Non deest vnicuique vestrum causa & iusta & sua: nec iam pulchra deest occasio. Induciat inter

Ozarem

Cæsarem & Turcam pactæ præclaram vobis opportunitatem præbent insolentis Episcopi corrigendi: pòst Turcam faciliùs iunctis viribus depelletis. Interea, dum nec causa vobis contrà bestiam, nec opportunitas deest, ne voluntas desit, prouidete.

Hæc si vobis Christus seruator, ô clarissimi Reges & Principes, tacitè loquatur, atque intimè suadeat; nonne vobis persuadere debeat, etiamsi pœnam inferre non posset? Præsertim cum Pontificem & diuini Testamenti & regalis Imperij hostem esse capitalem demonstrarit. Eam iam telam texit Pontifex, ea iam Romæ consilia concoquit, vt regia & Pontificia maiestas diu simul stare non possit. Augent nostra peccata Pontificem: qui si ad eam magnitudinem surgat quam animo designauit, cadant Reges necesse est. Id meus, si spectare dignemini, vobis confirmabit Dialogus, in quo prodit primùm velut in scenam Pragmaticus Antichristus.

*Deo gloria.*

1. The first of these is the fact that the majority of the population of the United States is now living in urban areas. This is a result of the process of urbanization, which has been going on since the beginning of the 20th century. The population of the United States has increased from about 100 million in 1900 to over 200 million in 1950, and the majority of this increase has been in urban areas. This has led to a concentration of population in a few large cities, which has in turn led to a number of problems, such as overcrowding, pollution, and traffic congestion.

[illegible]



# PRAGMATICVS ANTICHRISTVS,

*Aut*  
HILDEBRANDVS REDIVIVVS.

*Sive*

De Christiana subditorum obedientia Regibus debita, contrā antichristianam rebellionem Catholicæ religionis habitu contextam, Dialogus primus.

Interloquutores sex,

1. MICHAEL CALANDER,
2. GVILLIELMVS ARGENTINVS: duo nobiles Catholici laici, ut vocantur, alter mollior, alter rigidior.
3. GREGORIUS VELBACELLVS sacerdos senex, CALANDRI confessorius;
4. ROBERTVS SATVRNINVS vmbra ARGENTINI, Iesuita: alter moderatior, alter violentior & virulentior.
5. ANTONIVS PATRIOTTA Theologia reformatæ professor: &
6. CAROLVS REGIVS iuris municipalis: uterque religionis nostræ, patriæ, Regis defensor.



ostquam Paulus Quintus duo Breuia misisset in Angliam, quibus Catholicos filios, ut vocat, à iuramento fidelitatis atque obedientiæ suscipiendo prohiberet: dici memini confecto Paschæ Terminò, duos è laicis viros nobiles & magnos sanè Romano-Catholico-

cos, MICHAEL CALANDRVM & GVILLIELMVM

Occasio Dia-  
logi.

ARGENTINVM, ex vrbe quasi consilij capiendi causa in suburbanam villam secessisse. Profectus vnà cum custode suo GREGORIUS VELBACELLVS senex, Sacerdos primarius, quem iam ætas & vsus moderatiorem mitioremque fecerant, dicebatur; vt diuurnam incarcerationis suæ molestiam verna ruris amœnitate leniret. Sequutus paulò post cursor quidam Iesuita, natu minor, vir igneo spiritu ferebatur, ROBERTVS SATVRNINVS. Qui quò celaret Sacerdotem, caluitiẽ caliendro tegens, aulicum veste simulabat. Diuerterunt fortè id temporis ad CALANDRVM hominem perhumanum certè & hospitalem, ANTONIVS PATRIOTTA, & CAROLVS REGIVS, alter Theologiæ reformatæ, alter iuris municipalis professor eximius: vterque Papismi aduersarius, ita tamen vt Papistam amore completi, modò virum bonum, & fidelem patriæ ciuem, Regisquæ subditum, & posse se ostenderent, & debere iudicarent. Nam eo consilio venerunt vt persuaderent CALANDRO amico suo, vt iuramentum primatus, si posset: si non posset, sacramentum fidelitatis saltem susciperet; ne, si recusaret, iustissimam Regi optimo suspicionem daret animi ab eo prorsus abalienati: & ita luosissimam antiquæ familiæ suæ ruinam accerferet.

Hic CALANDRVM scrupulo quodam conscientiæ, quem Breuia Papæ superstitioso seni, vt videbatur, infixerant, parumper obmutuisse PATRIOTTA, nec siccis oculis tandem respondisse narrabat; Mittamus ista tristitia paulisper, ANTONI & CAROLE: vosquæ de via fessos deducamus in cubiculum, vbi reficere vos paulum, ac requiescere possitis antè cenam.

Ac ne fortè ignoretis, quos apud me qualèsque conuiuas habituri sitis, audeo vobis dicere, quos mihi quidem semper fidelissimos sum expertus, acres disputatores fuisse, non periculosos delatores, nec Catholicos vnquam accusationibus pupugisse, sed argumentis: aderit vobiscum in cena ARGENTINVS familiaris, & VELBACELLVS confessarius meus, qui iuramentum fidelitatis cum ipse præstitit, tum alijs etiam, vt præstent, persuadere conatur. Ac mihi quidem penè persuasit,

persuafit, nisi quodd maiorē in breuibus sanctissimus Pater op-  
posuerit authoritatem suam. Conuiuiam verò tertium, vmbra  
ARGENTINI mei, planē celabo, nisi prius à vobis cauero,  
nullum ei vos, periculum indicio vestro creaturos; quod cer-  
tē à meo periculo seiunctum esse non potest. Cuius partes  
sunt contrā obedientiam subditorum, quam, vt ipse putat,  
hæretici Reges iniquē exigunt, disputare, & pro Papali au-  
thoritate Reges eiusmodi deponendi, subditosque eorum à  
fidelitatis sacramento absoluendi, maximē firma, quæ possit,  
obiicere. Quod si vos obiecta verē diluere, atque infirmare  
possitis, mihi quidem, credo item & ARGENTINO meo fa-  
cilē persuadebitis, vt Regi nostro iuramentum fidelitatis  
obedientiæque præstemus.

Tum PATRIOTTA, Equidem, inquit, modò nihil mo-  
liatur contrā Regem & patriam, & disputet tanquam in scho-  
la inuestigandæ veritatis, non tanquam in turba seditionis  
serendæ gratia, do tibi fidem meam me non sumpturum par-  
tes indicis, vt perdam hospitis, nec deserturum officium ami-  
ci, dum seruem subditi. Hic REGIVS, vt qui periculum  
legis melius nosset, hæsit aliquantisper: tamen institutum  
suum persequens, Vt ouem perditam Regi lucrificiam, mu-  
tuabor, inquit, tantum à lege, vt Iesuitam audiam disce-  
rentem.

Et hac vobis conditione, subridens CALANDER inquit,  
tertium nomino conuiuiam, habitu Aulicum, professionē Ie-  
suitam, Patrem ROBERTVM SATVRNINVM.

Atque ita conuiuias omnes conuenisse in Triclinio PA-  
TRIOTTA, & postquam humaniter, vt mos est, consalu-  
tassent, lautos accubuisse dicebat: ac, ne mutum planē con-  
uiuium videretur, Sacerdotes prudenter sanē dissimulasse  
tristitiam animi coacta quadam hilaritate sermonis. Peracta  
autem cœna omnes in xistum esse deductos, ibique partim  
inambulantes, partim sedentes, sermonem de rebus proposi-  
tis ad multam noctem produxisse.

Hic CALANDER exorsus, Cum mihi semper, inquit,  
VELBACELLE & SATVRNINE, gratus aduentus ve-  
stus fuit, tum nunquam certē gratior, quam hoc difficillimo

tempore. Quo de iuramento fidelitatis, deque potestate Pontificis Reges hæreticos abdicandi, subditosque ab obedientia illis, ut putatur, debita liberandi, controuersia non modò inter Catholicos & hæreticos, sed inter Catholicos & Catholicos intercedit aque ingrauescit. Ut inter vos duos accidit, quorum alter dissuadet mihi, ne iurem; alter suadet, ut iurem. Ita nos Catholici laici à vobis, sacerdotes, distraxi quodammodo & quasi discerpti, & in hac causa inter Pontificem & Regem planè diuisi, quid nobis agendum sit, penitus ignoramus. Quare cum vos hac de re dissidentes cuperem contrarias inter vos conferre rationes, ut ex magnorum ingeniorum quasi conflictu collisusque aliquæ veritates velut excussæ scintillæ conscientijs nostris satisfacerent: ecce subito interuenerunt duo viri doctissimi, ANTONIVS PATRIOTTA, & CAROLVS REGIVS, nobis omnibus in toto religionis negotio, ut verum fatear, acres aduersarij, sed sine malitia; vobis forsitan ignoti, sed mihi certè amicissimi: ut mihi vobis timendum sit, nequid emanet, si causa proposita liberè, modò ne licenter, disputetis.

Tum SATVRNINVS, Fides tua data nobis, CALANDER, facit, nihil ut ab hisce generosis amicis tuis periculi metuum. Itaque personam illam atque habitum, quem necessitas non voluntas imposuit, fidei aulici depono, veri induo Iesuitæ. Quanquam non me præterit superiorem proximo Terminò, sanctum sacerdotem Reginæ lege damnatum, crudeliter ex-cruciatum fuisse. O legem Draconis, cruentis scriptam literis!

Bona verba, quæso, inquit PATRIOTTA: non enim illum sacerdotem Reginæ lex, sed Pontificis Breue suspendit. Nam cum essent duo sacerdotes in eodem crimine condemnati, utriusque Rex vitam obtulit, si sacramentum fidelitatis suscipere vellet. Alter suscepit, alter recusauit. Alter igitur Regis misericordia viuit, alter Pontificis interdicto periit. Dico iam mihi, utrum illum Reginæ lex, an Pontificis Breue suspendit. O Breue Hypponactem, cuius singuli versus velut singuli iambi, sacerdotem suum ad suspendium adegerunt! At Romano-catholicis Anglis, dilectis salutem filijs, & Apostolicam benedictionem fronte sua præferebat. At intus maledictionem

Genusius.

maledictionem & exitium continebat omnium vestrum. Scilicet labra calicis Pontifex vester melle illinebat, vt quod erat intus veneni ebiberetur iucundius. Quem sanè vobis, CALANDER & ARGENTINE, cæterisque laicis Papistis, amarissimum calicem miscuit Papa, procurauit Iesuita: explorator Papæ, dum Anglopapistarum potentiam maiorem significaret fore, quàm Protestantium, dummodò ad domesticas copias adiungi procuraret externas. In quo sanè Papam fefellit, vt exploratores Burgundicos scribit Cominæus diei obfcuritate & caligine deceptos, Ducem Burgundiæ decepsisse, Gallorum copias plures propioresque esse narrantes, cum spinas veprium in agro longiusculas pro pilis & lanceis accipissent: Ita Iesuitarum falsi nuntij Pontificem induxerunt, vt præcox sanè consilium caperet Breuium ad vos mittendorum. Quibus, vt antea pius Quintus, cornutum sanè dilemma contexit, quo filios suos vtrinque ferit, eoque adigit, vt aciem subeant vel Regineæ legis, si Regi non obsequantur; vel Papalis anathematis, si obsequantur. Compellit enim eos (quorum calamitates scilicet pro Catholica fide retinenda iugiter susceptas miserabiliter deplorauit) vel ad infernum, vel ad patibulum. Nam vel damnari vobis, si Papæ creditis; vel suspendi necesse est: damnari, nisi pareatis interdicto; suspendi, si pareatis. Hæccine salus Pauli Quinti, quam dilectis filiis præmisit? Hæccine Apostolica benedictio est? Siccine misericors Pater beare solet suos filios, qui tantas, vt scribit, hætenus pro retinenda fide Catholica calamitates pertulerunt? Præclaram verò retulit pietati vestræ gratiam, qui Papistas suos in causam mala falso gehennæ metu ad certam crucem compulerit.

Nuntijs Iesuitæ falsis Pontificem deciperunt.

Cominæus lib. I. cap. I I.

Cornutum dilemma Pontificis.

Neque falsis modò nuntijs ad Pontificem missis, sed multò magis pestiferæ doctrinæ vestræ, SATVRNINE, calamitates suas debent Romano-catholici: quid enim aliud Regineæ mitissimæ extorquere potuisset inuitæ legem illam, quam modò, vt sanguinariam, criminatus es? Nam Iesuitæ vestri post introitum Bullæ Pij Quinti, Angliam subingressi, vt Campianus, Parsonius, alijque complures, vt Bullam illam exequerentur perpetuò laborabant: & tanquam decimum-

Iesuitæ falsæ doctrina Pontificis afflixerunt.

tertium:

Seditiosa doctrina Iesuitarum legem seueram peperit, cum in praxim erupisset.

Rebellio apud Iesuitas articulus fidei.

Aliauz.

tercium articulum fidei proponebant: Nullam iam amplius excommunicatæ atque abdicatæ Reginæ deferendam esse obedientiam: vnde Aquilonaris statim est rebellio consecuta. Vestra igitur seditiosa doctrina seueram legem peperit. Vestra schola siquidem Romano-catholicismum fecit perduellionis Catechismum: vestra primum logica Papistam & proditorem terminos posuit conuertibiles. Vestra igitur Societas fuit Romano-catholici fundi calamitas.

Nam antea quidem Papistæ vestri, satis quietè vndecim annos vixerant: donec Pius Quintus senex nimis credulus, vt dicebatur à suis, falsis quorundā insurrectionibus inductus Anglocatholicorum, vt vocabant, vires tantas esse narrantium, vt Reginæ copijs possent obsistere, bulla sua scilicet Reginam excommunicasset, regnoque abdicasset, & subditos illius à fidelitatis sacramento absoluisse, & absolutos incitasset, vt contra non Reginam arma capefferent. Sed citò deprehendit errorem senex, & data dispensatione correxuit, vt Papistæ ad redimendam vexationem (sic enim loquitur) externam Elisabethæ Reg. ostenderent obedientiam, sed duabus restrictam conditionibus: vna, rebus sic stantibus; altera, donec publica bullæ executio fieri posset: hoc est dicere, donec tantam essent potentiam naçti, vt Reginam armis opprimere possent. Hinc inter casus conscientie à vobis in Angliam inuectos, articulus ille quinquagesmus quintus ortus est. Vbi Catholicus interrogatus, Credis Rom. Pontificem potuisse Reginam exauthorare, docetur, non obstante quouis mortis metu, respondere, Credo. Quæstio enim hæc, inquit, ad fidem spectat, & exigit confessionem fidei. En fides vestra Catholica, cui præsens iuramentum aduersari dicitur à Papa, præcipuum caput Iesuitismi, quem Papismi medullam possumus dicere. Et succenses iam SATVRNINE, suspensos esse paucos Iesuitas tanquam proditores, qui proditionem articulum fidei fecerint? Nec iustam Regi causam putas esse, vt vos capite plestat, qui tanta peritia subditorum conscientias fascinaftis, vt etiam pium, iustum, & honoratum, quod cum suo Principe gerant, bellum existiment?

Sed



Sed quid si non modò nuntij, & magistri sed etiam auctores & actores perduellionis extiterunt? Hic non modò deponendi Regem, & absoluendi subditos, sed expiandi Regem & regnũ, delendique gentem Anglicanam, & eradicandi homines ex terra, (neque nocentes solum, sed etiam innocentes, iuxta veterem illam proxim tyrannorum, Pereant amici dummodò inimici intereant,) reteripmam post homines hatos coniurationem inierunt? & Catholicos cum hæreticis, vt vobis videtur, nobiles cum plebeis, patres cum filiis Martyres esse voluerunt? Quid enim aliud fuit illud incendium excogitatum à vobis, quàm martyrium Regis & regni?

**TUM SA TURN INVS.** Inius iam Iesuiqis facias, inquit, quos Catsbeana coniurationis authores infimulas, quod quæ sub sigillo confessionis tantam audierant, celanda existimabat de illo martyrio Regni, vt loqueris. (quod nemini nõ cauit) inuento solum non peracto. Eecit igitur Garnettus, princeps Iesuitæ, Iesuitis iniurias, inquit, PATRIOTÆ ANQI cum ipse Catsbeim malum spiritum aluisset, quem caput & cor totius coniurationis esse voluit, germanum Castellinam, promiptum discipulum, (qui ex Bulla Clementis octauæ, qua Papa Regem, vt scripsit, hæreticum, nondum ingressum exelauit regno, scelerata consequentia conclusit, ingressum quouis modo expellendum,) ex hac nefaria propositione vestra, quæ iam disceptanda proponitur, pestilentissimum illud inaudita perfidia venenum exuxit. Sed cum illum Garnettus quasi satellitem coniurationis esse voluisset, alios ei tamen de tribu sua, immò de sinu consiliarios apponebat.

Ac ne Iesuitarum illa tum viua quadrellio Romani Pontificis spiritu singulariter afflata, ad laicum proditorem mortuum tremere omnes deriuat, intelligat sese à Garnetto situm iam in morte, voluntaria confessione scripto indicatum. Grenwellum enim cum Catsbeo se scripsit, auditos, non modò vt confidentes, sed vt consultants: Grenwellum cum Gerardo non solum auctores, sed etiam actores fuisse, qui etiam supra conscientiam facti declarauerunt: Baldwinũ & Parsonsũ confiteos, quos fuisse Fauorem, illam faciem inflamasset.

Iesuitæ auctores & actores perduellionis.

Cicero pro Deiotaro.

Martyrium Regni Anglicani.

Vt apparet ex ipsius confessionibus suam scriptis.

Garnettus, Grenwellus, Gerrardus, Parsonsus. Proditor indicio proditor ipse suo.

in Belgio: hic de facinore certior ab eo factus, tanquam de peregrinatione ad fontem sanctæ Winefredæ ad diem dictum ex Italia Lugdunum vsque aduolasset in Galliam, quasi coruus ad cadauer, vt tanquam alter Nero flammam cum improba voluptate omnes patriæ suæ partes furiosissimè lambentem propius aspiceret. At non perfectum est, inquires, hoc quod vocas Regis regniq̃ue martyrium. Quid tum? Quasi nesciamus Antichristum multos morti tradere, plures destinare. Sitire plus sanguinis, quàm fundere. Fuimus igitur omnes martyres intentione vestra, quamuis non executione. Quodd erat inuentum scelus, id malitiæ vestræ tribuimus; quodd non erat perfectum, diuinæ misericordiæ. Quæ Regis omnium qui sunt, fuerunt, erunt, clementissimi cornumquam sanè suspiciosum impulerit, vt ex illis neglectis propè literis genus ipsum periculi, & puluerem tormentarium penè dicam subolfaceret, & ita instrumentum fieret salutis publicæ. Vnde duplex oritur obligatio, vna quæ Regem Deo: altera, quæ nos Regi arctius in perpetuum deuinciat. Non deest Regi & senatui prudentissimo & fidelissimo consilium & cura: sed contrà tam cæcas coniurationes cum nulla humana consilia, nullæ curæ satis valeant, cum gratiæ Deo pro liberatione præterita, cuius iam penè oblitus sumus; tum preces pro futura perpetuò fundendæ sunt, vt Imperatorem & imperium Britannicum, sicut adhuc fecit, ab horum occulto semper scelere defendat. Auxilium enim ibi diuinum incipit, vbi humanum desinit, vt ait Philo. Interea, cum nobis prouidentia diuina non desit, nos ne desimus diuinæ prouidentię, caueamus.

Etiā SATVRNINVS, & legem Reginæ Elisabethæ cruentam vocet, quæ tales damnet sacerdotes, qui perduellionis exploratores, magistri, & architecti extiterunt. Et iam vel ipsi Romano-catholici iudicent, CALANDER & ARGENTINE, num in hac causâ eiusmodi aucthores debeant adhibere, qui, quem non modò nobis, sed vobis etiā amarissimum, vt dixi, calicem, religionis nomine velut inauratum, sed proditiōis veneno plenissimum miscuit Papa, quotidie procurant & porrigunt, & laicis large propinant.

Importunè

Importunè quidem certè. In quo similiter faciunt atque ij, qui vt alios inebrient, seipsos priùs inebriare consueverunt. Nam qualis est ista mentis ebrietas, vel fascinatio potius, duas res coniunctissimas edicto Dei, disiunctissimas comminisci interdicto hominis? Et cum Ecclesiastes ex fide atque obedientia ergà Deum deducat tanquam effectum ex causa propria necessarium, fidelitatem atque obedientiam ergà Regem quamuis malum: duo præcipua Christiani hominis officia tam coherencia, tam cognata, in contrariorum è regione aduersorum categoris ponere? quasi posito vno tollatur alterum. Vt Pontificium Breue præ se fert, mala logica, sed peiore theologia concludens, iuramentum fidelitatis erga Regem præstari non posse salua fide erga Deum.

Eccles. cap. 5.  
& cap. 8. verſ.  
1.

Caput præcipuum Breuis Pontificij.

Interea simplices Laici obstupeſcunt, cum vrgentur à vestris, SATVRNINE, vt iuramentum obedientiæ si non sumpserint, constanter recusent; si sumpserint, celeritè retractent. Vnde fiet, vt qui recusant, occultæ perduellionis; qui retractant, etiam manifesti periurij conscientia de nouo implicentur.

Aliud cornutum dilemma Pontificis.

Non sum nescius vobis <sup>a</sup> sacrilegium videri disputare de facto Papæ, <sup>b</sup> hæresim de potestate dubitare, <sup>c</sup> blasphemiam in Spiritum sanctum contrà Papæ canones & decreta quicquam aut facere aut dicere: <sup>d</sup> etiam si innumerabiles populos cæteruatim secum traheret in gehennam, vt loquitur Bonifacius. Aded sacra quædam phrenesis multorum animos occupauit, vt quicquid ab eo prodierit, id quamuis contrà mandata Christi, contrà exempla primitiæ Ecclesiæ, contrà iustitiam sensumque communem venire manifestò conuincatur, tamen diuini oraculi instar arbitrentur.

a Distinct. 19.  
q. Sic omnes.  
b Extrauag.  
loh. 22. Cum inter nonnullos  
c Causa 25.  
qu. 1. violatores, ibid. gloſ.  
Blasphemare.  
d Distinct. 4.  
Si Papa.

Sed ne naufragium fortunæ, ne vitæ vestræ, CALANDER & ARGENTINE, faciatis: author vobis sum, vt omni præiudicij seruitute deposita, quid vobis agendum sit, etiam atque etiam consideretis.

Tum SATVRNINVS, At leuior est, inquit, fortunæ & vitæ iactura, quam animæ, quæ diuinæ legis desertione facienda est. Lex autem tum diuina deseritur, cum summi Sacerdotis, cuius labia legem, Malachia teste, custodiunt,



Cur igitur Christus, Reddite, inquit, quæ sunt Cæsaris, Cæ- Lucæ 10.  
 sari: quæ sunt Dei, Deo? Quibus verbis quid voluit aliud,  
 quam vt Christiani ciuilem Imperatori, spiritualem Deo o-  
 bedientiam redderent? Cui præceptum confirmauit exem-  
 plo, cum obedientiam & suam & Petri pensionem tributū ob-  
 signauit? Christus igitur edixit, vt crudelissimo Imperatori  
 pagano Tiberio Christiani fidelitèr obedirent, immo etiam  
 ipse, quod est maius, obediuit: Papa, ne clementissimo Prin-  
 cipi Christiano Iacobo Papistæ fidelitèr obediant, interdicit?  
 & iuramentum fidelitatis salua fide & salute præstari nõ pos-  
 se dicere audebit, quam Christus author fidei ac salutis &  
 præcepit & præstitit? Non ignoro Papam & Bellarminum  
 sumere pro concessio & probato, Regem esse hæreticum. Sed  
 si Rex vtrunque possit coram doctis & æquis iudicibus vi-  
 ua voce conuenire, ausum oppignorari vitam meam, Regem  
 coram illis fortius & neruosiùs conuicturum Papam esse An-  
 tichristum, quam Papa cum suo satellite probaret, Regem  
 esse hæreticum? Sed detur illis ad tempus quod mendicè pe-  
 tunt: num Christus, quam fidelem obedientiam infideli,  
 id est, Imperatori à fide prorsus alieno, dandam putauit: eam  
 hæretico, id est, Regi in fide decepto denegandam iudica-  
 ret? Minimè verò, minimè. Si rectè igitur Christus, errat sup-  
 posititiùs Christi vicariùs. Quod si fidelitas atque obedientia Regi, vt putatis, hæ-  
 retico præstari salua fide Catholica non potest: cur diùs  
 Petrus cum fidem Catholicam cap. 1. posuisset, obedien-  
 tiam Regi debitam 2. cap. præcepit, Subiecti estote Regi  
 tanquam præcellenti, Neroni videlicet illi monstro generis  
 humani? Quo docuit personæ à Deo ad regendum ordinatæ  
 impietatem, nec subditorum obedientiam debere destruere,  
 nec Principis autoritatem. Si bene Petrus: malè igitur  
 successor Petri. Si Petrus spiritu Christi loquutus est: suc-  
 cessor Petri loquutus est spiritu Antichristi. Omnes autem  
 Petrus tam Sacerdotes, quam Laiços mandati religione de-  
 uinxit, cum denuò subiecit, Deum timeate, Regem honorate!  
 Quasi diceret, timore Dei vacuos, quicunque Regi hono-  
 rem denegarent. Ideoque Salomon Proverbi. 21. vitru-

que officium vno verbo complectitur: Mi fili, time Deum & Regem.

Hic SATVRNINVS, At vetus, inquit, Ignatius in epistola ad Smyrnienses ita loquitur, Colire Deum, proximè Episcopum, postea Regem.

Durum est, SATVRNINE, inquit PATRIOTTA, Ignatium facere Salomonis correctorem, quasi officij erga summum sacerdotem sui fuisset oblitus. Salomon inquit, Honora Deum & Regem. At ego inquam, Honora Deum primò, proximè Episcopum, postea Regem. Certè verus Ignatius nunquam tam insolenter loqui voluisset; Salomon dicit, at Ego dico, vt sacerdotem Regi antefereat. Sed non erat difficile vobis Episcopum medium constituere inter Deum & Regem. Quibus nihil est antiquius, quàm vestrum Pontificem facere Regum omnium correctorem, ad eamque rem nothum aliquem & spurium Ignatium ambitionis vestræ patronum inducere.

At Petrus ipse Principem, inquit SATVRNINVS, humanam creaturam appellat. Certè, respondet PATRIOTTA, ratione naturæ; sed respectu ordinationis, non minùs est diuinæ creationis, quàm sacerdos. Reges enim per Deum regnant, vt sacerdotes docent. Naturam ab homine acceperunt: potestatem à Deo. Non est potestas nisi à Deo, inquit Apostolus. Vt sunt homines, immediatè sunt à parentibus: vt sunt Principes, à Deo. Idèd magistratus minister Dei dicitur, & ordinatio Dei nominatur. Immo quod maius est, Reges dii vocantur, quasi Dei sunt in terra vicarij, honore diuini nominis ornantur. Vocantur quidem sacerdotes viri Dei, & Angeli Dei: sed Reges dii vocantur. Non igitur Princeps humana creatura dicitur à Petro, quoniam est ab homine institutus: sed quia principatus per hominem & propter hominem administratur. Subiecti huic, inquit Petrus, estote propter Dominum. Interdum textus habet Tanquam Domino, id est, tanquam Christi Vicario in regno suo, vt Lucium Regem Eleutherius Pontifex Romanus appellauit. Interdum in Domino, id est, in rebus licitis, quamuis etià in illicitis genus quoddà obedientie



entiz debetur, sed actiua obedientia in licitis, vt facias quod mandatur: passiuæ autem in illicitis, vt feras, quod infligitur. Sed propter Dominum, ait Petrus, vt Reges quamuis tyranni, vt tum Nero fuit, Dei vicem & imaginem gerentes in terris, tanquam flagella Dei, tamen omnium fide atque obedientia propter Deum honorentur. Vt etiam Ethnicus potuit dicere, Bonos à nobis Imperatores expetendos, sed qualescunque tolerandos. Addit Apostolus, propter laudem bonorum, & pœnam improborum. Vnde quidam Presbyterij magister, falsam expressit & periculosam consequentiâ, vestrz planè gemellam: Vt quia Rex est potestas ordinata à Deo ad laudem bonorum, & improborum pœnam; si regnet ad pœnam bonorum, & laudem improborum, non esse iam potestatem à Deo ordinatam: & si non sit à Deo, non iam Regi amplius obsequendum, immò verò etiam resistendum. O sceleratam consequentiam ignotam Petro & Paulo, qui quamuis tyrannidem atque immanitatem leonis, vt Neronem Paulus appellat, viderent atque sentirent: tamen abusu potestatis potestatem ipsam aboleri minimè censebant, sed Christianis omnibus obedientiæ necessitatem imponebant, docentes fore, vt si Neroni resisterent, Deo tantæ potestatis auctori repugnarent. Quo igitur ore Pontifex iuramentum fidelitatis atque obedientiæ Regi Christiano & moderatissimo, quamuis, vt vos putatis, hæretico præstandæ, prohibeat vt illicitum, & condemnet vt contrarium fidei & salutis: cum Petrus fidelem obedientiam Neroni pagano, atque immaniissimo tyranno, & præcipiat vt piam, & persoluat vt debitam?

Duplex obedientia Regi debita, actiua in licitis, passiuæ in illicitis.

Quodd si fidelitas atque obedientia Regi hæretico à Catholicis præstari salua fide Catholica non potest: cur diuus Paulus cum fidem Catholicam Romanam fuscè antea tradidisset, decimotertio cap. deduxit ex ea præceptum, vt omnis anima superiori potestati sese subijceret? Qui loquitur de omni, nullam excipit, vt obseruat Chrysostomus. Et Bernardus ad Senonensem Archiepiscopum, Omnis anima subdita sit, ergo tua. Quis te ab hoc generali mandato eximit? Exceptio mera delusio est. Subiectio verò tria requirit, reuerentiam

in

in animis, honorem in verbis, obedientiam in factis. Et attende, quòd animæ subiectionem requirit in subditis. Initio cap. duodecimi, loquens de obedientia Deo debita, requirit subiectionem corporis. Initio decimiertij, loquens de obedientia Principi debita, requirit subiectionem animæ. Quid? Annon subiecit etiam animam Deo, & corpus Principi? Certè. Sed idèd ista distinguit, quia sic ferè se homines excusant, animam se Deo deuouere, cum diabolo: corpus prostituunt: & corpus se præstare magistratui, cum animæ reuerentiam denegant. Ergo subiecta sit anima potestati, vt inquit Apostolus. Vnde aliæ subiectionis partes duæ necessariò consequuntur. Rationes attexit Paulus Apostolus edictor: quas Paulus Pontifex non adiungit intendendo. Nam omnis potestas est, inquit, à Deo. Loquitur nò tam de Principe, quàm de priicipatu, non tam de persona, quàm de potestate. Vt ostenderet primùm sese ius dominationis respicere potius, quàm domini qualitatem. Deinde si potestas Regis à Deo est, non est igitur à Papa, vt quidam Papæ assertores disputant. Non est à populo, vt quidam populi adulatores hodiè ratiocinantur. Credo, vt ei potestatem relinquunt destruendæ monarchiæ, cui datam somniant construendæ. Qui tantum Papæ tribuunt, sobrio Regem tyranno subijciunt: qui multitudini, furioso, & viciat ac verè descripto, belluæ multorum capitum. Non igitur Rex aut Papæ aut populo rationem reddere tenetur, sed Deo, à quo potestatem immediatè omnem acceperit. Vnde duo statim infert Apostolus, vnum, qui resistit Dei potestati, cum Dei ordinationi resistere, sibi que iudicium accersere: alterum, cum Princeps sit minister Dei, & gladium gerat, quò protegat bonos, & puniat malos, omnes subiectos esse non propter iram oportere, sed propter conscientiam. Nequis Petrum & Paulum temporis causa debuisse subiectionem arbitretur, illis, vt es potius ad resistendam Neroni, quàm animam defuisse. Concludam breuiter. Catholica fides veteris Romanæ Ecclesiæ, vt à Paulo tradebatur Apostolo, fidelem Regi subiectionem pagano sceleratissimo atque obediuntium omnium inferebat. Catholica fides Romanæ Ecclesiæ

modernæ

modernæ, vt à Paulo Pontifice traditur, fidelitatem Regi Christiano, etiam inuidorum confessione clementissimo, obedientiamque velut rem heterogeneam tollit ac perimit. Vt igitur credemus, Paulo Apostolo, an Paulo Pontifici dicto pio, an impio interdicto? Neque verò hæc præcepta Christi, Petri, & Pauli de ciuili obedientia Imperatoribus, Regibus, & ciuilibus magistratibus quibuscunq; exhibenda pro temporum ratione mutabilia, sed perpetua & æterna censeri debent.

Iactum est primum obedientiæ nostræ fundamentum, expressum, & perpetuum mandatum Christi. Sequitur alterum, praxis Christianorum.

Hic SATVRNINVS, Antea quam pergas, inquit, assentior subiectionem, reuerentiam, honorem, fidelitatem, obedientiam Regi præstandam esse tamdiu, dum Rex est Rex: sed si Rex semel esse desierit, non iam amplius ei præstari oportere. Desinit autem esse Rex, quamprimum legitime à Christi Vicario denuntiatur excommunicatus, ex quo statim de regno suo habendus est de iure depositus, subditi que eius ab obedientiæ sacramento absoluti. Et quamuis tu laua quidem, & atrocita cum sanctissimo Patri nostro, tum sanctis Sacerdotibus, ac potissimum in Iesuitis prodicionis crimina obiecisti: tamen si rem istam paulisper mecum consideres, totus iste verborum fumus in nihilum euanesceat. Nam & Papam primò de iure habuisse & habere istam potestatem assero: deinde de facto, quam primum potentiam nactus est, exercuisse defendo. Nec inde sequitur esse eum, qui hoc defendit, vt tu concludis, proditorem.

Nisi forte Thomam Aquinatem gloriosissimum Sanctum, & doctorem Angelicum proditorem audeas dicere, qui scribit: Postquam Princeps est denunciatus apostata, omnes inferiores & subditi absoluti à præstito iuramento, & obedientiâ illi debita: & Franciscum Toleranum clarissimum nostræ temporis professorem of prodicionis socium placeat adiungere, qui sic scribit in Thomam, Nota, inquit, quòd eadem est ratio de excommunicato: quia cum primum quis est denunciatus excommunicatus, omnes subditi absoluuntur

ab eius obedientia: & celeberrimum Lateranenſe Concilium generale ſuprà trecentos annos celebratum, ex Patriarchis & Archiepiſcopis ſeptuaginta, ex Epiſcopis quadringentis & duodecim, alijsq; Prælatis octingentis lectiſſimis ſanè compoſitum, quòd Papam habere ſuprà dictam poteſtatem decreuerit, proditorum conuentum fuiſſe arbitrere.

Tum PATRIOTTA, Quem tu mihi, inquit, Thomam Aquinatem, quem Toletanum, quod Lateranenſe Concilium narras? Scripſit Thomas Aquinas poſt annum à Chriſto milleſimum & ducentefimum, implicatus errore ſui temporis, & Pontifici mancipatus; nec Prophetam, nec Apoſtolum, nec Doctorem adduxit, vno tantum nixus exemplo Gregorij ſeptimi, qui primus poſt annum à Chriſto milleſimum Henricum quartum Imperatorem excommunicatione deiicere de regno eſt aggreſſus. Grauis autoritas ſcilicet contra Regis gladium, quem ordinauit Chriſtus, & cui Chriſti Eccleſia, vt poſtea liquebit, mille annos obediuit, recentioris Summiſtæ in media Papiſmi nocte ſomniantis, ſubditos abſolui poſſe per Pontificem à præſtito obedientiæ ſacramento, quo Deus illos obligauit: nec authorem quenquam allegantis, niſi Pontificem Hildebrandum, furioſum ſanè monſtrum & turbulentum, vt à ſuis Cardinalibus habitum conſtat fuiſſe.

Æquior tamen Aquinas, quàm Toletanus. Ille nullius ſubditos abſolui cenſuit à præſtito iuramento niſi denuntiati apoſtata, qui à toto Chriſtianismo in perpetuum defeciſſet. At Toletanus profeſſor eximius ſcilicet huius ætatis, Papæ conductitius, minore doctrina, ſed maiori impudentia, velut honorarius arbiſter ſententiam nulla adhibita ratione pronunciat; Nota, inquit, quòd eadem eſt ratio de excommunicato per Papam Principe quacunque de cauſa. Annon has in controuerſia tam graui demõſtrationes egregias putatis? Quas conductæ Antichriſti mancipia contra perpetua & manifeſta Chriſti mandata & Apoſtolorum inſtituta, nuda tantum autoritate ſua tanquàm oracula profuderunt? Inter ea ſilebunt Apoſtoli, Patres obmutefcent, dum Reges à duobus Papæ Capellanis recentibus, & iuratis, profeſſis autem Re-

gum hostibus iudicantur?

At celeberrimum Lateranense Concilium & antiquitate & numero pugnare. Non quarimus quos socios malos, sed quos authores bonos afferre possitis, nec quo numero sed qua ratione pugnetis. Non erat tum difficile Innocentio tertio Papæ conuocare octingentos Priores conuentuales, eorumque Vicarios creaturas suas, ieiunos fratres, & monachos somnolentos, quibus in Concilijs sedere non licuit; qui quadringentos Episcopos non pondere, sed numero suffragiorum superarent suorum: & quoduis decretum contra Principes ad nutum Papæ dei sui & creatoris excuderent.

Quamquam quid si tum ne decretum quidem quicquam fuerit, sed propositum modò & deliberatum, vt testis est Platina, venisse multa tum quidem in consultationem, nec decerni tamen quicquam disertè potuisse, eò quòd Papa repente decedens ad tumultus subitò exortos componendum, in itinere diem suum obiisset. Tamenne examen famelicorum fratrum consultantium, quo modo Papa Regem hæreticum regno suo posset exuere, sed nil concludentium, quippe quos Papæ mors improvisa anteuerterit, celeberrimum Lateranense generale Concilium appellabis? Et quam Reges à Deo potestatem acceperunt, quamque obedientiam subditi ex præcepto Christi, & Apostolorum doctrina tenentur illis exhibere, eam Regibus pauci posteriores superbi Pontifices post annum à Christo millesimum, & mercenarij scholastici, & mendici monachi humanis decretis eripiant? Deus Reges constituit, & homines euertere? Dei verbum nos ad obedientiam obligauit: & ab eadem hominis verbum absoluet?

Sed ne Dei verbo faciam iniuriam, homines hominibus opponam, Catholicos Catholicis, vt vocantur, antiquos nouis.

Scribit Otho Frisingensis, postquam legisset ac perlegisset Lib. 6. c. 35. gesta Romanorum Regum & Imperatorum, neminem inuenisse se ante Henricum quartum Imperatorem excommunicatum ab Episcopo Romano, aut regno suo abdicatum. Quod primum est tentatum à Gregorio septimo, vt dixi, an-

no post Christum millesimo sexagesimo sexto.

Vrsberg. in  
anno .1085.

Nactus sum Vrsbergensem, qui loquens de Synodo Moguntina, (in qua Romanis legatis presentibus Episcopi, cum Gregorio 7. contra Imperatorem arma ceperunt, depositi atque abdicati sunt) diceret, Ibi communi consensu & consilio constitutam esse pacem Dei. Vnde concludit Gregorium septimum diabolici dissidij contra Imperatorem authorem extitisse.

Sigebert. in  
anno 1088.

Sigebertus Abbas loquitur planius & procedit ulterius, vt pace omnium bonorum dixerim. Hæc sola nouitas, inquit, ne dicam hæresis, necdum è mundo emerferat, vt Sacerdotes eius, qui dicit Regi Apostata, & qui regnare facit hypocritam propter peccata populi, doceant populum, quòd malis Regibus nullam debeant subiectionem: & licet ei sacramentum fidelitatis fecerint, nullam tamen debeant fidelitatem, nec periuri dicantur, qui contra Regem senserint: imò qui Regi paruerit pro excommunicato habeatur; qui contra Regem fecerit, à noxa iniustitiæ periurij absoluator. Hæc nouitas, hæc hæresis habita est à Sigeberto vestro suprà quingentesimum abhinc annum, quam tu nunc ex Aquinate & Toletano & Lateranensi Concilio pro catholica doctrina nobis obtrudis.

Vincen. in  
Speculo hi-  
storia, lib. 15.  
c. 84.

Et quoniam Sigebertum Abbatem Baronijs Cardinalis, vt schismaticum, criminatur, addo Vincentium Episcopum suprà trecentesium & quinquagesimū annum: à quo quidem hæc hæresis iisdem verbis est condemnata, quibus notata est à Sigeberto.

Quòd si vel Sigebertus, vel Vincentius vester authoritatem amittent suam, quòd quasi schismatici Regibus contra Papam fauisse dicantur: vide ne recentioribus multò scriptoribus vestris fides derogetur, quòd huius nouellæ fautores hæreseos, quasi rebelles, Papæ contra Reges applauserint. Nam perspicuum est alios tum fuisse non paucos optimos sanè integerrimosque Catholicos, vt temporibus suis habebantur, quos factum Gregorij vehementer offendit, & qui planè negarunt Apostolicam sedem habere authoritatem deponendi Henricum 4. Imperatorem, vt fecit, subditosq; eius



à fidelitatis sacramento absoluendi: vt Episcopus Metzianus, qui magna fuit apud Gregorium septimum gratia, ad eum scripserit, & rogarit, vt le suis rationibus armaret, quibus Greg. 7. epist. 21. l. 8. apud Seuer. de Conci. motus Imperatorem deposuerit, quò melius posset ijs, qui contradicerent, respondere.

Et Gerochus magnus Gregorij satellites coactus est dicere, vt est apud Auentinum, Romanos sibi diuinum honorem as- Auenti. l. 5. fol. 563. sumere, nec velle rationem reddere actionum suarum, nec pati posse, vt quisquam illis dicat, Cur ita facitis? qui respondent, vt scribit Poeta:

*Sic volo, sic iubeo: stet pro ratione voluntas.*

Prius sum vsus armis diuinis contrà vos, SATVRNINE: tu humanis restitilli: nunc humana humanis, vestra vestris oppono: & hanc quam Sigebertus nouam vocat hæresim, argumento conuincam necessario. Si definitio hæreseos sumatur illa quam Robertus Grostetus vir sanctus & appri- Math. Paris. ensis. me doctus Episcopus Lincolnienfes sub Henrico 3. Anglorum Rege posuit ex Augustino.

Hæresis Græcè, inquit, electio Latine, est sententia humano sensu electa, Scripturæ sacræ contraria, palàm docta, pertinaciter defensa.

Quo argumento, vt refert Mattheus Parisiensis, probauit Innocentium Papam hæreticum, quòd penes se cenferet esse puerum donare sacerdotio. Eodem Paulus Quintus conuincetur hæreticus, qui penes se putat esse Regem priuare regno.

Est enim hæc sententia primùm humano sensu electa ab Hildebrando, vt vanæ velificaretur gloriæ suæ, & Ecclesiasticæ dominationis terminos humanis & artibus & viribus dilataret. Et est Scripturæ sacræ contraria, quæ subiecit Episcopos Regibus, non Reges Episcopis, vt anrè conclusi. Et est palàm docta, duobus Breuibus à Paulo quinto proposita. Et est pertinaciter defensa à Pontifice, qui sub pœna excommunicationis interdicat, ne suscepiant Catholici fidelitatis sacramentum, iubetque vt susceptum retractent. Et dubitatur, cui hæreseos definitio conuenit, nū ei conueniat definitum? Vt Grostetus mortuus, definitione sua tanquam Episcopali

baculo latus Papæ denuò percussisse videatur.

Tum SATVRNINVS, Quos tu mihi schismaticos, inquit, quem Sigebertum, quem Vincentium, quem Grostedum cum suo baculo commemoras? Quasi verò non sint omnes ab Ecclesia condemnati, quòd bellum cum Ecclesiæ capite susceperint. Sed ne humanis authoritatibus potius, quàm diuinis pugnare videamur, vetuit Paulus Apostolus ne salutemus hæreticum: immò monuit, vt deuitemus post primam aut secundam admonitionem. Si salutare non licet hæreticum, licet hæretico seruire? licet obedire? Docet nos Paulus, vt odium hæretici Deo quasi magnum sacrificium offeramus, eumque velut gangrænam deuitemus: & non licebit illam gangrænam exsecare, ne nos inficiat, vique repellere, cum nostram ipsorum carnem secare iubeamur si gangræna inquinetur?

Tum PATRIOTTA, Iam verum, inquit, prodis Iesuitam: cum vetuit Paulus, ne salutaremus hæreticum, monuitque vt illum deuitemus post primam aut secundam admonitionem, vno verbo vetuit consortium voluntarium, non officium necessarium: familiares salutationes, quas comitas elicit: non humiles obseruantias, quas pietas imponit: priuatas consuetudines, quibus animæ polluantur: non publicas obedientias, quibus imperia continentur. Non licet hæreticum salutare. Nolles igitur hæretico pecuniam, quam debes, dissoluere? Certè, inquires, Quæro iterum, vtra debetio iustior obedientiæ, an pecuniæ? Vtrum nomen est verius, vtrum æs alienum maius quod tuo consensu contractum est, an quod tibi Dei mandato est impositum?

Hic SATVRNINVS, Hæreticis, nihil, inquit, sanè debemus. Nihil, inquit PATRIOTTA? Non debet seruus fidelem diligentiam domino quamuis hæretico? Debet, inquit, infideli, sed non hæretico. Nugæ. Si debet infideli, qui fidem oppugnat: non debet hæretico, qui tantum errat in fide? Non debet vxor fidelem subiectionem marito quamuis hæretico? Certè. Cum nihil nisi adulterium possit esse causa diuortij, vt docet Christus: ne infidelitas quidem ipsa, vt dicit Paulus. Postremò, filij tenentur obedire parentibus

in

in Domino, quamuis hæretici: Ergo subditi multò magis Principi domino familiæ, marito reipub. parenti patriæ publico, quamuis hæretico. Non enim hæresis dissoluit officij vinculum, sed familiaritatis glutinam abrumpit. At hæresis gangræna est, vt inquit Apostolus. At licet hæresim omnem, quasi gangrænam, incidere iubeamur, non tamen omnem hæreticum vi iubemur excindere. Malè ageretur cum Papistis, si hæc tua nostrorum hominum animis opinio infideret. Sed vobis has crudelium chirurgorum partes libenter relinquimus, qui ad sectionem vñtionemque ferè statim se conferunt, ferrum semper adhibent & flammam, leniora verò ac lentiora remedia non expectant. Verù quoniã in hac causa nobiscum Scripturæ telis, quæ perrarè soletis adhibere, videris velle configere, quibus Reges per Pontifices cum de iure probes abdicari posse, tum de facto fuisse abdicatos, vt obedientiæ vinculo subditi verbo deuincti, verbo exsoluantur: Agè verò, priusquam alterum nos illud obedientiæ fundamentum, praxim Christianorum, persequamur, in hoc primo quid contrà nos possis, si placet, experiamur.

Tum SATVRNINVS, Dicam, inquit liberè, quod verè sentio. Non satis prouidisset Ecclesiæ suæ Deus, nisi sanctos & fortes Prophetas ac Sacerdotes dedisset, qui Reges impios & tyrannos Ecclesiastica disciplina corrigerent & coercerent; eosque, vbi semel desperati esse cœperant, odia Dei atque hominum, religionis probra, & populi onera remouerent.

Itaque Saulem primum populi Dei Regem, quodd aspirare ad spirituale functionem videretur, Dei mandato legimus à Samuele excommunicatum &, regni possessione depulsum, quamuis illud post Dauidis inunctionem, sui que depositionem multos annos vi tyrannica retineret: & Dauidem regni competitorem, & Samuelem diuinæ sententiæ exequutorem interficere sæpius intenderet, vt octoginta quinque sanctos Sacerdotes Nobitas tandem interemit.

Quis nescit peculiarem Prophetam à Deo missum ad Ieroboamum Regem Israelis, qui denuntiaret iudicia Dei

contrà

contrà Regem regiamque stirpem, eò quòd nefario schisma-  
te populum separasset ab antiquo veròque Dei cultu Iero-  
solymis instituto: & nouum altare in Bethle extruxisset;  
(quo quidem omne schisma & dissidium ab Apostolica sede  
propriè præfiguratum est: ) & nouum clerum, famelicum,  
abiectum, extrà Aaronis ordinem, vestro similem creauisset,  
Crimen à Deo postea iuxtà Prophetæ sententiam tam seuerè  
vindictatum, vt nullus esset ex eius stirpe reliquus, qui me-  
ieret in parietem. Rex autem stultè apprehendit virum  
Dei vt occideret, quòd diuinæ denuntiationem sententiæ  
perduellionem contrà regiam suam dignitatem putaret.

Oziam etiam regem Iudæ intolerabili fastu inflatum, nec  
regia dignitate contentum, sed spirituale & sacerdotale offi-  
cium exercere insolenter ausum, ab Azaria & octoginta sa-  
cerdotibus alijs fortitèr oppugnatum, & è templo violentè  
expulsum legimus; & quòd sacerdotibus minaretur, vi-  
que resisteret, scèdissima percussus lepra: Ideoque non so-  
lum eiectum è templo, sed illorum authoritate separatum à  
societate hominum, ( quod specialis figura fuit sacerdotalis  
authoritatis sub noua lege, quæ Reges æquè atque alios  
propter hæresim, quæ spiritualis est lepra, excommunicare  
possit ) regni que administrationem Iotham filio esse com-  
missam. Manifestum exemplum sacerdotibus licere armis  
vti, vique impietatem Regum coercere, vbi id ad con-  
seruationem religionis honorisque diuini conducere iu-  
dicarint.

Zelus bonorum sacerdotum in abdicatione impiz Re-  
ginæ Athaliæ iure laudatur: quam Ichoida summus sacer-  
dos collectis sacerdotum & populi copijs de solio depo-  
ni & interfici iussit, & verum hæredem inuinxit & coro-  
nauit.

Quis ignorat Elias quàm animosè responderit ad mortem  
designatus ab Achabo & Iesàbele, qui sacra altaria deiecif-  
sent, & veros Dei adoratores occidissent, Non se aliosque  
viros Dei, sed Achabum eiusque familiam conturbasse Israe-  
lita: & quo zelo Iesabelis Pseudopphetas necarit, & sa-  
cræ altaria restituerit, & ignem è celo deuocauit, quo Regis  
Ochoziz

Ochozai duces & nuntios consumeret: & Iesu Israelis Regem inuenerit, & Achabum cum tota ipsius stirpe de regno deiecerit. De quo dictum est, quod Reges deturbauit atque destruxit, & potentes de suis sedibus deiecit: sicut etiam Ecclesiastic. 48.  
Ieremiam supra regna constituit Deus, vt illa plantaret, & extirparet, extrueret atque destrueret. Quæ potestas sacerdotij Christi sub nouo Testamento multò sanè maior atque amplior eminet, summo communicata sacerdoti Pontifici Romano, vt in nomine Christi Principes contra Ecclesiam Christi sponsam & regnum efficientes sese, virga ferrea tanquam vascula lutea confringat, & in minutissima frusta comminuat.

Nam ex illis exemplis primò perspicuum est, inunctos & legitime creatos Reges iure posse deponi: deinde quibus de causis fuerint de facto abdicati: postremò, vt in creatione ac consecratione Regum, sic etiam abdicatione Deum vsum esse ministerio sacerdotum & Prophetarum, vel ordinario, vel extraordinario ad eam rem, vt non modò iudices Regum, sed etiam correctores fuisse videantur. Nam cum Principes dignitatem suam, & supremam auctoritatem acceptam à Deo teneant, seseque obstrinxerint, vt quibuscunque copijs possent, religionem & verum Dei cultum, & honorem supremi Regis ac Domini sui promouerent, & vt populum in fide ac timore Domini continerent: sacerdotes & Prophetæ (quibus præcipua & directa animarum & religionis cura commissæ est, quique in spiritualibus rebus Principibus superioris extiterunt,) iure se illis opposuerunt in ijs rebus omnibus, quæ Deo dedecus, religioni ruinam, & animabus subditorum damnationem importarent: & Dei nomine iudicium ac iustitiam exercuerunt aduersus eos: Principes qui summæ imperio sibi sunt abusi ad verum Dei cultum euertendum & idololatriam, atque hæresim, & ceterasque abominabiles inueniendum ac stabiliendum.

Erat enim tum inter Deum atque Regem quædam quasi conventio: quæ semper postea vim suam vel explicite, vel implicite saltem obtinuit, ne quis populum suum vi, vel quacunque ratione à fide, maiorum suorum, & à religione sacril-

que ceremonijs Dei sacerdotum manu traditis & receptis abduceret, Quo Deus insinuauit, vt si hæc præcepta atque has conditiones obseruaret, longum cum sua stirpe regnaret: alioqui futurum, quemadmodum supra docuimus, vt sicut Prophetæ ac sacerdotes Reges inunxerint hac conditione solummodo, vt cultum honoremque Dei defenderent & conseruarent, ita Reges etiam deponerent, cum pactum Dei violarent, & ad peregrinos deos desciscerent, populumque suum ad apostasiam compellerent. Atque ita sub veteri Testamento accidisse constat. Quodd si Deus veteris Testamenti sacerdotes & Prophetas tanta potestate excommunicationis armauit, qua Reges impios & tyrannos à folio deiectos, & è societate hominum excisos, etiam vita, si possent, atque hac communi luce iure priuarent, nequid detrimenti Synagoge importarent: quando maiori summum noui Testamenti sacerdotem Christi vicarium autoritate muniuit, vt Reges infideles, apostatas, hæreticos, & tyrannos ex Ecclesiæ communione eijciat & exterminet, eiectionisque de regno dimoueat, & populum exsoluat ab obedientiæ iuramento Regibus eiusmodi præstito, qui iuramentum obedientiæ, sacerdoti Dei nomine in sua coronatione præstitum, violarunt? Nisi fortè Deum minorè Ecclesiæ suæ, quàm Synagoga curâ habuisse arbitremur: aut hodiernis Regibus, qui capita publicæ à Deo defectionis existunt, magis quàm veteribus indulgere. Quorum vtrunque certè à diuina iustitia & prouidentia est alienissimum. Miseram profectò & calamitosam Ecclesiam tanquam orbam aut viduam reliquisset, si piorum sacerdotum præsidio nudatam exposuisset impiorum libidini tyrannorum, vt illam pro arbitrio versarent & verterent, & religionis statum quotannis commutarent. Nam quodd olim Christiani Episcopi non deposuerint Neronem, Dioclesianum, Iulianum apostatam, Valentem, & similes, id fuit, quodd deerant tum temporales vires Christianis. Nam alioqui iure id facere potuissent. Iure, inquam, potuissent Episcopi Imperatores infideles, apostatas, hæreticos excommunicare atque abdicare, si tum Ecclesia vires habuisset ad resistendum, vt & prius, & postea vires adepta restitit.

Tum



Tum PATRIOTTA: Malitia tua, SATVRNINE, dum te fetri finis in Reges, insignem cuomis blasphemiam in Deum. Quid est enim blasphemia, si hæc non est? accusare Dei providentiam erga Ecclesiam, nisi pijs sacerdotibus dedisset impios tyrannos remouendi potestatem? Malè tu quidem plumbò iudicij tui fundum consilij Dei penetraisti, qui non minus, atque haud scio an magis providit Ecclesiæ, dum illius patientiam probaret aduersis, quàm dum gratitudinem prosperis exploraret: dum impiorum persecutione Principum peccata Sanctorum excoderet, quàm dum piorum clementia desiderijs indulgeret: dum terrenis spolians filios, compensaret beatorum præmijs: quàm dum illa continuans, miserorum modò solarijs deliniret. Quod non eò dictum existimari potest, vt tyrannorum crudelitatem excusum, sed vt Dei misericordiam illustrem, quòd quæ Sanctis illi cogitant in malum, Deus conuertit in bonum.

At paucis Prophetarum & sacerdotum exemplis malè intellectis, & ad Papam peius multò detortis, expressa Christi & Apostolorum mandata eludere voluisti. Quàm id theologum non decebat? Expendamus, si placet, singula.

Samuel, inquis, Saulem excommunicauit, & excommunicatum de regni possessione deiecit: ergò Papa Principem iure potest de regno deponere. Nego primum antecedens. Non Propheta, sed Deus deiecit Saulem propter impietatem: Dei enim solius prærogatiua est, potentes de solio deponere, & abiectos excitare: deicere Reges, & euehere, & regnum cuiuscunque vellet dare. Misit ille quidem Samuelem, vt Sauli tantum denuntiaret, & Dauidem in eius locum inungeret.

Vides igitur in hac causa Prophetam fuisse nuntium, non iudicem: missum vt declararet depositum à Deo, non vt ipse deponeret: & quicquid fecit, non propheticæ vocationis generali iure fecisse, sed singulari motu & instinctu Dei, sibi tum proprio, non alijs Prophetis communi, Nego etiam consequentiam.

Samuel Dauidem inunxit, cum Deus id expressè iuberet:

ergo Papa Principem potest abdicare quamvis Deus expressè non iubeat. Vtrū habet Papa reuelationem à Deo, vt Regē deponat? Minime, inquit, at mandatum habet, vt alij antea multi. Certè, vt Dei iudicia vel temporalia, vel æterna denuntient, non vt exequantur. Deus est actor in deiiciendo Saule, non Samuel: Deus per eam inflixit vt iudex, Samuel tantum publicauit, vt nuntius: nec generali vocazione, vt Propheta; sed speciali motu, vt Propheta ad id designatus: nec vt Saule superior, sed vt Dei tum legatus, qui præcisè mandatum imposuit, & successorem ore suo nominauit. Quid hoc ad Papam? Nisi fortè prerogatiuam summi Dei propriam cum homine peccatore communicandam arbitrere. Quam si sine speciali & expresso mandato sumat, non sub Deo exercet, sed æquè ac Deus. Et quod hic fit sine Deo, fit contra Deum. At Saul Dei mandato per Samuelem est depositus, vt dicit. Deus præscripsit sententiam, Samuel tantum declarauit.

Addo etiam ex textu, Non declarauit personam Saulis de regni possessione, vt tu dicit: sed stirpem Saulis de regni successione deiecit. Nam Israel & Iudah Sauli postquam esset reiectus à Deo, & Dauid in Regem inunctus, cum Dauid multis annis obediuit. Quem iam Dauid post depositionem dominum suum, & vinctum Domini appellat: Deus me conferuet inquit, ne illi manus iniiciam. Est enim vinctus Domini. Non dicit, fuit, sed est vinctus Domini. Nec metu, sed conscientia, nec humanitate quadam, sed officio se continuit, cum eum dormientem offederet in spelunca, & vnus ex ducebūs eum vellet occidere. Cave facias, inquit: quis enim tangat vinctum Domini, & innocens erit? Non igitur indulgentiam censuit, quod pepercit: sed peccatum, si tetigisset. Vnde scrupulus ille, quod regis vestis laciniam abscidisset. Ille tremuit, quod Regis abscidit fimbriam; isti non verentur violare personam Regis. Ille transfigi iussit hominem, qui Saulem vinctum Domini occidisset: isti Regum vinctorum interfectores etiam præmia humana & diuina constituunt.

Quod si totus Israel Sauli Dei ipsius iussu abdicato, iure tamen obediuit: si Dauid ipse in regni successionem inunctus

Sauli

Sauli fidelem obedientiā præsstitit, & vt vñctum Domini coluit: & vt peccatum in seipso cōdemnavit, si manus Sauli cum poterat inieciſſet, & ab alio poſtea commiſſum vindicavit: quomodo Papa ſubditos exſolvat ab obedientiz iuramento Regi cuiuncq; præsſtito, aut actū meritorium faciat illum occidere, cui Papa prius ſive omni authoritate Imperium abrogavit? Vides igitur nec in antecedente enthymematis tui veritatem ineſſe: nec in conſequentie coherrentiam.

Eodem modo poſſumus tibi de Ieroboamo reſpondere, id quod tu obiter conſiteris, Miſſum eſſe Prophetam qui verbo tenus denuntiaret plagam, non qui violenter inſtigere: nec verbum tamen faceret de ſchiſmate vel de poſitione, ſed tantum prædiceret fore, vt Ioſias illud euerteret altare, & ſuper illud ipſum altare ſacerdotum oſſa combureret; quod trecentis poſt mortuum Ieroboamum annis accidit.

¶ Vtrum autem hoc ſchiſma noſtrum ab Apoſtolica ſede, vt vocas, an veſtrum ab Apoſtolica veritate diſſidium propriè præfiguret: & vtrum Ieroboamus cum altari ſuo veſtrum Pontificem repræſenter, qui verum & antiquum Dei cultum non ſcriptis traditionibus corrupti; an noſtros Principes, qui corruptum ex ſanctis Scripturis reſormantur, non eſt huius temporis diſputare: tantum inter vitulos illos, & idolum veſtrum in altari magnam ſimilitudinem video. Piam veſtram prudentiam appello: quid intereſt ad idololatriam, vtrum vitulinum numen, an cruſtaceum adoretur? Scio quid reſpondeas, vos non panem adorare, ſed Chriſtum in pane. Et Ieroboamitici ſacerdotes reſpondebunt, Se non vitulum colere, ſed Deum in vitulo; quorum tu tamen idololatriam damnatam eſſe concedis. Vtrum autem Ieroboamitici ſacerdotes ſint exemplaria noſtrorum Miniſtrorum, an veſtrorum ſacerdotum, & utri magis abiecti & famelicſi ſint, ij qui Deo vivo conſcientiæ cauſa, an veſtri qui aureo vitulo ventris gratia ſeruiunt, nihil ſane ad hanc quaſtionem: ac ne hoc quidem totum exemplum, quod nihil aliud probat, quàm impium Regem iure poſuiſſe reprehendi à Propheta, vt impius Papa poteſt à quouis ſacerdote: nec tamen Papam ab eo diceret iure poſſe exauſtorari, ut nec Rex eſt exauthora-

tus à Propheta, quamuis grauior, vt auerit, ne prebentus.

Neque leprosus Ozias quamuis iuxta legem ab hominum societate seclusus, quem tu typum hæretici spiritualiter leprosi scilicet, ob eamque causam excommunicati, esse voluisti, unquam est regno abdicatus, quod Iothani filio Regni administratio commissa est. Ozias enim Rex ad mortem suam usque permansit, vt illum Scriptura vocat vigesimo quinto anno regni sui, viz. ultimo. Iothan igitur adhuc non Rex, sed vicarius Regis tamdiu, dum pater viueret.

4. Reg. 15.

Neque verò quisquam leprosus ex lege Dei hereditatem priuatam amisit, nedum Rex coronæ publicæ. Nec igitur hæresis, quam tu spiritualemente lepram appellas, quemquem expellis è regno, non plus, quam avaritia, quam ambitio, quam verbi contemptus Papam eiecit è Papatu; quas Patres animæ lepras esse dixerunt. Quòd si lepra animæ Principes de solio dimouebit, quomodo Pontifices suam Cathedram retinebunt? Vt tua leprosa conclusio Pontificiam mitram non minus, quam Regiam coronam attingat. Est igitur hæc figura tua Pontifici non minus perniciofa, quam Regi.

Nam quòd sacerdotum officium esse dixisti, leprosos separare, vehementer erras. Sacerdotum fuit lepram discernere, magistratum leprosos separare, ne alios inficerent. Ita, vt tuam contra te figuram vrgeamus: Principum munus est potius leprosos, id est, hæreticos Papas, quam Paparum hæreticos Principes separare.

3. Chron. 26.

Quòd autem ab Azaria & octoginta sacerdotibus alijs Regis personam fortiter oppugnatam, & è templo violenter electam esse dixisti: multò periculosior error est. Non enim illum violenter expulerunt, sed, vt textus habet, fecerunt, vt è templo maturaret egredi, nulla tamen vi adhibita. Sequitur enim, Quia Dominus illum percussisset, sua sponte coactum exire. Et ita verbum significat, & vulgata translatio sic habet, quam vos Hieronymi dicitis, Ipse accelerauit egredi.

Sed scelus est, SATVRNINE, quòd vestra conclusione velut obfœtice, error hic peperit. Manifestum enim exemplum esse conclusis, licet sacerdotibus armis vri, & violentis modis Regum impietatem reprimere.

Azaries,

Azarias, fateror, & ceteri Sacerdotes Regi resistere, sed verbis, non armis: quòd legem fregisset incensum adolendo, vt par erat, vehementer reprehenderunt: non viriliter irruerunt in magistratum, nec violentas ei manus intulerunt, vt eum expellerent è templo, nedum vt eijcerent è regno. Postquam enim Sacerdos factum increpasset, & Rex nollet cedere, sed arma, clipeos, pila offerret, suaque potentia vteretur: Azarias conuersus ad Deum, Feci, inquit, officium meum, vltra progredi non possum. En arma Sacerdotis, Azarias, reprehensio, admonitio, redargutio, quibus Oziam est adortus: Feci, inquit, officium meum, reprehendi, admonui, redargui, vltra progredi non possum. Vestri tamen, o SATVRNINE, vltra procedunt: & ab admonitione ad rebellionem, à reprehensionibus ad vim, à redargutionibus ad arma confugiunt, huius & similium locorum falsis interpretationibus industi, & decepti.

2. Cho. 26.

Sacerdotis est tantum arguere.

Hic vos Principes appello, neque vos solum qui à Pontifice discessistis, sed vos qui Pontifici adhæretis. Quosque tandem martiros istos Sacerdotes abuti finetis patientia vestra? quosque vobis religiosus iste furor imponet? quamdiu lupina rabies sub ovina pelle grassabitur? quamdiu sceleratissimam perduellionem in Reges sub religionis pallio occultabunt? & tanquam venena cælo peterent, vt Hercules Æteus in tragœdia, Scripturæ sanctæ autoritate, & piorum Sacerdotum exemplis abusi, sacræ personæ vestræ vim, & maiestati probrum comparabunt?

Tum SATVRNINVS, Hoc est irasci nobis, inquit, non disputare. Sed causam, si placet, attende, cur Ozias Rex iepra percussus fuerit, quòd spiritualem & sacerdotalem functionem exequi sit ausus, cuius vos nunc Reges vestros supremos rectores constituitis.

Attendo, inquit, PATRIOTTA: & cum defendimus, licere Principibus nostris Euangelium prædicare, baptizare, coenam Dominicam administrare, peccata remittere, annuuntiare fastum & plagam nobis minare. Interea discite, Regum esse, non sacerdotum, gladium gerere: & Reges Iudæ, qui temporali gladio sunt vti, vt veritatem restituerent, & errorem eijcerent,

eijcerent; quod Dauid, Iehosaphat, Ezéchias & Iosias fecisse perhibentur; maximam esse cum apud Deum gratiam, tum apud homines existimationem consequutos. Nos vero cum iure vobis irascimur, quòd tanquam seditiosi tribuni populum in Reges concitatis, & ad arma conclamatis, quibus Evangelicos, cum opportunitas datur, deleatis; tum in hoc vestro sane misceatur, quòd ex sacerdotis Azariæ exemplo puer se interfecto; & improbè detorto, & ex inanissima figura deo pusillum sanè furoris vestri argumentum elicitis, ut nec in antecedente probabilitas vlla, nec in consequente necessitas appareat.

Nam quòd Athalias à Iehoida Sacerdote collectis Sacerdotum & populi copijs, & vero hærede Iosaph, quem in Templo conservauerat, renuntiato Rege, & à se inuncto & coronato, de solio deiectam & interfectam esse dixisti: ut Regem legitimum propter hæresim à Papa regno vitæque privati iure posse defenderes, miseriam causæ tuæ apertissimè prodidisti.

Quid enim aliud potes dicere quàm impiam scæminam, quæ totam Ochasiæ Regis stirpē necasset, excepto vno filio; & iniussè regnum occupasset, à vero & legitimo coronæ hærede suppressam & puditam, pccis: vniuersi regni consensu renuntiati quæ iam Rege, & inuncto & coronato, ut tu ipse confessus es.

At Iehoida summus Sacerdos, inquis, iussit illam interfici, non Rex. Certè. At iussit authoritate regia, non sua. At Rex, inquis, puer tum septem annorum fuit. At non minus Rex fuit cum esset puer septennius, quàm si fuisset vir octogenarius. Non enim regni ius minuit ætas, quod sanguis dedit.

Et Iehoida cum Athalias iuberet interfici Regis nomine, id cum ex diuina, tum humana lege faciebat. Primum Regem paruum vivum conservavit in Sanctuario, & ab Athaliæ furoris celatum, occultè in domo Dei educabat; deinde non princeps fuit tribus suis, sicut alij principes suarum tribuum fuerunt, ut quantum sibi alij principes, tantum ipse sibi posset assumere. Rege puero, ad pacandum regnum, & immortem tyrannidem erga regiam stupem usurpatrix Reginz vindic-



vindicandam. Porro vxor eius fuit Regis amita, & ipse proximus Regi affinis, ideoque naturæ & nationum lege obligatus, vt Regis ius, ætatem, innocentiamque defenderet. Postremò, quicquid egit, cum authoritate Regis, tum communi consilio consensuque Nobilium præstitit. Nam omnes duces & primarios Patres Israël ad se in domum Domini conuocauit, cum ipsique pactum iniit, & ab ijs iuramentum <sup>2. Chro. 23.</sup> exegit in domo Dei, ipsique Regis filium ostendit. Ita non <sup>4. Reg. 11.</sup> modò vt sacerdos, sed princeps tribus suæ, & Regis proximus affinis, nec suo, sed communi procerum consilio & consensu; nec suo, sed veri Regis imperio impiam Athaliam regnum, extincta prius à se & deleta prope Regia stirpe, iniuste occupantem abdicari Iehoida, & occidi iussit. Quid hoc ad Papam, vt legitimum Principem excommunicatione sua scilicet de regno depulsum populari furori trucidandum exponat?

Nam quòd Eliæ zelum etiam prædicas, qui non modò Regi Achabo animosè responderit, sed quadringentos Iesabelis pseudopphetas occiderit, factum prædicans, facti causam & modum astutè dissimulas. Fames regni, & miraculum Eliæ causæ fuerunt, cur Achabus Rex Baalitas in Eliæ manum ex pacto & conuento regni publico tradiderit per populum occidendos iuxta legem Dei.

At Elias, inquis, occidit. Quid? Manu sua? Prophetam carnificem putas fuisse? Non, inquires: quamuis autem non Eliæ manu, at Eliæ authoritate sunt occisi. Còsilio potius dices, quàm authoritate. Fuit enim Elias priuatus, non magistratus. At Achabus, nisi institisset Elias, nunquam illos occidisset. Credo, Regem induxit Elias, vt faceret, non compulit. Consensit Achabus cum toto Israele, vt Baalitæ sacerdotes, qui Regem & populum seduxissent, conuicti iuxta Dei legem occiderentur.

Nam cum extrema fames ingruisset, nec pluuia nisi verbo Eliæ decidere posset, vt Elias Achabo ante siccitatem prædixerat: accusatus ab Achabo tanquam author famis, & perturbator Israël, seipsum defendit, & coram Rege testatus est, Deum plagam hanc vniuerso Israeli immisisse, quòd ipse.

& patris familiamandata Dei reliquisset, & alienos Deos coluisset. Et vt sententiam suam confirmaret, obtulit se probaturum coram toto Israele sub pœna capitis sui, Regem & Israellem à sacerdotibus Baalitis seductos fuisse, idq; se conuicturum miraculo, id est, igni cœlitus demisso, qui ostenderet cuius sacrificium Deus approbaret: promittens illis pluuiæ copiam post conuersionem Israelis ad verum Deum, quam ad rem se missum ad illos hoc tempore fuisse prædicauit. Huic conditioni Rex, & cæteri omnes assenserunt: & cum Eliæ signo Baalitas impostores manifestò conuictos fuisse vidissent, & in faciem procidissent, Deoque gloriam dedissent, seseque veritati Dei humillimè submisissent: Elias auctor fuit, vt Baalitas apprehenderet, & pœna mortis, quam seductores & impostores dare debuerant, ex Dei lege mulctarent. Ita persuasit Elias Achabo totique Israeli, vt Baalitarum cædem decreto publico sancirent. Ergo consensu Achabi, & decreto regni, tanta necessitate, & tam insigni miraculo per Prophetam expresso, Eliæ non manu, sed suasu, populus iuxta legem Dei Baalitas impostores publicè cōuictos publicè interemit; Quo modo trahes hoc exemplum ad causam tuam. Num ita disputabis? Pseudoprophete iure possunt à magistratibus occidi: ergo Principes iure possunt à sacerdotibus abdicari. Non tam ad scholas te relegabo, vt meliorem discas logicam, quàm ad Antyciras, vt affectum purges cerebrum, si sic disputaris.

At igni cœlitus deuocato, inquires, Ochazæ duces & nuntios ipse consumpsit. Elias verbum edidit: Deus factum præstitit. Ita Deus illos occidit, non Elias. Et ignis ille cœlestis non erat in Eliæ potestate, sed in Dei voluntate; quòd nisi Elias specialem instinctum Spiritus diuini ad eam rem accepisset, nunquam ausus esset ignem de cœlo deuocare: id enim fuisset Deum manifestè tentare. Id quod Christus in Apostolis Eliam imitari volentibus reprehendit. Vt erant ista extraordinaria, ita nullo modo potestis ex illis vel conclusionem exprimere, vel exemplum assumere vobis ad imitandum, non plus, quàm potestis furtum permittere, quoniam Israel Dei iussu expilauit Ægyptum: aut persuadere vt quis seipsum

sum occidat, quia Sampson seipsum occidit: aut docere, vt excrentur & interimant pueros, quoniam Elizæus, quadraginta duos ita tractarit, qui illum in Bethelē deriserant. Sed hic vos peruersos Eliæ imitatores agnosco, quod ignem consumementem cogitastis adhibere: sed Elias ignem cœli sedibus deuocauit, vos ex inferni cauernulis excitastis: Elias instinctu Dei, vos impulsu diaboli. Et tamen Elias ne tetigit quidem Regem, nedum deposuit; vos autem Regem non modò deponere, sed Regem cum excellenti progenie regnoque consumere cogitastis.

At Elias mandato Dei Iehu Regem Israelis inunxit, inquis, & filium, ac totam Achabi domum in perpetuum de regno deiecit.

Elias non inunxit Iehu, sed vnus ex filiis Prophetarum, quem misit Elizæus, eique Dei nomine mandauit, non Elizæi, (attende) sed Dei nomine, vt Iehu gladium sumeret, & Achabi domum extirparet. Non hic igitur Rex à Propheta deiectus, sed occisus à Iehu, cui Deus dedit regnū Achabi, vt Achabum eiusq; domum & progeniē exscinderet. Iam si placeat, argumentum tuum expendamus. Deus iure potest regna quibus velit dare, & subditum nominatim excitare ad domini sui peccatum vlciscendum: idem igitur iure Papa facere potest. Quis iam Rex Catholicus tutus à seruorum infidijs potest esse, si Papæ cœperit displicere? Talibus argumentis Anglo-Iesuitę libris Anglicè scriptis nostros fascinare homines conati sunt, vt nostros serenissimos Principes de medio tollerent. Annon vera sunt mancipia Antichristi, & membra diaboli, qui talibus argumentis Papæ ad Regum perniciem assentantur?

At Elias Reges deiecit, inquis, & destruxit, hoc est dicere, deiiciendos prædixit, si Hugoni credis Cardinali. Et Ieremias super regna constitutus est, vt regna plantet & extirpet, extruat & destruat. Hoc est, vt idem doctus Cardinalis exposuit, constitui te, inquit Deus, vt euellas: id est, Iudæos esse euellendos de terra sua, enuncies: & destruas, id est, ciuitatem Ierusalem destruendam, prophetes: & disperdas, id est, eos disperdendos à Principibus Chaldæorum prædices:

Hugo Card.  
in Ierem. c. i.

& diffipes, id est, dissipandum prædices regnum Iudæorum per captiuitatem. Et ne Iudæi desperarent, non solum eorum captiuitatem prædixit, sed etiam liberationem, addens, Et ædifices, id est, ciuitatem reædificandam nunties: & plantes, id est, Iudæos adhuc plantandos esse in Iudæa prædices. Hunc sensum literalem Hugo Cardinalis dedit, vt omittam mysticum, quo prophetica doctrina regnum peccati extirpandum & destruendum, & regnum virtutis in conscientia extruendum atque plantandum intellexit.

Excussimus exempla vestra, ex quibus conclusionem inferens malè coherentem: primam, legitimè creatos & inunctos Reges de iure posse deponi. Respondeo, Principum quos nominasti vnum fuisse depositum, vt Achabum, non ab Elia, vel Elizæo, sed à Iehu, quem Deus ore suo nominatim excitauit. Depositio igitur facta non à Propheeta, sed à Principe ad id nominatim designato. Quid hæc causam tuam adiuuat, alios vel non depositos, vel non legitimè creatos? Non depositus est Saul: stirpem eius de regni successione, non de regni possessione personam constat fuisse deiectam,

Ieroboamus à Propheeta seuerè reprehensus, non violenter abdicatus. Ozias, vt leprosus, separatus ab administratione, sed non à iure regni. Athalia nunquam legitimè creata est, & propter nefariam stirpis regis eadem, non sacerdotis, sed Regis autoritate interfecta.

Secunda conclusio superuacanea est, quibus de causis Principes de facto fuerint abdicati. Quid opus est querere, quibus de causis fuerint abdicati, cum abdicatos fuisse non probes? Athalia neque propter apostasiam, neque propter hæresim interempta: sed quod coronam contra verum hæredem occupasset. Ozias laudauit acta Deus, sed superbiam detestatus. Ieroboamus & apostata & idololatra, & tamen nunquam depositus. Achabus idololatra cum tota sua stirpe deiectus, sed à magistratu, non à sacerdote. Causæ igitur, quas affers, causam tuam minùs adiuuant.

Postrema conclusio, quæ personas deponentes attingit, planè claudicat. Ais Deum vsum ministerio Prophetarum & sacerdotum ad eam rem vel ordinario vel extraordinario, tanquam

tanquam iudicum vel executorum diuinæ voluntatis. Vfus est linguis Deus, vt dixi, sacerdotum & Prophetarum ad prædicandas, & denuntiandas plagas, quas Regibus infligere decreuit: & manibus interdum, ad eos inungendos, quos regni successores nominatim designauit: sed nunquam vsus est illis vel vt ordinarijs, vel vt extraordinarijs iudicibus, vel executoribus suæ voluntatis in regibus deponendis. Vfus est nuntijs, qui viua voce ad Reges Dei decreta perferrent, vel depositos à Deo, vel designatos: aliam vel executionem vel authoritatem nullam habuerunt. Quæ longissime abest ab illa potestate quam Papæ vendicatis, quem Regum ordinarium iudicem, prædagogum, correctorem dicitis. Et vos, à Reges, ferulam admittitis? osculamini virgam, quæ vos toties verberauit? & patiendo prædagogum magis plagosum facitis? Sed ad te reuertar, SATVRNINE.

Non habes, non habes vnum sacerdotem aut Prophetam sub veteri Testamento, qui Regem deposuerit: at Regem, qui sacerdotem deposuerit, habeo, Quemnam, inquires? Non dico Saulem qui Abimelechum, quod Dauidi fauerit, interemit: taceo Regem Ioash, qui Zachariam Iehoidæ filium immemor paternæ virtutis & officij lapidari iussit: habeo Salomonem, qui Abiatharum summum sacerdotem de primatu & honore dimouit, quia partes Adoniæ fratris natu maioris est sequutus. Cum ex tua conclusione sequeretur, Salomonem potius deponendum fuisse, quia summus sacerdos Adoniæ ius ad regnum melius quam Salomonis iudicasset.

Quodd autem addidisti, Principes dignitatem & supremam authoritatem suam à Deo acceptam tenere, quam tibi veritas vocem expressit, quia perrand accidit, libenter accipio: & inde concludo, Deum solum habere constituendi Reges potestatem, qui constituit: Deoque soli Reges teneri rationem officij sui reddere, à quo honorem acceperunt. Cum autem finem acceptæ à Deo supremæ regis maiestatis adiungeres, vt verum Dei cultum & honorem promouerent, & populum suum in fide & timore Domini continerent: mirabar, quid esset, cur cum semper ferè negetis Regem sese spiritualibus rebus & causis immiscere oportere, nunc velut

Alanus.

obliti sententiæ vestræ, ad Dei cultum promouendum, & sup-  
premi Domini sui honorem excitandum, & populum in fi-  
de ac timore Domini conseruandum, tanquam præcipuum  
dignitatis suæ finem, dirigatis. Quod das, accipimus: sed  
quod adiungis, sacerdotes & Prophetas opposuisse se Regi-  
bus in ijs rebus omnibus, quæ vel Deo dedecus, vel religi-  
oni interitum, vel animabus damnationem inferrent, id sanè  
veremur, nisi te ipsum prius explices, vt tibi possimus con-  
cedere. Nam si opposuisse se dicas vt Viros Dei, verbo &  
consilio vt grauius admonerent, aut acriter etiam increpa-  
rent eiusmodi Principes, sanctæ vocationis libertatem ag-  
noscimus. Sin vt Regum iudices autoritate & imperio, vt  
illos vel iudicialiter abdicarent, vel violentè inuaderent, tur-  
bulenti spiritus arrogantiam detestamur.

At inter Deum atque Regem quædam est quasi conuen-  
tio, quæ semper postea vim suam vel explicitè, vel implici-  
tè saltè obtinuit, Nequis, &c. Esto. Et quid si Rex articulum  
huius fœderis aliquem violarit, quis illum postulabit? quo  
in tribunali? quo iudice reus peragetur? vtrum in foro  
populi, qui pro forma Regem elegit & acceptauit, an in  
sacerdotis Consistorio, qui inunxit & consecrauit? Video  
quid respondeas: Sacerdos, qui inunxit conditionaliter, vt  
cultum Dei honoremq; defenderent, rursus abdicauit, cum  
conditionem pactumque cum Deo ictum violarent: & Dei  
nomine iustitiam est, vt loqueris, exequutus in eos, qui sum-  
mo imperio suo sunt abusi.

Nouem & decem Scriptura commemorat Reges Israelis,  
& quatuordecem Reges Iudæ, qui pactum cum Domino ini-  
tum violarunt, & ad peregrinos deos defecerunt, populum-  
que secū ad apostasiam compulerunt: doce vnum à sacerdote  
aut Propheta fuisse depositum, quod primariam illam con-  
ditionem violasset, & causam obtine. Si non potes, define  
mentiri, define tibi ipsi contradicere, quem modò audiuimus  
confitentem Reges supremam autoritatem à Deo acceptam  
tenere, non igitur vel à sacerdote, vel à populo: nec teneri  
propterea violatæ conditionis rationem reddere vel sacer-  
doti, vel populo, sed Deo. Coronam enim suam tenent iure  
sanguinis



sanguinis atque hæreditatis, non virtute vel inunctionis & consecrationis, vel electionis & acceptationis, vt vos dicere soletis: quò potestatem conferre possitis aliquam depositionis atque abdicationis. sacerdoti, quem primum quasi motorem facitis, & populo, quem remotorem: Ita scilicet Reges hypotheticos ponitis, & subditos conditionales; sacerdotes autem categoricos & absolutos: in eo quidem valde simplices, quòd quam à Deo deponendi Regis potestatem, vt dicis, acceperant, eam sub toto veteri Testamento nunquam in actum eduxerint.

Iacet igitur illud argumentum tuum à fortiori, & planè flaccescit: Quòd si tanta vis sacerdotalis excommunicationis fuit sub veteri Testamento, quanto maior atque amplior sub nouo? At sub veteri nullam planè fuisse conuicimus.

Tandem regrederis, & primum illud tuum blasphemum repetis argumentum, non satis prouidentem fuisse Deum, sed Ecclesiam miseram, orbam aut viduam reliquisse, nisi Sacerdotem summum dedisset ei scilicet vel tutorem, vel maritum. i. Perinde ac si non viueret pater & sponsus Ecclesiæ, vt alter filiæ, alter coniugi suæ prouideret: aut illum suo loco vellet ascribere tutorem filiæ quem aduersarium, vel asciscere maritum sponsæ, quem adulterum futurum prædixisset.

Postremò, quasi Petrus & Paulus dissimulassent, & obedientiam Neroni tantisper, dum possent Christiani resistere, præcepissent: cæteri quæ postea Christiani Episcopi in eandem dissimulantiam tot sæculis consensissent: non vereris dicere, iure quidem tum Episcopos potuisse excommunicare suos Principes, & excommunicatos deponere, si tum vires habuisset Ecclesia ad resistendum.

Cerrè, inquit SATVRNINVS. Nam Christi sacerdotalis prærogatiua, qua potuit eiusmodi Reges quasi vasculutea ferreo scepro confringere, amplis & præcisis verbis communicata summo Sacerdoti Romano Pontifici, (quam tu rationem allatam à nobis tanquam ignotum hominem præteristi) primis illis Episcopis potestatem, & ius ad rem, vt iureconsulti loquuntur, dedit, vt Reges infideles, apostatas

apostatas, hæreticos, & tyrannos excommunicando dep-  
nerent: sed potentiam illam in actum nunquam eduxit Eccle-  
sia, nec ius suum facto sanxit & confirmavit, donec vires suas  
est progressu temporis consequuta.

Nam illud Christi allatum à te, Reddite quæ sunt Cæsaris,  
Cæsari, & quæ sunt Dei, Deo: annon subijcit Cæsarem vi-  
cario Dei coercendum, si quæ sint Dei, Deo denegat? Et cum  
Christus ter diceret Petro, Pasce Agnos meos, pasce Oves  
meas, pasce Oves meas; annon omnes Christianos paruos  
& magnos, Agnos & Oves, subditos & Principes, Petro Pe-  
trique successorì pascendos regendosque sine exceptione  
commissit? Et cum Petro ac Petri successorì claves cæli con-  
credidit, ut intromitteret, & excluderet: annon diuinam  
illam & admirabilem virtutem excommunicationis ostendit,  
quam tu scilicet elumbem atque eneruem planè esse voluisti?  
Nam quòd Prælatos, & Pontifices Regibus subiectos atque  
obedientes esse oportere dixisti, mirabar, cur alterius manda-  
ti nihilò minùs Apostolici fueris oblitus, quo Reges æquè  
ac subditos obligauit, ut Prælati ac Pastoribus obedirent,  
sefque subijcerent, ut illis à quibus Deo pro suis anima-  
bus ratio reddenda est? In quo quis Princeps Christianus  
se potest excipere, modò se animam habere arbitretur?

Tum PATRIOTTA, Rationem illam tuam, SATURNI-  
NE, de Christi prærogatiua communicata Pontifici, præterij  
non ut ignotam, sed ut otiosam. Prærogatiuam verò, qua Chri-  
stus Reges & regna, confringit & conterit, nò sacerdotalem,  
sed regiam fuisse Propheta declarat. Posui Regem meum, in-  
quit Deus, &c. Non igitur ut sacerdos, sed ut Rex, Reges im-  
pios ferro sceptrò suo fregit & comminuit. Ut sacerdos cruce  
tulit, ut Rex sceptrum gestat. Ut sacerdos seipsum ob-  
tulit in cruce, & sanguinem suum fundi passus est in remissio-  
nem peccatorum; ut Rex hostes suos subiugauit, eorumque  
sanguinem fudit, potentiamque prostrauit & contudit. Hu-  
ius aspectu tantæ gloriæ, quæ residet in vno Christo, o-  
culos nostros quasi præstringere conatus es, dum clam Regis  
sceptrum Papæ tui pedibus conculcandum subiēcisti,

Ais enim, hanc Christi prærogatiuam communicatam esse  
Pontifici.

Pontifici, Scilicet. Et quidem amplis & præcis verbis. Vbi illa sunt? Designa locum, ostende diploma, quo Christus sacerdotalem prerogatiuam suam cum Rom. Pontifice communicauit. Alij quidem plures facti sunt sacerdotes, inquit Heb. 7. ver. Paulus, quod morte prohiberentur permansere: hic autem, 23. 24. 25. 26. quia in æternum manet, immutabile habet sacerdotium, unde & seruare perfecte potest eos, qui per ipsum ad Deum accedunt, semper viuens vt intercedat pro nobis. Talis enim nos decebat Pontifex, sanctus, innocens, impollutus, segregatus à peccatoribus &, ecclesie sublimior factus: qui non necesse habeat quotidie, quemadmodum sacerdotes (Leuitici) primum pro suis peccatis hostias offerre, deinde pro populo: hoc enim semel fecit, cum seipsum obtulit, vnicum sacrificium pro peccato, vt pro nobis æternam obtineret redemptionem. Eat iam Pontifex Romanus, & has sacerdotales Christi prerogatiuas sibi amplis verbis præstare conuincatur iactiter, vt omnes os hominis impuri blasphemum conspuant.

At si non omnes, inquires, aliquas saltem prerogatiuas communicauit. Quas tandem? Clauēs regni cælorum, claudendi cæli & aperiendi ligandi & solvendi potestatem: pascendi, & regendi auctoritatem. Quibus omnibus plus quam insinuas, iure posse Pontificem Casari vt excommunicationis extorquere sceptrum, coronam, gladium, subditos, regnum, & vitam. Hæc enim sunt Casaris.

Ergo cum Christus ita dixit Petro, Pasce Oves meas, hoc sensu, Depone Principes. Dabo tibi clauēs regni cælorum. Hoc est, dabo tibi thronos Regum terrenorum, vt intromittas quem velis, in regnum: & quem velis excludas. Vt soluas subditos, quos libeat: & quos libeat, liges. Vt quos velis punias, & quibus velis, remittas. Non tam credo, nobis non Theologia modo, sed grammatica & logica discenda est. Pascere Oves Christi, Christianos Principes abdicare, synonyma sunt apud Pontificios. Ligare peccata idem est ac ligare sceptrum. Excludere Regem à templo, & eijcere Regem à regno, &

vita, synonyma sunt apud vos.

O diuinam & admirabilem virtutem excommunicationis, quæ nouam planè grammaticam in Theologiam induxit! Quid, quòd nouam etiam logicam intulit?

Principes omnes doceri debent à summo sacerdote: ergò deponi possunt. Possunt ex regno celorum excludi: ergò etiam ex regnis suis terrenis exterminari. Principes sanæ doctrinæ à suis pastoribus allatæ obedire debent. Ergò si recusent, iure ab illis abdicari possunt. Dura profectò conditio Principum. Sed quid faciunt? tantum excommunicatio potest, si credimus SATVRNINO. Sed habetis alios catholicos Doctores, vt audio, honestiores aliquantò, qui excommunicationis vim, quoad eiusmodi portentosos effectus, penitus elidunt & enervant. Nam vt tacemus Augustinum, qui rarò censuit adhibendam esse excommunicationem Principum, & cum adhiberi necesse sit, non ad eradicandum referri dicit oportere, sed ad corrigendum. Vt Bernardum omittamus, qui non est veritus Eugenio Papæ dicere: Ergo in criminibus, non in possessionibus potestas vestra, quoniam propter illa & non propter has accepistis clauces regni celorum. Thomas Aquinas, ille vester Doctor Angelicus dixit, aliud excommunicationem esse, aliud eradicationem. Quod idem etiam in epistola Vrbanæ Papæ in iure canonico scriptum reperimus, cuius rationem affert ex Apostolo qui dicit, excommunicatum ad hoc excommunicari, vt spiritus eius saluus fiat in die Domini. Adhibetur igitur ad correctionem, non ad ruinam. Disciplina enim est excommunicatio, inquit Urbanus Pontifex, non eradicatio. Vterque, cum summissa, tum Pontifex summissæ videtur distinctionem suam ex Augustino. Scribit Soto, excommunicationem non esse priuationem alicuius boni proprii, quod transgressor legis prius possederat: sed esse priuationem bonorum communium, quæ ab Ecclesia erat percepturus, & receptionis sacramentorum. Potest igitur excommunicatio, si velleis etiam creditis, Regem templo excludere, non regno: sacramento priuare, non sceptro: separare à communione fidelium, non ab obedientia subditorum: seruare animam, non destruere corpus: remouere

Augusti contra Epistol.  
Parmen. lib.  
3. cap. 3.

De consider.  
ad Eugenium  
lib. 2.

Thom. 2. 2.  
quæst. 11. arti.  
3.  
Decreta 2.  
parte caus. 24.  
quæst. 3. ca. 37.

re à cœlestis regni finibus, donec resipuerit, non à terrenis suis ditionibus expellere, aut subiectis laxare habenas, aut iurata fide liberare. Vt habet Ludouicus Richæomus in Apologetico. Hæc canoni congruunt. Reddite, inquit Christus, quæ sunt Cæsaris, Cæsari: quæ sunt Dei, Deo. Quæ sunt Cæsaris? Sceptrum corona, gladius. Quæ sunt Dei? Fides nostra, adoratio, inuocatio, totaque obedientia spiritualis?

Christus igitur, Reddite, inquit sceptrum, coronam, gladium Cæsari. Quid tu, SATVRNINE? Vicarius Dei scilicet, auferat Cæsari excommunicato sceptrum, coronam, & gladium. Hæcne synonyma tua sunt, reddere, & auferre? Math. 22.

Christus, si voluisset, potuisset sic excommunicare Tiberium, & Angelicum à Patre exercitum impetrare, vt eum de solio deiceret. Noluit. Venit enim vt cœlestem coronam daret, non vt terrenam auferret. Quum quidam diceret, Rabbi, iube fratrem meum hæreditatem diuidere, 12. Lucæ. respondit Dominus, Quis me constituit iudicem inter vos? Christus priuatæ hæreditatis heriscundæ authoritatem non est ratus ad suam vocationem pertinere: quis igitur potuit Papam constituere iudicem & diribitorem regalium coronarum? Christus à Pilato interrogatus, quod tandem sibi vendicaret regnum, respondit, Regnum meum non est de hoc mundo: tu verò, SATVRNINE, vna clauiculæ versione, Ioh. 18. quam Petrus cum cæteris accepit, omnia quæ sunt Cæsaris disponenda tradidisti Vicario Christi scilicet. Ergò quod Christus non potuit, poterit Christi Vicarius? quod sibi Dominus non sumpsit, id arrogabit seruus?

O simplicein Christi discipulum Petrum, vestrum, vt dicitis, fundatorem. Non enim ille Neronem excommunicatione de solio deturbauit: non ille Christianos à fidelitatis iuramento vel suscipiendo prohibuit, vel suscepto liberauit: non ille ditiones eius & regna disposuit: non ille seruos contra dominum armauit: non ille alios Principes contra Imperatorem concitauit. Patiendo docuit martyrij gloriam, non resistendo perduellionis infamiam acquirendam: præsertim Episcopis, quibus persuadendi potentiam, non cogendi docendi, non pugnandi partes: precum, non armorum v-

vsus commendauit. Licebit igitur Petri successori, quod non licuit fundatori? Non intellexit Petrus quid esset Oues pascere, Non didicit, quid esset ligare & soluere. Non cognouit hanc virtutem clauum. Nondum in vestrum inciderrat Dictionarium. Potuisset sic verbo percutere Neronem, vt percussit Ananiam; sed institit vestigijs Magistri sui: & simplicem obedientiam Neroni præstitit, vt ille Tiberio.

Cuius successores tantum aberat, vt resisterent Imperatoribus, serui dominis, vt trecentis annis vsque ad Syluestrum subiecerint sese Ethnicis patienter, vt martyres: & trecentis vsque ad Bonifacium, Christianis, & Catholicis & hæreticis obtemperarint humiliter, vt beneficiarij: & quadringentis vsque ad GREGORIUM septimum, etiam absentibus obdierint tolerabiliter, vt manumissi. Fuerunt enim varia, vt imperij, sic Ecclesiæ tempora: diuersaque vt Imperatorum, sic Episcoporum conditio. Vno & præsentē Imperatore paruus Episcopus: absente & diuiso magnus Imperatorijs velut exuijs, quas in Italia reliquit: vnde fracto paulatim exutoq; Domino seruus insultare cœpit, quod vtinam facere desistat:

Grex.

*Ne si forte suus repetitum veneris olim*

*Rex auium plumas, moueat cornicula risum,*

*Furtiuus nudata coleribus.*

Nam certè ab initio non fuit sic: vt baculus gladio, pedum scepro, mitra coronæ repugnaret.

Nec mirum, inquis. Deerant enim tum temporales vires Christianis Episcopis. Iure potuissent tum excommunicare atque deponere Principes, si satis magnas habuisset Ecclesia vires ad resistendum. Vt duo, non ædificantis, sed destruētis Theologiæ magistri docuerunt, Alanus & Bellarminus.

Alan, cont. ex-  
ecut. Angl.  
Iustit. pag.  
167.

Bell. de Rom.  
Pontl. 5. cap.  
7.

Ita, credo: Paulus Apostolus cū veteres Christianos paucos & debiles animaduerneret, docuit ne tū potestati resisterent: scilicet tempori potiùs, quàm veritati seruiebat: cū illos Neroni conscientia causa doceret subiectos esse oportere. Nam cū numero & viribus aucti possent resistere, si hisce Cardinalibus credimus, non iam pati ampliùs, vt Martyres, sed facere gloriosè vt milites debuisset. Ita videlicet cōmoda interpretatione correxerunt Apostolicā disciplinā, & cornicum, vt dicitur,

tur,



tur, oculos confixerunt, & Spiritus sancti regulas, quæ perpetuæ atque immutabiles esse debebant, ad præxim Ecclesiæ pro re nata prudentet inflexerunt. Sed vnum vereor, ne diluere non possint. Resistere potestati damnatio est, inquit Apostolus: quid est igitur manus violentas inferre? Moses prohibuit, ne populus Reçtori suo malediceret: num permisit, vt si posset, resisteret? Salomon vetuit, nequis in conscientia sua Regem execraretur: num concessit, vt Regem, si posset, vi deponeret? Iudas Apostolus impuros somniatores appellauit, qui excellentias gloriasque mundi (sic enim Principes appella:) maledictis incesserent: num Cardinales pro sanctis doçtoribus haberet, qui populo persuadent, vt Principem à regno suo, si possit, armis eiciat?

Credamus hoc, si possumus, Mosem, Salomonem, & Iudam Apostolum, cum subditorum linguas voluerint astrictas, manus solutas reliquisse. Ieremias Propheta Iudæos captiuos est hortatus, vt preces pro Regis Babylonij vita conciperent: Paulus Apostolus Christianos afflictos admonuit, vt Deo pro incolumitate Neronis supplicarent. Num credibile est Prophetam & Apostolum, pro quorum incolumitate preces à subditis fundi volebant, eorum fundi sanguinem voluisse? Nisi fortè putes Apostolum similem Carolo quinto fuisse, qui preces fieri publicas pro Clementis septimi liberatione mandabat, quem ipsius interim legiones captiuum detinebant.

Expecto, dum sic exponant Cardinales Apostoli locum, iussisse vt precarentur pro Nerone, quia deerant illis vires ad resistendum: sed si vires habuissent, iure potuisse à precibus ad vim, ab orationibus ad arma confugere. O martios sacerdotes. Interea quam iniuriam Petro Petrique successoribus faciunt, qui morrem pro Christo oppetiuerunt, quibus non animum ad resistendum innuunt, sed potentiam defuisse? Preclaros verò martyres faciunt, si cum pro veritate morerentur, ex afflictis corporibus rebelles animas emisserunt.

Ac miror sanè duos tam doctos Cardinales tam ignaros historiæ fuisse, vt dicerent Christianos iure tum potuisse resistere, si vires habuissent: cum Tertullianus contra regerat, Apologet. habu-

habuissetum vires, sed iure resistere non potuisse. Quod si secundo post Christum sæculo verè dici possit, quanto verius quarto, quinto, sexto sæculo, cum Christiani gratia militum Principum ornati, legum præsidio muniti, religionem Catholicam palam & libere profiterentur. Celebre est illud Augustini, Milites Christianos sub Iuliano apostata obtulerat domino temporalis, non quòd, ut isti somniant, carerent viribus ad resistendum, sed propter Dominum æternum. Nam Christiani milites in expeditione contra Persas Iulianum longè à domo atque ab auxilio remotum opprimere facile potuissent. At erant, inquires, pagani milites, qui cum Iuliano ad bellum Persicum sunt profecti. Immò verò, ut auctor est Socrates, proximo post Iuliani mortem die, cum Iovinianus à illis Imperatore electus honorem recusaret, quòd maiorem partem exercitus paganam esse suspicaretur, omnes vna communi voce conclamarunt, se esse Christianos. Scripsere tum Patres contra Iulianum, non pugnauere: & calamis sunt vsi, non armis: argumentis Apostatam perculere, non gladijs: quemadmodum etiam Constantium & Valentem Imperatores hæreticos tractauere.

At vestri iam Cardinales & Patres, non iam calamo solum, sed gladio rem tentandam existimant contra Principes, postquam semel denuntiati sunt excommunicati propter hæresim, & subditos obedientiæ vinculo iam absolutos, arma ferre contra suos quondam Principes debere pronuntiant: & hoc ut præcipuum caput Catholicæ fidei ad salutem animæ conducentis Catholicis obtrudunt.

Quantum sum nactus aliquos, qui etiam ante declarationem ab Ecclesia factam, hæreticum Principem ipso iure de facto abdicatum à subditis vi expellendum docent. Sed negat ante sententiam publicè latam absolui subditos Caletanus. Benignè: quòd aliquid saltem hæretico Principi largiatur.

At Arianus omnes hæreticos non modo postquam nominatim & particulatim denuntientur, sed ex lege, ipso facto, quamprimum hæretici esse ceperint, aut de iure excommunicatos, facit regnis suis abdicatos. Ut fama, sic hæresis

August. in  
Plal. 124.

Socrat. lib. 3.  
cap. 22.

Caletanus.

— *Vires acquirit eundo.*

Feruētior Alanus, quā Caietanus: qui bellum pium, iustum, & honoratum, quod subditi cum suo Principe hæretico gerunt, esse pronuntiat: & nobiles Anglicanos admonet, ut contra Reginam cum hoste coniungant.

Postquam autem Cardinalis noster tanquam Apollo aliquis ex tripode sententiam suam pronuntiasset: Philopater certam esse, & de fide, & indubitata omnium doctissimorum sententiam, & Apostolicæ doctrinæ conformem audacter prædicat: Quemcunque Principem Christianum, si à religione Catholica manifestè deflexerit, & alios auocare voluerit, excidere statim omni potestate & dignitate, ex ipsa vi iuris tum humani, tum diuini, hocque ante sententiam supremi Pastoris ac iudicis contra ipsum prolatam; & subditos quoscunque liberos esse ab omni iuramenti obligatione, quod de obedientia tanquam Principi legitimo præstitissent: posseque, & debere, si vires habeant, istiusmodi hominem tanquam apostatam, hæreticum, ac Christi domini defertorem, & reipub. suæ inimicum hostemque, ex hominum Christianorum dominatu eicere: Philop. 194.

Exortus est alius, vir igneo spiritu, & plane alter SATVRNINVS aut Gracchus, Guilielmus Reynoldus, qui Henricum De iusta ab-tertium Gallorum Regem ipso facto excommunicatum di-  
xit, quod faueret hæreticis, &c. Quem post longam dispu-  
tationem iure interfectum esse concludit ante excommuni-  
cationem publicatam: non enim, inquit, percipit formulam  
publicus dolor. Et quamuis in occulto crimine nemo debeat  
condemnari indicta causa, aut antequam citetur: tamen in  
publicis & notorijs, euidentis notitia facti sententiæ locum  
tenet. Quid hic faceret hæretico Principi, qui ne Catholi-  
co quidem parcendum indicauit? dic. Henri. 3.  
Gall. Regia.

Symanehâ procedit ulterius, & occultum hæreticum ex-  
communicatum, ipso iure pronuntiat, nec ipsum modo, sed  
etiam filium: quoniam hæresis est lepra, & ex leprosis paren-  
tibus leprosi generantur filij, regni successione depulsam.  
Operdidissimum nebulonem, qui stirpem exstingit cum suc-  
culis. De occult. 1193.  
22. sect. 2. fol.

Tepidiores.

Tepidiores Aquinas, & Toletanus & Caietanus: isti rem refecant ad viuum, nec frigide & scholasticè loquuntur, vt illi, sed loquuntur ad rem.

Possum nominare sacerdotes, qui arma gesserint: & iu gere iure posse ab illis, SATVRNINE, antè dixisti.

Odiost sunt, inquit SATVRNINVS, calumnia vestra, quibus sacerdotes nostros oneratis, tanquam arma gesserint. Spiritualibus, non corporalibus gladijs vtuntur.

At spiritualis vester gladius imperet corporali, si Papa iusserit, oportet, inquit PATRIOTTA. Et vos suaderis, vt alij arma capiant, quod fecit Alanus. Quid autem interest inter authorem sceleris & actorem? vtrum consulas alijs, vt arma gerant contra Principem, an ipse geras? Non armas, inquis, manum subditi. At animum inflammas. Non procudis ense: at spiritum acuis absolutionibus, promissis, laudibus, premijs, neque in hoc solum sæculo, sed etiam in futuro. Hæcine est fides vestra Catholica? Hæcine saluti conducit animarum? Christus & Apostoli doctrina & exemplo suo discipulos suos ad humilitatem, patientiam, fidem, obedientiam erudiuerunt. Vos discipulos vestros ad insolentiam, furem, perfidiam, & seditionem incitatis. Deus bone, vestra ista noua Theologia quantum à veteri dissidet? quid docuerit Christus & Apostoli, antè vidistis: videte quid fecerint, Christus pro Ecclesiæ redemptione suam effundi sanguinem est passus. Christi Vicarius, vt dicitur, pro imperij propagatione semper iam fundit alienum. Petrus & Paulus pro confirmatione fidei, martyrium à Principe allatum a quis animis tulerunt: in eorumque vestigijs multi postea Romani Pontifices, sanctissimi homines, insisterunt. Vos autem illorum degener & spuria planè progenies, pro obsequatione perfidie crudelissimum post homines natos toti genti nostræ martyriū iniquissimis animis inferre voluistis. O rem indignam. Ergo spiritualis Regum Pater, vt vocatur, Maiestatem regiam conculcabit? Et Pastor gregis vniuersalis, gregis non lacte, sed cruore pascetur? Et pedo sceptrum continget? & excommunicatione, quæ tantum pertingit ad animas, coronas deiciet? & populum, quem commotum pacare debuit, pacatum

pacatum commouebit? & Principes, quos illos placare oportuit, placatos inter se clare committit? Nihil odiosius & ueracissimas artes, discordiam Regum, & rebellionem subactorem, sanctissimæ religionis titulo commendabit? Perinde ac si, cum omnia cum multis & caducis implerem, uincerem, & Dei gratiam cruento innocentium sacrificio inuicarem? Deus hæcenus consilia Papa contra Anglicanum coronant in te patrefcitis? Deus in uobis uincat. & Rex illud quod quotiens uoluitis, in uentis, & sentis facit, uos, & capitare uoluit? Quid enim? Non uideretis uos, & quotidianas lasdidas? Non artes omnes multis experimentis explorare cognitas & perspectas putatis? ut ipsi tanquam Simonides intus lateatis, amorem Catholicis uestris quibus odo peiorem profitentes, suadentesque ut fidem Regi iuramentum uoluerit, & el quæ illam Proriam uolo plenamini, ubi non minus quam hobs oritalem inuoluntant? ut uestros pegalos habetis, qui circumquaque cursitent, & omnes rumculos cietimè colligant, & hominum animos pertentent, & rerum opportunitates obseruent? ut pueros uestros sacerdotes ire & redire facitis, qui uestram numerum & vires augeant, & tanquam Græchi iuuenes offensos magis irritent, & ad seditionem inflammant? ut annosas vulpes & grandiusculas vulpeculis hise præficiatis, qui fraudum illis scholam prius aperiant, & uersutiarum officinam, docentes, Papam habere Regis depõnendi, & subditos à fidelitatis iuramento absoluedi plenissimam potestatem, & quamuis Rex non sit nominatim excommunicatus, stare tamen excommunicatum varijs bullis, ed quidd Pontificij primatus auctoritatem inueneris. & uel ideoque posse subditos, & uel obpugnatas, & uel mas lumicoræ sacra illius personam machinari, & suadentes in terea, ut fidem dissimulent, extername obedienciam Regi præstent, dum cor Papa reseruant? ut uestros Catholicos alios, qui, ubi seditione maturgetis, uel furoris duces atque significem, uestra federata consilia facitis, & inquis ore exantant? Pontificis illam, quam tandem geritis, religionis personam propicio gratulatis habiqum, unice pallium sanctitatis, quales estis, uos apparet, & confectum uos belli, non uerbi uoluitis.

rubas esse; non animas pascere, sed sanguinem petere: vt distinguere possit magistratus inter deuorum & quietum, & inter politicum ac seditiosum Catholicum. Vos autem, CALANDER, & ARGENTINO, ceterique Anglo-papista laici, per Iesum Christum obsecro, per vestram salutem exhortor, vt harum Syrenarum musicam auditoribus non inuilem modo, sed perniciosam, ab auribus atque animis vestris repellatis; ne Catholica vestra religio probrum iustissimum, insanabile vulnus conscientiarum, huiusmodi familie ruinam, & extremam patrie pestem inferatis. Hec habui, quae de fidelitate atque obedientia subditorum praestanda Regibus & magistratibus ex perpetuo Christi praecepto & Apostolorum institutis contra Pontificium interdictum, & Iesuitarum sophismata disputarem: sequitur, vt alterum persequar obedientiae nostrae fundamentum, exempla veterum Christianissimorum, ac Episcoporum, potissimum Romanorum, nisi quid forte vobis videatur secus.

Tum CALANDER, Nobis, inquit, nihil gratius futurum promitto, vt pro ARGENTINO etiam meo respondeam. Ego vero de ciuili obedientia Catholicis & bonis Regibus iure praestanda nunquam sanè dubitavi: sed haereticis & tyrannis, postquàm à Papa semel essent denunciati excommunicati, de regno iam iure depositis, me ipsum, vt verum fatear, antehac fidelitatis iuramento absoluium parauì. Nunc cum Christum, Petrum, & Paulum videam non modò docuisse, sed etiam praestitisse ciuilem obedientiam Tiberijs & Nero-nibus, tantumque abfuisse, vt illis diuina auctoritate, cū pos-sent, sceptrum, gladium, aut vitam eriperent, vt sub illis etiam vitam suam pro sancienda fide atque obedientia deponerent; facis, inquit, vt dubitare incipiam de tanta vi ex-communicationis, & de potestate Pontificis.

Nam cum omnes disputationis tuae partes, PATRIOTA, diligenter attenderem, ex illa perspicua quidem & succincta trium textuum explicatione & quasi ventilatione primum, vt fatear, parui huius ignotae mihi prius & inaudita veritatis igniculi quidam sese oculis ingerebant. Quibus Aquinatis, Toletani, & Lateranensium Patrum auctoritas pro excom-municationis



municationis virtute, & potestate Pontificis à SATVRNINO allegata, fumum statim offuderat. Sed ex fumo lucem dedere Frisingensis, Vrsbergensis, Sigebertus, Vincentius, omnes antiquiores & sinceri sane Catholici, & graues illorum testes temporum, vt VELLECELIVM memando dicere, cum Gregorius septimus primum Henricum quartum Imperatorem excommunicatione de regno abdicare esset aggressus. Hic SATVRNINVS relictus ab autoritatibus humanis, ad diuinas se recepit: sed quicquid arripuit, extorsit statim PATRIOTTA de manibus. Cum diceret Apostolum vetuisse, ne salutemus hæreticum, iussisseque vt deuitemus post vnā aut alterā admonitionem, respondit PATRIOTTA, veruisse tum societatem voluntariam, non subiectionem necessariā, priuatā familiaritatē, non publicā obedientiam. Et cum ille premeret gangrēnam esse exciscandā, hic retulit actum, non hæreticum, sed hæresim gangrēnæ comparatā, & pia quadam charitate, vt videbatur, hæretico parcens, vt resipisceret, hæresim exciscandā putauit. Et inde meo iudicio non malè concludit, Cum nullus hæreticus aut hæreditatem aut vitam debeat amittere, Regem multo minus aut vitā aut hæreditate propter hæresim esse priuandum. Hic SATVRNINVS omnes intendit nervos ingenij, & in veteris Testamenti præsidia se recipiens, collectis vndique copijs exemplorum, argumentis inde confectis egregie dimicauit, ita vt cum illum solum audirem, meum prope assensum abduceret. Sed hæreticus iste PATRIOTTA non retulit pedem, sed cominus statim confluit. Dixit ille Saulem fuisse depositum: iste, vt res erat, statim distinxit, non personam Saulis à regni possessione, sed stirpem à successionē fuisse depositā. At à quō? A Deo, inquit, non à Samuele, quem probauit fuisse non iudicem, sed nuntium, nec plagam depositionis infixisse, sed decretum publicasse, non generalis vocationis sue iure, sed speciali motu & institutione Dei, non vt Prophetam, sed vt Prophetam ad id designatum, vt Dauidem in regni successionem inungeret, quē Deus ore suo nominarat. Nihil vt hinc Papæ possit accrescere, nisi probare se possit deponendi Principis reuelationē accepisse.

Cum ille contenderet, Ieroboamum à Propheta fuisse abdicatum: hic verè negavit, confessus grauius reprehensum propter apostasiam, non violenter abdicatum.

Insurgit SATVRNINVS & Oziam leprosum ab Azaria & octoginta sacerdotibus violenter expulsum templo, & à societate hominum separatum affirmat, & regimen Iothani filio esse commissum.

Hic melior, ut videtur textuarius PATRIOTTA, negat ab Azaria Regem violenter expulsum templo, sed percussum lepra, sua sponte ipsum eo actum exire Sanctuario, non regno: cuius ius ad mortem vique tenuit, ipse, administrationem filio, ut vicario suo, demandauit. Nec enim leprosum hæreditatem priuatam vnquam amisisse, nedum igitur publicam. Et cum lepra sit hæresis, nec quicquam propter lepram regno priuatus fuerit, nec propter hæresim quenquam esse priuandum. Quæ mihi quidem ratio, nisi leprosi Iudæi probari possint, hæreditate excidisse, in hac causa satisfaciat necesse est.

Hic cum SATVRNINVS affirmaret, leprosos per sacerdotes fuisse separatos à societate hominum, excepit PATRIOTTA, illos discernere lepram debuisse, sed leprosos fecernere magistratum fuisse: ita iudicium rei ad sacerdotes, sed separationem personæ ad magistratus pertinere. Unde conclusit, & retorfit in SATVRNINVM, qui hæresim spirituales lepram esse dicebat, ex ista figura sequi, Regem potius hæreticum Papam, quàm Papam Regem hæreticum separare oportere. Ut mihi figura nostra Papæ perniciosior, quàm Regi fuisse videretur.

Vnum erat, quod & PATRIOTTA contra te, SATVRNINE, maxime urgebat, & quod nobis omnibus vehementer displicebat, cum ex Azariæ exemplo concluderes, licere sacerdotibus armis uti ad Regum impietatem coercendam. Resistit enim Regi sacerdos verbis, non armis; nisi forte grauem admonitionem, reprehensionem, redargutionem, arma fuisse arbitrare. Non eiecit Azarias Regem ex templo, nedum ex regno, Et tu loricas, gladios, pila cogitas, quibus bellicosus sacerdos Regem de throno moueas? Apage superbam istam

istam vanitatem. Non decet Episcopum esse percussorem, nedum bellatorem. Non licuit Dauidi materiale Dei templum ædificare, quoniã erat homo sanguinis: & vos spirituale Dei æmplum; cruentis manibus extruetis? Sed remitto vos ad canones vestros. Et pergo.

Nam quòd Athalias legitime depositam à Iehoida sacerdote esse dixisti, responsum est tibi primò, nunquam legitime creatam esse aut inunctam. Deinde, depositam esse à Iehoida, non vt sacerdote summo, sed vt primario Principe tribus, suar; & proximo Regis affine, nec solo, sed coniuncto cum omnibus regni Nobilibus; nec autoritate sacerdotis, sed veri Regis Iosaphi inuncti prius à se & coronati: vt quicquid fecerit, id imperio Regis, & communi consensu & consilio procerum & ducum contra impiam, vsurpatricem regni, quæ totam ferè regiam stirpem extinxerat, fecisse videatur. Quid hoc ad Papam, vt legitimum Principem Pontificia sua auctoritate deponat?

Quòd autem Eliæ zelum vobis imitandum proposuistis, verè respondit PATRIOTTA, vestrum fuisse nimis igneum, & fore præposterum, nisi specialem Eliæ instinctum probare possitis.

Sed quòd Achabum de regno abdicatum ab Elia, vel Elizeo diceret; partim verum, partim est falsum. Est enim verum, quòd dicit abdicatum, sed à Iehu, quem vnus è filiis Prophetarum inunxit ex speciali mandato, quòd Deus dedit Elizeo, vt Iehu totam Achabi stirpem exstingeret. Non igitur ab Elia, vel Eliseo depositus est Achabus, sed à Iehu, quem Deus nominatim ad eam rem extra ordinem excitauit. Nec enim filius Prophetarum, cum Iehu inungeret, ita est orsus, Hæc dicit Eliseus, sed, Hæc dicit Dominus.

Hoc causam Papæ minus adiuvat: vt argumentationes tuas PATRIOTTA proijceret interdum, quasi scopas dissolutas: aut vt fracto crure planum impelleret, interdum alterutro, interdum vtroque pede claudicantem, & antecedente & consequente; vt cum antecedens nec veritatem in materia, nec legem in forma retineret, consequens probationis necessitatem omnem amiserit. Ita, vt cum potestati

Pontificiæ parùm prodesse, tum conscientiæ nostræ minùs satisfaceres.

Superuacaneum enim, vt rectè dixit, fuit ad extremum causas querere, cur Principes à sacerdotibus aut Prophetis de facto fuerint abdicati: cum neminem probaueris abdicatum.

Tu igitur nullum, vt videtur, Regem à sacerdote depositum proferre potuisti: ac sacerdotem à Rege depositum PATRIOTTA protulit, vnum saltem, id est, Abiatharum à Salomone. Hoc verò causam Pontificis non modò non iuuat, sed etiam læsit.

Hic tu cum conuentionem inter Deum atque Regem vgeres, quærebat promptus aduersarius, si Rex conuentionis articulos violaret, quis illum arbitrium adigeret? aut quò in foro, quo in Consistorio postularet? Et ex concessis tuis conludebat, cum diceres, Regem à Deo supremam authoritatem suam acceptam tenere, Deo soli igitur à Rege in foro cœlesti regiminis sui rationem esse reddendam.

Sed mihi quidem, cum dux sint imperij quasi columnæ, authoritas in Rege, & obedientia in subditis, quas salutis omnium causa factas testas seruare debemus, vtramque visus es diruisse, SATVRNINE, cum Regem tanquam propositionem hypotheticam poneret, & subditos conditionales. Sed cum Papas categoricos & absolutos constitueret, quamquam omnino vt sanctissimos Patres reuereor, tamen verè dicam perinde fecisse atque malus medicus, qui grauiorem interdum corporis morbum parit curando leuiorem.

Repulsus à veteri Testamento, ad noui præsidia confugisti: hic verò sperabam fore, vt illud vestrum, *Pasci e Oues meas, & Dabo tibi clauis, communicaret potestatem Pontificis*, & aciem Ecclesiasticæ excommunicationis velut acueret. Sed contrà accidit: nam aduersarius primis verbis Pontifici pascendi gregis diligentiam impositam, non deponendi Regis authoritatem contendebat: & secundis, clauis regni cœlestis, non terreni commissas esse dicebat. Et non modò Augustinum & Bernardum communes testes adducebat, sed Aquinatem, Urbanum Papam, & Dominicum à Soto, & Ludouicum

douicum Richeomum, planè nostros, qui clauum vni non in possessionibus, sed in criminibus: nec in sceptris, sed peccatis ligandis positam esse censebant: eamque non eradicationem, sed disciplinam esse iudicabant. Quid tu? Num & hos schismaticos arbitraris, vt modò Sigebertum & Vincentium appellabas? Quid mirum, in hac causa Papam si alieni postulent, cum condemnent sui? si inimici oppugnent, cum deserant amici? si moderni Catholici relinquunt, cum reliquerint antiqui?

Stat igitur primum illud fixum & firmum, vt nobis videtur, iactum à PATRIOTTA obedientie nostrae fundamentum in perpetuo atque immutabili mandato Christi atque Apostolorum: nisi sacrosanctas Testamenti tabulas refingere, ecclesies Christi leges rescindere, æterna Dei decreta reuellere, Vicario Dei homini sano, sed peccatori tamen, concessum esse arbitremur.

Nam quòd ad extremum Apostolos & Apostolorum successores iure potuisse dicis deponere Neronem, Dioclesianum, Iulianum, Constantium, Valentem & ceteros, si tum habuisses Ecclesie vires ad resistendum? nunquam profectò diceres, vt rectè obicit aduersarius, nisi sanctos Apostolos & Patres dissimulatores iudicares, qui metu, non officio, & temporis, non conscientie gratia malis illis Imperatoribus seruebant: in quo quidem tibi tum sacram Scripturam, tum veterem historiam audiuius apertissime reclamantem.

Vt valde doleamus Bellarminum & Alanum tanta ingenia tam impium commentum protulisse. Et vt Symancham emigramus, Creswellum, Reynoldum, Parsonium, aliosque nostrates, quòd cum Alano ad eam sceleratam causam patrociniū omne ingenium & eloquentiam suam contulerunt; non verbi, sed belli tubas: & cum multis Catholicis familijs ruinam, & patriæ pestem, tum securim conscientijs nostris, & æternam Catholicæ religioni infamiam inuississe, atque infixisse, fateamur.

Quare nos amplius in hac causa sollicitare desinas, SATURNINE: cuius in caput retortam primarium illud tui argumentum à PATRIOTTA cernimus, qui fassus es Regi subiectionem

subiectionem, reuerentiam, honorem, fidelitatem, obedi-  
entiam esse debitam, dum Rex est Rex.

At Rex est adhuc Rex, & nos subditi, non obstante ex-  
communicatione, aut potestate quacunque Pontificis, et  
contra te PATRIOTÆ, sicut nobis videtur, non modo  
communibus, sed nostrorum Catholicorum proprijs testimo-  
nijs comprobauit.

Sequitur igitur ex confessione tua, omnem à nobis Regi  
nostro subiectionem, reuerentiam, honorem, fidelitatem, at-  
que obedientiam deferendam.

Tum SATVRNINVS, Doleo mehercules, inquit (no-  
bilissime CALANDER) & vehementer angor, quod te, quem  
deuotum Romanæ Ecclesiæ filium semper nouimus, nunc  
quasi transfugam in hæreticorum castris reperiamus: & non  
modo de suprema Pontificis auctoritate dubitante, sed eam  
etiam, id quod est multò indignius, atque animæ tuæ pericu-  
losus, oppugnantem.

Non enim solum excommunicatio Principum, quæ non-  
nullis Ecclesiasticæ & spirituales Pontificis potestatis supre-  
ma censura videri solet, ad Pontificem pertinet, sed eorum  
etiam eradicatione atque extirpatione, quæ non virtute excom-  
municationis producit, sed supremæ cuiusdam authorita-  
tis in Papa, vel ut est dicere dominus temporalium, vel in-  
directè in ordine ad spiritualia, ut doctissimi sanctissimi quæ  
Catholici Patres tradiderunt.

Non sum nescius à Georgio Blackwello Archipresbytero  
nuper vestro id esse tentatū, ut neruos omnes illos Ecclesiasti-  
cæ excommunicationis responsionibus quibusdam incidere  
petitis atque elideret. Neque id solum, sed multò magis  
huius supremæ authoritatis non modo spiritualis, atque Ec-  
clesiasticæ, sed ciuilis atque imperialis, quam Romanus Pon-  
tifex accepit à Christo, & sub Christo in terris exercet, quasi  
duorum Papæ brachiorum compages omnes transire ac  
decurtaret. Sed meticulosus senex, & misellus apostata non  
tam in fido nocuit, sed exemplo, quod vobis etiam Ca-  
tholicis laici, quorum constantiam Christianus orbis prædi-  
cat, turpissimi schismatis occasionem dedit.

monitum dedit

Hic



Hic CALANDER, Nimis incalescis, inquit, SATVRNINE, qui me statim transfugam appelles, quum nunquam à Catholica fide descuerim; tantum quòd pseudo-catholicos errores vestros à factiosis hominibus, Papæ assentatoribus, inuectos repudiari atque reiecerim. Sed quoniam eò te etiam æstus abripuit, vt reuerèdum senem Georgium Blackwellum tanquam miscellum apostatam, & schismatis ducem accuses: exorabo VELBACELVM, vt non pro me solum, sed multò magis pro Archipresbytero nostro, vetere amico suo, pauca respondeat.

Tum VELBACELLVS, Equidem cum semper, inquit, inuitus à fratribus dissidere soleo, tum nunquam inuitius, quam in hoc tempore; quo communes nobis aduersarios dissidij nostri spoliatores fortuna constituit. Sed quoniam auctoritatem tuam negligere, CALANDER, fas mihi esse non puto, simulque conscientiz & vestrz & meæ in hoc tanto religionis negotio satisfacere decreui: faciam, vt mones.

Sunt ista, vt dicis, SATVRNINE. Duas iamdiù machinas Rom. Pontifices adhibuerunt ad euerrendos Principes, vnam excommunicationis Ecclesiasticæ, alteram ciuilem atque imperialis potestatis. Omnino quæ vis & natura veteris excommunicationis esset, non ignorabant: peccatis, non sceptris ligandis datam esse sciebant, vt ex nostris PATRIOTTA modò verè disseruit. Quæ primùm GREGORIO septimo Pontifice, vt idem ex Frisingensi, Sigeberto, & Vincentio nostris rectè etiam obseruauit, monstrosos illos produxit effectus, depositionem Regis, subditorum absolutiorem ab obedientia, & incitationem eorum ad arma capiendam contrà Principem: quibus præsens fidelitatis iuramentum occurrit.

Cuius successores, veriti, ne excommunicatio Ecclesiastica progressu temporis vim illam non natiuam atque insitam, sed heterogeneam & assumptam opinione hominum perderet; ciuilem illam, vt dicis, atque imperialem auctoritatem datam à Canonistis augendæ potentiz suæ causa assumpserunt, tanquam ab ipso Christo delegatam.

subiectionem, reuerentiam, honorem, fidelitatem, obedientiam esse debitam, dum Rex est Rex.

At Rex est adhuc Rex, & nos subditi, non obstante excommunicatione, aut potestate quacunque Pontificis, vt contra te PATRIOTTA, sicut nobis videtur, non modo communibus, sed nostrorum Catholicorum proprijs testimonijs comprobauit.

Sequitur igitur ex confessione tua, omnem à nobis Regi nostro subiectionem, reuerentiam, honorem, fidelitatem, atque obedientiam deferendam.

Tum SATVRNINVS, Doleo mehercules, inquit (nobilissime CALANDER) & vehementer angor, quod te, quem deuotum Romanæ Ecclesiæ filium semper nouimus, nunc quasi transfugam in hæreticorum castris reperiamus: & non modo de suprema Pontificis authoritate dubitante, sed eam etiam, id quod est multo indignius, atque animæ tuæ periculosius, oppugnantem.

Non enim solum excommunicatio Principum, quæ nonnullis Ecclesiasticæ & spiritualis Pontificis potestatis supremæ censura videri solet, ad Pontificem pertinet, sed eorum etiam eradicatio atque extirpatio, quæ non virtute excommunicationis producit, sed supremæ cuiusdam authoritatis in Papa, vel vt est directè dominus temporalium, vel indirectè in ordine ad spiritualia, vt doctissimi sanctissimiq; Catholici Patres tradiderunt.

Non sum nescius à Georgio Blackwello Archipresbytero nuper vestro id esse tentati, vt neruos omnes illos Ecclesiasticæ excommunicationis responsionibus quibusdam incidere penitus atque exideret. Neque id solum, sed multo magis huius supremæ authoritatis non modo spiritualis atque Ecclesiasticæ, sed ciuilis atque imperialis, quam Romanus Pontifex accepit à Christo, & sub Christo in terris exercet, quasi duorum Papæ brachiorum compages omnes transiret ac decurreret. Sedmeticulosus senex, & miscellaneoparata non tam in facto nocuit, sed exemplo, quod vobis esset à Catholicis laici, quorum constantiam Christianus orbis prædicet, turpissimi schismatis occasionem dedit.

Hic

Hic CALANDER, Nimis incalescis, inquit, SATVRNINE, qui me statim transfugam appelles, quum nunquam à Catholica fide descieuerim, tantum quòd pseudo-catholicos errores vestros à factiosis hominibus, Papæ assentatoribus, inuectos repudiarem atque reiecerim. Sed quoniam eò te etiam æstus abripuit, vt reuerèdum senem Georgium Blackwellum tanquam misellum apostatam, & schismatis ducem accuses: exorabo VELBACELLVM, vt non pro me solum, sed multò magis pro Archipresbytero nostro, vetere amico suo, pauca respondeat.

Tum VELBACELLVS, Equidem cum semper, inquit, inuitus à fratribus dissidere soleo, tum nunquam inuitius, quàm in hoc tempore, quo communes nobis aduersarios dissidij nostri spectatores fortuna constituit. Sed quoniam auctoritatem tuam negligere, CALANDER, fas mihi esse non puto, simulque conscientiz & vestrz & meæ in hoc tanto religionis negotio satisfacere decreui: faciam, vt mones.

Sunt ista, vt dicis, SATVRNINE. Duas iamdiù machinas Rom. Pontifices adhibuerunt ad evertendos Principes, vnā excommunicationis Ecclesiasticæ, alteram ciuilem atque imperialis potestatis. Omnino quæ vis & natura veteris excommunicationis esset, non ignorabant: peccatis, non sceptris ligandis datam esse sciebant, vt ex nostris PATRIOTTA modò verè disseruit. Quæ primùm GREGORIO septimo Pontifice, vt idem ex Frisingensi, Sigeberto, & Vincentio nostris rectè etiam obseruauit, monstrosos illos produxit effectus, depositionem Regis, subditorum absolutionem ab obedientia, & incitationem eorum ad armâ capiendam contrâ Principem: quibus præfens fidelitatis iuramentum occurrit.

Cuius successores, veriti, ne excommunicatio Ecclesiastica progressu temporis vim illam non natiuam atque insitam, sed heterogeneam & assumptam opinione hominum perderet; ciuilem illam, vt dicis, atque imperialem auctoritatem datam à Canonistis augendæ potentiz suæ causa assumpserunt, tanquam ab ipso Christo delegatam.

Nam veteres Canonistæ primùm illos dominos omnium temporalium fecerunt : & supremam iurisdictionem non in spiritualibus modò, sed etiam in temporalibus ad Petri successores pertinere dixerunt : quorum, exesas iam & diù à sanioribus Catholicis explosas, assertiones docti quidam homines nuper renouarunt, & libris publicè editis, pro sana & Catholica doctrina proposuerunt, & acerrimè propugnarunt. Quorum alij, vt dicis, directè Dominum temporalium esse defendunt Pontificem Romanum : vnum eundemque

a Franc. Boz.  
de tempor.  
Ecclesiæ monarchia, lib. I.  
cap. 3. fol. 98.  
b Baron. Ann.  
nal tom. I. an.  
57. pag. 423.  
& 433.

c Thom. Boz.  
de iure status.  
præf. ad Al-  
dobran.

d Isido. Mol-  
co. de maiest.  
milit. Eccles.  
pag. 670.

e Carer. de po-  
test. Rom.  
Pont. pag. 9.

Idem pag.  
111.

que<sup>a</sup> videlicet esse hierarcham & monarcham in mundo. <sup>b</sup> Christum, vt omnem iudicalem potestatem accepit à Patre, & cum suo sacerdotio coniunxit, eam omnem, instituto in Ecclesia regali sacerdotio, ad Petrum Petrique successorem transfuisse : & vt Christus fuit Rex regum, & Dominus dominantium, sic Ecclesiam Reginam omnium & dominam esse debere : & si sponfus sit Dominus omnium temporalium, sponsam etiam dominam esse oportere : omnem temporalem regiam potestatem primò in anima Christi residinge, tum in Ecclesia Regina mundi, ab eaque ad alios fideles aut infideles tanquam ex fonte defluere : <sup>c</sup> hanc sponsam Christi, Reginam mundi, toties quories ordo vniuersi postulat, posse transferre proprium ius vnius ad alterum, vt Princeps sæcularis potest ornandæ urbis causa priuatorum domos demoliri : & iure id posse facere, quamuis ille non errauerit, à quo eiusmodi iura translata fuerint ad alios. Ita Papam Hispanis Indiam dedisse : <sup>d</sup> omnia dominia pendere de Ecclesia, deque Papa, vt capite Ecclesiæ. Et in Papa auctoritatem considerari, in Imperatoribus & Regibus potestatem ; hinc potestatem de auctoritate pendere : <sup>e</sup> verum, iustum, & ordinatum à Deo, & merum dominium & quæ in spiritualibus rebus ac temporalibus, productum esse per Christum, idemque S. Petro, eiusque successoribus esse commissum : Christum Dominum omnium inferiorum fuisse, non solum vt Deum, sed etiam vt hominem, habentem etiam tum dominium interris : ideoque vt dominium mundi diuinum & humanum in Christo, vt homine, tum fuit, ita nunc esse in Papa Vicario Christi. Vt Deus modo secundario dici potest temporalis rector

reſtor & Monarcha mundi, quamuis in ſeiſo principaliter,  
 non eſt mundanus aut temporalis: ita Papam dici poſſe  
 temporalem dominum & monarcham, quamuis illius po-  
 teſtas ſit ſpirituale quiddam, Chriſtum peracto redemptionis  
 myſterio, vt Regem, dediſſe Petro adminiſtrationem  
 regni ſui, ſanctumque Petrum illam poteſtatem exeruiſſe  
 contra Ananiam & Sapphiram. Chriſtum, vt hominẽ, directẽ  
 Dominum eſſe mundi in temporalibus; ideoque Papam  
 Chriſti vicarium ſimiliter eſſe: veritatem immutabilem de-  
 ſignare per Petri ſolum accessum ad Chriſtum ſuper aquam,  
 vniuerſale dominium, quod per mare ſignificatur, Petro  
 Petrique ſucceſſoribus eſſe commiſſum: diuerſas poteſtates  
 hominum, & varias authoritates eſſe datas à Deo; omnes au-  
 tem ex ſuprema Papæ authoritate pendere, indeque tanquã  
 ſtellas à Sole ſuum lumen accipere. Et vt Deus eſt ſupremus  
 Monarcha mundi productiue & gubernatiue, quamuis ex ſe-  
 ipſo non ſit de mundo & temporalis: ita Papam quamuis ori-  
 ginaliter & ex ſeiſo habeat dominium ſupra omnia tempo-  
 ralia, non habere tamen illud per immediatam executionem,  
 ſed eam per vniuerſalem iuriſdictionem Imperatori commit-  
 tere. Epiſcopum Romanum ſummum eſſe patrem & homi-  
 nem in mundo: omneſque ex eo pendere; tanquam archi-  
 tecto ſuo; (diceret, fundamento:) alioqui ſiquis Imperatorem  
 per ſeiſum conſtitueret (diceret, credo, vt ſubſtantium) re-  
 ſpectu temporalium, duo daret principia; quam hæreſim vt  
 deuit, Imperatorem facit ſcilicet adiectionem. ¶ Vt alius lo-  
 quutus eſt, ſanctum Hiſtoriographum in veteri lege feciſſe ſa-  
 cerdotium adiectionem regno, D. autẽ Petrum feciſſe regnum  
 adiectionem ſacerdotio. ¶ Reges à Deo immediatẽ non eſſe,  
 ſed per interpoſitionem Eccleſiæ, & ſummorum eius Ponti-  
 ficum. Militarem & bellicam compulſiuam poteſtatem da-  
 tam Eccleſiæ ſuprà Reges & Principes: Conſtantinum nihil  
 dediſſe, quod ſuum fuit; ſed quod iniuſtẽ & tyrannicẽ erep-  
 tum fuit Epiſcopis, reddidiſſe. Chriſtum Petro æternæ vi-  
 tæ clauigero ius terreni & cœleſtis imperij commiſiſſe: huius-  
 que loco Papam eſſe vniuerſalem iudicem, regem Regum,  
 dominum Dominorum: Ideoque conſecrari, vt ſummum

Idem pag.

112.

120.

Pag. 157.

Pag. 145.

Iſido. Moſe.

pag. 22. de

maieſt. milit.

Eccleſ.

g Thom. Boz.

de iure ſtatuſ,

lib. 1. cap. 6. fol.

137.

h Iſid. Moſco.

de maieſt.

pag. 27.

Credo non  
solum afinos,  
sed etiam Le-  
ones.

Augusti, Tri-  
umphus apud  
Carcium,  
pag. 130. &  
pag. 132.  
Cellus Man-  
cinus, lib. 3.  
cap. 1. & Car-  
pag. 133.

Ifodo. Mosco.  
pag. 80.

Laelius zech.  
tracta, theolo-  
pag. 81.

sacerdotem, coronari vt Regem, quòd vtramque habeat potestatem: vti autem illa potestate dupliciter, absolute aut ordinariè: absolute, cum leges, quas velit abrogat: ordinariè, cum legibus vtitur. Cum legibus volet viuere, vti consilio Cardinalium. Cum nolit, regnare sine consilio, quoniam eius potestas est à Deo, non à collegio Cardinalium. Non solum fideles, sed infideles, & omnem naturalem creaturam, sic enim loquitur, Papæ imperio subiacere: idcirco ab omnibus adorationes, prostrationes, osculationes pedum accipere Papam: eique adorationem dulciæ dari, vt imaginibus & Sanctis: respectu regni, diadema; sacerdotij, mitram tribui: Imperatores & Reges posse compelli vt obseruent iuramenta suscepta in suis coronationibus & confirmationibus, quia virtute iuramenti vassalli Papæ facti sunt. Dei lege & naturæ sacerdotium esse eminentius imperio: sæculares potestates non esse necessarias, nisi vt Principes id præstarent terrore disciplinæ, quod sacerdos non possit efficere virtute doctrinæ; & si Ecclesia posset punire malos, imperialem & regium principatum non futurum fuisse necessarium, quia potentialiter includitur in Apostolico principatu. Posse affirmari de Christi Vicario quadam similitudine, quod Plato in Timæo de Deo dixit: interrogans enim quid esset Deus, respondit, Non est homo, non est cælum, nec bonus, sed aliquid melius: si quis interroget num supremus Episcopus sit Dux, Rex, an Imperator, cautè respondebit, si negando affirmabit, Papam esse quid præstantius, quidue eminentius: omnem temporalem iurisdictionem exercendam non ad mandatum Papæ, sed nutum. Principes volunt, mandant, imperant, deus dominus omnium nutu omnia præstat, secundum illud,

*Dixerat, & nutu totum tremefecit Olympus.*

Et Christum habuisse plenissimam iurisdictionem supra omnem mundum, & omnes creaturas, & idcirco Papam Christi vicarium habere. Quorsum verò, quorsum? Vt Christum, sic Papam absolutum mundi dominum, faciunt ex verbis illis, Ecce duo gladij, qui potestatem spiritualem & temporalem significant: & ex illis, Tibi dabo clauēs: clauēs cœli

data



data sunt, ergo totius terræ. Et ex illis, Omnis potestas mihi <sup>Franciscus</sup>  
 data est in cælo & in terra, ergo: Papa ius & celestis & terre;  
 ni Imperij commissum, qui Christi vicem in terra gerit. Quos <sup>Bozius lib. 2.  
ca. 14.</sup>  
 sum, inquam? nisi ut Christiani Imperatores: & Reges ag-  
 noscant se ab illo imperia & regna tenere: scilicet: & quoniam  
 magnum aliquod Ecclesiæ damnum inferant, à Papa se posse  
 priuari, iulque regni ad alios ab illis iure transferri: vel si non  
 agnoscant, cogantur armis vel subditorum subum, vel ex-  
 ternorum Principum Catholicorum, h Pontifici iubeat, id  
 regno suo vitæque decedere: <sup>sub h. d. 14. q. 1. v. 1. 2. 3. 4. 5. 6. 7. 8. 9. 10. 11. 12. 13. 14. 15. 16. 17. 18. 19. 20. 21. 22. 23. 24. 25. 26. 27. 28. 29. 30. 31. 32. 33. 34. 35. 36. 37. 38. 39. 40. 41. 42. 43. 44. 45. 46. 47. 48. 49. 50. 51. 52. 53. 54. 55. 56. 57. 58. 59. 60. 61. 62. 63. 64. 65. 66. 67. 68. 69. 70. 71. 72. 73. 74. 75. 76. 77. 78. 79. 80. 81. 82. 83. 84. 85. 86. 87. 88. 89. 90. 91. 92. 93. 94. 95. 96. 97. 98. 99. 100.</sup>

Hic PATRIOTTA, Credo, equidem, inquit, certasse  
 Doctores vestros inter se, dignitatem effereudo Pontificiæ,  
 & deprimendo Imperatoriam ac Regiam, uter eorum cras-  
 siore ne dicam an elegantiore adulationis lenocinio Papæ  
 curiæ fastum deliniret. Sed harum rerum nuda recitatio, ut  
 videtur, solida refutatio est. Tum VELBACELLVS, Dolui  
 semper, inquit, doleoque vehementer, vietam hanc planè &  
 exoletam Canonistarum sententiam, improbatam iamdiu: & à  
 bonis Catholicis reiectam, nunc denuò à tot & tantis inge-  
 nijs quasi postliminio reuocari, quorum princeps, & doctri-  
 na & loco Cardinalis Baronijs fuit, qui directam illam & or- <sup>Baron.</sup>  
 dinariam & inhærentem Papæ auctoritatem, qua, ut domi-  
 nus mundi in temporalibus Imperatores & Principes pro  
 arbitrio abdicare posset, præfractè obstinateque defenderet.  
 Cuius ceteras sanè multas non est opus attere rationes. Ex-  
 tant in libris, qui sunt in manibus; inde hauriant, siqui velint.

Exortus est ex altera parte Cardinalis Bellarminus, vir <sup>Bellarmin.</sup>  
 non minoris apud nostros nominis, nec minus bene de Ec-  
 clesia meritus, qui directum illud & ordinarium, & inhæ-  
 rentem Papæ dominium mundi in temporalibus, tanquam à  
 Christo relictum, ad eò solidis oppugnaret Scripturarum ar-  
 gumentis, ut ea quidem meo iudicio nec aduersarij, nec ipse  
 postea quamvis exquisitissimo distinctionum artificio posset  
 dissolvere. Sed ne parùm gratificari Pontifici videretur,  
 Quamuis, inquit, non est dominus omnium temporalium di-  
 rectè, nec habet inhærentem & ordinariam auctoritatem  
 ut est Papa, temporales Principes deponendi; tamen est do-

minus temporalium indirectè, in ordine ad spiritalia, vt lo-  
 quitur, & habet extraordinariam & accessoriam authorita-  
 tem, vt est summus Princeps spiritualis, regna mutandi, & vni-  
 uersum regendi, & alteri conferendi, si id fuerit ad animarum salu-  
 tem necessarium. Hoc est dicere, in ordine ad spiritalia.

Insurgit contra Caterius Doctor Patauius, homo acer &  
 vehemens; nec solum argumento pugnat, sed anathemate,  
 quo omnes aduersarios inuoluit, nulli pareit, ne Bellarmino  
 quidem. Quem ex composito refellendum toto libro susci-  
 piens, scripto, vt præfixit, aduersus impios politicos, & nostri  
 temporis hæreticos, nimis apertè pupugit Cardinales. Tan-  
 tum abest, vt possint de modo tantæ authoritatis à Christo  
 deriuandæ inter se conuenire.

HIC PATET OCTA, Præposterè mihi videntur, inquit,  
 Doctores vestri litigasse de modo deriuandi tantum authori-  
 tatem à Christo, cum de re ipsa nondum constet: & frustra  
 disputasse, virum Papa directè an indirectè tantum Impe-  
 rium acceperit, cum acceperit necne dubitetur. Sed facile  
 pascor illos inter se de modo dissidentes rem ipsam euertere:  
 vt in extinguenta turri Babylonica linguarum confusio rursus  
 incidisse videatur.

TUM VELBACELEVS, Lenius, inquit, obsecro, PA-  
 TRIOTTA: quanquam, vt ingenuè fatear, dum de modo  
 inter se tam acriter digladiantur, & opiniones suas mutuis  
 contradictionibus destruunt, pertenuè sanè Papæ videntur,  
 vel nullam potius, in temporalibus authoritatem reliquisse.  
 Nam Caterius, aut directam, inquit, & ordinariam Papæ, vt est  
 Papa, Reges deponendi authoritatem habet, aut nullam ha-  
 bet. Non habet directam & ordinariam, vt est Papa, as-  
 sumente Bellarmino. Habet igitur nullam, concludente Ca-  
 terio. Longum esset omnes adscribere rationes ex Scriptu-  
 ra deductas, quibus Bellarminus directam & ordinariam  
 Pontificis authoritatem penitus euerit; nec necessarium,  
 quia peti possunt ex quinto libro, quem edidit, vt illum in  
 hac causa nonnulli astute præuaticatum putent. Quam cum  
 palam non auderet attingere, ne Papam offenderet, clam  
 adis quæfreniculis oppugnavit, vt verum quoquomodo  
 posset

posset, exprimeret.

Nam mihi quidem indirectè videtur, vt ipſius vtar aduerbio, omnem abdicandi Principis poteſtatem Pontifici admiſſe. Nam ſi Papa vt eſt Papa, directè & ordinariè Princeps etiã iuſta de cauſa deponere non poſſit, vt inquit Bellarminus; & tamèn, vt eſt ſummus Princeps ſpiritualis, poſſit regna transferre, auferre vni, & conferre alteri, ſi id ſit ad ſalutem animarum neceſſarium, hoc eſt, indirectè, in ordine ad ſpiritualia, vò ipſe affirmat: quid aliud teſtè ſatèm inſignuat, quàm Papam habere nullam omnino deponendi Principis poteſtatem? S. enim Petrus nec tranſtulit, nec transferre potuit vllam poteſtatem, niſi ordinariam. Extraordinaria enim poteſtas non tranſit in ſucceſſorem. Præterea conſtat Papam non aliter eſſe ſummum Principem ſpiritualem, niſi vt eſt Papa. Ita quod facere non poſſit, vt Papa: nec facere poteſt, vt ſummus Princeps ſpiritualis.

Quod Carerius concludit contra Bellarminum, & præmiſit hoc ſumpto, Chriſti Vicarium propriè appellari Papam.

Aur non eſt igitur, inquit, Chriſti Vicarius, aut inferiores poteſtates deponit, vt Papa.

At non deponit vt Papa, teſte Bellarmino.

Non eſt igitur Chriſti Vicarius, concludente Carerio.

Ita Chriſti Vicario Bellarminus, ſi Carerio credimus, tam graue vulnus inſiſxit, quod nullis poſtea diſtinctionum ſuarum medicamentis ſanare poſſit. Et Carerius dum plumis illum ornat alienis, denudauit penè proprijs & ſuis. Quem dum dominum temporalium facere voluit, domitium ſpiritualium vix reliquit. Inſerea cum neutra poteſtas, vel directæ vel indirectæ, ſit quaſi res fidei formaliter publico Eccleſiæ iudicio adhuc definita, vt Alanus & Couarruias conſciuntur: cur Blackwellum meum SATVRNINVS miſellum apoſtatam vocaret, qui nunquam à Catholica fide defecerit, cauſa nulla fuit, niſi vt Blackwello acrius inſectando parti ſeſe contrariæ vendicaret.

Tum PATRIOTTA, Libenter, inquit, intueor Bellarminum & Carerium tanquam Cadmozos fratres, aut Madianitas mutuo Marte iugulatos. Sed multo libentiùs inuener

papam

Papam, quasi cornicem, furtiuus spoliatum pennis; aquilinis & columbinis, id est, Regatibus, & Episcopalibus ornamentis, quibus iamdiu superbus & terribilis incedit: sed causam hanc suam Deo relinquo; & temporibus. *Idem.*  
 -1. Ac Baronius quidem & Cacerius cum sua factione, Papæ crassius adulari videntur; Bellarminus autem Papæ quasi contradicendo, artificiosius assentari animum induxit, Regibus tantò periculosior inimicus; quantò occultior. Nisi quod sæpe obseruauerim ingeniosum senem seipsum compungentem suis acuminibus, easque texentem distinctiones, quibus etiam ea, quæ iam antè pertexuit, retexantur. O Penelopeam differendi solertiam! Veruntamen indirecè dum Régum coronas attingit, transferrique docet à Papa posse, dummodò id ad finem spirituales conducere iudicarit, non minorem malitiam prædit, sed maiorem astutiam.

Hic ARGENTINVS tandem, qui stultus ab initio, & cum SATURNINVM, tum etiam VELBACELLVM diligenter obseruasset: Mihi quidem, inquit, in hac causa cum restrictior iusto SATURNINVS videtur, tum VELBACELLVS solutior & remissior: quòd ille nimiam, hic nullam propè sanctissimo Patri Régis coercendi, cum est opus, auctoritatem reliquerit. Mediam igitur magnus iste doctor Ecclesiæ Bellarminus interposuit sententiam suam, qui cum infinitam illam ordinarij & inhærentis imperij potestatem infringeret, aliquam tamen in Papa extraordinariam & accessoriam auctoritatem retinuerit, ne Reges sine fræno, tanquam equi indomiti, lasciuerent; & eos sanctissimus Pater in gyrum religionis atque iustitiæ denuq; si semel euagari forte cõpissent, pio consilio primùm, & si illud planè reijcerent, moderata etiam castigatione reduceret. Quæ cum Regibus ipsis apprimè salutaris, tum subditis etiam utilis videri debet.

Tum CAROLVS REGIVS, Moderata ista Regum castigatio, quam dicis, ARGENTINE, est illorum eradicatione atque extirpatione, si Bellarminum rectè intelligas. Latent enim in eius aduerbijs quædam insidiæ, quas subditi non minus exitiosas sibi, quàm Reges experti sunt. Papam enim vestrum

vestrum, quem asinum Sathanæ quidam rectè vocauit, ista, quam dedit, extraordinaria & accessoria potestate frangentem Reges inducit ipsum frango indigentem, regna vertentem & euertentem pro arbitrio, auferentem vni, & alteri conferentem, si id ordine tendere ad finem spiritualem iudicarit. Quàm pijs autem consilijs semper vsus sit ad Reges non regno modò, sed vita etiam exuendos, inuidia vicinorum, factione subditorum, perfidia procerum, superstitione populorum, omnes historiarum declarant. Et hanc tu moderatam castigationem appellas? & Regibus salutare, subditis vtilem existimas? In qua cum multa sunt iniqua atque indigna, tum illud sanè iniquissimum atque indignissimum, quòd impias artes suas pia consilia vocent, & ordine ad spiritualem finem conducere pratendant. Et scrupulos conscientiarum, ac semina perfidiæ ita promiscuè serant in animis hominum, vt tanquam in eadem spica religionis simul ac rebellionis contraria grana nascantur. Ita fit, vt fides nunc Romana periculosissimam Regibus & subditis factionem pariat atque nutriet: quæ tantisper est humilis, vt vir prudentissimus obseruat, dum clauem est potentiarum consequuta. Nam cum omnis factio, quæ ex æstu cupiditatis erumpit, perniciofa est, tum est ista multò perniciosior, quæ ex scrupulo conscientiarum nascitur. Cum enim oritur ex cupiditate, similis est igni, qui stipulam corripuit, qui quamuis magnam primò statim flammam excitet, citò tamen consumptus extinguitur. Sed cum oritur ex conscientia, similis est igni, qui ferro concipitur, vimque suam, quam tardè acquisiuit, diu retinet, vt senator apprimè sapiens & nobilis scriptum reliquit.

Quare quod de fidelitatis iuramento dixit Bellarminus, noui ideo licitum esse, quòd aliquo modo temperatum & modificatum offeratur, id multò iustius de Papæ temporali dominio, vt est à Bellarmino modificatum & temperatum, licet iudicare. Scias igitur, ARGENTINE, eiusmodi modificationes nihil aliud esse, quàm Sathanæ dolos atque versutias, quibus Regum Maiestas vel apertè, vel obscurè petatur, quam Christus expressè mandatis suis communiuit. Vanos istos aduectorum prætextus esse decipulas, & stratagemata

Sathanæ, quibus sub specie religionis extremam animabus & corporibus vestris perniciem inferat. Sed quia non peræquè nobis credes ac vestris: & VELBACELLI partes præripere mihi iniquum est, exorandus est tibi, CALANDER, confessarius tuus, vt subtiles hæc, sed noxias, tortuosi huius ingenij technas ac præstigias enodet vobis atque explicet.

Tum CALANDER, Da hoc tuis Catholicis, inquit, VELBACELLIS, Da religioni catholicæ, quam à pseudocatholicis istis, vt vocas, assertionibus secerni necessarium est, ne Catholicorum conscientia inquinetur.

Hic VELBACELLVS, Faciam, inquit, id quod rogas, vt pro meo erga Regem officio, non inuitus, vt contra Papæ interdictum, non libenter. Vt erit, respondeo, vt conscientia satisfaciam, sincere, & religioni catholicæ accommodatè.

Ac miror sanè Bellarminum, doctum hominem & acutum, iuramentum fidelitatis cum iuramento primatus confudisse: sed doleo primatum ipsum Pontificis, quem in rebus spiritualibus atque Ecclesiasticis iure obtinet, dominio mundi in temporalibus & ciuilibus, quod assumpsit, adeo implicasse, vt iustum illius authoritatem in discrimen adduxerit. Adde quòd, cum directum Papæ dominium omnium temporalium solidis, vt dixi, rationibus euertisset, indirectum in ordine ad spiritualia, vt loquitur, adeo leuibus argumentis, & flacciscentibus viribus propugnauit, vt nulli illi planè præuaricatione sua, multorum iudicio reliquisse videatur. Quanquam alij secus sentiunt: & Regum coronas Papæ pedibus non ab eo minus, quàm à Baronio subiectas putent. Sed perindè erit, vt quisque acceperit. Non potest directè Regum coronas auferre. Quid tum? At indirectè potest. Non potest, vt Papa, ordinariè deponere Reges: at extraordinariè, vt summus Princeps spiritualis potest. Non habet inhaerentem authoritatem. At accessoriam habet. Scilicet. Quid interest, qua Reges authoritate deponantur, si deponi à Papa possint? Sed infamant, qui coronas Regum subiiciunt distinctionibus scholarium.

Hic SATVRNINVS, At quamuis, inquit, Doctorum catholico-



tholicorum distinctiones eludis, tamen Papam dominum omnium temporalium, quæ ad Romanum Episcopatum pertinent, non negabis. Angliam autem & Hiberniam esse partes patrimonij Petri, & Episcopatus Romani temporalia esse, liquet ex pacto inter Alexandrum 3. Pontificem Romanum, & Henricum 2. Angliæ Regem, inito anno 1171. qui cum esset absolutus à Papa propter eadem S. Thomæ, pactus est, neminem iure posse illam coronam accipere, nec haberi pro Rege, donec esset à supremo pastore nostrarum animarum confirmatus. Quod pactum anno 1210. renouatum est à Iohanne Rege Angliæ, qui id ipsum iuramento confirmauit Pandulpho Papæ legato, rogatu procerum & populi, ut rem maximè necessariam ad reipub. ab iniusta tyrannorum usurpatione conseruandam, aliaque incommoda vitanda, quæ iam antè sensissent, & in quæ rursus incidere facile possent Regis alicuius impij vitio. Si igitur honorariè & piè tributarium regnum Pontifici, quare disponere, quare refractarium & inobedientem Principem deponere nequit?

Tam VELLBACELLVS, Excusum, inquit, & ridiculum planè pactum inducis, ut Regem Angliæ facias Papæ tributarium, quod nunquam est factum; & si fuisset, successores tamen Angliæ Reges obligare nec potuit, nec debuit. Nam Roma nullum sanè vel iam potest, vel vnquam potuit tale donationem ostendere, ut Tho. Morus magnus sanè Catholicus arguit; & si posset, ne tanti quidem esset: non enim potuit vllus vnquam Rex Angliæ dare Angliam Papæ, vel Regnum facere tributarium, etiamsi voluisset. Quare supposititium illud pactum, & friuolum sanè commentum relinquamus: & redeamus ad causam. Nō est quæstio, SATVRNINE, de veris temporalibus patrimonij Petri, sed de veris temporalibus patrimonij Regum, quorum dominium siue directè, siue indirectè Pontifici Romano tribuitur, siue iure tribuitur vel diuino vel positiuo: non igitur temporalia Regum plus ad Papam, quàm temporalia Petri ad Reges pertinent. Et quilibet Rex Papam non minùs, quàm Papa Regem potest deponere. Et Imperator æquè dicendus est dominus omnium spiritualium, ac Papa dominus omnium temporalium

lium. Sed Deus ista distinxit, vt spiritualem modò gladium Papis, temporalem Regibus traderet: vt Bellarminus ipse visus est antea confiteri. Qui si sibi constare voluisset, nunquam certè Papas dominos temporalium posuisset indirectè in ordine ad spiritualia, eosque vt Reges eradicent & deponant, contraque depositos quiduis per ministros suos machinentur, vel subditos ipsorum, vel extraneos, vbi locus & occasio postulent, si id ad spiritualem finem putent conducere. Quasi eadem Regum spiritualem actionem putaret: quòd rectè aliquo modo cum distinctione potest dici, cruentis huiusmodi consilijs non Spiritum Dei, sed spiritum Sathanz præfidere. Qui si quo cœpit furorè progrediatur, & calamo viritalis, vt est Bellarminus, vtatur, (dicam liberè quod verè sentio) verendum est, ne sanguis petat sanguinem: & ne Reges Carolum quantum imitentur, qui, cum Clemens septimus insoleceret, Romam legionibus suis circumsepsit; & castellum S. Angeli non argumentis, sed bombardis verberauit.

Ita spiritualis  
est actio, sed  
diabolica.

Bellar. de.  
Rom. Pon.  
lib. 5. cap. 6.

Quid autem Cardinalis adverbio indirectè, alia, quæ æquipollent, velut interpretationis causa apposuerit, incidenter, & casualiter, &c. Quasi diceret, Quamuis Papa, vt est Papa, ordinariè non possit etiam iusta de causa deponere Principem, tamen vt est dominus temporalium, incidenter & casualiter potest mutare regna, & vni auferre, & alteri conferre, si non vt Princeps Ecclesiæ politicus, tamen vt summus Princeps spiritualis: insidias videtur Regibus facere prius, quòd certius de improviso opprimantur. Non habent latrones ordinariam potestatem spoliandi domos bene munitas: aut viatores expilandi bene comitatos, sed habent potestatem casualiter virumque faciendi: vt cum vel domos malè defensas, vel viatores inermes offenderint. Ita Papam negat habere potestatem ordinariam Reges deponendi atque eradicandi, sed accidentariam & casualem dicit habere, quæ videlicet vel suis, vel alienis viribus, vel occultis ministrorum suorum insidijs casu aliquo, cum Reges minimè suspicentur, & cum illos maximè infirmes & debiles senserit, nec opinantes possit extinguere. Quod quid est aliud quàm Papæ discipu-

discipulum Machiauelli facere, interdum leonem, interdum vulpem agentem, perniciem Regibus, quibus irascitur, vel vi, vel fraude molientem, vt casualiter possit consilia sua ad effectum perducere, & Reges, quasi prædam suam, deuorare? Quod sine dubio longissimè abest à mente sanctissimi Patris: sed ita nonnunquam accidit, vt improbi homines distinctionibus huiusmodi deprauati, Doctorum elenchis inuito Papa, ad perniciem Regum abutantur.

Vos igitur, CALANDER & ARGENTINE, me auctore, præstigiatricem istam & destructricem Theologiam ab animis atque conscientijs vestris repellitis: viam planam & regiam præscriptam à Christo & Apostolis, vobisque à PATRIOTTA paulò antè monstratam inibitis: deuios autem istos tramites, & periculosa vobis præcipitia relinquetis, vt saluis familijs, saluis conscientijs viuere morique possitis.

Tum PATRIOTTA, Vtinam, inquit, vtinam VEEBACELLE, totum iniquitatis mysterium intelligeres æquè, atque partem istam, qua de agitur, intelligis: ego tibi, tanquam Alterum obedientiæ fundamentis, praxis Christianorum, ac potissimum veterum Romanorum. feni Tobiz, oculos inungam. Et admonitus à te, viam illam obedientiæ præscriptam à Christo, Christianorum veterum, ac imprimis Pontificum Romanorum vestigijs consignatam demonstrabo, vt & exsoluam, quod promiserim, & quales maiores Episcopus Romanus melioribus sæculis habuerit, & quales deterioribus, appareat: qui tantum abfuerunt à dominio temporalium, vt dominium spiritualium non haberent; & qui nunc se Regum Dominos esse iactant, tunc sese Regum seruos agnoscerent, vt ex historijs vestris manifestum fiet.

At mihi quidem sæpenumerò memoriâ vetera repetenti, dubium videri solet, vtrum Romanus Episcopus pietate obedientiæque maiorum magis, an impietate ac rebellione creuerit; & vtrum priorum munificentia Caesarum magis, an posteriorum patientia tantam sit opulentiam ac potentiam consequutus. Nam cum illum primò & vrbis imperatricis antiqua nobilitas, & magna Apostolicæ sedis opinio, & triginta martyrum inuicta pietas illustrauit: tum postea Christianorum

stianorum Imperatorum summa gratia, & Episcoporum incorrupta fidelitas, & humilis obedientia tandem eoufque prouexit atque extulit, facile vt inter ceteros omnes Episcopos primatum ordinis obtineret. Ac primis saltem sexcentis annis in Episcopis virtutes cum virtutibus, patientiam cum obedientia, constantiam cum doctrina certantem cerne- res; vt vtrum zeli & martyrij gloria magis, an scientiæ & officij commendatione floruerint, planè nescires. Imperatorum in Episcopos, vt Ethnicorum capitale odium, ita Christianorum amor eximius: vt dubites vtrum pietatem Pontificiam magis illorum extrema crudelitas velut excoxerit & expurgarit, an horum profusa liberalitas deprauarit atque corruperit. Vnde cum celebre illud Tertulliani, Sanguis martyrum semen Ecclesiæ, tum & illud Augustini, Religio peperit diuitias, & filia deuorauit matrem, Quod non eò dictum existimo, quasi feruorem illum primitiuum quem persecutio excitauit, pax subsequuta statim extinxerit potius, quàm sensim refrigerarit. Nam vt trecentis annis Episcopi vsque ad Syluestrum Imperatoribus passiuam Ethnicis, sic & ante & post Bonifacium, quingentis actiuam præstiterunt obedientiam Christianis. Et cum vel hæreticus, vel apostata, vel tyrannus sedem imperij teneret; tamen ex doctrina Christi cum facere non possent quod Imperator iussit, patiebantur quod inflixit.

Exstant historiæ, quæ declarant Imperatores supremos Dominos etiam in rebus spiritualibus agnitos à Romanis Episcopis, & obsequio non coacto, sed voluntario, nec sinistato, sed sincera animi humilitate cultos atque obseruatos fuisse.

Euseb. lib. 1.  
cap. 5.

Augusti. lib.  
1. contra Par-  
me. episto.  
162. & alibi  
Reticio.  
Materno.  
Marino.

Meliades Episcopus Romanus Constantinum Magnum nonnè supremum suum Dominum in spiritualibus agnouit, eique humillima voluntate obediuit, cum causam Cæciliani & Donati de electione Episcopi, ab Imperatore non ipsi soli, sed alijs etiam collegis delegatam, cum alijs audiuit, vt mandauit Imperator, qui, cum à Meliadis sententia Donatus prius prouocasset, Arelatensi Concilio à se couocato rem omnem, excluso Meliade, denuò discutiendam commisit: à

quo

quo Concilio cum Donatus iterum prouocasset, quòd à Fœlice Cæcilianus ordinationem accepisset, causam Fœlicis retulit ad *Ælianum* ciuilem magistratum: cuius iudicio cum stare nolleret Donatus, causam omnem Imperator reuocauit ad seipsum, & terminauit. Longè absuit *Meltiades* à domino omnium temporalium, cum causam tantam Ecclesiasticam Imperator primum ei cum alijs collegis delegaret, & secundos iudices constitueret; postremò, causam omnem ad Maiestatem suam reuocaret, & per seipsum excluso *Meltiade* definiret.

*Damasus*, *Syricius*, *Anastasius*, *Theodosium* seniores non *Theodoret*. ne supremum suum Dominum agnouerunt, eique se demissimè subiecerunt, cum *Flauianum* apud imperatoriam Maiestatem grauitè ab illis accusatum, quòd sedem *Antiochenam* contrà Ecclesiæ canones inuasisset, Imperator tamen illis inuitis absolueret, iuberetque vt rediret in patriam, & gregem curæ suæ commissum pasceret? Imperatorem aut Regem, credo, tum vnus Romanus Episcopus potuit de folio deponere: cum tres vnum *Flauianum* Episcopum de Cathedra remouere non possent.

*Arcadium* *Theodosij* filium, opinor, supremum Dominum non agnouit *Innocentius*, cum Imperatori supplicaret, vt Concilium ad *Chrysostomi* causam examinandam conuocari iuberet: quem tamen in bona causa reiecit *Arrianus* Imperator, eiusque nuntios, vt perturbatores occidentalis Imperij cum probro dimisit, *Chrysostomum* longius amandauit, edictum publicauit, quo pœnam depriuationis inflixit Episcopis, qui fauerent *Innocentio* & *Chrysostomo*, nec communicarent *Attico* *Chrysostomi* suecessori. *Melior* tum omnino causa *Innocentij*: sed *Arcadij* maior autoritas. Non erat tum profectò nouum, vt Episcopi Romani in rebus Ecclesiasticis Imperatoribus supplicarent: tantum aberat, vt in ciuilibus imperarent.

*Theodosium* etiam iuniorem *Leo* Pontifex supplex rogauit, vt Concilium Episcoporum in Italia conuocari iuberet ad reprimendam *Eutychetis* hæresim: quem de loco non audiuit Imperator, sed Concilium *Epheci* conuocauit. Vbi cum *Dioscorus*

lib. 5. cap. 23.

Niceph. libro 13. cap. 3.

Leo. Episto. nona.

Episto. 24.

Dioscorus Episcopus Alexandrinus veritatem oppressisset, & Eutychetis hæresim confirmasset, & Flavianum Orthodoxum de Episcopatu Constantinopolitano deiecit: iterum Leo cum gemitibus & lachrimis Imperatorem est obtestatus, ut generale Concilium in Italia cogi mandaret: quod tamen Theodosius bono seni denegavit. Quod si tum Pontifex Cæsari imperare potuisset: quid opus fuisset supplicare? Si fuisset autoritas in Leone conuocandi Concilij: cur tam alta suspiria traxit? Cur tot lachrimas profudit, quibus ad eam rem Imperatoris clementiam commoueret? Quod in tanto fidei discrimine cum sibi negari videret, cur non statim rugire cœpit Leo, & excommunicatione terrere Imperatorem? eumque de solio deicere? Cur, si iure potuisset, non minis cum eo, non armis egit? Sed rem tum precibus nimium & lachrimis Romani Pontifices, non minis armisque tentarunt?

Epistol. 43.

Mortuo Theodosio Martianum, qui Chalcedonense Concilium coegerat, non minus demisse enixèque obsecrauit, ut Imperatorio decreto Ephesinum Concilium secundum antiquaret, & Chalcedonensi mandaret, ne à Nicena fide discederet. Magna quidem pietas Leonis, maior certè, quàm autoritas. Sed pietas tandem, quod rogauit, impetrauit. In quo non superior Leo, sed felicior, quod pietati Pontificis imperialis autoritas responderet.

Grego. lib. 2.  
epist. 61.

GREGORIUS magnus Mauritio Imperatori rem, ut ipse putabat, iniustam imponenti, humiliter quid sentiret exposuit, & tamen iussus edictum eius publicauit. Vtrobique igitur quæ debui, inquit, exolui, qui, & Imperatori obedientiam præbui, & pro Deo quod sensi, minimè tacui.

Lib. 5. episto.  
& orat. de basil. tradendis.

Imitatus est Ambrosium: credo, cuius est illud memorabile responsum ad Valentinianum iuniorem Arrianum Imperatorem iubentem, ut vnam Mediolani Ecclesiam daret Arrianis, quod ille, cum rem condemnaret, de loco dedit. Volens nunquàm, inquit, ius deseram, coactus repugnare non noui. Ita conscientiam Deo integram referuans, Imperatori obedientiam non negauit.

Similis uterque Azaria quem SATVRNINVS modò, ut bellicosum sacerdotem induxit, qui cū leprosum Oziam admonuisset



monuisset vt è templo & à societate hominum iuxta legem discederet, cum Rex minatus resisteret, Ego feci, inquit, officium, vltra progredi non possum.

Discat nunc modestiam Pontifex Romanus ab Episcopis & sacerdotibus antiquis, saltè à suis maioribus, imprimisque Gregorio suo. Qui Mauritium Imperatorè, à quo Iohannes Constantinopolitanus vniuersalis Episcopi titulum accepit, tamen serenissimum Dominum suum, seque seruum illius agnoscat, vt alij antea multi. Sed Gregorius Magnus semagis adhuc minuit atque abiicit, Quid sum ego, inquit, qui Domino meo loquor, nisi pulvis & vermis? (quantum absuit vermiculus iste à Leonibus deponendis?) quod non simulata, sed sincera animi humilitate est professus, seseque Domino subiecit non ex animi quadam humilitate, sed ex officij necessitate: nisi fortè dissimulatorem Gregorium libeat fingere colentem Imperatorem obsequio callido, non vero: aut ioco se potius, quam serio submittentem.

At postquam à Phoca Bonifacius successor Gregorij, vniuersalis Episcopi titulum impetrasset, Pontifices postea fortè obedientiam negarunt Imperatoribus.

Minimè. Nam Agatho cum Constantinus primus doctos & pios homines ex Occidente accerseret, qui cum Græcis in sexto generali Concilio de veritate religionis communicarent, rescripsit, Se ad serenissimum Dominum suum conseruos suos direxisse iuxta piissimum decretum Regiæ maiestatis, & obedientiam, quam debuimus. Nostri abiectione obedienter impleuit, quod à te est imperatum. Et in alia epistola, Omnes, inquit Aquilonis & Occidentis Episcopi serui Christiani imperij tui, pro religioso animo tuo Deo gratias agunt.

Immo verò ducentis post vniuersalem titulum annis, cum iam imperium è Græcia translatum in Germaniam, in CAROLI magni, qui Papæ magnas in Italia possessiones reliquisset, familia resideret, illius filio Ludouico, & nepoti Lothario, quam se obediensem Pontifex, atque humilem præbuit?

Leonis quarti Pontificis, ne cætera consecremur, celebris

Causa. 2.  
quæst. 7. cap.  
Nos si.

& nota submissio est, quam Ludouico & Lothario præstitit, Ludouico scribit Leo Pontifex, Nos si quicquam secus fecerimus, nec iuste cum illis egerimus, qui nobis subsunt, quicquid secus est factum iudicio Celsitudinis tuæ corrigemus, Excellentiam vestram obsecrantes, vt mittas eos, qui in timore Dei strictim examinent non modò res delatas, sed omnes actiones nostras maximas & minimas.

Hic habemus Imperatorem Papæ correctorem in maximis & minimis.

Ibid. cap. Pe-  
rus.

Sed erat, inquires, hæc nulla pars papalis officij, sed papalis humilitatis dispensatio. Certè ita ridiculè loquitur Gratianus, quasi ioco se per ludibrium Episcopus submisisset Imperatori, non seriò, & ex officio debito.

Distinct. 10. de  
capitulis Ca-  
roli, Ludoui-  
& Lotharij.

Num ioco se etiam postea Lothario, aut humilitate quadam voluntaria, non obseruantia necessaria submisit, cum se inuiolabiliter leges CAROLI, Ludouici, & Lotharij Ecclesiasticas obseruaturum promitteret, iuraretque non modò præsentem, sed futuram etiam obedientiam?

Erat tum Romanus Episcopus, vt vides, Imperatoris subditus & seruus. Imperatori humiliter supplicauit, vt Dominus: non superbè imperauit, vt seruo. Obediuit, non restitit. Nec Catholico solum, sed etiam hæretico, immò etiam Arriano. Personæ honorem detulit, non coronæ iniuriam intulit. Legibus obediuit, non contradixit. Et Canones Ecclesiasticos accepit ab illo, non dedit. Sacramentum obedientiæ ipse præstitit, non igitur alios ab obedientiæ sacramento liberauit. Erant tum non modò Imperatores, sed Imperatorum delegati Romanorum Pontificum iudices & correctores in maximis & minimis. Non igitur Pontifices tum Regum iudices & correctores extiterunt. Nondum erant domini spiritualium: nedum igitur temporalium, vt nunc à suis assentatoribus nuncupantur.

Tandem Imperatorem temporalibus, & Regum donis ditati & ornati, paulatim insolescere contra Dominos & patronos suos postea cœperunt: & diuisione Imperij, & discessu Imperatoris ex Italia, & Regum dissidijs, & subditorum perditione maxime creuerunt.

Gregorius

Gregorius septimus, primus, vt testatur Frisingensis, post annum à Christo millesimum sexagesimum, Henricum 4. Imperatorem excommunicationibus verberauit, & regno abdicare est aggressus: ad eamque rem subditos iuramento obedientiae soluit: cuius proximi successores eandem sunt amentiam imitati, qui, vt Hildebrandus Rodolphum primò, ita deinde Hermannum, post Ebertum seruos contra Dominum, postremò Conradum & Henricum filios contra patrem, omnes fidelitatis sacramento, hos etiam naturæ vinculo obligatos concitarunt: sed quo successu vestrae historiae declarant.

Nam author huius Tragediae Gregorius quadriennio post à populo suo relictus, Henrico in urbem recepto, vnanimi omnium consensu Papatu est abdicatus: & moriens, vt Sigebertus de eo scriptum inuenit, vno ex duodecim Cardinalibus quos præcipue dilexit, ad se accito, confessus est Deo, & D. Petro, & toti Ecclesiae, se in administratione muneris pastoralis sibi commissi grauissimè peccasse, & inflinctu Diaboli odia & bella inter homines commouisse, vt scribit Benno Cardinalis.

Sigebertus in  
anno 1084.  
Vesberg. in  
anno 1083.

In vita Gre-  
gorij septimi.

Non me præterit scriptores Italos odio Imperatoris, Papæ sui vitia quam maximo possent mentiendi artificio tegere ac dissimulare conatos. Quis credat Blondo, Fulgosio, Trithemio, cæterisque Scriptoribus suspectæ fidei, vel recentioris ætatis, qui post aliquot centenos annos nati sunt, quam ista facta sunt, vt vel propter gratiam & odium, vt Blondus, vel propter ignorantiam, vt Fulgosius & Trithemius Abbas, mentiri facile potuerint? quis, inquam, credat illis Hildebrando falsam laudem affingentibus, cum sui Abbates, & Cardinales non auriti modò sed oculati huius tragediæ testes, qui non blandiri hominum vitijs, sed Dei ordinationem defendere proposuerant, illum vera infamia notarint? & authorem rebellionis & perijurij scripserint à papatu esse deiectum? & Sathanæ commotum instinctu orbem conturbasse, vt ipse moriens confessus est? Et non miramur iam Pontificem cuius furorem imitatur, illius exitum non perhorrescere? qui nunc Tyronum contra Iacobum Regem

suum clementissimum concitat, vt ille Rodolphum contra Henricum Imperatorem concitauit.

Vrsberg.in  
anno 1080.

Sed Rodolphus etiam primus actor, cum dextram suam in acie abscissam videret, & iam animam ageret, suspirijs altè ductis circumstantibus Episcopis dixisse fertur, vt refert Vrsbergensis: Ecce hæc est illa dextera, qua Henrico supremo Domino fidem iuravi: & nunc vt videris, brachij sui truncum ostendēs, & regnum eius, & vitam præsentem relinquo. Cuius ego fortunam Tyrono precor perfidiosissimo perduelli: precor etiam pœnitentiam.

In anno 1080.

Scribit Sigebertus, Hildebrandum reuelatione, vt ipse dixit, è cœlo prædixisse, eodem anno, quo Rodolphus occisus est, falsi Regis mortem. Intellexit Henricum. Sed Henricus cum Saxonibus pugnans, victor redijt: & Rodolphus Rex falsus interiit. Si hæc fuit diuina reuelatio, vt Gregorius dixit, Deus, vt prædixit, sic puniuit falsum Regem Rodolphum, quem Gregorius contra Dominum exciuit: si non fuit reuelatio diuina, sed familiaritas dæmoniaca, cum spiritibus instituta; qualis erat Sanctus iste, quem prædicatis, qui societatem iniit cum dæmone, qui phreneticum humorem infernalis discipuli sui decepit & prodidit?

Hermanni etiam infidum caput saxo palam sceminea manu de turre proiecto contusum, cerebro protinus eliso & disperso, exercitum perfidiae signa sequentem conterrui & dissipauit.

Ecbertus è folio in pistrinum fugiens vt vitam seruaret, vitam amisit.

Conradus filius natu maior, regno paterno, quod prodidit, iure exheredatus miserè periit.

Henricus natu minor Pontificijs artibus instructus, vt sacramentum, quo se patri obstrinxerat, violaret, primò contra patre exercitum cõparauit. Et quum quorundã intercessione Nobilium, qui Solem orientem spectabant potius, quàm occidentem, res inter patrem & filium conuenisse videretur, filius patrem promissis, lachrimis, iuramentis induxit vt castellum ingrederetur, quo recepit vt Imperatorem, detinuit vt captiuum, dique optionem dedit, vt aut coronam, aut ca-

put

caput resignaret. O periurum atq; impium patricidam! d' sce-  
lerati magistri discipulum sceleratiorem!

Quem primus lapidem Gregorius septimus contra Hen-  
ricum quartum Imperatorem cum suo, vt pater, interitu mo-  
uere coepit: eundem alij postea Papæ contra alios Imperato-  
res & Reges voluere non destiterunt, interdum non meliore  
successu suo, non minore semper Ecclesiæ dedecore. Vt  
Adrianus quartus & Alexander tertius contra Fredericum  
primū, Honorius & Gregorius nonus: & Innocentius quar-  
tus contra Fredericum secundum, duos sanè prudentissimos,  
piissimos, & fortissimos Imperatores, ne alios nominemus.

Nam Adrianus quartus coitione facta cum Cardinali-  
bus, & Guilielmo Siciliæ Rege, cæterisque Nobilibus  
& vrbibus Italiæ, vt ex Italia Fredericum primum expel-  
lerent, primò excommunicationis fulmen emisit. Et cum  
Adrianum paulò post culex, vt fertur, bibentem suffocasset,  
Alexander tertius iisdem est Imperatorem vestigijs perse-  
quutus; sacerdotes suos emissarios è sinu suo apposuit, qui  
Cremam, Placentiam, Veronam, Mediolanum, Brixiam ad  
rebellionem sollicitarent: Guilielmum Siciliæ Regem ini-  
micum magis incendit, vt Fredericum oppugnaret: Henri-  
cum ducem Saxonie corrumpit, vt Dominum suum in cam-  
po desereret; Gallum, Anglum, Hispanum, Venetos ad eum  
vexandum, atque infestandum concitauit: hijs artibus, hijs  
machinis Imperatorem cum regno, tum vita etiam exuere  
conatus est. Sed Deus ita assistit Frederico; vt vrbes Italiæ  
rebelles ceperit, captasque diruerit, ducem proditorem è suo  
ducatu exterminarit, Papam è palatio expulerit, Venetiasq;  
sub habitu coci ad sanctum Marcum fugere compulerit.  
Quamuis ipse postea naturæ indulgentia motus, vt captiuum  
filium redimeret, seipsum ibidem Alexandri pedibus concu-  
tari passus est. Quam tam indignam iniuriam Imperatori non  
tam suæ probrosum pati, quam Pontifici facere.

Non est opus causas attingere, cur Papæ Imperatores duo  
os, Henricum 4. & Fredericum primum deponendos puta-  
rint. Cum nulla vel legitima potestas vel, iusta ratio Papis esse  
potuerit, nunquam Imperatores deponendi. Adrianus Papa

succensuit Frederico primo, quod suum nomen Imperator in suis literis Pontificis nomini præposuerit; quod Cardinales ab Ecclesijs visitationis simulatione spoliandis atque expiandis prohibuerit; hoc est, quod Pontificiæ ambitioni avaritiæque resistere. Vt Henricum quartum Gregorius septimus adortus est, quod donationem Episcopatum extortam Imperatori ad se transferret, ita Fredericum Adrianus, ut Episcoporum personas eximeret, quod nec beneficij, nec officij causa Principibus adhererent.

Platin. in  
Grego. nono.

Eiusmodi etiam causæ Honorium & Gregorium nonum, & Innocentium quartum inflammaverunt contra Fredericum secundum huius nepotem: cui Deus etiam indignissimè violato sic adfuit; ut Cardinales coniuratos, sicut erant meriti, tractarit, Papas & sacerdotes diuexarit, & Gregorium nonum tandem incluserit, eoque redegerit, ut non sine summo animi angore moreretur.

Caveat igitur Pontifex, ne si cum Principibus Gregorizet, Deus Principes excitet, qui cum Papis Henricizent atque Friderizent.

Coniura.  
Theobaldus,  
Franciscus,  
Guilielmus  
de San. Seuerino,  
Paudolphus,  
Cuspinia. in  
Frede. 2.

Nec Innocentius quartus ideò scelicior, quod nomine Ecclesiæ, potestate clauium, discordia Principum, socordia Episcoporum, superstitione populorum, tandem Fredericum secundum Imperio abdicarit, & duos alios in eius locum eligendos curarit. Nam nisi plus coniurationibus & venenis profecisset, quam electionibus: Fredericum nobilissimum Principem nunquam oppressisset. Sed tandem veneno, cum rediret Imperator in Apuliam, sublatum est. Ex quo cum conualescere videretur, à Manfredi spurio filio suo, ut iacuit in lecto, puluino est suffocatus.

Hæ sunt artes Paparum quibus Principes euerterint, & fastigium illud Papatus sui excitarint; excommunicationes, quibus velut hamis, regna ceperint, & tanquam virgis, Reges verberarint: rebelliones apertas, quibus Principes, ut pilas, pedibus suis deturbarint: coniurationes occultæ, quibus veluti retibus illaquearint atque implicarint, ut incautos tectis veneno tollerent.

Vt flabitio magna, quam dixi, relinquatur, utrum Romanus



nus Episcopus virtute atque obedientia maiorum magis, an perfidia & scelere creuerit, & superiorum beneficentia Caesarum, an posteriorum patientia tantum ad fastigium, quantum orbis ipse miratur, culmenque peruenerit.

Icci iam duo, quæ proposui, fundamenta obedientiæ erga Regem qualemcunque, & fidei subditorum suorum: vnum in perpetuo atque immutabili mandato Christi, alterum in perpetua praxi veterum Christianorum, ac potissimum Romanorum Pontificum, donec post octingentos annos ad minimum sæcularis ambitio pietatem & fidem paulatim extinxisset.

Hic SATVRNINVS, Vt omittam, inquit, cætera (ne disputatio nostra sit infinita) quæ de Romanis Pontificibus ex historia collegisti, illud vnum præterire non possum, quodd Gregorium septimum, quem tu quantum poteras deformasti, primum excommunicandi atque abdicandi Regis auctorem esse dixisti.

Nam & Léo tertius Imperator excommunicatus à Gregorio secundo fuit, & omnibus, quæ tenuit in Italia, temporalibus planè priuatus. Et à Leone tertio Pontifice Romano propter religionis defectum, & defensionem Ecclesiæ desertam, Græci Imperatores dimissi, & Imperium ad Germanos translatum est. Nam quis nescit Childericum Regem Galliæ à Zacharia primo Papa depositum fuisse, tanquam inntilem & stultum, & Pipinum in eius locum surrogatum? Vt in iure nostro perspicuum est: & scribit Platina, eius autoritate Regnum Franciæ Pipino adiudicatum. Et Frisingensis, quem tu auctorem sequeris, Pipinum per Papam Stephanum absolutum scribit à fidelitatis sacramento, quod Childericho dedisset, aliosque Nobiles Franciæ; & Rege detonso ac in monasterium detruso, Pipinum Regem inunctum fuisse. Immo verò Gregorius magnus, quem tu modo quasi vermem respectu Imperatoris esse dixisti, id ipsum quo de agimus, quatuor ante Gregorium septimum sæculis in actum eduxit. Nam in formâ priuilegij concessi monasterio sancti Medardi ita decernit: Siquis Regum, Antistitem, Iudicum, vel quarumcunque personarum sæcularium, huius Apostolicæ auctoritatis

Causa 15.  
quæst. 6. alius.  
Platin. in Zac.  
prime.  
Frising. lib.  
5. cap. 22.

In fine libri  
12. Epil

thoritatis & nostræ præceptionis decreta violauerit, cuiuscunque dignitatis vel sublimitatis sit, honore suo priuetur.

Auenti. lib. 4.  
Annal. Boior.

Author 3. cõ-  
uersionum  
Angli. partis  
2. cap. 7.

Quare quòd Gregorium septimum virum, sanctissimum ita laceratis mortuum, quòd primus, vt dicitis, Henricum quartum Imperatorem deponere voluerit, virum stupris, amoribus, impudicitiz & adulterij flagrantem infamia, id quod ne amici quidem negant, vt scribit Auentinus: certè cum summam hæreticorum prodit inscitiam, tum malitiam singularem. Ac, ne multa conquiram, quibus illorum historia temporum Gregorij laudem & gloriam illustrauit, forma electionis ipsius, vt est à Platina, Sabellico, alijsque scriptoribus expressa, qualis fuerit, ostendit. Elegimus hodie 21. Maij, anno Domini millesi. septuages. secundo, in vesu Christi vicarium Hildebrandum Archidiaconum, virum multæ doctrinæ, magnæ pietatis, prudentiæ, iustitiæ, constantiæ, religionis, &c. Extat Lamberti Schafnabergenensis laudatio: in qua scribit, signis & prodigijs, quæ per orationes Gregorij Papæ frequentius fiebant, & zelo feruentissimo pro Deo & Ecclesiasticis legibus, satis eum contra venenatas detractorum linguas communitum.

Maria. Scot.  
in chro. ann.  
1075.

Quid autem iidem authores, immò ipsi etiam Germani de Imperatore suo scribant, Gregorij inimico, adultero, simoniacò, & vitijs omnibus infami, quid attinet dicere? Marianus Scotus testis est, Gregorium septimum iustis Catholicorum hominum clamoribus excitatum, qui contra immanitatem impietatis Henrici quarti vociferati sunt: propter eandem excommunicasse Imperatorem, sed potissimum propter peccatum simoniæ in emendis ac vendendis Episcopatibus. Et hoc Papæ factum bonis Catholicis maximè placuisse: displicuisse autem illis, qui emere & vendere beneficia voluerunt, & Imperatoris fautores extiterunt.

Possem idem pro Adriano 4. & Alexandro tertio contra Fredericum primum, & pro Honorio, & Gregorio nono, & Innocentio 3. contra Fredericum secundum dicere: nisi quòd memor sum, vt nos antè monuisti, quæstionem inter nos non de qualitate personæ, sed de potestatis iure esse in-

struam

stitutam. Possem etiam, nisi longum esset, ostendere, Romanos Pontifices etiam illos ipsos, quorum humilitatem atque obedientiam celebraſti, non illam iuris sui præiudicio, sed potentiz defectu Imperatoribus hæreticis & tyrannis præstitisse. Possem etiam cum Concilia nationalia, tum etiã Parliamenta proferre, quæ necessariam & iustam horum, quos nominasti Imperatorem aliorumque etiam Regum suorum correctionem ac depositionem per censuras Pontificias semper comprobarunt.

Tum CAROLVS REGIVS, Scitum est, inquit, (vt dixit orator) causam conferre in tempus, cum asserre plura, aut meliora, etiam si velis, non queas.

Verum vt breuiter ad obiecta respondeam, quòd Leonem tertium Imperatorem à Gregorio 2. omnibus, quæ tenuit in Italia, temporalibus priuatum affirmas fuisse: certè, si rimemur historiam, quamuis Italorum defectio à Leone imperatore Constantinopolitano videri possit actio Gregorij secundi, vt historici testantur: propterea quòd fuit è re Pontificis, Imperatoris in Italia præcipuè pennas incidi: tamen id nihil ad causam præsentem pertinet. Non enim id egit Pontifex, vt minister excommunicationis, sed vt caput perduellionis: nec vt Episcopus sine cæteris, sed vt rebellis cum cæteris: non sua vniuersali authoritate, quam nunc argo, sed seditione populari.

At imperium translatum est à Græcis per Leonem tertium Pontificem ad Germanos. Minimè. Non Papæ clauibus, sed populi Romani decreto, vt vestri testantur historici, translatum imperium est; nec religionis causa, sed ciuilis iustitiæ respectu. Nã Romani qui ab Imperatore Constantinopolitano iamdiu animo descuerant, vt qui se neglectos à Græcis, & Lombardorum incurſione expositos viderent, accepta occasionis opportunitate, quia mulier amens, id est, Irene, Constantinij sexti Imperatoris mater filio suo oculis eruiſſet, & coronam abstulisset, vno omnium consensu Carolo Regi imperatorias laudes acclamant, eumque per manus Leonis Papæ coronant, Cæsarem & Augustum appellant.

Zonaras An.  
nal. Tom. 3.  
in imper. Leo.  
Isauri.

Vrsberg. in  
anno. 718.  
Sigeber in an  
no 731.  
Blond. deca.  
2. lib. 1.  
Sabell. Enne.  
8. lib. 8.  
Auentinus  
Annal. lib. 4.  
fol. 344. & Si  
gebertus in  
anno 801.

E c

Neque

Sabell. Enne.  
3. lib. 8.

Neque verò Pontifex Childericum antea Gallia Regem deposuit, sed Proceribus regni & populo deponentibus consensit, qui Pipini virtutem amplexi, pertasque Regis amantiam, Zacharia Pontifice prius consulto, Regis appellatione Childerico adempta, vt spes etiam regni adimeretur, in clementiam detonderent, Pipinum Regem creant. Non igitur à Papæ cōsistorio, sed Nobilium & populi iudicio & consensu regno est abdicatus, quòd regno esset inutilis, vt ipse obseruabas: quàm iustè non disputo, tantum ostendo non excommunicatione Pontificis, qui tantam rem certè nunquam efficere potuisset, sed coitione Nobilium & populi regno esse depulsum, & Pipinum eiusque stirpem in illius locum surrogatam.

Nam quòd Gregorium Magnum depositionem Regis in actum eduxisse contendis, erat id sanè peridiculum. Quæro enim cuius Regis? Excipis, ab eo tantò antè depositum, quicumque vllò tempore illius priuilegium vsque ad mundi finem infringeret. Ergo deposuit Reges non solum antequàm coronati, sed antequàm nati sunt. Sed propositio quam defendis, non magis falsa est, quàm ratio, quam adiungis, est friuola. Quicumque Rex priuilegium monasterij S. Medardi violauerit, honore suo priuetur. Vtrum hæc depriuatio Regis, an imprecatio est? Adde, quod omisisti, Et cum Iuda traditore Domini in inferno inferiori damnetur. Si habet Pontifex potestatem ex hoc loco Regem deponendi, habet igitur damnandi. Non habet damnandi potestatem. Non habet igitur deponendi. *Satin' sanus es*, qui votum pro iudicio, formam imprecationis pro sententia depriuationis, maledictionem præcedentem pro subsequente ultione accepisti?

At Gregorium septimum delicias vestras nunquam desinitis ornare. Meritò id quidem, quòd se non modò perduellum, quales vos estis ipsi, qualesque alios efficere cupitis, sed perduellionis ducem & signiferum præbuit, vt sacerdotum promoueret gloriam ex diminutione laicorum.

Nam illæ laudes quas Gregorio, & illa probra quæ Henrico tribunt homines vestri, nihil causam, vel vestram adiuuant, vel nostram lædunt: sed miror bonum istum, vt refers, Archidiaconum tam citò malum euasisse Episcopum, vt illum

lum vniuersi penè Teutonici Episcopi in WORMATIENSI synodo congregati magnorum periuriorum, nouorum abusuum, & multiplicium vitæ probrorum condemnarint. At Itali absoluerunt. Minimè. Nam illi Brixiz congregati triginta, post acceptos legatos, & literas nouemdecim Episcoporum, qui Moguntiz cum Nobilibus Italiz Germanizque conuenerant, publicè testati sunt, Gregorium impudentissimè seipsum intrusisse in sedem Apostolicam fraude & pecunia; peruertisse Ecclesiasticum ordinem, Christiani imperij regimen disturbasse, interitum corporis atque animæ Catholicæ sui & pacati Regis molitum esse, periurum contrà ipsum defendisse. Nec eo contenti tandem adiudicarunt Hildebrandum personam impudentissimam, anhelantem sacri-legia & rapinas, propugnantem periuria & homicidia, vocantem in dubium Catholicam & Apostolicam fidem de corpore & sanguine Christi, veterem hæretici Berengarij discipulum, obseruatorem somniorum & diuinationum manifestum.

Vrsberg. in  
anno 1076.

1080.

Ideoquè lapsum à vera fide canonicè deponendum, & ex Pontificatu suo expellendum. At isti factiosi fauerunt Imperatori contrà Pontificem. Quid illi, qui fauerunt Pontifici contrà Imperatorem? At Lambertus Schafnaburgensis laudat hominem. At idem ipse Lambertus, cum legatus Pontificis reconciliationem Imperatoris, & submissionē Canusij datam nuntiaffet, refert fremere omnes (Italos) ac sæuire verbis ac manibus cœpisse, & Apostolicæ legationi irrisorijs exclamationibus obstrepere, conuitia & maledicta utcunque turpissima furor suggestisset, irrogare, se excommunicationem illius nihili æstimare, quem ipsum omnes Italiz Episcopi iustis de causis iam pridem excommunicassent, qui sedem Apostolicam per simoniacam hæresim occupasset, homicidijs cruentasset, adulterijs alijsque capitalibus criminibus polluisset, Regem secus ac deceat egisse, crimenque gloriæ suæ intulisse nunquam abolendum, quòd homini hæretico & probris omnibus infamato Maiestatem Regiam submiserit. Interea nos non excusamus vitia Principis, sed ius defendimus: nec vitam Papæ accusamus, damnatam à suis, sed factum expendimus:

Lambert. in  
anno 1077.

dimus: id obseruamus, si verum fuerit, Simoniacum & adulterum fuisse Imperatorem, vt scribit Marianus Scotus, malè fuisse à Simoniaeo & adultero Papa, vt Germani & Itali testantur, abdicatum.

Non me fugit Fredericum primum & secundum eodem modo quo Henricum quartum, acerbè traduci à Paparum assentatoribus, & deformari: quemadmodum etiam Ludouicus quartus Imperator à Papa Iohanne viges. secundo: & Philippus quartus, Pulcher cognominatus, Gallorum Rex, à Papa Bonifacio octauo: & Henricus secundus Angliæ Rex ab Alexandro tertio: & Iohannes Angliæ Rex ab Innocentio, excommunicati semel adulatorio scriptorum Romanensium stylo confixi & iugulati sunt. Vt minimè mirandum sit ab illis hæreticos, sicut à vobis falsò iudicantur, Principes huius memoriæ nostros, Henricum octauum, Edwardum sextum, Elizabetham, & Iacobum I. tam indignè tractari, qui tum in media Papismi nocte catholicos suos Principes tam crudeliter diuexarint.

Verumenimuerò, vt non modò Angli, quorū fidelitatem ergà suos Principes, conductà quædam Papæ mancipia libris Anglicè scriptis corrumpere conantur, sed vt Germani, Galli, Hispani, Itali, ex publicis suis monumentis fidem maiorum suorum erga suos Imperatores & Principes, etiam tum cum Pontifices aduersus illos terribilitèr fulminarent; necum si placet, recognoscant, & recognitam in tanta Evangelij luce tantò magis imitentur: audite, audite, quæso, non quid pauci Lutherani aut Caluinistæ, sed quid Catholici penè innumerabiles harum gentium in synodis, in Parliamentis pro Regibus suis contra Papæ tyrannidem sæpe decreuerint: qui certè Scriptores siue veteres, siue recentes, numero paucos, mercede corruptos autoritate facilè superabunt.

Accepistis antè quid Germani & Itali sui contrà Gregorium septimum, & Episcopi, & Nobiles pro Imperatore suo Henrico quarto publicè sanxerint. Accipite nunc quid pro Frederico secundo primum contrà Innocentium quartum, deinde pro Ludouico contrà Iohannem vigesimum secundum



dum Germani publicè fecerint, ac deinceps de cæteris,

Germani Episcopi primum, cum ab Alberto legato Innocentij mandatum acceperint, ut bullam excommunicationis contra Fredericum publicarent, omnes recusarunt. Abbates iussi, ut anathemate Episcopos recusantes obstringerent, neglexerunt. Clerus accepto mandato, ut novos Episcopos: Monachi ut alios Abbates eligerent, si in hoc contemptu persisterent; nouitatem exempli vehementer admirati indignari & fremere cœperunt: & papalis nuntij temeritatem detestari: immò etiam Papam ipsum grauius accusare, quòd tam nouam & pudendam suscepisset actionem contra omne ius & æquum, & totam Germaniam tumultibus impleisset.

Rauerium Gallum alium in eadem causâ nuntium ab Innocentio missum, cum Sigefrido Episcopo Rentzburgensi bullam contra Principem tradidisset, quemadmodum exceperunt? Omnes impudentiam hominis deriserunt, & contemptim interrogarunt, quid leuis & superstitiosus ille Gallus, quid Romanus ipse Pontifex ageret in Germania sine consensu Germanorum Episcoporum collegarum suorum. Indignati discordias feri, opprimi libertatem Christianorum, gregem redemptum Christi sanguine per pseudopastores adductum in seruitutem: & cum Albertus non desisteret, Episcopi Germani non modò legati mandata contempserunt, sed in omnibus Ecclesijs hominem ut inimicum Christianæ concordie & Archihæreticum anathemate confixerunt: quouis Turca, Saraceno, Tartario, Iudæo peiorem decreuerunt: Romanum etiam Episcopum palàm condemnarunt, res inter Christianos huiusmodi molientem, quæ contra rationem, contra ius gentium essent, contra doctrinam Christi, quæ ne inter scæuissimos quidem Tartaros fieri consueuerunt.

Et sicut Episcopi, sic Nobiles Germaniæ tantam iniuriam Imperatori Domino suo factam à Papa indignissimè tulerunt: ad eamque refutandam omnes ordines conuenerunt, in quibus Eberhardus Archiepiscopus Saltsburgensis, pijsimus senex, cum decem nouisset Romanos Episcopos, & eorum

rum artes ac ingenia diligentèr obseruasset sub Frederico primo, Henrico sexto filio, & Frederico secundo nepote, per annos quinquaginta, summum Episcopum ex avaritia, luxuria, contentione, bellis, discordijs, & cupiditate regnandi totum planè compositum, rapacem lupum sub chlamyde pastoris ita membratim delineauit, ita depinxit ad viuum, vt eum, quamuis de cætero non fuerit Lutheranus, in hoc vno pænè Lutherum diceret. Extat apud Auentinum. Catholicum scriptorem Catholici Patris oratio: inde petant, si qui uolent.

Aenot. Annal.  
lib. 7. fol. 683.

Quod Episcopi Nobilesq; Germaniæ cum populo suo contrà Innocentium quartum in causa Frederici Imperatoris sui communi consilio fecerunt: idem contrà Iohannem vigesimum secundum in consimili causa Ludouici quarti Imperatoris fecisse memorantur, vt quamuis à fidelitatis sacramento prohibiti, fidelitatis tamen sacramentum sumerent Ludouico etiam abdicato, idq; ex communi legis vtriusque Doctorum omnium sententia.

Philippus Pulcher Franciæ Rex generali Concilio & consensu Nobilium & Episcoporum, non mòdò iniustam Papæ sententiam depriuationis emissam contrà se despexit atque contempsit, sed regnum vniuersum ab obedientia Papæ abduxit, & vt illius superbiam domaret, Papam cepit, & captum tenuit, vt intra sex septimanas cum summo etiam animæ mœrore moreretur. Nota est Pragmatica sanctio, quæ antiquitus Paparum auctoritatem infregit: & hanc papalem potestatem Reges excômmunicandi, & subditos absoluendi ab obedientiæ sacramento omnes canones Ecclesiæ Gallicæ, (illius partis quæ papalem religionem amplectitur) omnia decreta Parlamenti Regij ita conuellunt, vt ipsum corpus Sorbonæ, totaq; Vniuersitas Parisiensis velut schismaticam & perniciosam doctrinam Iesuitarum condemnarit.

Tractat. in-  
script. le franc  
discours, ann.  
1602.

Neque solùm Henricus octauus, Edwardus sextus, & Elizabetha Regina, quos Caluinistas & hæreticos vocatis, legibus suis vsurpatam istam Pontificis auctoritatem expulerunt, eiusque ministros morte mulctarunt: sed alij Reges

get Angliæ, qui in media Papismi nocte regnarunt, papales censuras contemnendas, & earum ministros legibus coercendos putarunt.

Lex Edwardi tertij num à Calvinistis lata videtur, quæ perduellionem facit, machinari & concipere mortem Regis, bellum contrà Regem in ipsius regno mouere, aut Regis hostibus in ipsius regno adhærere, aut auxilium, aut solatium præbere intra regnum, vel alibi? 25 Edward. 3.

Videtisne vtriusque ducentis annis ante natam Elizabetham prodicionem sacerdotalem religionis habitu inuolutam, Statutū Edwardi tertij singulis membris, quasi viscosis furculis, captam tenuerit atque implicatam?

Si machinari mortem Regis perduellio est, Ergò Grenwayus & cæteri Iesuitæ, qui consilium inierunt destruendi Regis & regni, perduelles fuissent ex lege Edwardi tertij, etiamsi legem Elizabetha Regina nullam tulisset.

Si bellum contrà Regem in ipsius regno mouere perduellio tum fuit: fuerunt igitur sacerdotes perduelles, qui Catholicos animarunt, vt arma caperent, seque cum Catsbeo & Percio in rebellionem coniungerent.

Si adhærere Regis hosti in regno perduellio tum fuit, quæ potestis, Iesuitæ, aciem Edwardianæ legis effugere, qui seditionis instrumenta, sub religionis specie Papæ capitali Regis hosti adhæretis?

Si Regis hostes iuare atque animare vel intrà regnum, vel alibi, perduellio tum fuit: certè qui iam quocunque religionis prætextu vel externos Reges sollicitant, vt regnum inuadant, vt Garnettus, Baldwinus, Creswellus, alijque fecerunt: vel qui populo persuadent, vt arma capiant ad Principem deponendum, id quod Grenwellus, Hallus, alijque susceperunt; fuere perduelles, quamuis Elizabetha cum suis Calvinistis nihil contrà eos lege sanxisset.

At Papam, inquires, Edwardi tertij lex nominatim non attingit. Certè. Sed cum nobilissimus Rex meminisset Regem Galliæ à Papa contra Iohannem Angliæ Regem excitatum, qui censuras papales contempsisset: subditos contrà Regem inflammatos, Nobiles & Episcopos sua sponte abalienatos, primò

primò papalis ministros iniuriæ extitisse: quò sibi postea subditorum suorum fidem confirmaret contrà Gallos, Hispanos, Romanos, aut alios quoscunque, per quos sibi regnoque suo periculum creari posse prospiceret, vt Papæ nominatim notandi inuidiam declinaret, legem vniuersalem tulit cum consensu Episcoporum, Nobilium, & populi sine vlla exceptione vel personæ, vel causæ cuiuscunque, qua proditorem fecit, quicunque Regis hosti in regno suo adhæsisset, vel iuisset, vel animasset in regno suo vel alibi quemcunque, qui bellum contrà Regem moueret, generali verbo Papam Papæque emissarios includens non minùs, quàm si illum nominatim attigisset.

At decimo sexto Richardi secundi, Prælati, Duces, Comites, Barones, totusque populus Anglicanus, clerici ac laici Pontificem Romanum nominarunt, cum se associationis fœdere contrà Papam pro Rege iunxerunt, vt còtrà papales citationes, suspensiones, excommunicationes & censuras, coronam Angliæ, quam semper liberam, & nulli reipub. subiectam, sed immediatè subiectam Deo, nec Romano Pontifici nominatim subditam esse dixerunt, ad mortem vsque defenderent: Regique in causis omnibus à Romano Pontifice susceptis contrà Regem, eiusque coronam & dignitatem, adiungerent sese contra Papam, vt cum Rege viuerent atque morerentur. Hic amor, hæc fidelitas antiqua populi totius Anglicani ergà Regem suum contrà Papam nominatim: tantum aberat, vt illum à Pontifice deponi sinerent.

Iam Hispani quanto studio perfidiam subditorum erga Regem quocunque religionis prætextu aut colore velatam detestati sint, declarant illa multa Toletana Concilia in libro, qui Apologia pro iuramento fidelitatis inscribitur, allegata: quibus videntur vestram illam æquiocationem perfrinxisse, quam in multis obseruauerant, vt ore simularent iuramenti professionem, dum mente retinerent perfidiæ impietatem.

Videtisne vt in cimmerijs illis papismi tenebris veram tamen fidelitatis erga Reges suos lucem & flammam retinuerint contra Papas nobiles istæ nationes, Itali, Germani, Galli, Angli,

Concil. Tolet.  
4. can. 75.

Angli, Hispani? Nec in hac causa vel Episcopi à Nobilibus, vel Nobiles ab Episcopis dissenserint: sed laici cum clericis, clerici cum laicis, Concilia cum Parliamentis planè consenserint, vt contrà censuras Pontificias dignitatem Regiam, & subditorum obedientiam & concordiam tuerentur? Vbi iam horum est antiqua Nobilitas, virtusque populorum? Vbi illa magnanimitas Italarum, Gallorum, Germanorum, Hispanorū? Quando nos alterum Fredericum secundum, aut Philippum Pulchrum videbimus, qui Pontificiam insolentiam in Germania, & in Gallia coercebunt? Quando nobilissimæ nationes istæ tales Catholicos Episcopos parient, qui coronas Regum suorum, & cōscientias populorum à Pontificia tyrannide vindicabunt? Habent Angliam, Scotiam, aliasque illustrissimas gentes sibi in hac causa præeuntes: At istas schismaticas appellatis, quemadmodum & illos antiquos, quos antea commemoravi, schismatis insimularis. Ergò tum omnes gentes schismaticæ, Italæ, Germanæ, Gallæ, Anglæ, Hispanæ, quæ communi cōsilio Pontifici restiterunt. Verùm videte, si credatis Abbati vestro Sigeberto, ne difficilius vobis sit, à Pontifice qui sic contrà Reges inolescit, abstergere notam hæreseos, quàm populis ad eò Catholicis, qui tum Reges suos contrà Papas defenderunt, schismatis labem aspergere. Sed ex ijs, quæ diximus, satis apparet, SATVRNINE, quam sit illud planè falsum, quod est à te suprà dictum, Concilia & Parliamenra tum nationalia semper comprobasse Regum suorum depositionem per censuras Pontificias, quarum insolentiam, crudelitatem, perfidiam, ergà Reges suos, vt vides, publicè condemnarint. Sic profectò se res habet: nunquā destruxit gratia naturā aut extinxit diuinitas humanitatē nunquā transfixit ciuile iustitiam, sed transformauit fides, aut sustulit humanum affectum, sed plus quàm humanum fecit. Qui cū sanctus ergà parentes corporum: quantò sanctior ergà patriam patriæque parentes esse debet? Est enim patriæ charitas Regumque nostrorum reuerentia, non præcepta nobis à magistro, sed à natura penitus innata atque insita: quam qui religionis prætextu imminuere atque eradicare conetur, is auctori naturæ Deo se opponens, non Pastor, sed

Impositor, nec sanctus Pater, sed crudelis carnifex animarum & corporum censei debet. Vos autem, perinde ac religio Catholica civilem honestatem ex hominum animis, delere deberet; zelusque papisticus omnem naturalem affectum extinguere: ita Pontificis vestri gloriam Principum nostrorum sanguine, & synagoga vestra magnitudinem in patriæ ruinis, ac parietinis extruendam putatis. Quod si Reges Catholici regales maiorum suorum spiritus retinerent, non audacius sine mandato Dei dominari cuperent superbi pontifices, quàm id illi gladio Dei prohiberent. Et exemplo Protestantium Regum clarissimorum non modò noxia samenta quædam huius iniusta & exoticæ potestatis circumciderent atque amputarent, sed pestiferam stirpem, ac radicem ipsam è regnis suis exciderent funditus atque euellerent vniuersam. Fons autem omnis mali est spiritualis ille primatus, quo se caput Ecclesiæ visibilis iactat, vicarium Christi, iudicem & patrem Regum, vniuersalem, Episcopum Episcoporum: ad quæ origo omnis spiritualis iurisdictionis à Christo immediatè descendit scilicet, ad alios omnes Episcopos ab ipso mediatè deriuandæ: quod maiorine Regum an Episcoporum iniuria fiat, satis constituere non possum. Verùm hunc spirituale primatû; vnde excommunicationis illius, de qua tam multa dicta sunt, & Regum depositionis, & absolutionis subditorum ab obedientia, vis tota ac natura pendet, PATRIOTTA conuelleret in Symbolo; in quo primum papismi caput petet, corpus deinde conficiet. Pragmaticum Antichristum in scena vidimus: hunc Dogmaticum in Cathedra audiemus.

**DOGMA**



29



# DOGMATICVS ANTICHRISTVS,

*Sine.*

SYMBOLVM PAPÆ,

*Vel*

PASTOR REGNANS.

*Dialogi liber secundus.*



Ostquam Iacobus serenissimus magnæ Britannia Rex duobus Breuibus Pontificijs, & Bellarmini epistolæ pro iuramento fidelitatis respondisset: Matthæus quidam Tortus, sub cuius larua latuit Bellarminus, cum alibi multos blasphemos in Deum, tum duos illos contumeliosos in Principem, insolentes quidem certè & cruentos articulos, vnum de primitiua dignitate, alterum de priuatiua potestate Pontificis, ex nouo Papæ Symbolo desumptos, quantum potuit, exaggerauit, conflato ex duodecim nouis articulis Romanæ catholicæ fidei latiùs sumptæ, annexo Tridentinæ Synodo, vt in Bulla Pij quarti super iuramento professionis Orthodoxæ fidei proponitur. Quod in duo ferè membra diduci potest; vnum, quo fides Christianorum in Deum; alterum, quo fidelitas erga Principem corrupta est. Ex illo superstitionis & idololatriæ, ex hoc perduellionis & seditionis articuli. Sic inde mali Christiani, hinc mali ciues facti sunt, vt difficile dictu sit, vtrum Ecclesiam illi magis, an hij rempub. perturbarint. Vnde occasionem sumpsit Leonellus Sharpus Theologus Anglus explicandi totum Symbolum Pontificium, & dialogismo illustrandi. Nam cum doctissimus Episcopus Cicestriensis contrà Tortum, vel laruatum potius Cardinalem, liquidò demonstrasset, editum fuisse

Ff 2

symbolum

ANNO 44.

symbolum Apostolicum, cui Iacobus Apostolus illum articulum de Christo ante martyrium suum contulisse dicitur, prius quàm Apostoli Hierosolyma discessissent: ideòque prius quàm D. Petrus Romam venisset, vel Baronio teste: atque inde necessariò conclusisset, prius completam fidem Catholicam, quàm inchoatam sedem Apostolicam: ex eo ferunt nobilissimo CALANDRO, Papiſtæ moderato atque honesto, scrupulum iniectum, non modò de primatu Petri, & illa annexa primatui destructiua potestate, sed de tota fide Romano-catholica, quam symbolo tantum Pontificio, non Apostolico, Niceno, aut Constantinopolitano contineri videret.

2. Pet. 1.

Ephes. 2. 10.

1. Tim. 3.

Iaque cum superiores illi viri doctissimi vnà cum GVILIELMO ARGENTINO CALANDRVM iterum inuiscerent, Commodum, inquit CALANDER, iterum conuenientis ad quæstionem nobis valde difficilem disceptandam, de nouo fidei symbolo, quod Pius quartus iam antè composuit, & Paulus quintus nuper recudi iussit: mihiq̃ue priuatim ARGENTINVS modò recitauit, vobisq̃ue, vt spero, statim expromet. Quod ab Ecclesia præscriptum penitus recusare mihi quidem adhuc (vt verè dicam) religio est: & totum admittere, nisi Scripturæ sanctæ testimonijs confirmatum, sine magno conscientie scrupulo non possum. Didici enim nuper attendere Scripturæ sanctæ, quam nobis in hac vita velut in caliginoso loco versantibus, quasi lucernam accensam esse D. Petrus disertè affirmat; quam etiam D. Paulus Ecclesiæ fundamentum facit. Nec possum tamen ab Ecclesia Catholica, cui assueui, quam idem D. Paulus columnam & firmamentum veritatis appellat, temerè discedere, à qua symbolum fidei mihi est præstitutum. Ita dubius hæreo inter Scripturam & Ecclesiam, quas Deus, vt Solem & Lunam, duo magna luminaria nobis dedit, quò nobis ad vitam prælucere.

TUM PATRIOTTA, Rectè tu quidem in thesi, CALANDER, vt Solem & Lunam, inquit, sic Scripturam & Ecclesiam, quasi duo nobis luminaria dicis prælucere, nisi quòd erres in hypothesi, vt pòst magis intelligetur.

Ac Scriptura sancta quidem in seipsa lumen habet, vt Sol: Ecclesia lumen, sed à Scriptura sumptum, vt Luna à Sole. Et hās duas datas nobis à Deo fateor, vt nos ad vitam æternam dirigant. Sed Scriptura nos dirigit magisterio suo, Ecclesia ministerio. Est enim Scriptura sancta sapientia Dei in Christo inspirata diuinitus sanctis hominibus ad æternam Ecclesiæ salutem & perfectionem, vt illam definiuit Apostolus. Ecclesiæ Scripturam Deus quasi cœleste depòsitum commendauit, vt illam discernat, exponat, custodiat, & promulget hominibus: est igitur Scriptura hominum magistra, Ecclesia Dei ministra. Itaque veritatem basim Ecclesiæ, Ecclesiam columnam veritatis vocat Apostolus: vt currus sui Salomon axim auream, columnas argenteas facit, axim doctrinam de Messia solidam, columnas doctores illius fidos intelligens. Impium est igitur de Scripturæ sanctæ maiestate detrahere, & iniquum de Ecclesiæ veræ ministerio derogare. Scriptura enim est veritas Dei. Et Ecclesia est domus Dei. Veritas est aureum fundamentum huius domus. Et hæc domus est argentea columna huius veritatis: id est, excisa ex veritate tanquam ex rupe, vt obseruat Chrysostomus. Ita si basis Ecclesiæ Scriptura, tum est columna orbis Ecclesia, vt idem scitè dixit. Iam ratio docet sustineri non fundamentum ædificio, sed ædificium fundamento. Et religio inde concludit, quòd veritas facit Ecclesiam, non Ecclesia veritatem. Est enim approbatio veritatis Ecclesiæ causa constituens. Nam antea quàm approbauerit scriptam Dei veritatem, est turba infidelium & idololatrarum: postquam approbauerit, incipit esse familia fidelium cultorum Dei, id est, Ecclesia. Porro quamuis Ecclesia per Spiritum internoscatur Scripturæ genuinam à falsatamen Scriptura iam cognita semel atque agnita, vt antè constituit, sic post demonstrat Ecclesiam. Nam quæ nota certior rei demonstrandæ, quàm causa constituendæ? Porro quodcunque priuilegium Ecclesia iure vendicat, id accepit à Scriptura, vt quæ Ecclesiam columnam veritatis appellat. Ergò Scripturæ veritas & antiquior tempore, & clarior lumine, & maior authoritate, quàm Ecclesiæ: quæ cum essentiam, lumen, potestatem à Scriptura suam semel accepit,

Phasoria.

perit; tum demum illa quasi columna ministerio suo sustinet veritatem hominum respectu, terræque incolis ostendit: estque firmamentum quo niti homines & possint & debeant. Vnde Prophetica & Apostolica doctrina dicitur fundamentum Ecclesiæ: Ecclesia doctrinæ firmamentum, non fundamentum. Perspicuum est igitur à veritate constitui & fulciri Ecclesiā: & ab Ecclesia iam constituta sustineri & ostendi veritatem velut à specula viatoribus, ut illos dirigat in cælum. Solebant gentes in tabulis leges suas describere, & descriptas affigere columnis, ut à populo legerentur. Apostolus hoc loco describens Ecclesiam, eiusmodi columnæ comparat, cuius usus fuit, ut legem ostenderet, cum lex ipsa non esset. Ita vera, orthodoxa, catholica fides Scripturæ tabulis descripta appenditur Ecclesiæ, tanquā pulcherrimæ columnæ, sulcroque firmissimo, quod tamen non sua, sed aliena firmitate nitatur. Igitur Apostolus 2. ad Ephesios definit Ecclesiam, cum 2. ad Timotheum describat. Illic enim arguit à causis, hic ab effectis: utroque loco intelligit Ecclesiam Ephesinam, id est, particularem. Primo loco docet, quid illam faciat, secundo quid illa faciat. Nec tam quid semper faciat, (necesse est enim diruto fundamento Ecclesiā cadere, id quod primò contigit Ephesinæ, ut post Romanæ) quàm quid semper facere debeat. Est enim hæc admonitio potius, quàm commendatio: elogio monet officij. Quare rectè facies, CALANDER, ut te D. Petrus admonuit, si Scripturæ sanctæ semper attenderis, quasi candelæ: Ecclesiæ, quasi candelabro, tamdiu, dum candelam illam toti domui lucentem & continet & sustinet. Nam si à Solis sui luce destituta, cæca iam ipsa alios occæcare conetur, dum novos articulos fidei condit, veteres recondit: nomen Ecclesiæ retinet, naturam penitus amittit, id quod de Romana Ecclesia verè dici potest.

Hic SATVRNINVS, Ecclesiam Romanam, inquit, temerè traducis, à qua putēs novos articulos fidei condi. Nam articuli fidei, quos proponit, in duo genera tribuuntur. Alij sunt immediatæ reuelationis, alij ex ea deducti & explicati. Non condit Ecclesiā novos fidei articulos primi generis. Secundi generis articulos, qui fide catholica credi debēt, condit Ecclesi-

fia

fia pro re nata, vt illos necessarios iudicari. Itaque Vincentius Lyrinenfis Prophetice & Apostolice doctrinæ lineam Ecclesiastici & Catholici sensus regula dirigi censet oportere, vt frustra iacet Scripturæ textum, qui sensum reiiciat Ecclesiæ.

Tum PATRIOTTA, Quam absurde dicitur, inquit; Ecclesiam non condere immediatas reuelationes Dei. Nisi illud absurdius, putare idem esse deducere atque explicare, quod condere: nam conditum oportet esse articulum prius, quam ex eo deduci dogma possit, aut explicari. Ergo articulus fidei ponitur id, quod ex articulo deductum est. Ineptè. Articuli principia sunt: deductiones, sunt conclusiones. Aliud est articulus, aliud ex articulo deducta conclusio: quæ tam contraria sæpe est, vt ipsum articulum euertat. Id quod in symboli vestri explicatione manifestum fiet. Fateor cum Vincentio Lyrinenfi, Prophetice & Apostolice doctrinæ lineam Ecclesiastici & Catholici sensus regula dirigendam. Semper autem oportet Ecclesiasticum & Catholicum sensum cum Prophetico & Apostolico textu consentire. Nam vbi nos textus deserit, ibi glossa nos iuuare non potest. Vnde concludo, nihil posse esse Catholicum aut Ecclesiasticum, quod non sit Propheticum aut Apostolicum. Iam quia Vincentius restringit Propheticam & Apostolicam lineam ad Scripturæ canonem, quem satis superque sufficere ad fidem confitetur, sequitur, nihil canonice Scripturæ contrarium dici posse Catholicum, quamuis ab Ecclesia definitum. Quare, CALANDER, si quem articulum fidei Romana Ecclesia secundi generis coniecit in symbolū, qui articulo primi generis aduersetur: glossamue Ecclesiasticam adiecit definitioni Scripturæ canonice repugnantem: citius illa Ecclesia desinet esse Catholica, quam ille articulus incipiet esse Catholicus. Veniamus igitur, si placet, ad Symbolum, rogemusque ARGENTINVM, vt illud nobis aperiat.

Tum ARGENTINVS, Ego verò, inquit, ac lubens. Idque ita profitebor, vt super formam iuramenti professionis orthodoxæ fidei in bulla Pij quarti proponitur.

I. Ego igitur GVILIELMVS ARGENTINVS Apostoli Symbolum  
 licas, & Ecclesiasticas traditiones, aliasque obseruationes & Papæ  
 constitutio-

constitutiones Romanæ Ecclesiæ firmiter admitto & amplector.

2. Sacras Scripturas iuxta sensum eum, quem tenuit & tenet mater Ecclesia, cuius ius est de vero sensu & interpretatione Scripturæ iudicandi, recipio & admitto. Neque unquam admittam aut exponam nisi, iuxta vnanimem consensum Patrum.

3. Septem profiteor esse verè & propriè sacramenta nouæ Legis à Domino nostro Iesu Christo instituta, necessaria ad salutem generis humani: Baptismum, Confirmationem, Eucharistiam, Pœnitentiam, extremam Vnctionem, Ordinem, Matrimonium. Recipio receptos & approbatos Ecclesiæ Catholicæ ritus.

4. Omnia & singula quæ de originali Peccato & Iustificatione definita sunt in sacro Concilio Tridentino, admitto & amplector.

5. Profecto in Missa offerri Deo verum, proprium, & propitiatorum sacrificium pro viuis & mortuis.

6. Credo in sacra Eucharistia verè & realiter & substantialiter esse corpus & sanguinem Iesu Christi: fierique conuersionem totius substantiæ panis in corpus, & totius substantiæ vini in sanguinem eius: quâ conuersionem Catholica Ecclesia transubstantiationem vocat. Confiteor etiam sub vna specie tantum totum Christum recipi & verum sacramentum.

7. Constantur teneo Purgatorium esse, animasq; ibi detentas fidelium suffragijs iuuari.

8. Sanctos cum Christo regnantes, colendos & inuocandos esse: & quod preces suas Deo pro nobis offerant, eo unue reliquias esse venerandas.

9. Et firmiter teneo, imagines Christi, & beatæ semper Virginis aliorumque Sanctorum habendas esse, debitaque veneratione prosequendas.

10. Indulgentiarum potestatem à Christo relictam esse, vsumque earum maximè salutarem esse.

11. Sanctam Catholicam & Apostolicam Romanam Ecclesiam omnium Ecclesiarum matrem & magistram agnosco: Romanoque Pontifici beati Petri Apostolorum Principis successori,



ſucceſſori, & Ieſu Chriſti vicatio veram obedientiam ſpon-  
deo & iuro.

12. Cætera item omnia à ſacris canonibus & cœcumenicis  
Concilijs, præcipuè à ſacroſancta ſynodo Tridentina defi-  
nita & declarata indubitanter recipio: ſimulque contraria  
omnia & hærefes ab Eccleſia reiectas reiicio & anathemati-  
zo. Hanc veram Catholicam fidem extrà quam nemo ſaluus  
eſſe poteſt, quam in præſentia ſponte profiteor, eandem in-  
tegram & immaculatam, vſque ad extremum vitæ ſpiritum  
conſtantiffimè Deo adiuuante, retineri & doceri, quantum  
in me erit, curaturum: ego idem G. ſpondeo, voueo, &  
iuro, ſic me Deus adiuuet, & hæc ſancta Dei Euangelia.

Simul illud metuo, quod adiunxit ſanctiſſimus Pater, Nulli  
ergo hominum liceat omnino, hanc paginam noſtræ ordi-  
nationis, inhibitionis, derogationis, voluntatis, ſtatuti, de-  
creti, & mandati infringere, vel ei auſu temerario contrari-  
ſe. Siquis autem hæc attentare præſumpſerit, indignationem  
omnipotentis Dei, ac beati Petri & Pauli Apoſtolorum eius  
ſe nouerit incurſurum. Datum Romæ apud ſanctum Petrum  
anno incarnationis Dominicę 1564. idibus Nouembris, pon-  
tificatus noſtri anno 5.

Habes à me, CALANDER, duodecim articulos ſymboli  
Pontificij apertos & explicitos: habe ſi placet, alios deductos  
ex illis occultos & implicitos. Dabit mihi, ſpero, veniam SA-  
TVRNINVS meus, vt tibi, qui propè iam à cœlo abes, horâq;  
migrationis tuæ quotidie expectas, ſymboli ſenſum interio-  
rem, quaſi viatici loco tradam: citius proſectò, cum hinc abie-  
ris, hac te munitum fide D. Petrus cœli ianitor in cœlū intro-  
mittet. Magiſtri loquuntur ſapientiam inter perfectos, ha-  
bentq; myſteria quædam, quæ non ſtatim omnibus euoluunt  
omnia, ſed quibuſdam aliqua, prout hæc illorum captui vel af-  
fectui conuenire arbitrentur. Nec iam omnia effundam, ſuum  
cuique articulo ſenſum ex præxi myſticum reſeruabo: inter cæ-  
bona cum venia tua, SATURNINVS, paulum inuerſo ordine,  
Primatū, articulū 11. ordine, ſed primum authoritate propo-  
nam (ex quo quidem omnes alij pendent) quem à te, ſi non  
omnibus, at præcipuis maximè cuperem, nunc certè, ſi vn-  
quam,

quam, acerrimè nostrorum hæreticorum machinis oppug-  
natum,

Primatus ca-  
put fidei præ-  
cipuum, &  
præcipuum  
fidei Catho-  
licæ funda-  
mentum, vt  
ait Bellarmi-  
nus in Tor-  
to, in Scriptu-  
ris apertissi-  
mè fundatus.

Credo igitur D. Petrum in Scriptura apertissimè constitu-  
tum primatem & Principem Apostolorum, & Ecclesiæ vni-  
uersæ: & Papam Romanum Petri successorem huius prima-  
tus & Principatus vniuersalis ex asse hæredem esse: quem æ-  
ternæ vitæ clauigerum, Pastorem vniuersi gregis, caput Ca-  
tholicæ Ecclesiæ, & fundamentum, infallibilem fidei regu-  
lam, omnium rerum & personarum summum iudicem, ha-  
bentem idem cum Christo tribunal, idem consistorium: Vi-  
ce-christum, immò Vice-deum, immò vt Deum ipsum in  
terris mihi colendum & adorandum esse statuo.

Credo potestatem summam interinsecam esse primatui du-  
plicem, sacram & temporalem: sacram qua Romanus Ponti-  
fex vt dominus spiritualis, per excommunicationem possit  
Reges & Principes non solum hæreticos in fide, tanquam lu-  
pos rapaces, verum & Catholicos in fide, sed malos, tanquam  
arietes furiosos arcere à grege Christi, dominioque priuare,  
eorumque subditos iuramento fidelitatis atque obedientiæ  
suz liberare. Temporalem, qua Papa vt dominus tempora-  
lium in terris possit de coronis omnibus disponere, easque  
vel directè vel indirectè in ordine ad spiritualia, vt acte S A-  
TURNINE, superiore Dialogo demonstratum est, auferre  
vni, & conferre alteri, prout illud ad spirituales finem con-  
ducere iudicabit. Voueoque & iuro spirituales obedienti-  
am summo Principi meo spirituali, Pontifici Romano, iuxta  
mysticas illas regulas, quas Magistri nostri secundum cur-  
rentem ritum præsentis Ecclesiæ ad eiusdem conseruationem  
præscripserunt.

Hic SATURNINVS, Næ tu parùm cautus, inquit, videris,  
ARGENTINE, qui non contentus publica professione fi-  
dei, quam Pius quartus præcipuè doctõibus imposuit, im-  
plicitos & occultos inde deductos articulos, id est, mysteria,  
quæ vocamus, audientibus præsertim hæreticis, diuulgaris  
quæ prius quàm symbolum ederetur, credi à vobis oportuit,  
enuntiari non oportuit,

Videtur igitur, inquit PATRIOTTA, vt Aristoteles ha-  
buit

huit alios libros exotericos, quos omnibus scripsit, alios a-  
croomaticos, quos paucis prudentibus, qui dicebantur editi,  
& nō editi: sic Papa doctrinā habere aliam popularem, aliam  
mysticam, vt multa Ecclesiæ vestræ dogmata Proserpinæ vi-  
deantur esse mysteria. Vides autem quomodo nonnunquam  
excident hominibus minimè malis, & in vulgus emanent.

Tum ARGENTINVS, Quantum odifemper hæresim, in-  
quit, tanti Catholicam fidem amo, cuius me pudere idcirco  
non debuit, cum illam ex me CALANDER exquireret, vos-  
que adessetis, qui cuius hæretico cauillanti strenuè possitis  
opponere. Peropus id quidem fuit, inquit CALANDER,  
cum adessent alij, qui non minùs strenuè possent respondere:  
Nos igitur rudes laici discamus: docti doceant. Tux sint re-  
citantis modò partes: quærentis, meæ. Vetus est Papista-  
rum cantilena, Oportet discitem credere: verior, Oportet  
discitem quærere. Nimis tu multa credis, ARGENTINE:  
vt sunt homines in multis nimis increduli, ita vereor in mul-  
tis ne nimis sint creduli. Vbi credere quod nō oportet cœpi-  
mus, quod oportet non credemus. Quàm sape & quàm sine  
causa apud nostros audias, Est de fide: quam extrā Scripturæ  
sanctæ cancellos euagantem, nimis latè patere suspicor. Hæc  
igitur Catholicæ fidei Dogmata, vt vocantur, quæ sunt à  
nostris in symbolum congesta, statu ac veluti puncto cuius-  
que controvertiæ breuiter & verè proposito, breuiter &  
solidè disceptari à vobis & discuti cupio. Principiò primari-  
um articulum de Primatu, de quo tamen non omnia requi-  
ro, sed selectissima, quemadmodum postea de cæteris, vt er-  
rores Romanæ Ecclesiæ iam præ senio delirantis, vt sunt ab  
honestis quibusdam Pontificijs obseruati, nobis appareant.

Tum SATVRNINVS, Valdè honestos scilicet oportet, in-  
quit, esse illos quosdam Pontificios, qui Pontificem Patrem  
reprehendant: & Ecclesiam matrem senem delirij accusent.  
Nam quòd articulos Catholicæ fidei disputari cupias, CA-  
LANDER, vehementer erras. Humiliter recipiendi, non cu-  
riose arguendi sunt. Nam vt rectè Augustinus, Credendi  
simplicitas, non intelligendi viuacitas à Christiano homine  
postulatur. Reuerenter vt credat, quæ docet Ecclesia, non

argutè discutiat, demisseque sese Ecclesiæ iudicio sine disquisitione submittat.

Atqui, inquit CALANDER, si nullos Ecclesiæ matris errores esse fateare: miror cur Petrus de Alliaco doctissimus Cardinalis multa concedat non solum in moribus, sed etiam in fide opus habere reformatione. Cur Adrianus sextus malè fontem attingens, à culmine Pontificio dixerit luem omnem in Ecclesiam defluxisse, & per legatum suum Chæregatum Germanis emendationem rerum promiserit. Miror etiam cur legati tres in Concilio Tridentino illam Ieremiæ Prophetiam sibiipsis, populoque Pontificio accommodarint: Duo mala fecit populus hic: me dereliquerunt, inquit Dominus, fontem aquæ viuæ, & foderunt sibi cisternas non valentes continere aquas. Et in Concilio Cornelius Episcopus Bitontinus palàm agnouerit apostasiam Ecclesiæ Romanæ in doctrinæ capitibus, & vitæ. Vtinam, inquit, illi non vnanimi consensu à religione ad superstitionem, à fide ad infidelitatem, à Christo ad Antichristum, à Deo ad Epicurum penitus defecissent, dicentes impio corde, & ore impuro, Non est Deus. Neque iamdiu vllus pastor, aut Papa ista curauit. Nam omnes, inquit, sua quærebant, ac ne vnus quidem quæsiuit ea, quæ pertinent ad Iesum Christum. Miror etiam cur post Concilium non multi modò priuati Doctores illius decreta vellicarint, vt Sixtus Senensis, Canus, Lindanus Episcopus, Catharinus, Pighius, Ouander, Ferus, alijque multi: sed Pius quintus ipse factus sit cultum Ecclesiæ Romanæ diuturnitate temporis ab antiqua institutione deflexisse. Ergo hij reuerendissimi Doctores, & Cardinales, & sanctissimi Papæ, magnæ mihi dubitationis & causam & veniam præbent. Neque verò primos illos immediatæ reuelationis articulos disputari cupio, quos omni mea fide reuerentiæque complector, sed istos secundæ editionis articulos: qui deducti finguntur ex illis, & primos planè destruant. Nam quòd Augustino auctore, credendi simplicitas à nobis, non intelligendi viuacitas postulerur: non humile necessaria discendi studium ab eo, sed curiosum alta sapiendi desiderium reprehenditur. Nam credendi simplicitas non minùs bru-

tam ignorantiam excludit, quàm superbam scientiam, Itaq; cæcum illud idolum, fidem implicitam, qua docemur reuerentèr excipere, quicquid docet Ecclesia, & credere secundū quod Ecclesia credit, quamuis quid credat Ecclesia nesciamus, ampliùs adorare non possum, Nec Bellarminum audio Bell. de iust. sic. lib. I. cap. 7 dicentem, fidem in assensu, non in cognitione consistere, & meliùs per ignorantiam definiri, quàm per notitiam. Vnde docti aduersarij nostri nimis verè concludunt, vt antè cleropapismum nihil aliud esse quàm perduellionis catechismum, sic laico-papismū nihil esse aliud, quàm merum idiotismum, & vt doctorum nostrorum vulpinam astutiam, sic discipulorum asininam ignorantiam iure derident. Qualem Carbonarij fidem prædicant à Staphylo celebratam. Apolog. Staphyl. pars 1. pag. 53. Quidam, inquit, Carbonarius moriens, & tentatus à diabolo, quam tandem fidem haberet, respondit, Ego credo, & morior in fide Ecclesiæ Christi. Iterum interrogatus quæ esset fides Ecclesiæ, respondit circulariter, Ea fides in quam ego credo. Ita diabolus sine vlllo alio responso superatus aufugit, si credimus Staphylo. Ergò fides Romano-catholici est fides Carbonarij: fides circularis. Obsecro te, SATVRNINE, vt me doceas prius, quàm assentiar: & scribas ad reuerendissimum Bellarminum, vt fidem illam implicitam, id est, nihil aliud quàm cæcam & affectatam ignorantiam, remouendam è Symbolo curet, qua grauitas & prudentia Catholicæ religionis vehementèr deformatur. Iam tandem didici distinguendum esse inter figmenta humani cerebri, & dogmata Christianæ fidei: cuius fundamenta sunt non opiniones hominum, sed oracula Dei: & illa quidem à Prophetis & Apostolis instinctu Dei literis commendata, quibus omnia necessaria & principia fidei, & præcepta vitæ plenissimè continentur, vt Patres audio dicere. Veniamus igitur ad Symbolum.

In quo primum quæro, primatus Petri vnà cū illius cōsecrarijs, num in Scriptura apertissimè fundetur, vt scribit Cardinalis in Torto. Nullam enim iam doctrinam creditu necessariam habeo, nisi in Scriptura fundatam, vt docet Papa Gregorius primus. Malus equidem textuarius sum, rarò legi libros Prophetarum & Apostolorum, quorum lectione nobis

laicis ferè interdixit Ecclesia, verens, ne legendo in hæreses incidamus. Sed me iam huius & pudet & poenitet ignorantia & negligentia mea. Nec tamen reuereri desino Patres & veteres & novos, quorum me filium fateor, mancipium nego. Et illos Scripturæ discipulos habeo, non magistros: testes & interpretes veritatis, non arbitros & iudices. Nec eorum tam nominibus, quam rationibus moueor.

Non quæro igitur quid ex se promant, sed quid ex Scriptura probent: in causa fidei nullam posthac Ecclesiæ definitionem admittam, nisi vel manifesto Scripturæ sanctæ testimonio, vel necessaria saltem ex eo deducta conclusione nitatur. Nolo igitur nuda autoritate rem agi, sed ut res cum re, causa cum causa, ratio cum ratione concertet. Nec argumentorum numero ducor, sed pondere. Numerus memoriam obruit, pondus scientiam gignit. Nec delector ambagibus, breuitatem postulo. Vnum ego solidum argumentum è Scriptura breuiter & rectè conclusum multis in speciem & pompam congestis hominum argutijs anteponam. Nec ab hoc vno desilire vos feram ad aliud prius, quam à vobis hoc penitus ventilatū & excussū videro. Accinge te igitur, SATVRNINE, ad primatum Petri, & successionem Papæ, & illam quam annexam primatui dicitis potestatem è sacris Literis confirmandum: sed ne à statu causæ aberres, memento tibi probandum primatum non ordinis atque discriminis, qui Petro conceditur, sed primatum potestatis & iurisdictionis, qui negatur. Est enim hoc, ut dicit Bellarminus, præcipuum dogma Catholicæ fidei, & primarium totius religionis fundamentum.

Tum SATVRNINVS, Nimis tu quidem, inquit, CALANDER, restringis fidem Catholicam, si intra Scripturæ cancellos continueris. Nam si Scripturam tantummodò admittas, actum est de Ecclesia catholica, ut Venetorum legato Paulus Quintus sapienter respondit. Faciam tamen ut iubes, & ista tria simul complectar, de primatu Petri, de successione, & potestate Pontificis. Nec enim diù stare Ecclesia, sine Primatu & Principe, nec Princeps sine successore, nec successor sine summa potestate inquam potuisset.

Cum



Cum igitur Christus soli Petro clauēs regni cœlorum, id est, Ecclesiæ promisit, principatum promisit, Cum soli Petro ligandi & soluendi potestatem commisit, potestatem clauium commisit. Cum verò soli Petro pascendi vniuersi gregis dedit officium, dedit principatum. Ergo illic primatus Petro promissus, hic datus. Nam vt qui clauēs vrbis accipit, dominium vrbis accipit; sic qui clauēs accepit Ecclesiæ, dominium accepit Ecclesiæ. Et quoniam pascere est idem, quod regere, & Petrus solus iubetur oues pascere, non aliquas, sed omnes: ergò solus Petrus promissum prius ijs verbis accepit in totam Ecclesiam principatum. Quibus adiuncta est trina amoris confessioni trina honoris cōfirmatio. Potestatem autē excommunicandi probant illa verba Christi annexa primatui, quæ ad Petrum solum dirigebat, Quodcunque ligaueris, & quodcunque solueris. Et quidem duplicem, vnam ligandi Reges, alteram soluendi subditos, neque solum à peccatis, sed à votis, legibus, iuramentis, Nam illis verbis (Quoruncunque peccata remiseritis, &c.) potestas ordinis datur omnibus, limitata suprà peccatum. At illis verbis, Quodcunque ligaueris, & quodcunque solueris, datur potestas iurisdictionis illimitata & vniuersalis soli D. Petro, non restricta ad peccata, nec ad personas; quia non dixit, Quemcunque, sed Quodcunque. Vnde sequitur, Iacobum magnæ Britaniæ Regem vel non omninò pertinere ad ouile Christi, vel Petro eiusque successori Pontifici Romano summo Pastori subiectum esse, non minùs quàm Regem Galliæ & Hispaniæ. Et vt Catholicos in fide, sed malos, Reges tanquam furiosos arietes, sic hæreticos Principes tanquam rapaces lupos, per eundem arceri à grege iure posse, dominioque priuari: & ligatis Dominis, ne regnent amplius, subditos solui, ne pareant.

Hic PATRIOTTA, Ne ouum quidem, inquit, ouo similius, quàm SATVRNINVS Bellarmino. Qui tanquam vno loco diffideret primatum & principatum Petri probari posse, tres congescit, quibus illum apertissimè fundatum gloriatur in Torto.

Hic prius quàm argumentum SATVRNINI expendamus, Pontificios doctos inter selitigantes libet attendere, quo

Tibi dabo  
clauēs. Matth.  
16.  
Quodcunque  
ligaueris, &  
quodcunque  
solueris.  
Paice oues &  
agnos meos.  
Ioh. 21.

quo tandem Scripturæ textu primatus Petro datus esse dicatur.

Contar. de  
sacra. Christi  
legis, lib. 3.  
pag. 203.  
Bellar. de  
Pont. lib. I.  
cap. 12.

Cardinalis Contarenus datum esse dicit, cum Christus diceret Petro, Tibi dabo clauēs. Contareno contradicit Cardinalis Bellarminus, & negat tum datas esse clauēs, sed promissas, & cum clauibus primatus donum datum dicit, Ioh. 21. cum dixit ei Christus, Pasce oues meas. Vt obseruauit SATVRNINVS. Subtilius id, inquit Contarenus, quàm verius.

At non plus est promissum Petro Matth. 16. quàm est omnibus Apostolis datū, Ioh. 20. Vt Christus illud suum, Quodcunque solueris, Petro dictum, verbis illis, Quorumcunque peccata remiseritis, Apostolos omnes alloquens optimus interpres exposuit ipse, Et simul hanc omnem potestatem clauium cum communem omnibus Apostolis, tum ad peccata restrictā esse disertè docuit, vt Ambrosius, Augustinus, Theophylactus, Bernardus censuerunt, Ergo clauibus non asfruitur Petri primatus.

Sed singularem hoc loco Bellarmini subtilitatem attendite, quam etiam SATVRNINVS adhibuit. Primis verbis potestas iurisdictionis illimitata soli Petro data intelligitur, non restricta ad peccata, vel ad personas, quia non dicit, Quemcunque, sed Quodcunque: secundis, potestas ordinis limitata supra peccatum omnibus communicata: ô mirum interpretationis acumen. Potest igitur Pontifex quemuis aperire carcerem, quamuis difficilem soluere quæstionem, siquidem ista omnia verbum illud vniuersale, Quodcunque solueris, planè continet. Nota iam & trita sunt, quæ Patres & veteres & noui, & Pontificij & nostri, de genuino veroque clauium sensu scripta in commentarijs reliquerunt; qui omnes ius clauium & potestatem ligandi & soluendi remissione & retentione peccatorum comprehenderunt: clauem, qua cælum vel aperitur, vel occluditur, faciunt interpretationem legis, vt Tertullianus; scientiam Scripturarum, vt Chrysostomus; positam in criminibus, non in possessionibus, vt Bernardus; datam omnibus Ministris, vt ligent & soluant, id est, vt retineant, remittantue peccata, vt ex Christo Ambrosius, Augustinus,

nus, Theophylactus vt verbū iræ & verbū gratiæ rectè fecerit ac distribuunt, vt D. Paulus, illud contumaci, hoc pœnitenti. Clavis scientiæ clauem potentiæ dirigit: id est, ratio doctrinæ executionem disciplinæ, quæ vel contumaces excludantur, vel reconcilienter pœnitentes. Hæc est vis, hic vsus clauium, quas Patres duas fecerunt, ordinis, & iurisdictionis. Clauem ordinis potestatem ministerij, qua annuntient Euangelium, administrent sacramenta, & per Euangelij prædicationem remittant retineant uè peccata. Clauem iurisdictionis potestatem coercendi peccatores, per excommunicationem, id est, ex Ecclesia expellendi contumaces, & recipiendi pœnitentes, vt Gropperus in enchiridio Concilij Coloniensis sub Hermanno & Adolpho, qui clauem vtramque non ad Petrum solum pertinuisse, sed ad omnes Apostolos & ad eorum successores transmissam esse concludunt. Et multo antè Cusanus, Nihil, inquit, dictum est Petro, quod non dictum est alijs: nam vt dictum est Petro, Quodcunque ligaueris, sic dictum est cæteris, Quodcunque ligaueritis. Hic habetis Cusanum oppositum Bellarmino, Cardinalem Cardinali. Clauis Petrus accepit vnus, inquit, sed accepit non vt homo vnus, sed vt vnitas Ecclesiæ, vt Pius secundus dixit. Habetis hic Papam oppositum Cardinali. Non vt in persona sua Petrus accepit, sed vt in persona Ecclesiæ. Nam si hoc Petro dictum est tantum, Tibi dabo clauis, non habet Ecclesia. Si habet Ecclesia, Petrus quando clauis accepit, Ecclesiā totam designauit, vt docuit Augustinus. Itaque Caietanus Tracta. 142. in Cardinalis, cum ex hisce se laqueis expedire non posset, Si Ioh. loquamur, inquit, formaliter & propriè, clauis promissæ Petro sunt suprâ clauis ordinis & iurisdictionis. Sed hoc, inquit Cardinalis Bellarminus, non est verum. Nunquam enim, ait, auditum plures in Ecclesia clauis fuisse quàm duas, quas etiam omnibus Apostolis æquè concedit, ac Petro. Vnde contrâ Bellarminum argumentabor:

Petrus nullam accepit aliam potestatem quàm promissam in clauibus, vt ait Bellarminus.

At Apostoli cæteri totam illam potestatem habuerunt, vt Patres, & doctissimi Pontificij docent, & Bellar-

Hh

minus

Concil. Co.  
lonien sub  
Herman sacra  
conferentia  
Concilij Co-  
lonien. sub A-  
dolpho.

Tracta. 142. in

minus volens nolens fatetur.

Ergo Petrus nullam aliam habuit potestatem, quàm cæteri Apostoli.

Habet tamen viam Bellarminus, quæ elabatur. Datas, ait, clauēs Petro immediatè, cæteris mediatè per Petrum.

— Centum adde catenas,

*Effugiet tamen hæc sceleratus vincula Proteus.*

Nec tamen effugiet. Nam si cæteris datæ essent mediatè per Petrum, aperirent & clauderent, ligarent & soluerent, non in nomine Christi, sed in nomine Petri. Et quomodo tum verum esset, quod Paulus de se scribit, Paulus Apostolus neq; ab hominibus, neque per hominem, sed per Iesum Christum? Nam, si credimus Bellarmino, venit mediatè vel ab homine Petro, vel per hominem Petrum. Quomodo sese pronuntiat Paulus inferiorem primarijs Apostolis non fuisse, quippe qui cum doctrinam suam, tum etiam vocationem à Christo immediatè cum ipsis accepisset? Ergone mendacium Cardinalis impinget Apostolo, vt Paulum à Petro mediatè clauēs accepisse contendat? Omnes Apostoli clauēs à Christo acceperunt, super omnes Apostolos Spiritus in linguis descendit igneis: omnes Apostoli colūnæ dicuntur Ecclesiæ, vt ex Scriptura Patres obseruarunt. Quid? Num clauem Petro maiorem melioremuè quàm cæteris Apostolis datam legit Bellarminus? Num linguam igneam cæteris ampliolem illustrioremuè capiti Petri quasi Principis audiuit, quàm cæterorum capitibus insidentem? Num ex duodecim columnis vnam cæteris omnibus firmiorem aut stabiliorem esse positam accepit, vt illi magis ædificium, quàm cæteris incumberet? Quod si non nouit Bellarminus, desinat ineptire, & potestatem Petro immediatè datam à Christo, cæteris autem mediatè per Petrum, quasi delegatam comminisci. Animaduerte iam, CALANDER, sceleratasne dicam an ridiculas consequentias ex hoc loco de clauibus necessariò se inferentes:

Claues Petro promissæ sunt:

Ergo nulli nisi Petro.

Dux clauēs datæ insignia ministerij:

Ergò

Ergò tres coronæ insignia imperij.

Nam cum dedit Christus clauēs, dedit principatum, vt ait

Bellarminus.

Petrus accepit clauēs regni cœlorum:

Ergò regnorum terrenorum.

Potest excludere Reges hæreticos è cœlo:

Ergò è solio.

Potest ligare peccata:

Ergò sceptrā.

Potest exercere potestatem in criminibus:

Ergò in possessionibus.

Potest absoluerē homines pœnitentes à peccatis:

Ergò subditos rebelles à iuramentis.

Habet clauem, qua Regum peccata soluat.

Habet igitur clauum, quo capita cõminuat.

Ita Bellarminus clauem Petrinam in clauum Herculeum commutauit.

Potest quodcunque soluere & ligare.

Potest igitur tanquam Oedipus quoduis ænigma soluere,

potest Turcas & vrsos ligare.

Hæ verò consequentiæ declarant non Regem propter hæresim priuandum regno, sed Cardinalem per phrenesim priuatum ingenio. Omnino Petri clauis clauis cœli, qua per prædicationem æterni Euangelij cœlum fideli & pœnitenti aperuit, infideli & impœnitenti clausit. Quā Pontifex suppositicius successor Petri secus adhibet, vt olim quidam non infacetè lusit in hunc clauigerum Principem.

*Non ego mirarer Stygia si forsitan aula*

*Romuleus possit clauiger esse Petrus.*

*Innumeris etenim distans manibus umbras,*

*Et reserat Stygias, ingrediturque fores.*

*Sed miror quòd cum spacio sic distet utrunque,*

*Possit & atherci clauiger esse poli.*

*Sed neque iam miror. Cœli nam claudere forsan*

*Tecta solet, Stygias sed reserare fores.*

Vt stella decidua iuxtà prophetiam Iohannis clauem cœli in clauem Abyssi commutarit.

Reiectus à clauibus Bellarminus, recipiat se oportet ad illud suum propugnaculum, Pasce oues meas.

Quid igitur, bone vir, locum de clauibus vrget amplius pro primatu, quibus nihil Petro promissum plus quàm omnibus Apostolis datum, Patres & antiqui & noui, & alieni & tui luculentèr probant?

Sed hoc loco, quia pascere est idem quod regere, & Petrus solus iubetur oues pascere non aliquas, sed omnes, idèd Petro soli datus est in vniuersam Ecclesiam principatus: armatus duplici gladio, duplici potestate, sacra & temporali, quàm in isto loco senex iste, credo, per interualla lunaticus vidit vt Pentheus,

*Et Solem geminum, & duplices se ostendere Thebas.*

Quam Patres antiqui & noui saniore cerebro, & acrioribus oculis, videre nunquam potuerunt. Pastoritiam autem vocationem tanti putat Bellarminus, vt eius respectu Pontificem præponat Regi, vt Pastorem oui: quod rectè forsitan concludisset, si Christus dixisset Petro, Pasce oues tuas. Non dixit, sed Pasce oues meas. Verùm non modò Pontificem præponit Regi: sed componit Cardinalem. Ineptè. Fuit Episcopus Eliensis quondam sacræ Paulinæ Ecclesiæ Cardinalis, vt iam Bellarminus est S. R. Ecclesiæ Cardinalis. Nec tamen licet æquè doctus, se composuit Bellarmino præ modestia, cum posset. Nam quamuis vt est Episcopus Eliensis est inferior Bellarmino, tamen vt erat S. Paulinæ Ecclesiæ Cardinalis, non erat inferior. Et tamen adeò delirat Cardinalis vt se Regi Eliensis Domino componat? Sed ad argumentum reuertamur.

Celebre est illud quod Patres ferè vnanimi consensu scribunt in hunc locum: Pascere idem esse, quod docere. Quod non vni Petro proprium, sed omnibus Apostolis & Ministris commune: Apostolos omnes ex æquo gregis vniuersi Pastores fuisse, Iacobum & Iohannem non magis fuisse oues Petri, quàm Petrum Iacobi & Iohannis, qui æquè columnæ appellantur: Pascere & dominari non esse synonymina, Petro interpretè, sed contraria: Confirmatum autem ter denuò Petrum nominatim, quia Petrus Christum ter nominatim abnegasset.

Non



Non igitur honoris ergò, vt tu dicis, sed solatij potiùs: vel si etiam honoris; non vt is Petro præ alijs auctus esset, sed vt Petro renouatus: à quo Christus ternam amoris confessionem petiuit, vt ternam negationem ternâ confessione dederet.

Præclare Chrysostomus, Cum Christus Petro dixit, pascce oues meas, Christo ait propositum fuisse, docere Petrum, & de sacerdotibus reliquos omnes, quantum amaret Ecclesiam, idè, vt nos curam eiusdem totis animis susciperemus. Et alibi homil. 87. perpède, inquit, verba, pascce agnos meos, id est, fideles meos, non tuos: petiui an me amares; quem amorem erga me profiteris, erga illos ostende: pascce illos, non teipsum. Væ pastoribus Israelis, qui seipso pascunt, Ezech. 34. non gregem meum: væ pastoribus, qui dispergunt oues pascuæ mez. Audi Paule quinte: seipso pascunt, qui suam vtilitatem & gloriam quærunt, non Dei gloriam, non fidelium salutem, quos gubernant.

Nec minùs luculenter Augustinus, Cum dictum est Petro, inquit, dictum est omnibus. Amas me? pascce oues meas. Et alibi, Sicut oues meas, non sicut tuas, gloriam meam in illis quære, non tuam: lucra mea, non tua. Audi Paule quinte. Tu Reges non Christi oues putas esse, sed tuas. In illis docendis non quæris Christi gloriam, sed in subiugandis tuam. Non id laboras, vt oues Christo lucrificas, sed vt tibi lanam acquiras. Immò non tondes modò, sed deuoras gregem, dum subditorum fidei, Regum saluti, paci & internæ & externæ perniciosam doctrinam expromeres. Et tu amas Christum? Teipsum amas, Christum non amas, non plus certe, quàm dominus tuus Apollyon, cuius vices in terris geris. Possem Chrysostomo & Augustino alios Patres adiungere: possem de tuis excitare Marfilium Patauinum & Cusanum, qui pasturam in verbo & exemplo constituunt, verbo sano, exemplo bono: eamque omnibus non Apostolis modò, sed Ministris communem esse decernunt.

Aliter Bellarminus:

Pascce, dixit Petro, Ergò solus Petrus debet pascere.

Bell. lib. 1. de

Semel autem dixit, pascce oues: oues, id est, sacerdotes, Pont. cap. 16.

Hh 3

Episcopos

Bellar. l. i. de  
Pont. cap. 16.

Episcopos, & Apostolos, qui agnos pepererunt. Bis agnos, prius intelligens Iudæos, deinde gentiles.

Ergo Petro commisit gregem vniuersum. Et quia pascere est idem quod regere : ergo Petro in gregem vniuersum dedit Principatum.

Stapleton.  
doctrin. Prin-  
cip. con. 2. l. 6.  
cap. 10.  
Maldon in  
loh. 21.

Locus illustris & euident, inquit Stapletonus, per oues Pastores & Episcopos & Apostolos significari : per agnos, reliquos fideles. Adeò scilicet Bellarminus, nullum vt vnquam tam ridiculum & futile commentum excuderit, quod non alius statim arripuerit, & stultis commendarit. Maldonatus vide, inquit, ne ista subtilitas doctis risum præbeat. Agni & oues confunduntur, loh. 17. Agni nomen est blandius, inquit, & maiore amorem præse fert, sed nihil est discriminis in re sed in voce.

Nam quòd pascere dicas idem esse quod regere, vnde vniuersalem Petri monarchiam videris elicere cum Bellarmino, non minus ieiuna, quàm inflata interpretatio est.

*ποιμαίνειν* non est regere, sed pascere: & *ποιμνες* non sunt rectores, sed Pastores. Et *βοσκον* & *ποιμαίνειν* sunt synonyma: priore verbo vsus est tertio loco Christus, *βοσκέ*. Iam assume ex Iohanne *ροσέ* translato, & quid inde concludis? Mandatum est Petro vt pascat gregem: ergo, vt regat.

Sed esto, idem sit pascere quod regere. Regere cum Episcopis applicatur, est idem quod dirigere. Id est, regere prudentia & consilio, non potestate & imperio.

At Bellarminus sic Christum interpretatur. Pasce Petre. Id est, impera, & regna.

Baronius procedit vltèrius in excommunicatione Venetorum, ad Paulum quintum: duplex esse ministerium Petri, pascere & occidere. Dixit enim ad eum Dominus, Pasce oues meas. Et audiuit è cælo vocem, Occide & manduca. Non est autem ista occisio crudelitas, inquit, sed pietas atque sinceritas. Probè verò. Paulus quintus ex charitate & pietate sua scilicet homines occidit, quam Seneca suam pietatem vocat. Sed occidit vt intrà sua viscera recondat, inquit. Ita credo, vult Papam non modò tondere gregem, sed deglubere. Baronius adhibet verba charitatis, sed exempla crudelitatis. Nam Gregorium septimum & Alexandrum tertium Senenses suos

suos Paulo quinto proponit imitandos. Valdè securos Reges Christianos esse oportet, si semel Pontifex Gregorizet aut Alexandrizet. Vt suum regere etiam Bellarminus extendat ad caput & iugulum, agit aliquantò rectius, sed nihilò honestius. Nam cum scripisset in sua ad Blackwellum Epistola, Neminem vnquam Pontificem mandasse, vt Princeps occideretur; & author Apologiæ excepisset, mandasse bellum, in quo posset occidi: respondet in Torto, Bellarminum non loquutum esse de cæde, quæ accidere posset in prælio, sed de parricidio, quod patrari posset à sicario. Honesta verò distinctio: quasi non sit æquè parricida, qui iussu Pontificis Regem suum aperta vi, ac qui occulta fraude necauerit. Vt iste Cardinalis bellum & arma minans, nihilo melior videatur esse Cardinale Comensi, cuius extant literæ, quibus Parræū promissa à Pontifice mercede & indulgentia confirmauit, vt boni spiritus sui consilium, sic enim scripsit, ad effectum perduceret, id est, vt Reginam Elisabetham pugione interficeret. Nihilò melior in serenissimum Iacobum Bellarminus, inquam, sed occultior, Siccine Petrus pauit Ecclesiam? Non est hoc pabulum, sed venenum. Siccine rexit gregem Domini sui, vt si vir gregis ipse aries deerrauerat, eum vel clam, vel palàm occidendum curaret? Da Pastori pedum. Quid Pastori cum gladio? Immodò verò, inquit, Petrum Christus, cum Pastorem fecit, fecit Principem. Nam cum iussit pascere, iussit regere. Nec ei ministerium modò delegauit, sed imperium. Atqui, vir optime, aliud est internum & spirituale regimen, quod Petrus per verbum, sacramenta, clauēs, exercuit in animas: aliud externum & terrenum imperium, quod Paulus quintus per fraudem & violentiam exercet in coronas. Obsecro te, CALANDER, quantum distare putas horum duorum expositiones à Patrum & suorum Pontificiorum commentarijs? Obserua consequentias ex hac interpretatione pendentes, partim ineptas, partim impias.

Petrus iubetur pascere gregem Dominicum:

Ergo nullus nisi Petrus.

Petro pascendi & docendi labor est impositus.

Ergo imperandi & regnandi honor est delatus.

Petri

Petri munus est Reges docere:

Ergo deponere: Reges instruere, ergo destruere.

Petro spirituale regimen est datum. Ergo terrenum imperium.

Vtrum qui tales necit consequentias (& hæ certè necessariò ex hac Bellarminiana interpretatione colliguntur) vobis ad scholas an ad Antyciras relegandus videtur? Omnino CALANDER, mandatum est omnibus veris Pastoribus in Petro, vt gregem Dominicum curæ commissum suæ pascant & regant, sed ita, vt spiritali pascant sanæ doctrinæ pabulo, & regant salubris disciplinæ baculo. Quòd si Paulus quintus gregem non pascat, sed depascat, & ouium non gressus regat, sed crura & capita confringat, nã ille secus & præbet pabulum, & exercet baculum, quàm Christus instituit. Quare Rex Iacobus multò malit ieiunare quàm à tali pastore pasci, qui eò pascit vt occidat & manducet. Quid alij Reges faciãt, ipsi viderint: vt volent, rideant in sinu, cum legunt hæc, ineptas scholarium argutias: sed caueant tamen sceleratas rebellium insidias, quæ latent in nouo Bellarmini Dictionario, in quo,

Pascere & regnare synonyma sunt.

Docere Regem est abdicare Regem.

Excommunicatio Regis est depriatio.

Absolutio peccatorum à peccato, est absolutio subditorum ab officio.

Annon sentiunt istam esse Grammaticã superbi & sanguinarij Antichristi? Libenter igitur Rex Iacobus relinquit gregem Pontificium, vt se recipiat ad Dominicum, qui noscitur à Christo, & sequitur illum, & fugit alienum. Nam carnales istos Cardinales non moratur tam plumbeos in arguendo:

Petrus est ianitor cœli:

Ergo dominator terræ.

Petrus est pastor:

Ergo Princeps.

Petrus est Piscator hominum:

Ergo regnorum.

Datum

Datum est ei rete, quo capiat pisces æquè magnos ac paruos.

Ergo datum est ei dominium æquè in Reges ac subditos.

Petrus iubetur pascere oues.

Ergo iubetur pascere reliquos Apostolos.

Iubetur bis agnos pascere.

Ergo ludæos & gentes. Et per consequens omnes Christianos.

Nonne ista coherent, vt ægi somnia? Nonne Bellarminus videtur exponere ludibrio Scripturam; cum sic ratiocinatur, contra regulam Aquinatis, qui planè negat symbolicam Theologiam esse argumentatiuam? In qua tamen totum suum primatum extruxit, & dogma Catholice fidei pronuntiat esse in Scripturis apertissime fundatum. Rident Philosophi Epicurum fabricantem mundum ex atomis. Et non explodent Theologi Bellarminum extruentem regnum Ecclesiasticum ex tropis? Nam certè quidem tam facile reperies in orbe Vtopiam Mori, quam in textu monarchiam Petri. Quæ tamen primarius Pontificij symboli articulus fingitur. Ex quo varij pendent cum superstitionis ac idololatriæ, tum coniurationis & rebellionis articuli: vt Papisinus nihil aliud sit quàm falsæ erga Deum & Regem fidei catechismus.

Nam potestatem illam duplicem, Ecclesiasticam & temporalem, quam intrinsecam primatui, ab eoque inseparabilem fingitis, quasi duplicem machinam erexitis ad euertendam cum veritatem diuinam, tum regiam dignitatem. Nam vtramque tanquam à Petro, ad Papam tanquam Petri successorem, (id quod assuissis, non probas) transtulistis. Ecclesiasticam; qua per excommunicationem Reges liget, & soluat subditos: neque solum à peccatis, sed à votis, legibus, iuramentis. Ita per excommunicationem Papa coronas Regibus, animas subditis suffurat, dum illorum autoritatem, horum obedientiam tollit. In vtroque Dei Testamentum violat, quo cum civilis potestas Principis, quamuis mali, tum obedientia subditi firmissimè sancitur, de quibus tibi in superiore dialogo plenè cumulatèq; satisfeci. Nec minùs

temporalem illam Pontificis iurisdictionem infringi, cum tu illam introduceres.

Interea Reges Catholicos in fide, si mali esse cœperint, cur furiosos arietes vocet: Reges autem & Principes Protestantes, quos hæreticos existimat, lupos rapaces appellet iste insolens Cardinalis ipse hircus & vulpes, causa nulla fuit, nisi quoddam Reges putaret esse patientes. Qui si se Reges esse meminissent, docerent istum pragmaticum Cardinalem, ut sacris magis attenderet, minus se Regum negotijs immisceret. Nec ab huiusmodi sceleratis impostoribus vel diuini Testamenti veritatem corrumpi, vel Regij Imperij maiestatem dissolui vlllo modo paterentur. Sequetur enim ex Testamenti corruptione Imperij dissolutio. Quare si sanum consilium audirent, non iam amplius istos præstigiatores, qui perniciosius argutijs controuersias facient immortales, tam urgendos argumentis, quam cogendos armis iudicarent; sine quibus profecto nunquam illi aut contumeliam Deo, aut iniuriam Regibus facere desisterent.

TUM SATVRNINVS, Interea nimis tu quidem, inquit, PATRIOTTA incalescis contra doctissimum Cardinalem, lumen nostri sæculi.

Tum ille, Omittes, inquit, laudes Cardinalis tui: & proba primatum. Nam Pontificij tui de textu, quo primatus apertissime fundetur, nondum inter se potuerunt vquam conuenire.

TUM SATVRNINVS, Quid apertius, inquit, quid euidenti-  
 us, quam Petrum caput Apostolorum, & petram super quam promisit Christus se Ecclesiam suam ædificaturum, vocari? Matth. 16. Nam quamuis D. Paulus Christum Ecclesię caput appellet principale & inuisibile, quod totum Ecclesię corpus animet; tamen aliud ministeriale & visibile constat à Christo constitutum fuisse, quod totam extrā gubernet Ecclesiam, cuius mentionem facit Corinth. 12. Non potest caput dicere pedibus, non estis mihi necessarij. Quod non potest intelligi de Christo capite principali. Potest enim Christus æternus Dei λόγος nobis dicere, Non estis mihi necessarij. Sequitur igitur, intelligendum esse de capite mihi-



ministeriali, id est, Petro, Petrique successore Pontifice Romano. Et quamuis Paulus affirmet Christum esse vnicum Ecclesiæ primarium fundamentum, 1. Corinth. 3. 11. tamen cum ipse alibi dicit, Ecclesiam superstructam in fundamento Apostolorum, ideoque in persona Petri principis Apostolorum, vt & Christus illum prius petram vocauit, & Esaias cum prophetico Spiritu diceret, in persona Dei, Ecce pono in Sion lapidem electum, preciosum, lapidem Angularẽ, fundamentum fundatum: vt Christum intelligit primarium fundamentum, de quo Apostolus, Fundamentum aliud, &c. 1. Cor. 3. sic Petrum, quem Christus petram vocauit, & Papam preciosum illum & angularem lapidem, & fundamentum fundatum, sed secundarium præsignauit. Quemadmodum etiam Oseas de vno capite prophetauit, quod filij Iudæ & filij Israel congregati sibi positura essent, Ex quo constat vnum totius Ecclesiæ vniuersalem Pontificem esse debere, Christum autem & eius vicarium vnum caput constituere. Vnum visibile & ministeriale caput, ex quo tota penderet Ecclesia, in remedium schismatis: vnam petram, vnum fundamentum secundarium, quo tota Ecclesia niteretur in remedium lapsus & ruinæ, personam Cathedramque Petri.

Patres interrogemus synceros Scripturæ interpretes; Optatum, qui nomen Cephæ, vt significat caput, sumptum à Græco verbo κεφαλή censet: ideoque Petrum caput Apostolorum appellat. Nam quod Syriacè saxum, Græcè caput significat: eo verbo vtraque Petri prærogatiua describitur. Personam verò Petri petram Ecclesiæ & dictam & positam à Christo Hieronymus testis est, qui disertè affirmat Petrum fuisse super quẽ Dominus fundauit Ecclesiam. Et ad Damasum tomo epist. 2. Ego Beatitudini tuæ, inquit, id est, Cathedræ Petri communionem confocior, super illam petram ædificatam Ecclesiam scio. Et Augustinus, cum mentionem fecisset sedis Petri, Ipsa, inquit est petra. Et Cyprianus, Qui Cathedram Petri, suprà quam ædificata est Ecclesia, deserit, in Ecclesia se esse confidit. Longum esset numerare Patres, qui Petri personam petram à Christo dictam & positam esse dixerunt, super quam promissit se Ecclesiam non solum ædi-

Isay. 28. 16.

Bell. in præf. de Rom. Pont.

Cap. 1.

Saunders. de visib monarchia, lib. 4. c. 5

Ad Marcell. tom. epist. 2.

Aug. in Psal. cont. part. Donat. Cyprian. de v. nit. Eccl. cathol.

ficare, sed ædificaturum: idèd tres adduxi, qui Petri non personam modò, sed cathedram petram appellant, vt in Pontifice Romano perpetuitatem ædificationis iuxta Christi verba denotent. Iam PATRIOTTA, & nega, si potes, primarium hoc dogma Catholicæ fidei, primatum & principatum Petri, in Scripturis apertissimè esse fundatum. Ex quo diuersa origo, & præstantia colligi potest Ecclesiastici & sæcularis principatus: quòd Papa, Princeps spiritualis, vt Petrus, immediatè à Christo potestatem sumpserit imperandi suis subditis: sæculares autem Principes mediatè suam potestatem acceperint imperandi suis subditis, interueniente vel electione, vt Imperator & Rex Polonia; vel successione hæreditaria, vt Hispaniæ, Franciæ, & Angliæ Reges; vel donatione, vt feudatarij Principes: vel bello iusto, vt olim Godefridus & alij Domini terram sanctam acquisierunt. Ergo Papæ, vt Petro, summo Principi spirituali immediatè à Christo in Ecclesia constituto, tanquam capiti & petræ totius Ecclesiæ, spiritualis obedientia conscientiarum causa à Christianis omnibus deferenda est: Regibus autem sæcularibus mediatè per humanos titulos constitutis, sæcularis modò obedientia tantum politicæ causa propter obseruationem boni ordinis atque moris, salua semper obedientia superiore præstada est. Quod eò dictum existimari velim, vt tibi CALANDER, reuocem in memoriam illud, quod ignorare non potes; Ita tibi iuretur fidelitas ad Regem, ne abiuretur fidelitas ad Christi vicarium: quem ego vsum huius articuli cæteris Catholicis omnibus respectu suorum Principum breuiter proponendum putauì.

Tum PATRIOTTA, Multa paucis complexus es, inquit, SATVRNINE, & quidem ferè omnia, certè præcipua, quæ vestri è Scripturis afferunt pro primatu, vt ventum iam planè videatur ad Triarios: quos si Dei gratia fudero, cæteras quouis virtutis fractas disiectasque copiolas vestras facìle profligabit.

Ac primum quidem quo sensu Christus æternus Dei filius, caput, petra, fundamentum Ecclesiæ dicatur, breuiter dispicendum. Ita quantum Christo derogetur, dum diuo Petro

tro tribuantur, CALANDRO facile constabit. Deus omnia subiecit pedibus Christi, inquit Apostolus, & ipsum posuit caput super omnia Ecclesiæ, quæ est corpus eius, & complementum eius, qui omnia in omnibus implet. Ephes. 1. 22.

Caput igitur Ecclesiæ Christus vniuersæ, non solum quòd omnia membra intus animet, ijsque sensus omnes & motus spiritualium gratiarum instillet, sed quòd omnia sibi subiecta regat etiam & gubernet suo Spiritu: ita Christi corpus Ecclesiæ. Est igitur ea relatio inter Christum & Ecclesiæ, ut nec ille possit dici caput, nisi respectu huius corporis, nec hæc corpus, nisi respectu illius capitis. Ut non minus absurdum sit Ecclesiæ fingere bicipitem, quàm Christum bicorporeum. Ergo Paulus cum Christum solum vocaret caput, cæteros omnes & homines & Angelos in membrorum ordinem coegit. De Angelis constat versu 21. de hominibus, cap. 4. & quidem ijs, quos erat militanti Ecclesiæ præfecturus, quorum nullum constituit caput, omnes reliquit in corpore. Nam cum de perpetuo militantis Ecclesiæ regimine ex comparato atque ex composito scriberet, & ad vnitatem spiritus in vinculo pacis conseruandam multas colligeret vnitates, Vnum corpus, vnum spiritum, vnam spem, vnum Dominum, vnam fidem, vnum baptisma, vnum Deum & Patrem omnium nostrum; vnum caput visibile prætermisit, cum tamen eius hoc loco si vsipiam, mentionem facere deberet. Quid? Oblitum ne Petri Paulum fuisse putabimus, cum vnicuique Apostolorum datam esse gratiam diceret iuxta mensuram donationis Christi, ab eoque; cum in altum ascenderet, non vnum datum Apostolum, qui cæteris omnibus præfideret, sed multos Apostolos, Prophetas, Euangelistas, Pastores & Doctores, quos prius Episcopos appellat, ad collectionem Sanctorum, ad opus ministerij, ad ædificationem corporis Christi: ut non monarchicum in terris, quod tantoperè celebrat tuus Bellarminus, sed aristocraticum Ecclesiæ regimen à Christo Paulus relictum senserit. Et id satis esse dixerit ad vnitatem spiritus & fidei conseruandam, ut occurrat ijs, qui Ecclesiæ clamitant *αρχαγον*, sine visibili capite, constituto scilicet in remedium schismatis. Quòd si tum vixisset Bel-

Iarminus, monuisset, credo, Paulum, ne Petrum vniuersæ Ecclesiæ caput prætermittetet. Nunc autem, Bellarmine, non est integrum Apostolo consilio iam vti tuo. Scripto igitur Christum ipsum, semper viuentem & præsentem spiritu & maiestate, caput Ecclesiæ vnicum declaratum, & hoc loco, vnum Dominum appellatum, omnes colere atque adorare debemus.

At Christus, inquis, est caput vnicum principali modo, quatenus corpus animet: Pontifex iure Petri ministeriale caput Ecclesiæ, vt gubernet. Atqui duplex Ecclesiæ caput ex duorum munerum differentia constituere, aliud principale, quod animet, aliud ministeriale, quod regat, non est diuidere, sed discernere capitis functiones. Nam regere siue interinas, siue externas totius huius corporis functiones, præcipuū & proprium est eius capitis munus, vt docet Paulus, cuius est corpus animare.

At Paulum alibi de ministeriali capite loquutum fingitis. Cum diceret, Caput non potest dicere pedibus, Non estis mihi necessarij. Quod non potest, inquis, intelligi de Christo. Est enim ille eiusmodi caput, quod potest nobis dicere, Non estis mihi necessarij. Quod vt verum esse concedam, quatenus Christus est æternus, & ipsa perfectio, (sic enim hominibus non indiget. Implet enim omnia & impleri non potest.) at quatenus est caput Ecclesiæ, opus habet corpore & membris, vt sit caput ex natura relationis. Hæc enim ex illa natura ita nexa sunt, vt non possit caput esse sine corpore, plus quàm corpus potest esse sine capite: vnde Ecclesia dicitur corpus Christi, & complementum eius: qui omnia implet in omnibus. Quod sit non dignitate aliqua humana, sed dignatione diuina. De corruptione loci ad Corinthios, de quæ friuolis argumenti tui & absurdis consequentijs, non ita multò post audies.

Interea quo sensu Christus, quæ D. Petrus filiū viuentis Dei confitetur, petra & fundamentum Ecclesiæ nominetur, attende. 1. Corin. 3. 11. & Matth. 16. Fundamentum aliud nemo potest ponere, præter id quod positum est, Iesus Christus. Christus igitur est vnicum Ecclesiæ fundamentum,

vnica

vnica petra, in qua tota Ecclesia fundari debet.

Quod eo sensu accipiendum est, quod nobis natus, pro nobis mortuus & rediuius, & receptus in cœlum, factus est nobis à Deo sapientia, iustitia, sanctificatio, redemptio, satisfactio, purgatio, salus denique & gloria: vt Paulus illum primo capite descripsit, bonorum horum omnium non dimidium aut partem, sed complementum in Christo quærendum esse. Neque enim dicit nobis datum esse Christum in supplementum vel adminiculum sapientiæ, sanctitatis, redemptionis; sed solidum omnium effectum vni Christo vendicat, in quo nos completos esse dicit: quo loco prius docuit quo sensu Coloss. 2. Christus dicatur vnicum fundamentum, deinde post vnicum fundamentum Ecclesiæ posuit, vt in Christo solo, vel æterno & immobili fundamento fundati, in eo solo omnem nostram fidem ac fiduciam poneremus. Et obseruatu dignum est, Paulum, Cephâ, & cæteros Apostolos vocari architectos, non fundamentum: architectos, qui Ecclesiam totam in Christo solo ædificarent, non fundamentum, in quo ædificaretur. At Apostolus ait Ecclesiam superstructam in fundamento Apostolorum & Prophetarum. At aliud est personale fundamentum, de quo hoc loco: aliud doctrinale, de quo apud Ephesios. Vbi non Petrum solum intelligit, sed omnes Apostolos, vt sunt doctores Ecclesiæ, esse doctrinalia fundamenta, quemadmodum in Apocalypsi. Vbi Apostoli duodecim domus Dei fundamenta memorantur.

Veniat nunc SATVRNINVS, & iam vel ipse iudicet, vtrum Petri personam possit petram & fundamentum Ecclesiæ dicere. Si dicat etiam adhuc, (noui enim eius litigiosum & minimè cedens acumen,) dicat igitur Petrum pro nobis natum, pro nobis mortuum, pro nobis resurrexisse, & in cœlum ascendisse: Petrum nobis factum à Deo. sapientiam, iustitiam, sanctificationem, redemptionem, satisfactionem, purgationem, vitam & gloriam: in Petro nobis æquè ac Christo, tanquam fundamento, fidem nostram esse ac fiduciâ collocandam. Nam isto sensu Christus est petra & fundamentum Ecclesiæ.

Viden', CALANDER, horum hominum manifestam blasphemiam.

blasphemiam, qui Petrum & iure Papam, petram, & fundamentum Ecclesiæ secundarium nominant? mihi quidem certe nulla pestis videtur esse capitalior, quàm eorum, qui merum hominem rupem Ecclesiæ fecerunt. At hominem sanctū faciunt. Attamen hominem: vt Mariam beatam mulierem, sed mulierem; cum ipsa dicitur contritura caput serpentis. Vt Petrum virum sanctum, attamen mortalem & peccatorem. Et tum sanè vix virum, cum timens mortem, negauit vitam. Vt ait Gregorius. Tamen cum petram dicunt, quem Christus post sathanam appellauit. Qui tam infirmum & debile Ecclesiæ Christianæ fundamentum fundatum ponunt, quid proponunt aliud, quàm quod Athei rideant, & Indæ execrentur? Desinant igitur amplius cum Ecclesiæ dedecore & damno insanire: & æternæ Ecclesiæ æternum fundamentum Dei filium solum esse fateantur.

At Regis, Domini, Episcopi, Pastoris cæterorumque similium nomina Christo tributa, tribuuntur etiam Regibus & sacerdotibus. Fatemur, & concedimus, eiusmodi nomina quæ ministeriū exprimunt, tributa Christo, posse tamen magistratibus siue ciuilibus, siue Ecclesiasticis tribui, suo quodam modo: quæ verò arctissimam Christi & Ecclesiæ coniunctionem exprimunt, cuius virtute salus ad nos & vita diffunditur, vt nomina capitis, petræ, fundamenti; ea cuiquā mortalium respectu totius Ecclesiæ tribui posse, id verò etiā atque etiam pernegamus.

At Patres Petrum petram appellant, super quam Christus fundauit Ecclesiam. Vt Hieronymus, alijque Patres quidam affirmant. At Cusanus vester antè respondit ex Hieronymo, etsi Petrus per petram lapis fundamenti intelligi deberet: tamen secundum illum ita similiter alij Apostoli fuerunt lapides Ecclesiæ, vt Apocalyp. 21. duodecim lapides: ergo quot Apostoli, tot fundamenta; quod dicitur respectu Apostolicæ Doctrinæ, vt antea Paulus exposuit.

Aug. de Verb.  
Dom. secund.  
Math. Serm.  
13.

Alij, & quidem rectius, Super hanc Petram ædificabo Ecclesiam meam, de Christo exponunt. Vt Augustinus, Tu es ergo, inquit, Petrus, & super hanc petram, quam confessus es, super hanc petram, quam cognouisti, dicens, Tu es filius Dei



Dei viui, ædificabo Ecclesiam meam, id est, Super meipsum filium Dei viui ædificabo Ecclesiam meam. Super me ædificabo te, non me super te.

Et Gregorius, Christus, inquit, se petram vocat. Alij Chrysost. fide-  
fidem & confessionem Petri petram appellant: vt Chryso- mone de pen-  
stomus, Super hanc petram, dixit, non super hunc Petrum: tecoſte, & ho-  
mil. 55. in  
non enim super hominem, sed super fidem ædificat Ec- Matth.  
clesiam.

Et Hilarius, Vnum est immobile fundamentum, vna est Hil. de Tri-  
hæc felix fidei petra Petri ore confessâ, Tu es filius Dei viui: nit. lib. 2.  
super hanc igitur confessionis petram Ecclesiæ ædificatio  
est. Hæc fides Ecclesiæ fundamentum est.

Et Ambrosius, Dominus dicit ad Petrum, Super istam pe- Amb. in se-  
tram ædificabo Ecclesiam meam: hoc est, in hac Catholica cund. cap. e-  
fidei confessione. Fides ergo Ecclesiæ fundamentum: non e- pist. ad Ephe-  
nim de carne Petri, sed de fide dictum est, Quia portæ mortis fios.  
ei non præualebunt.

Ex quorum grauissimis testimonijs, ne plura conſec-  
tetur, omni exceptione maius conficiam argumentum.

Id (iuxta Scripturam & Patres) quod Petrus confessus  
est, id in quod credidit, fuit estque petra.

At Petrus confessus est Christum, non seipsum: Petrus  
credidit in Christum, non in seipsum.

Ergo (iuxta Scripturam & Patres) non Petrus, sed Chri-  
stus fuit estque petra.

Quod argumentum ex venerabili Beda potest elici, qui Beda in cap.  
scribit Christum fuisse petram, super quod fundamentum e- 21. Iohannis,  
tiam Petrus ipse ædificandus fuit.

Eiusque firmitas Scripturæ consentaneum sumi po- Pet. de Alli-  
test ex Petro de Alliaco R. Ecclesiæ Cardinale, Pontificij pri- acorecom-  
matus defensore acerrimo, qui tamen veritatis ipsius luce vi- men. Scriptu.  
dit, Per petram, inquit, non videtur Petrus intelligi, sed pag. 269.  
Christus: Quis enim, inquit, constituat Ecclesiæ firmitatem  
in Petri infirmitate? De qua ancillam interroga, quæ custo-  
diuit fores, & respondeat illa, cuius verbo Petrus exterritus,  
vt ait Gregorius, dum timuit mortem, negauit vitam:  
Quare cum Petrus vacillasset, & eius vicarius non firmiter

consistat, cumque iam discrepent de summo Petri sacerdotio Pontifices, & litigent de summo Pontificio sacerdotes, quis præsumat dicere vllum hominem cuiuscunque sanctitatis aut dignitatis, siue sacerdotem, siue summum Episcopum, siue Petrum, siue Petri Vicarium, siue alium quemcunque nisi Christum ipsum, esse Christianæ Ecclesiæ fundamentum? Christus igitur super seipsum, vt super firmissimum fundamentum, Ecclesiam suam stabilivit contrā Ecclesiam diabolici: & super hanc firmissimam petram firmissimè confirmauit Petrum ipsum, de eo dicens sententiā præmissam, Super hanc petram. Hæc Petrus de Alliaco: Lutherum, aut Caluinum putes loqui.

Et tamen ausus est Cardinalis Bellarminus Prophetiam Esaiæ de lapide electo, precioso, lapide angulari, fundamento fundato, posito in Sione, ad Papam scilicet accommodare, parasiticum mancipium Antichristi, contrā clarissimam expositionem Petri ipsius, 1. Petri. 2. cui Th. Aquinas & Card. Caietanus, & Maldonatus ac Pererius Iesuitæ, alijque multi Pontificij subscribunt. Id cum paucis ausus est Bellarminus in Scripturam, quod complurium doctissimorum Papistarum reformidauit audacia. Et hunc tu audias, CALANDER, in primario articulo fidei, vt vocat, à suis tantoperè diffidentem? aut hosce omnes tutus admittas, quos vt Madianitas vides in causa tanti momenti mutuo se Marte iugulantes?

SATVRNINVS certè, qui nihil videtur esse aliud quàm ipsissimus Bellarminus, progreditur longius à Christo ad Petrum, à Petro ad Papam, à Papa ad Cathedram Papæ delabitur, eamque petram, scilicet, super quam ædificanda sic Ecclesia, detortis, aut cōfictis ex Hieronymo, Augustino, Cypriano testimonijs probare conatur.

Cicero de oratore.

Meminit Cicero cuiusdam insani, qui reperiens in littore scalum, ex eo nauem ingentem ædificare constituit. Similis est horum insania, qui Cathedram Petri reperientes in Patribus, in Cathedra ædificatam somniant Ecclesiam.

Hieronymus ad Damasum inquit, Ego Beatitudinĩ tuæ, id

id est, Cathedræ Petri communionē confocior: super illam petram ædificatam Ecclesiam scio. Hoc est, super Cathedralam, vt tu refers. At Hieronymus ita: Ego nullum primum, nisi Christum sequens, Beatitudini tuæ, &c. Vos verò Christum in hac sententia, velut ignotum hominem præteritis, & verba Hieronymi delumbatis, quibus se nullum primum, nisi Christum sequi profitetur. Cathedræ Petri meministis, Super illam petram, inquit Hieronymus, ædificatam Ecclesiam scio. Illam Petram quin refers ex Grammaticæ regulis ad Christum, potius qui præcedit, quàm ad Petrum, qui sequitur in sententia? præsertim cum Hieronymus addat verbum, scio, Ecclesiam ædificatam super illam petram. Iam Christum esse petram, super quam ædificatur Ecclesia, nulli dubitant: Petrum autem esse petram, multi negant. Et tu tamen sic insanis, vt è Cathedra, tâquam ex scapha, Ecclesiæ nauem ædifices?

Bellè tu quidem, SATVRNINE, crasso Christi nomine, sententiam, quasi barbam, Hieronymi nouacula quadam abrasisti.

Mirabor autem si Augustinus, qui Petrum Ecclesiæ fundamentum non ferat, Papam ferat: & qui personam Petri ab hoc honore remouerit, Petri Cathedralam admittat.

At cum mentionem fecisset sedis Petri, ipsa (inquit) est petra. Itane? Verba omnia apponamus adiacentia.

Numerate sacerdotes vel ab ipsa Petri sede, & in ordine illo Patrum, quis cui successit, videte: ipsa est petra, quam non vincant superbæ inferorum portæ.

Tum SATVRNINVS, Hic tu aliud agens, PATRIOTTA, alterum illum articulum Catholicæ fidei, de Papa Petri successore, ex Augustini autoritate confirmas.

Atqui, inquit ille, ad confirmandum articulum catholicæ fidei autoritas Augustini sine Scripturæ testimonio satis esse non potest, vel ipso iudice Augustino: qui de facto narrat, vt acceperat, Episc. Rom. sedē Petri sedē fuisse: in eaq; alios alijs successisse: sed fidei articulum non facit. Quare cū dicit, Ipsa est petra, non potest ipsa referri vel ad sedem, vel ad successionem Episcoporum in sede. Nam in eo sibi ipsi contradiceret, qui

Christum Ecclesiæ petram facit, nisi potius, ad Petrum ita intellectum, ut dixi, cum alijs Apostolis, qui doctrinæ respectu petra dici quodam modo possunt. At non dicitur, inquires, ipse est petra, sed ipsa est petra. Ergo relatio est non ad personam hoc loco, sed ad sedem, id est, Cathedram.

Quasi verò librariorum vel fraude vel incuria non maiores in Augustini opera corruptiones irrepserint, quam à pro è: Ipsa pro Ipse. Quamuis quid impedit, quò minus, ipsa est petra, referantur ad Petri personam æquè ac illa verba in Evangelio (super hanc petram &c.) ad personam Petri à Rhemenisibus referuntur.

Sed detur ad tempus, id quod nunquam euinces, ibi Petri Cathedram intelligi: non dicit Augustinus, ipsam esse petram super quam ædificatur Ecclesia: sed ipsam esse petram, quam non vincant inferorum portæ. Ita non promittit Romam semper restitutam, sed testatur Romam tum restitisse portis inferni, cum fidem incorruptam seruariet, quam Petrus reliquisset. Nam si nunc viueret, ut omnia quæreret, Romam illam in media Roma non reperiret. Hodierni Romani non sunt Romani; sunt cadauera Romanorum eorum qui fidem à Paulo & Petro primam acceperunt, quam isti velut animam, efflarunt.

Lib. de vnitate  
Ecclesiæ.

Ibid.

Contrà Ste-  
phanum.

Iam respondeat Cyprianus ipse pro se, qui parem potestatem Apostolis omnibus à Christo tributam dixit: & hoc fuisse & cæteros Apostolos, quod fuit Petrus, pari consortio præditos & honoris & potestatis. Respondeat, inquam, ipse pro se, quomodo Cathedram Petri suprâ cæterorum Cathedras efferre potuerit, & illam iusta de causa deseri noluerit, quam ipse in iniusta oppugnarit.

Sed habet Cyprianus, ut & Hieronymus & Augustinus, alijsque Patres, iustam querendi causam, tot libros supposititios pro veris & genuinis inductos: & falsas clausulas fraudulenter insertas, & veras violenter resectas, ut mortui iam cogantur alieno arbitrio & loqui, & tacere, non suo.

Modò Hieronymus mandatu vestro tacuit id, quod prius dixerat. Nunc Cyprianus loquitur id, quod nunquam senserat.

Qui

Qui cathedram Petri, super quam ædificata est Ecclesia, deserit, in Ecclesia se esse confidit?

Cyprianus  
de vnitae Ec-  
clesiæ.

Cyprianus paulò ante sic scripsit, Christus super vnum Petrum ædificat Ecclesiam, intelligens Petrum primum esse lapidem positum in Christo fundamento, super quem reliqui deinde erant ordine suo superstructi. Primum igitur ordine, non potestate: ergò dixit omnibus Apostolis datam æqualem potestatem à Christo: sed exordium ab vnitae proficisci, vt Ecclesia vna monstraretur. Fundamentum igitur ædificij apud Cyprianum nihil est aliud quàm exordium. Hoc erant vti- que & reliqui Apostoli, quod fuit Petrus, pari consortio præditi & honoris & potestatis, sed exordium ab vno. Hoc est igitur proprium personæ Petri, vt sit primus lapis positus in fundamento, super quem, &c. Quomodo igitur deriuatur ad Cathedram Petri, super quam ædificetur Ecclesia? Petrus in cathedram, super quem in super quam commutetur? Adeonè Patrem infirma & labili memoria fuisse putas, vt intra nouem lineas tam manifestò sibi ipsi contradiceret? Personam Petri loco suo moueret, vt cathedram Petri constitueret? Antecessorem ordine deijceret, vt induceret successores? Primum in ædificio lapidem gradu deponeret, vt reponeret posteriores? Non faceret: non sic insaniret. Non igitur Cypriano mala memoria, sed scribis quibusdam mala fides, qui clausulam hanc textui Cypriani alienam prorsus atque heterogeneam intulerunt. Multi doctissimi huius ætatis Pontificij correctores in edendo, multi celeberrimi typographi in imprimendo Cypriano elaborauerunt: omnia quæ poterant, manuscripta exemplaria antiquissima & purissima ex omnibus Christiani orbis bibliothecis nobilissimis conquisiuerunt, & inter se diligentissimè contulerunt: & in hoc consentiunt omnes, clausulam hanc in nullo se suorum exemplarium reperire potuisse. Excepto Pamelio quodam Canonico Brugenfi, qui nupen in antiquo exemplari manuscripto Abbatix Cambronensis clausulam illam à se repertam dicit homo obscurus, & in editionem suam Antuerpianam intulit typographo Stelsio: cum tamen ipse Pameliu8 octo sibi ad manum fuisse manuscripta exemplaria fateatur e varijs de-

sumpta

sumpta bibliothecis, quorum in nullo dicit repertam hanc clausulam, nisi in exemplari Cambronensi. Credamus iam si possumus, vnum exemplar manuscriptum Cambronense esse incorruptum, cætera corrupta esse omnia. Vnum cæcum exemplar tot & prælo impressis, & manuscriptis illustribus exemplaribus præferamus. Vnum Pamelium Canonicum Brugensem tot eximijs Pontificijs Rembolto, Canchio, Costero, Erasmo, Grauiio, Manutio, Morelio anteponamus. Vnum omnibus fideliozem arbitremur. Quæ certè omnia faciamus prius est necesse, quàm hanc spuriam & irreptitiam clausulam admittamus. Eat iam SATVRNINVS, & cathedram Petri petram Ecclesiæ catholicæ esse glorietur. Libet tamen huius Petri argumenti consequentias pro instituto paulisper expendere.

Petrus confessus est Christum filium Dei viui petram & fundamentum Ecclesiæ, contra quem portæ inferni non præualebunt.

Ergo Petrus est petra & fundamentum Ecclesiæ, contra quem præualuerunt.

Vel sic.

Petrus respectu doctrinæ est fundamentum, vt & reliqui Apostoli:

Ergo ratione personæ.

Vel sic.

Petrus lapis primus ordine positus in fundamento, est petra.

Ergo Pontifex successor Petri, vt præsumitur, est petra.

Persona Petri:

Ergo cathedra Petri.

Obtusior est lapide qui sic colligit.

Vno verbo, Petrus isto loco primatum tenet ipse gradus tantum atque ordinis.

Ergo tribuit Papæ Romano primatum iurisdictionis & potestatis.

Annon hæc structura primatus ex petra est textura funiculi ex arena? Quàm ista ridiculè differuntur? Illud verò quàm impiè à Bellarmino? qui Prophetiam Esaiz de Christo electo lapide,



de, precioso, summo lapide angulari, fundamento fundato, vt Petrus exposuit, ad Papam accommodauit.

Christus est primum fundamentum: Papa secundarium scilicet. Non est hoc argumentum ductum à disparatis, vt in nos ludit Tortus, sed ab immediatè contrarijs. Non enim cælum longius distat ab inferno, quàm Christus à Papa, id est, ab Antichristo.

Sed latent semper sub chlamyde Petri domini Papæ, vt late-re dicuntur sub Mariæ chlamyde Dominicani.

Salsè Erasmus vt multa, Quid est charitas, inquit? Est pal-lium monachorum. Operit enim multitudinem peccato-rum.

Similiter possum virtutem Petri vocare chlamydem Pon-tificum: tegit enim multitudinem improborum. Vnde li-benter arripiunt illud Optati; qui nomen Cephæ, Syriacè saxum, Græcè caput significans, impositum Petro dicit à Græco verbo κεφαλη, vt obseruat Bellarminus, ideoque Pe-trum caput Apostolorum appellat. Quod doctissimus Valla miratur cuiquam in mentem venire potuisse: & Cardinalis Caietanus eximius sanè scriptor apud Pontificios, refellit ex Euāgelio. Ait enim ab Euangelista, vt huic errori occurreret, nomen Cephæ interpretari Petrū, non caput. Et Ferus planè ridiculam huius nominis interpretationem esse disertè affir-mat. Sed non magis ista nominis deriuatio, quàm illa rei probatio ridicula videri debet, quam ex illo Pauli loco (Non potest caput dicere pedibus, non estis mihi necessarij) prauè detorto Bellarminus violenter expressit contrā scopum & mentem Apostoli: qui sumit caput metaphoricè pro quolibet mēbro excellentiori, quod eximijs donis præditum est: ocu-los, aures, manus, pedes, pro membris inferioribus, quæ donis minoribus ornantur, vt Chrysostomus exponit, Bonis polle-bāt inquit, alij maioribus, alij minoribus, præcipuè lingua-rū. Qui maiora acceperant, eos qui minoribus erant præditi, contemnebant: hij rursus dolebant, & maioribus inuidebant. Hoc dissidium in corpore mystico componere voluit exem-plo concordia membrorum in corpore naturali, vbi caput non dicit pedibus, Non estis mihi necessarij, &c, sed omnia membra

Bellar. l. i. de  
Rom. Pontif.  
cap. 17.

Valla decla-  
mati. de do-  
natione Con-  
stantini.

Commen. in  
Ioh. cap. 1.  
Ferus in hunc  
locum.

Chryso. ho-  
milia viges-  
nona. in 1.  
Cor.

membra inter se, & mutua cuiusque indigentia continentur. Ex hac metaphora Bellarminus vnum totius Ecclesiæ visibile & ministeriale caput constitutum somniat.

Obserua iam ineptias consequentias ex hac interpretatione necessario pendentes.

Si vnum caput ministeriale totius Ecclesiæ ex hoc loco sumitur: ergo quia Paulus mentionem facit oculorum, aurium, manuum, pedum, quæ membra bina sunt; duo sint in Ecclesia, qui cum duobus oculis; duo, qui cum auribus; duo, qui cum manibus; duo, qui cum pedibus comparentur necesse est. Pulchrum verò corpus Ecclesiæ quod ex nouem membris tantummodò constat.

Ac quoniam vrgent analogiam capitis & pedum, quæro, quos Ecclesiæ pedes intelligant? Alij Reges, vt Cardinalis Polus; alij doctos viros, vt Turrianus, potissimum ordinis sui Iesuitas: Reges, qui imperio; Iesuitas, qui ingenio caput hoc putridum sustentent, immò verò etiam ad Indos perferant, vt in nouo orbe dominetur. Quibus pedibus Papa reuera non potest dicere. Non estis mihi necessarij: ideo Iesuitis maiorem honorem habet, quàm ventricosis illis & inertibus monachis, qui in preeculis horarijs ad globulos recitandis tempus ferè consumunt. Vt illud etiam quadret argumento capitis vestri, quod Paulus ibidem habet, mèbris inhonestioribus maiorem honorem circumponi: ex quo forsitan Ordines alij concludent, Iesuitas esse cæteris omnibus monachis inhonestiores.

Sed quæro, cur non multa ministerialia capita, si multi ministeriales pedes? Vbi duo oculi, quibus caput hoc metaphoricum sine cerebro secreta Regum inspiciat? vbi aures duæ, quibus rumores omnes exaudiat? vbi manus duæ, quibus omnium pecunias corradat & corroget? Si respondeas, non esse duas capiti necessarias; cui multa supperunt, fateamur id capiti vestro satius esse ad rationem fisci, sed non ad vim argumenti. Est enim dualitas horum membrorum necessaria ad constituendam capitis vnitatem, vt seruetur analogia.

Verùm hoc nomen tam augustum, caput Ecclesiæ, caput fidei, proprium Christo, qui viuit & regnat in celis, ita vt  
adfit

adfit in terris semper Ecclesiæ suæ maiestare & Spiritu, immo verò etiam in sit, vt illam per verbum animet & gubernet: cum homine mortali & peccatore communicari sine blasphemâ contumelia certè non potest. Quædam Bellarmini blasphemia sunt, quædam friuola: quædam & blasphemias & friuola, vt est hoc de metaphorico capite ductum argumentum: quo tamen primatus præcipuum Catholicæ religionis fundamentum niteretur. In quo videre quid cordati homines suspicerentur, qui Cardinalem virum doctum existimant; tantum illius ingenio tribuunt, vt potius quàm tam ineptum disputatorem sentiant, vt videtur, occultum credant præuicatorum. Caput suum defendit aded flaccescentibus viribus, aded ridiculis argumentis, vt sine impulsu aduersarij, etiâ imbecillitate sua cadere videatur. Quod M. Callidio causam capitis sui negligenter & frigide defendenti dixit Orator, Tu M. Callidi, nisi fingeres, sic ageres? idem huic, ex-  
 mio capitis sui patrono rectius dici potest, Tu Bellarmine, si  
 ita sentires, vt dicis, causam tantam tam otiosè, tam languidè  
 traheres? Cicero in Bruto.

Nam quod ex præmissis, SATVRNINE, differentem originem cum Bellarmino colligis Ecclesiastici & sæcularis Principatus: & ex diuersa vtriusque potestatis origine diuersam obedientiæ naturam elicis vtrique debitam, & hunc duplicem huius articuli proponis vsum Catholicis omnibus considerandum: quia totus hic locus Regiam dignitatem propius attingit, cum REGIO nostro tractandum relinquo. Quare, CALANDER, REGIVS tibi rogandus est, vt hac de parte nobis, quid sentiat, explicet, meque labore disputationis leuet.

Tum CALANDER, Equidem, inquit, cum omnes responsionis tuæ partes diligenter attendo, persanè paruum in textu huius nostri vniuersalis Ecclesiastici Principis impressum vestigium video. Nam si Christus omnibus Apostolis & Ministris aquè ac Petro clauem dedit, non sceptrum: & pedum, non gladium: & Petrum non caput constituit corporis, sed membrum; nec fundamentum ædificij, sed architectum, vt non modò Veteres multi, sed & Pontificij Scrip-

turæ congruenter docent: vbi, quæso, reperiam in textu æpertissimè fundatum, vt dicunt, vniuersalem hunc Ecclesiasticum Principatum? Nisi fortè, vt Homerum principem Poetarum, Demosthenem principem oratorum, Platonem principem Philosophorum, ita Petrum principem Apostolorum libeat dicere. Quare te rogo, mi Carole, vt, quemadmodum PATRIOTTA Dei veritatem varijs sophismatis implicatam enodauit: sic tu Principum dignitatem Pontificijs vsurpationibus oppressam, ita, vt REGI VM decet, vindicæ, quam ego semper habui etiam tum, cum maximè papi-zarem, vitâ mea chariorem.

Tum REGI VS, Omnis, inquit, potestas est à Deo, est-que vel ordinata, vel permissa. Ordinata duplex, Ecclesiastica, & secularis. Ecclesiastica, si spectes Christum, est monarchica, nã illi soli data est omnis potestas à Patre & in cælo & in terra. Si homines spectes, est aristocratica, vt ex Paulo PATRIOTTA confirmauit. Ergò tuus iste Princeps spiritualis SATVRNINE, à se lectus monarcha, Rex voluntarius, vicarius Christi putatitius, vniuersalis Episcopus, creatus non à Christo Regum tutore, sed à Phoca regicida, eodem propè tempore, quo pseudopropheta frater Mahumetus; successor non Petri, sed Romuli: quam potestatem immediatè imperandi Regibus habeat, cum non habuerit ipse Petrus, non intelligo, nisi permissam. Vt habet Draco, à quo bicornis bestia potestatem omnem acceperit, vt testatur Iohannes in Apocalypsi. Est igitur hæc potestas non ordinata, sed permissa: non in solatium orbis, sed supplicium: non sanctum institutum, sed Sanctorum flagellum. At spiritualis quædam potestas est immediatè à Deo. Certè, quæ promouet regnum lucis: sed quæ promouet regnū tenebrarum, est immediatè à diabolo, qualem vestram Pontificiam fuisse lugubris multorum sæculorum experientia comprobauit. Ergo Principi tuo spirituali Draconis locum tenenti spiritualis obedientia non plus est debita quàm Draconi.

Sæcularis verò potestas, siue in multis, siue in paucis, siue in vno constat, quamuis in Nerone, tamen immediatè ordinata est à Deo, vt docuit Paulus, ideoque ab eo Dei vocatur ordina-

ordinatio. At idem, dicit aliquis, potest dici de sæculari potestate tyrannica, vt Tiberij & Neronis, quod de Pontificia potestate tyrannica, vt Gregorij septimi & Pauli quinti, certè quoad abusum. Sed ordinatio potestatis sæcularis est à Deo, abusus à dæmone. Igitur Pilati potestas, quæ Christum condemnauit, dicitur non permissa desuper, sed data desuper. Erat igitur iniqua, sed non erat vsurpata, vt censuit Augustinus. Iniqua respectu tyrannidis, non vsurpata respectu ordinationis. At huius Prælati, veriùs dicere Pilati, vt loquitur Bernardus, non iniqua modò est potestas, sed vsurpata. Concludo iam igitur ex Apostoli principio pro sæculari potestate contrà Bellarminum.

Omnis potestas ordinata, est immediatè à Deo. Teste Paulo.

Omnis sæcularis Principatus siue democraticus, siue aristocraticus, siue monarchicus, est potestas ordinata. Siquidem ratio radius diuinæ lucis dictat omnes societates horum alteri, siue puro, siue mixto, salutis omnium causa subiectas esse oportere. Ergo omnis sæcularis Principatus immediatè est à Deo.

Nullus autem potest intelligi Princeps sæcularis sine potestate imperandi suis subditis. Omnis igitur Princeps sæcularis habet potestatem imperandi suis subditis immediatè à Deo.

At titulus potestatis non est diuinus, inquit, sed humanus, itaque sæcularis Princeps mediatè dominium & potestatem imperandi hijs vel illis subditis accipit, interueniente scilicet vel electione, vt Imperator: vel successionem, vt Rex Franciæ, Hispaniæ, Angliæ: vel donatione, vt Feudatarij Principes, (vt Papæ in suo dominio, sic enim potuit dicere) vel bello iusto, vt olim Godefridus, &c. Imperitè, Qui non distinguit inter titulum potestatis & potestatem ipsam. Titulus est conditio sine qua non huic vel illi Regi acquiritur potestas in hos vel illos subditos. Potestas est illa authoritas & iurisdicctio quam Deus immediatè dat Principi, vt docet Paulus. Abusus est igitur Rege Gallorum nobilissimo exiesuitus, vt ita loquar, Cardinalis, cum exempli causa, Siquis, inquit, Regem Christianissimum seiscitetur, quo iure Franciam possideat, legesue condar, nõ respondebit iure diuino, sed titulo,

Bellarmin. in  
responsione  
sua ad libel-  
lum intercrip-  
tum, Respon-  
sio Doctoris  
Theologi ad  
Epistolam si-  
bi scriptam à  
reuerendo a-  
mico de mo-  
nitoria cen-  
surarum à P.  
& promulga-  
tarum contra  
Do. Vencos.

successionis hæreditariæ. Immò verò pro sua sapientia nobilissimus Rex aliter respondisset, interrogatus cur imperet subditis, legesque condar: Se hoc facere non iure successionis hæreditariæ, sed ordinatione potestatis quam immediatè accepit à Deo. Hæreditas potestatem non tribuit, sed est conditio in eo homine necessaria, cui Deus immediatè potestatem tribuit. Vt subditi reuerentiam Regibus deferant non modò respectu sanguinis, sed etiam Numinis.

Age, & quid si quis Paulum quintum percontetur, quò iure papatum teneat, respondebit, vt docetur: Non titulo electionis humanæ, sed iure diuino scilicet. Ergo Pontificis potestas est iure diuino, vt videtur, quamuis electio sit à Cardinalibus. Quid ni igitur Regis potestas sit iure diuino, quæuis successio sit à maioribus? Nam quorū videtur par conditio, cur sit dispar iurisdictio? Iniquè igitur Cardinalis, qui negat Regi, quod dat Pontifici.

Sed tentauit, iste petulans Cardinalis patientiam Regis Christianissimi, vt alius ex eadem societate nouitius crudelis dentem excussit, cum peteret iugulum. At benedicuntiam Iesuitæ Regi. At Rex, quoties mandit cibum, mirum ni maledicat Iesuitis. Qui pendente lite de eiectione Iesuitarum, vulnus à Iohanne Chastillo accepisset, & sanguis ex ore manaret, falsè dixisse scribitur, vt solet. Nunc demum ore meo conuictos eijci Iesuitas oportet. Vt eodem ore doleant amici reductos denuò, tanquam absolutos, qui auctores tam infandi parricidij extiterunt. Quorum discipulus magnanimum Regem transfodit. Eodè modo Baronijs iracundus senex Regem Catholicum excepit. Philippum secundum satellitem Ecclesiæ suæ, quòd Siciliam & Neapolim ab Ecclesia detineret. Cui parcent, qui Hispano non parcent? Quid expectet ab istis defensor fidei, qui sic Christianissimum & Catholicum exceperunt?

Sed quamuis nulla sit veritas, aliqua tamen est æquitas in Bellarmino. Nullis parcat Principibus, ne suis quidem. Catholicos in fide, si malè esse coeperint, per summum pastorem arcendos à grege & dominio priuandos dicit, non minùs quàm hæreticos. Illos vt furiosos arietes ne cornibus feri-

ant,



ant, hos vt rapaces lupos ne vastent gregem. Aded contumeliose Excellencias Gloriasque orbis Christiani appellat iste insolens Cardinalis.

Non miratur orbis sacerdotes tam esse arrogantes, miratur Reges tam esse patientes, vt coronas regales quasi pilas pedales ab illis vtrò citroque iactari sinant: & libertates regnorum distinctionibus scholarum minui paulatim atq; atteri.

Ferit enim iste Cardinalis, vt malus sagittarius, amicos suos Reges circumstantes, dum omnia sua tela collineat rectâ, sed frustra in Iacobum magnæ Britannia Regem, quem Deus ab illius scelere defendat. Sed ad argumentum. Omnes enim Principes sæculares negat potestatem habere immediatè datam à Deo imperandi subditis.

Sed benè habet, quòd eodem capite totidem verbis affirmet, Principes sæculares potestatem habere immediatè à Deo imperandi suis subditis, quatenus superiores. Et rationem attexit sanè bonam, eò quòd præceptum obedientia sit immediatè à Deo, & hoc verum est. Neque enim superior erit, si imperare nequit; nec subditus, si ad obediendum non sit obligatus. Et tamen iterum in extremo, Si Principes, inquit, sæculares potestatem immediatè non habeant à Deo in laicos, nedum in clericos: igitur in nullos. Quod antè concessit. Itanè planè, dicet aliquis? Ita certè, videtè locum, & videbitis Bellarminum affirmantem & negantem idem prædicatum de eodem subiecto, & quidem respectu eiusdem, in eodem capite. Eat iam magnus iste logicus, qui aduersarios remittit ad euoluenda Aristotelis Analytica, & postquam eadem ipse relegerit, doceat nos quomodo duo contradictoria possint simul esse vera.

Principes sæculares non habent potestatem à Christo immediatè imperandi suis subditis.

Et, Principes sæculares habent potestatem à Christo immediatè imperandi suis subditis. Vtrobique loquitur non de titulo, sed de potestate. Manifesta contradictio.

*Quo teneam vultui mutantem Protea nodo?*

Sed sæpe sibi senex infirmæ memoriæ contradicit, vt Pater Paulus, & Fulgentius, & Marsilius, & Cicestrienfis hominem

miserè irretitum teneant.

Vt in Torto singulare hominis acumen elucet, cuius tota disputatio manifesta petitione principij nititur.

Pag. 2.

Nam vt probeat Regium iuramentum non modò ciuilem obedientiam à Papiſtis, ſed Catholicæ fidei abnegationem requirere, ſumit controuerſum pro conſeſſo, nempe, inter omnes Catholicos conuenire, poſſe Pontificem maximum Reges hæreticos iure deponere, & eorum ſubditos ab obedientia liberare. Et hanc Catholicam doctrinam affirmat eſſe, non probat, quod tamen firmiſſimè probandum erat, ſi vellet iuramentum improbare.

Addit porrò, Cum Reges terræ ad Eccleſiam admittantur cum hac conditione, vt ſceptra ſua Chriſto ſubijciant, &c. id ſi nolint, ius eſſe ei, qui toti Eccleſiæ vice Chriſti in terris præeſt, eos à communione fidelium ſegregare, ſubditisq; interdicare ne illis pareant.

Quàm falſò, docet Ciceſtrienſis: nunc acumen hominis obſeruamus; dolemus Bellarminum mendicare palàm, idque bis vnum, quod poſitum eſt in quæſtione. Quæritur inter nos, habeatne Pontifex poteſtatem deponendi Principis, eiuſque ſubditos ab obedientia liberandi.

Hic Bellarminus tanquam Apollo Pythius oraculum ederet ex tripode, ſatis pro imperio pronuntiat, eum qui vice Chriſti in terris Eccleſiæ præeſt habere. Ait enim illum habere poteſtatem excommunicandi: igitur deponendi. Probat excommunicationem intrinſecam eſſe primatui, cum probare deberet de poſitionem eſſe intrinſecam excommunicationi. Alioqui non diſputat ad idem Cardinalis. Ita ſtatu controuerſiæ vel detorto vel penitus ignorato, totus aberrat à ſcopo, & nobiſcum Andabatarum more confligit.

Et quia poteſtas abdicandi Regem per excommunicationem Papæ negatur. Idèd, inquit, poteſtas excommunicandi omnino negatur. Non ſequitur, fallacia eſt à ſecundum quid ad ſimpliciter. Et cū dixiſſet, & ad naufeam uſque repetiſſet, Vicarium Chriſti tantam poteſtatem habere: nullis ad eam rem argumentis, nullis probationibus vtitur. Vt credi ſibi ſine ratione poſtulet, tanquam Papæ, cui non neceſſe

dicit

dicit fuisse iuramentum confutare argumentis: tunc enim, inquit, imprudens Princeps haberi deberet, si iniquam actionem prohibere se non posse crederet, nisi interdicto rationes adiungeret, & librum integrum Philosophorum more conscriberet. Bellè equidem, ut videntur, excusant suum illud animal irrationale. Qui dogmata Catholicæ fidei suæ ponunt, ut mathematici postulata. Non debetis igitur, ô Reges, in causa tanta, quæ ius vestrum propriè attingit, posthac expectare rationes à Roberto Bellarmino plus quàm à Paulo Quinto. Loquitur ut Princeps, non ut Philosophus. Non promit argumenta, sed edicta. Non disputat, sed determinat in causa Pontificia contrà Regiam, & quidem contra innumerabilium Papistarum multò doctiorum honestiorumquæ sententiam, ut in responsione Cicestriensis apparuit. Ut multis quidem viris prudentibus videatur Bellarminus magnam doctrinæ opinionem potiùs, quàm doctrinam consequutus. Nam in illa tota disputatione satis apparet sophismamendicum esse totius Bellarminianæ responsionis fundamentum: adeò plumbeus videtur & hebes in logicis: nec minus rudis in grammaticis, ut constat ex ea parte, in qua de obedientia spirituali & ciuili disputat SATVRNINVS, & ipsissima Bellarmini verba promit ex Torto: Iuretur, inquit, Bellarminus, fidelitas ad Regē, sed ita, ne abiuretur fidelitas ad Christi vicarium.

Petitio principij basis Bellarminiani argumenti.

Loquitur incongruè in contemptu omnium grāmatorum. Sed aliud peius, quod sentit incongruè in contemptu Regum & Imperatorum. Non enim tam illius grammaticam taxamus, quàm Theologiam. Et hoc idcirco obiter obseruamus, quod alijs barbariem orationis obijciat ipse manifesti barbarismi reus, & orationem aduersarij lulentam immeritò vocet, oblitus ipse quoddam puluere Stygio conspersisset. Id quod hic manifestè declarat os Bellarmini ROBERTVS SATVRNINVS, qui cum sæcularium Principum potestatem deiecisset, ut vnius scilicet Principis spiritualis potestatem eueheret: tum spiritualement obedientiam Christianorum ita vnius Pontificis voluntati obligauit, ut illius obtentu Principibus possit eripere, cum velit, ciuilem obedientiam subditorum.

Sed

Sed vt errauit in origine vtriusque potestatis, sic errat in obiecto & termino vtriusque obedientiæ.

Nos verum obedientiæ spiritualis obiectum ponimus Deum ipsum, terminum Dei verbum: obliquum ille, Pontificem obiectum, terminum Pontificis voluntatem.

Nos verum obedientiæ ciuilis obiectum facimus diuinam ciuilis Principis ordinationem; terminum, spiritualement erga Deum obedientiam; idè dicit Paulus, obediendum illi propter conscientiam, non rei ipsius à Principe imperatæ, sed auctoritatis à Deo institutæ.

Ille Pontificem loco Dei ponit spiritualement obedientiam nobis imponentem propter conscientiam rerum ipsarum, quas ipse mandauit: ciuilem verò pro arbitrio terminantem obseruatione boni ordinis atque moris. Vt ciuili magistratui pareant subditi non propter conscientiam, vt dicit Paulus, sed propter politiam, vt dicit Bellarminus: & clerici obediant non ex subiectione necessaria, sed ex discretione voluntaria: nec vi legis, sed virationis, vt loquitur, teneantur.

Ita nobis spiritualis officij obseruatio est ciuilis directio & limitatio: illi spiritualis obedientiæ obligatio est ciuilis solutio & relaxatio. Satin' plana est deceptio Bellarmini, qua sub prætextu spiritualis obedientiæ ciuilem sustulit? Ita præstigiatoris more colludit, vt decipiat visum Papistarum, & quidem fraude duplici. Vna, qua suadet, vt per speciem ciuilis obedientiæ spiritualement ab illis abjurari falsò credant. Altera, qua per speciem spiritualis obedientiæ ciuilem illis reuerà surripiat.

Vnde nouæ quidem illæ & in Theologiæ schola peregrinæ interpretationes Bellarmini: Ne obediatur homini contra obedientiam Dei. Hoc est, ne obediatur Regi contra obedientiam Episcopi. Et obediendum Deo potius, quàm hominibus. Hoc est, obediendum Papæ potius, quàm Regibus. Appello conscientiam vestram, Pontificij, hunc cene fuisse, putatis Apostolorum commentarium, vt quoad spiritualement obedientiam, quæ in fide, deuotione, amore Dei ac timore consistit, homo mortalis & peccator loco Dei ponetur?

retur? Quid si Papa iubeat, quod Deus vetat, vt auferatis Cæsari, quæ sunt Cæsaris ex dono Dei, gladium, sceptrum coronam, subditos & vitam: annon hoc est per speciem spiritualis obedientiæ ciuilem obedientiam prohibere? & mandare, vt obediatur Pontifici iniusta imperanti, contrà obedientiam Dei, qui Regi vestram subiectionem obligauit? Rom 13. Hæc verò non spiritualis obedientia, sed spiritualis impostura videri debet, qua per simulationem spiritualis obsequij, quod assumit Pontifex ex arbitrio humano, soluit vinculum ciuilibus officij, quod Regi debetur ex iure diuino.

Obsecro vos, Reges & Principes Christiani, num è re vestra fore putatis, vt huiusmodi aphorismi subditorum vestrorum animis instillantur? vt talis obedientiæ catechismus non modò lateat in libris, sed in scholis etiam vestris templisque doceatur? Nullæ sunt Principibus periculosiores insidiæ, quàm quæ latent in simulatione officij, & in religionis Catholicæ nomine. Cuius obtentu rebellionem fœnit Bellarminus in subditis reipublicæ Venetæ, quæ religionem Romanam proficitur: nunc fœuet in subditis serenissimi magnæ Britanniæ Regis.

*Tros Tyriusque illi nullo discrimine agetur.*

Cauete, ô Reges, ne pestis vni intentata in cæteros omnes ingrauescat. Mali corui malum ouum SATVRNINVS, vt in probatione articuli de primatu, diuini corruptor Testamenti, sic in vsu articuli Regij hostis imperij. Habuistis igitur modò manifestum testamentarium; nunc habetis occultum perduellem.

Hic CALANDER, Vtriusque vestrum, inquit, alterius contra Papam, alterius pro Rege disputatio iustam mihi duo querendi causam affert: primum, quomodo spiritualis & ciuilibus potestas ex verbo Dei distinguantur, vt nec huius illa, nec hæc illius fines inuadat: alterum, spiritualement istam potestatem, quam Papa iam vniuersaliter vsurpat, prima Concilia restrinxerint necne. Quæ duo breuiter & dilucidè discussa, lucem afferent tractationi cōsequenti, & cuius non litigioso plenè satisfacient.

Tum PATRIOTTA, Prudentèr tu quidem CALANDR,

M m

inquit,

inquit, ad principia reuocas omnia. Primum enim verum, & rectum est index falsi & obliqui.

Primum igitur de duplicis potestatis distinctione respondeo, spiritualis & ciuilis, quarum vtramque Christus ordinauit. Spiritualem appello, quæ tantum attingit animas, ciuilem, quæ regit corpora. Illam Christus commisit Ministro, hanc Magistratui: interdum pluribus, interdum paucis, sæpius vni. Vocetur igitur illud Episcopale regimen, hoc Regale: vel illud spirituale, hoc ciuile. Vtrumque, vt dixit est à Deo. Spiritus sanctus constituit Episcopos regere Ecclesiam Dei, Actor. 20. Et Sapientia, Per me Reges, inquit, regnant, & legum-latores iusta decernunt. Ergo per Deum Reges regnant, vt Episcopi pascunt. Illorum est dominatio, horum ministratio. At horum, inquires, est etiam regimen. Fateor. At horum internum in animas, illorum externum in corpora. Episcopi habent clauem verbi & sacramentorum exercendam non in nomine Regis, sed in nomine Christi, nec scientiæ modò clauem, sed disciplinæ, nec iuxta suam, sed iuxta domini voluntatem. Reges habent gladium exerendum pro pietate & iustitia, quo vera & bona impellent, falsa & mala prohibeant, & malos cuiuscunque vocationis puniant, bonosque protegant. Episcoporum arma spiritualia sunt, regum corporalia. Igitur Episcopi debent docere, admonere, redarguere, priuare sigillis gratiæ, arcere à communione fidelium grauius & publicè delinquentes, donec resipuerint. Reges debent eosdem pro qualitatè delicti, vel libertatis, vel bonorum, vel membrorum, vel etiam vitæ amissione coercere. Est ergo regimen Episcopi suasorium, Regis compulsorium: Episcopi directiuum, Regis coactiuum. Rex nolentibus præest, Episcopus volentibus. Ille timore subijcit, hic seruituti donatur. Ille corpora custodit ad mortem, hic animas seruat ad vitam. Vterque castigat non solum fures, homicidas, adulteros, periuros, perduelles, sed blasphemos, idololatrias, hæreticos, schismaticos siue laicos, siue Ecclesiasticos; sed ille gladio corporali, hic spirituali. Vterque pietatis æquè ac honestatis curam gerit: hic præceptis vt doceat, ille legibus vt fanciat. Vterque versatur circa

Chrysost. de  
verbis Esaie  
Vidi Do. ho-  
mil. 4.

Bernar. de  
confid. ad  
Eugenium.

Matth. 16.

Ro. 13.

Chrysost. ex  
Paulo, ibid.

Chrysost. ibid.

Hierony. ad  
Heliod. in e-  
pitaph. Nepo-  
tiani.



circà res sacras, sed non suprà res sacras. Nam subiecta non sunt vel Pastoris arbitrio, vel Regis imperio. Rex versatur circà res sacras & diuinas non administrandas & exequendas, sicut Vzzias, sed constituendas & ordinandas, sicut Ezechias. Episcopus versatur circà res diuinas faciendas & exequendas, vt annuntiet verbum, vt administret sacramēta & clauēs. Consilio & fidelitate Episcopi, imperio & autoritate Regis feruntur leges pro veritate.

Sunt qui stultè comparant has duas potestates, sunt qui improbè committunt inter se, vt vna posita destruat alteram, quas Deus sapientissimè coniunxit, vt mutuas præstent operas. Iam hæc spiritualis potestas, si Christum respicias, est monarchica, si homines, est aristocratica, vt ex Paulo ostendimus: ciuilis triplex, vel populi, vel optimatum, vel regia. Quæ Eph. 4. cum ornamus, cæteras non deformamus.

Negari non potest quin in spiritali perfectione & consolatione Episcopus præcellat Regi. Deus enim non Regem constituit, sed Episcopum satorem seminis sui nuntium, gratiæ, œconomum mysteriorum regni: sed in externa autoritate & potentia compellendi Rex præcellit Episcopo, dum mandat id quod Deus probat. Nec ita ciuile regimen præpono spiritali, sed affirmo eundem Deum, qui docet simplices, & ducit volentes per os Ministri, trahere negligentes & cogere refractarios per gladium magistratus, quem ipse Spiritus & Pater spirituum in eum finem ordinauit.

Immo verò qui ciuile regimen spiritali postponunt simpliciter, vt corpus animæ, carnem spiritui: carnem comparationem instituunt inter Episcopos & Reges, nisi Episcopos fingant sine corporibus, Reges sine animabus. Et qui inde inferunt, pium Regem non posse pœnā infligere impio sacerdoti, deformant pietatem in Rege, tanquam temporalem, & impietatem exornant in sacerdote, tanquam spiritua-lem. Et qui inde concludunt Regem Christianum non posse res sacras vel legibus promouere æquè ac Minister vel doctrina vel censure potest: plus tribuunt sine causa tonsuræ clericali quàm charismati baptismali: & sacerdotalem vñditionem regali perineptè quidem anteponunt. Et nescire vi-

videntur quid illa clarissima mundi lumina, Constantinus, Iustinianus, Theodosius, Valentinianus, Gratianus, Zeno, Carolus Magnus, Ludouicus filius, Lotharius nepos, alijque multi Imperatores & Reges ex Dei mandato iure imperarint Episcopis in causis ecclesiasticis, & illis Episcopi iure paruerint. Vt suprà manifestum fiebat.

At Episcopus habet à Domino potestatem regendæ Ecclesiæ, vt est antè dictum. Ergò superior Rege in regimine Ecclesiæ. Distinxi de regimine. Aliud est internum, aliud externum. Aliud internum administrare, aliud constituere. In administratione interni regiminis Episcopus præcellit Regi in constitutione præcellit Rex Episcopo.

Superior est Pastor in pascendo, fateor. Sic fabri in ædificando, nautæ in nauigando superiores Principe. Quid igitur? Num simpliciter superiores? Stulta fallacia à secundùm quid ad simpliciter.

At actiones Episcopi præstantiores operibus Regis, vt prædicatio verbi, administratio sacramentorum, remissio aut retentio peccatorum, Ergo Episcopus Rege præstantior.

At operatio & perfectio harum rerum pender, non ex Episcopi arbitrio, sed ex Dei imperio. Duplex est potestas spiritalis, ministerialis vna, imperialis altera. Ministerialis est hominis, imperialis est Dei. Ergo harum actionum æstimatio seruiat oportet gloriæ Dei, non superbix sacerdotis. Spirituale opus est Dei, corporale seruitium est Ministri. Homines in remissione peccatorum nõ exercent ius potestatis, sed ministerium suum exhibent. Illi precantur, Deus donat. Ministerium ab homine, donum à cœlesti potestate. Ratio igitur à perfectione cœlestium in Ecclesia gratiarum, ducta, ad præferendam personam sacerdotis personæ Principis, vitiosa est: quia subiectio debita gladio annexa est personæ Principis, dignitas & virtus debita clauis annexa est Episcopi non personæ, sed doctrinæ.

Omnino vtrique ex lege Dei debita est obedientia. Nam qui dicit, Mandatum Regis obserua, idem dicit, Obedite Præpositis vestris, qui vigilant pro animabus. Sed hic illud tenendum, Præpositos nõ intelligi Papas & Cardinales, qui sua

commenta

Augusti. contra Cresco. lib  
4. cap. 6.  
Ambrosius.

commenta nobis obtrudunt: sed pios ac Christianos Episcopos & Pastores, qui loquuti sunt nobis verbum Dei, vt addit Apostolus; non enim Doctorum placitis obligamur, sed Dei oraculis. Ergo obedientia requisita, non est externa subiectio personæ sacerdotis, sed interna submissio doctrinæ Christi, eiusdemque approbatio & exequutio. Nam ratione personæ vocantur Episcopi serui, eorumque munus, vt dixi, est ministerium.

Itaque Rex maximus tenetur credere & obedire minimo Dei seruo Domini sui voluntatē declaranti. Eam autem subiectionem debet Domino, non nuntio: doctrinæ, non personæ. Venit enim non in suo, sed in Domini nomine; quod dici potest & quæ de minimo Ministro, ac maximo Episcopo. Potest igitur Episcopus docere Regem ignarum, potest hæreticum redarguere, vt Propheta Iudææ Ieroboamum: potest impurum admonere, vt Iohannes Herodem: potest tyrannum increpare, vt Elias Achabum: potest etiam bonum, sed grauiter & publicè delinquentem reprehendere, vt Nathan Dauidem; immò etiam sacramento gratiæ priuare, donec resipuerit, vt Ambrosius Theodosium. Vtrum autem possit à conuersatione fidelium subditorum per excommunicationem segregare, magna quæstio est, quæ à Patribus variè disceptata est. Quod qui fieri posse dicunt ab Episcopo, negant tamen ab eo posse Regem separari ab obedientia subditorum, nedum abdicari à subditis excommunicatum, & occidi vel aperta vi, vel occulta fraude, vt quidam Pontificij iudicant. Quidam, inquam: nam honestiores aliter statuunt, Regemque Episcopali committunt curæ, non submitunt curi: est enim Rex seruus Domini, sed Dominus Episcopi: vt suprâ docui: subditus Episcopi pulpito, non confistorio: vt ab eo dirigi debeat, non debeat iudicari. Datus est Episcopus, vt suadeat, non vt cogat, non vt inhiet coronis, sed vt inuigilet animabus; & cum obediat ipse Regi, tum alijs doctrinam obedientiæ præscribat, sicut Christus, Paulus & Petrus exemplo præceptoque præierunt.

Tum CALANDER, Satis tu quidem mihi, PATRIOTTA, fecisti, in harum potestatum distinctione: nunc si placet,

alterum postulo de spiritualis quam Papa iam vsurpat latitudine, utrum illam prima Concilia concesserint.

Tum PATRIOTTA; Primatum, inquit, ordinis Patres ferè concedunt Petro, & tanquam eius successori Pontifici Romano, quem nonnulli primæ sedis Episcopum appellant: primatum verò potestatis, vt dixi, vel in Reges, vel in suos coepiscopos denegant.

Quatuor aut quinq; patriarchas fuisse constat, inter quos regimen totius Ecclesiæ dispartitum est. Cæteros omnes æquales patriarchæ Romano in omnibus rebus iurisdictionis, cuius potestas cancellis quibusdam est circumscripta, quibus egredi non potest: vt ex illo celebri canone sexto Concilij Niceni maxime apparet. Quod conuocatum est autoritate Constantini Magni, anno 325. in quo 318. Episcopi conuenerunt, & viginti veros modò canones, vt Rufinus numerat, ediderunt; quorum vera exemplaria in omnibus Ecclesijs patriarchalibus remanserunt, & in multis alijs etiamnum remanent.

Sextus cano Concilij, Romani Episcopi regimen Alexandrini Regiminis formam facit, vt supra explicatum est. Ex quo liquet Romani regimen prouinciæ suæ finibus inclusum fuisse. Nam si in cæteras omnes prouincias excurrisset, non fuisset forma Alexandrini Regiminis, quod vna prouincia continebatur. Porro parilem morem Romano Episcopo fuisse constat ex canone. Ergo Romano par Alexandrinus. Alioqui quomodo parilis mos esset? Nulla enim potuit esse paritas inter vniuersalem Episcopum & prouincialem.

Secundum generale Concilium fuit primum Constantinopolitanum à Theodosio seniore conuocatum anno 381. in quo 150. Episcopi conuenerunt, qui decretum illud Nicænæ synodi confirmarunt.

Tertium accessit Ephesinum primum, à Theodosio Iuniore coactum anno 431. constans ex 200. Episcopis: in quibus duobus orbis Christiani prouinciæ diuisæ sunt, & cuique patriarchæ sua prouincia assignata, & Constantinopolitanus nominatim æqualis Romano factus sine omni discrimine honoris, nisi quod Constantinopolitanus locum haberet primum

num post Pontificem, & in responsionibus secundā vocem, & in subscriptionibus. Sequutum est quartum generale Concilium Chalcedonense congregatum à Valentiniano & Martiano, anno 451. quod ex 630. Episcopis constabat, qui sic canone 28. decreuerunt: Sanctorum Patrum vbique decreta sequentes, & canonem centum & quinquaginta Episcoporum agnoscentes, eadem quoque & nos decernimus, ac statuimus de priuilegijs sanctissimæ Ecclesiæ Constantinopolis nouæ Romæ. Etenim antiquæ throno, quoniam vrbs illa imperabat, iure Patres priuilegia tribuere: & eadem consideratione moti centum quinquaginta Episcopi, sanctissimo nouæ Romæ throno æqualia priuilegia tribuere: rectè iudicantes vrbem, quæ & imperio & senatu honorata sit, & æqualibus cum antiquissima regina Roma priuilegijs fruatur, etiam in rebus Ecclesiasticis non secus ac illam extolli, ac magni fieri, secundam post illam existentem.

At Concil. Calced. act. 3. Patres ita scribunt: Sanctissimo & beatissimo vniuersali Archiepiscopo & patriarchæ magnæ Romæ Leoni. Nota, inquit Binius, in hijs libellis vocari Surius tom. 2. Concil. p. 111. & Bini. tom. 2. Concil. fol. 115. Leonem vniuersalem Archiepiscopum. Sed nota etiam, id quod Binius celauit, addi, Romanorum Archiepiscopo Leoni. Nota hic auctoritatem Pontificis Romani, inquit Surius. Sed fortè hæc verba è margine in textum irreperunt, licet verissima sint; inquit Binius. Nos autem ab hisce duobus Romani Pontificis parasitis ad acta Concilij, quæ suprà posuimus, ipsa prouocamus.

At hic canon reiectus est (inquiunt) à Leone Romano Pontifice, de Constantinopolitani Episcopi priuilegijs & eminentia, eò quod supponat Romanam sedem non diuino, sed humano iure caput Ecclesiæ effectam esse, vt ait Binius, fol. 180. Vtri igitur credemus? Leoni, qui ex ambitione reiecit canonem, an Gregorio, qui totum Concilium tota deuotione veneratus est? Vt est apud Gratianum distinct. 15. cap. Sicut.

At Concilium (inquiunt) in Epistola Leonem scripsit caput vniuersalis Ecclesiæ. Quia Leo sic scribit lib. 3. Epist. 3. ad Eulogium Episcopum Alexandrinum: Vestra sanctitas nouit

Binus annot.  
in hanc synod.  
188.

uit quoddam per sanctam Chalcedonensem synodum vni Pontifici sedis Apostolicæ (cui nunc Deo disponente deseruio) hoc vniuersalitatis nomen oblatum est.

Cur igitur, inquam, nomen Oecumenici, non est præfixum epistolæ Patrum? Præfixum est, inquit, sed librarij alicuius dolo subtractum: Nugæ. Quasi non sit verisimilius epistolam Papæ admisisse fraudulentam additionem, quàm epistolam vniuersalis Concilij subtractionem? Sed esto, sic scripserit Leo. Vtrum æquius credere Papæ in sua causa priuatim loquenti, an sexcentis Episcopis in causâ Ecclesiæ, publico Concilio contra decernentibus? Præsertim cum Gregorius magnus disertè scribat, Neminem prædecessorum suorum titulo vniuersalis Episcopi vsum fuisse.

Porro quintum Concilium œcumenicum, secundum Constantinopolitanum, Iustiniani imperio congregatum est anno 586, cui ducenti & octoginta Episcopi interfuerunt: qui superius decretum Chalcedonense verbatim recitantes, canone 36. renouarunt.

Ex quo perspicuum est Constantinopolim non minorem authoritatem in rebus Ecclesiasticis habuisse, quàm Romam: Romamque primatum ordinis obtinuisse, quoddam sedes prima fuisset Imperij: quod tot Patres in quinque synodis congregati nunquam profectò dixissent, si primatum Petri institutione Christi fundatum fuisse iudicassent.

Quid? Num Patribus numero tam multis, pietate tam eximij, doctrina tam illustribus, in quinque œcumenicis synodis tam primarium Catholicæ fidei dogma censemus ignotum fuisse?

Si primatus in Scriptura apertissimè fundatus, malè synodi, quæ primatum sustulerunt. Si bene synodi sustulerunt, certè primatus non est in Scriptura apertissimè fundatus. Si inuidiam illis obijcitis, quo minùs homines iustissimi rē tam apertam videre voluerint, mirabimur. Si ignorantiam, quo minùs oculatissimi videre potuerint, ridebimus. Neque aliam à vobis dari posse causam intelligimus, nisi aut cæcam inuidiam, aut inuidiam cæcitatem.

O cæcum igitur & inuidum Cusanum, qui cum horum Conciliorum



cilliorum decretis acquiesceret, quicquid iuris ad Papam pertinet, id ei datum censet per Ecclesiam. O maliciosum & stupidum Marfilium Patavinum, qui nullam eum potestatem super Episcopos, aut Ecclesias alias, censet habere, lege vel diuina, vel humana, nisi eam quæ data est Papæ vel absolutè, vel ad tempus in Nicæno Concilio.

Concord. lib. 2. cap. 13.  
Defens. par. 3. cap. 18.

Si potestas hæc tota data primò Papæ per Scripturam, non igitur per Ecclesiam. Si per Ecclesiam, vt Cusanus & Marfilius dicunt, non igitur per Scripturam.

Sextum Concilium fuit Carthaginense, anno 418. in quo 217. Episcopi congregati sunt, quibus interfuit Augustinus. In quo Concilio, vt in cæteris, potestas omnium patriarcharum æquata, ius appellationis & prouocationis ab Archiepiscopo suæ diœcesis condemnatis, ad Romanum Episcopum, denegatum.

Quod tamen Cardinalis Bellarminus iure diuino licere affirmat Episcopis omnibus, etiamsi qui apud Antipodas à suæ prouinciæ synodo condemnati essent, ad Episcopi Romani tribunal prouocare. cap. vigesi. quinto de primatu Ro. sedis. Quem ego Cardinalem non in nostro orbe viuere censeo, sed apud Antipodas, qui tot viuis non modò nostris, sed & suis Doctoribus aduersa soleat figere vestigia: nisi fortè infra Antipodas descenderit, qui tot sanctis Patribus mortuis audeat contraire.

Multas ille cum suis fraudes admittit, quibus huius Concilij authoritatem eludat. Bonifacius secundus vna quidem immanis calumniæ litura delet illius decreta omnia, planeque damnat. Nam ait Aurelium Carthaginensis Ecclesiæ olim Episcopum cum suis collegis ( in quibus erat ipse Augustinus) instigante diabolo superbire temporibus prædecessorum suorum Bonifacij & Celestini contrà Romanam Ecclesiam cœpisse. Durum, dicere Augustinum cum suis collegis instigante diabolo superbire cœpisse contrà Romanam Ecclesiam; quòd tribus superbis R. Pontificibus, Sozimo, Bonifacio, Celestino in causa iusta, & omnium Ecclesiarum communi & decretis & literis restitissent.

Bonifa. 2. ad Euladium de reconciliat. Carthag. Eccl. Concil. to. 2.

Apiarius quidam Presbyter improbus, quem propter ne-

N n

quitiam

quitiam suam ministerij munere iure priuasset Urbanus Episcopus, ad Sozimum Romanum Episcopū appellauit; qui misit tres legatos, Faustinum, Philippum & Asellum, ad Carthaginense Concilium, in gratiam & auxilium Apiarij: quibus inter cætera mandauit, vt ius appellationum suo suæque sedis nomine postularent: si quis Episcopus vel accusatus, vel abdicatus Romam prouocaret, posse Romanum Episcopum causam illam, vel per literas finitimis prouincijs dirimendam delegare, vel legatos à latere mittere, qui vice sua sedeant, & cum cæteris Episcopis totam definiant. Ad eam rem legatis suis titulum atque instrumentum sui iuris manu scriptum sua tradidit, canonem Concilij Nicæni, quo sibi ius, illud appellationum tributum, esse contendit. Patres Carthaginenses simul ac legatos audissent, responderunt, Nihil se vnquam huiusmodi in canonibus Nicæni Concilij legisse, simulque legatis mandarunt, vt, si canonem illum haberent, Danieli scribæ publico traderent, palam recitandum. Illi pro canone Nicæni Concilij exhibent caput Sardicensis Concilij tertium, sed mancum & mutilatum. Nam, in authentico scriptum ita est:

Cōcil Carth.  
sextum, cap. 3.

Dixit Osius, Siquis Episcopus in aliqua causa condemnatus fuerit, & existimet se non malam, sed bonam habere causam, vt iterum iudicium renouetur, placet vobis: vt propter charitatem honoremus memoriam Petri Apostoli, vt scribatur ab ijs, qui causam examinarunt, Iulio Romano Episcopo: & si iudicauerit renouandum esse iudicium, renouetur, & det iudices? Si autem probauerit talem causam esse, vt non refricentur ea quæ acta sunt, quæ decreuerit confirmata erunt, si hoc omnibus placet? Synodus respondet, Placet, Concil. Sard. cap. 3, apud Surium, Tom. 1.

At Episcopus Romanus verba illa decurtans Osij, Placet vobis, vt propter charitatem honoremus Petri Apostoli memoriam, & ad Iulium Romanum Episcopum scribatur, ita procedit: Osius Episcopus dixit, Placuit, vt si Episcopus accusatus fuerit, & iudicauerint congregati Episcopi regionis ipsius, & de gradu suo eum deiecerint, si appellauerit qui deiectus est, & confugerit ad Episcopum Romanæ Ecclesiæ,  
&

& voluerit se audiri; si idem putauerit vt renouetur iudicium, vel discussionis examen, scribere hijs Episcopis dignetur, qui in finitima prouincia sunt, vt ipsi diligenter inquirant, & iuxta fidem veritatis definiant. Et si quis velit negotium suum rursus audiri, & Episcopum Romanum sua supplicatione mouerit, vt legatum à latere mittat, in sua sit potestate quod vult, & quod melius existimat.

Hic egregiam fraudem attendite, qua Romanus Episcopus Patribus Africanis imponere conatur.

Primum præten dit ipse canonem Nicænz synodi pro iure appellationis. Legati canonem Sardicenis synodi supponunt.

At Sozimus & Bonifacius, quamuis hij canones non expressè fuerint in Nicæno Cōcilio, tamen vocarunt Nicænos canones, vt ait Bellar. quia Concilium Nicænum & Sardicenis pro vno habebantur.

Beil. lib. 2. de  
Rom. Pont.  
cap. 25.

Itane pro vno? cum tempore, loco, & canonum varietate differrent? Nam, vt Baronius testis est, Nicænum anno 325 Sardicense anno 477 conuocatum est: sic vt octidecim anni inter duas synodos interessent. Nicænum in Asia, in vrbe Bithyniæ, Sardica in Thracia, confinitis Illyriæ, vt idem Baronius. Quam diuersi vtriusque Concilij canones, docet Sozimus.

Conci. tom.  
primo.

Baronius aliter excusat, Sozimum & Bonifacium non allegasse canonem Concilij Sardicensis, sed tantummodò Concilij Nicæni canonem: nullam tamen in hijs de dolo malo suspicionem esse posse sed alterum de duobus contigisse, vel aliquos Nicæni Concilij canones in Sardicensi repetitos Nicæno Concilio exeadisse, in Romano codice integros conseruatos fuisse, vel ab aliquo canonum cōfectore, quod nomen Sardicense esset ab Ariani infamatum, in nomine Nicæni Concilij elasse.

Baro. anno  
347. nu. 7. &  
10.

Duo fures responsionum suarum repugnantia facile coarguitur. Et non duos hocce senes falsarios ex responsionum differentia statim deprehendi videmus?

Locus est videre Papas deceptos à librario, vt dicunt, qui pro Sardica Nicænam supposuit: & cum id legatorum verbis

manifestè refellitur, qui in Concilio Carthag. synodum Sardicensem allegarunt, Suspitor, inquit Bellarminus, verba legatorum librarij culpa è margine in textum irrepisse. Bene habet; boni viri dissidio furum, vt dicitur, bona sua recuperabunt, Iam legati dum Sardicensis Concilij canones allegat pro Nicænis, verba quædam media, vt sibi putabant incommoda, refecant, quæ protulit Osius: Placet vobis vt propter charitatem honoremus memoriam Petri Apostoli, & ad Iulium Romanum Episcopum scribatur? Viderunt homines sapientes, si prouocationis priuilegium omnino ad Rom. Episcopum pertineret, non esse parasitum aliquem Osiu apponendum qui illud precibus eblandiretur, sed cum autoritate quadâ assumeret. Ideoque Gratianus in decretis eadē etiam verba simili dolo prætermisit. Pro iure suo cum alijs præcariis quisquam agit, Si placet vobis omnibus?

Decret. 3.  
quæst. 4. cap.  
Osius dixit.

Iam ad reliqua pergamus.

Vbi Carthaginenses Patres ad vnum omnes respondissent, se nunquam illum canonem inter Nicænos canones legisse, & habere se tamen verum exemplar, quod Cecilianus Carthaginensis Episcopus, qui Nicæno Concilio interfuit, Nicæa Carthaginem attulisset, de communi sententia decreuerunt, vt ab Episcopo Constantinopolitano, Antiocheno, Alexandrino, atque etiam ipso Romano, vera Nicæni Concilij exemplaria peterentur, si fortè in illis Canon ille reperiri posset. Neque per quinquennium re multum quæsitâ & deliberata inueniri quicquam potuit. Interea vera exemplaria à Cyrillo Alexandrino, & ab Attico Constantinopolitano Episcopo venerunt, in quibus viginti tantum canones, vt Ruffinus numerat, continebantur, exemplati Carthaginensium consentanea. De quibus ex tam diuersis, tamque longinquis in orbe locis, tamque illustribus ad suos missis exemplaribus, Augustinus cum collegis ad Bonifacium Episcop. Rom. ita scribit: Quis dubitet exemplaria esse verissima Nicænae synodi, quæ de tam diuersis locis, & nobilibus Græcis Ecclesijs allata & comparata concordant?

Epist. Carthag. Concilij  
ad Bonifac.  
cap. 101.  
African. Concil.  
cap. 92.

Vnde statim Carthaginenses Patres decretum ediderunt, vt presbyteri si de Diocesanorum suorum iudicijs quereren-

tur,

tur, ab Episcopis finitimis audirentur. Quòd si & ab ijs prouocandum putauerint, non prouocent nisi ad Africana Concilia, vel ad Primates prouinciarum suarum, Ad transmarina autem qui putauerit appellandum, à nullo intra Africam ad communionem suscipiatur.

Hic qui modò in Chalcedonensis Concilij decretum, affirmationem pro negatione furtim intulerunt, exceptionem Africani Concilij decreto à totius decreti scopo penitus alienam addiderunt: Nisi fortè Romanam sedem appellauerint. Concilium ex composito Romanam sedem excepit, cum nominatim conclusit, Nemiui licere ad Romanum Pontificem prouocare. Vt Bellarminus ipse cæteroquì corruptor egregius, Gratiani corruptoris exceptionem illam minimè probarit, Nisi fortè Romanam sedem appellauerint. Nam hæc, inquit, exceptio non videtur quadrare. Nam præcipuè propter Romanam Ecclesiam Africani statuerant, vt non liceret appellare vlrà mare. Bellarm. de Roman. Pontif. lib. 2. cap. 24.

Decreto literas addiderunt, quas ad Celestinum Romanum Episcopum miserunt. Petimus, inquiunt, ne deinceps ad vestras aures eos, qui hinc veniunt, faciliè admittatis, nec qui à nobis excommunicati fuerint, in communionem deinceps recipere velitis. Nam hoc quoque in Nicæna synodo definitum vestra Beatitudo faciliè inueniet. Si enim etiam de inferioribus clericis & laicis illud seruandum videtur, hoc vult multò magis etià de Episcopis seruari. Ne ergo qui in propria prouincia à communionem suspensi sunt, à tua Sanctitate dedita opera, & vt non oportet, communioni restituti videantur. Presbyterorum autem similiter & consequentium clericorum impudentes fugas, vt te dignum est, persequitur tua Sanctitas. Nam neque vllum Patrum decretum hoc Africanæ Ecclesiæ est prohibitum. Et Nicæna synodi statuta, siue clericos inferioris gradus, siue ipsos Episcopos, proprijs Metropolitanis apertissimè commiserunt. Sapienter enim & iuste perspexerunt, quæcunque fuerint exorta negotia, ea in proprijs locis terminari debere. Neque enim vnicuique prouinciæ sancti Spiritus gratiam deesse putarunt, per quam

iustitia à sacerdotibus & videtur prudenter, & stabiliter tene-  
tur: maxime quòd vniciue concessum est, si ei videatur,  
de Iudicum sententia ad synodos propriæ prouinciæ, vel præ-  
tereà etiam ad yniuersalem synodum appellare; nisi vbique  
est aliquis qui credat, vni cuiquam, quiscunque is sit, posse  
Deum nostrum iudicij iustitiam inspirare, innumerabilibus  
autem sacerdotibus in synodum congregatis denegare.  
Quomodo ergo firmum erit hoc transmarinum iudicium, ad  
quod testium necessaria personæ, vel propter naturæ, vel  
propter senij imbecillitatem, vel propter nonnulla alia impe-  
dimenta deduci non possunt? Nam quod per Faustum tan-  
quam ex parte Nicænæ synodi istius missum fuerat, in verio-  
ribus descriptionibus Nicænæ synodi nihil eiusmodi inueni-  
re potuimus. Itaque ne velitis permittere, vt fumosum mun-  
di factum in Christi Ecclesiam inducere videamur. Hæc Pa-  
tres Carthaginenses ad Celestinum Romanum Episcopum  
publicè scripserunt, quibus appellationes ad Romanum E-  
piscopum, quas Sozimus ex falsis Nicænæ synodi decretis  
vendicabat, ex veris, & authenticis refutarunt. Nam  
Nicænæ, inquit, synodi statuta, siue clericos, siue ipsos  
Episcopos proprijs Metropolitanis apertissimè commiserunt.  
Veruerunt igitur, vt ne qui à nobis excommunicati sunt, à  
Romanis in communionem recipiantur. Vt est, inquit, in  
Nicænâ synodo definitum. Legatos à latere Africani, vt no-  
uas & veteri ignotas Ecclesiæ creaturas, reiecerunt: fîgas ad  
Romanam Ecclesiam impudentes vocarunt: missionem lega-  
torum à latere fumosum sæculi factum iudicarunt. Neque de-  
cretum synodi nudum, sed grauissimis sanè rationibus com-  
munitum proposuerunt.

Vna est, quòd si Pontifici Romano tanta authoritas tribu-  
eretur, non modò rectè iudicandi prudentia, sed Spiritus  
sancti gratia ei soli tributa, cæteris autem etiam in synodo  
congregatis denegata omnibus videretur.

Secunda, quòd cum satis sit bis appellare, facilitatè  
dedit synodus volentibus appellare à sententia sui Episcopi,  
primò ad synodum prouincialam, deinde ab ea ad synodum  
yniuersalem prouocandi.

Tertia



Tertia, quòd cum in iudicijs rescindendis præsentia testium requiratur, iniquam sanè legem statuunt Rom. Pontifices Christianis, è regionibus transmarinis tamque longinquis Romam necessario veniendi: præsertim aut senio, aut valetudine, aut alijs etiam causis, quæ quidem innumerabiles esse possunt, impeditis.

Quarta, quòd ista appellandi consuetudine, cæterorum omnium Episcoporum autoritate minuenda, & in vnum transferenda, fumosus mundi fastus in Ecclesiâ induceretur.

Hij vñ rationibus Carthaginensis Patres illam iniustam Episcopi Romani petitionem reiecerunt, & veris ac genuinis exemplaribus à Cyrillo & Artico missis falsos & supposititios canones detexerunt. Ita vicit prudentia fraudem, modestia fastum. Nam Apiarium Patres denuò condemnarunt, & in Apiario Sozimum; Bonifacium, Celestinum: id est, in vno nequissimo perfuga tres vaferrimos falsatores.

Hic SATVRNINVS iratior, Sunt, inquit, ista sanè quæ vestri ex Cathaginenfibus Patribus plerumque nostris obijciunt. Sed boni Patres ignorantia, vestri malitia peccant.

Patres ignorantia duplici: vna, quòd crederet viginti modò veros esse canones Concilij Nicæni, cum essent septuaginta, quorum quinquaginta cremati ab Arrianis intercidissent, in quibus vt alià multa, sic ius illud appellationis, quod Romani Pontifices vendicabant, continebatur. Altera, quòd non distinguèrent inter duas synodos Sardicenses, vt patet ex Sozomeno, quarum vna fuit catholica & generalis 300 Episcoporum, quam Augustinus non vidit: altera verò hæretica lxxxvj Episcoporum, quam vidit Augustinus. Sozome. lib. 3. cap. 10.

Iam præter illos viginti canones, quos Ruffinus numerat, Episto. Æ. alios fuisse canones quinquaginta, apparet ex epistola quadam Athanasij & Egyptiorum ad Marcum Romanum Episcopum, ad Marcum Egyptiorum  
ad Marcum  
pro exempla  
ri Concil. Ni-  
cæni, tomo  
Concili. I. quæ verum exemplar septuaginta canonum portularunt, postquam Arriani authenticum exemplar cremavissent, quod Athanasius Nicæa attulisset.

Extat rescriptum Iulij Episcopi Romani contra Orientales pro Athanasio, in quo præter illos viginti canones alij viginti septem repetuntur: quorum sex Papalem auctoritatem

tatem clariùs demonstrant, quàm ille canon, quem Sozimus adduxit.

Porrò multi sunt alij canones Concilij Nicæni præter illos viginti, quos Ruffinus numerat.

Vnus, quo decreuit, vt Pascha die Dominico celebretur, vt patet ex epistola Constantini apud Euseb. Alter, quo decreuit, ne bigamus in clerum asciscatur, vt docet Ambrosius.

Euseb. de vi-  
ta Constan.  
cap. 3.

Ambro. epist.  
82.

Hiero. præfa  
in Iudith.

August. epist.  
110.

Tertius, quo liber Iudith in canonicos admittitur, vt testatur Hieronymus.

Quartus, quo vetatur, ne duo Episcopi simul sedeant in eadem Ecclesia, vt asserit Augustinus.

Quintus, quo decreuit, non licere nisi ieiunis offerre Eucharistiam. Vt Patres Africani testantur.

Denique doctores hæretici, vt Lutherus, Caluinus, & Centuriatores ex Socratis lib. 1. cap. 8. canonem allegant ex Concilio Nicæno, quo dicunt coniuges permissas sacerdotibus. At nulli horum canonum in illis viginti, quos solum numerant, reperiuntur.

Ergo si Sozimus corruptor & falsator canonum Nicænorum dicitur, quia citauit nomine Nicæni Concilij vnum canonem, qui non inuenitur in illis viginti canonibus: eadem ratione corruptores & falsatores dicendi sunt Constantinus, Ambrosius, Hieronymus, Augustinus, Africani Patres, Centuriatores, Lutherus & Caluinus: omnes enim isti citant canones ex Nicæno Concilio, qui non numerantur inter illos viginti canones.

Postremò in Concilio Florentino, sessione viges. Iohannes quidam vir doctissimus asserit, se multis Veterum testimonijs posse ostendere, Concilij 6. Carthaginensis Patres tandem agnouisse corruptos & falsos canones Nicæni Concilij ad se ex Alexandria & Constantinopoli missos fuisse.

Tum PATRIOTTA, Qui te dignum, inquit, galero negget, SATVRNINE, qui, pro triplici corona tam gnauiùs mentiare, iniuriam tibi magnam facit.

Ignorantiam Carthaginensibus Patribus, inter quos fuit Augustinus, impudèter obijcis ex Bellarmino: malitiâ nostris.

Cum

Cum viderent Pontificij Sozimum suum in manifesto mendacio deprehensum, fabulam istam excogitarunt de septuaginta canonibus Nicænæ synodi. Ad eam rem epistolam confinxerunt tanquā ab Athanasio missam, & Ægyptijs quibusdam Episcopis ad Marcum Pontificem; in quo queruntur scilicet ab Arrianis Alexandria vera exemplaria esse combusta, ideoque verum ab illo septuaginta canonum exemplar petunt. Et ut mendacium ferè mendacium parit, rescriptum Marci Athanasio & Ægyptijs procuderunt, datum decimo calendas Nouembris, Nepotiano & Secundo consulibus: qui dies fuit propè finem anni trigesimi regni Constantinii: ut videre licet Sozomeni lib. 1. cap. 25. & 28. Quo quidem anno toto scribit Athanasium abfuisse ab Ægypto in Cōcilio Tyri, nec rediisse domum, sed Constantinopolim fugisse, vbi remansit, donec est in Galliam relegatus.

Quomodo igitur potuit Athanasius hanc Epistolam ad Marcum ex Ægypto mittere, vbi non fuit cum Epistola mitteretur?

Deinde in epistola Marci mentio fit persequutionis in Ægypto, quæ nulla fuit sub Constantino, sed multò post sub Constantio, mortuo Marco.

Scitè ridet Cicero hominē, qui dixit sese meminisse quid Tuscul. 1. actum fuerit ante se natum. Quis non rideat Marcum vestrum persequutionis in Ægypto recordantem exorta post se mortuum.

Iam Marcus præcessit Iulium, Iulius autem fuit Pontifex Romanus, cum Nicænum Concilium cogeretur, ut scribunt Sozom. lib. 1. cap. 17. & Bedæ distim. 1. 16. Sozomenus & Beda. Ergo tuus Athanasius, qui scripisse dicitur ad Marcum, scribit, Nicænos canones fuisse crematos prius, quàm condebantur.

Viginti porro canones cum essent postea conditi, vbiq̃ seruati sunt incorrupti in publicis Ecclesiarum atque authenticis monumentis, quibus & Nicænæ fidei symbolum continetur, & hæresis Arriana conuellitur: cæteri quinquaginta Arrianorum malitia subito periisse dicuntur.

O stultos Arrianos, qui quinquaginta canones eraserint, qui nullam hæresis Arrianæ partem tetigerunt: Nicæno sym-

bolo, & epistolæ ad Alexandrinos missæ pepercerint, quæ totam illam hæresim condemnarunt.

Oration. pro  
Flacco.

Lepidè iocatur Orator in testes quosdam Dorylenfes, qui in Flaccum producti, cum nihil aliud amississent, tabulas se publicas perdidisse dixerunt. O Pastores, inquit ille, cupidus literarum: siquidem nihil istis, præter litteras, abstulerunt. Si veras protulissent, criminis nihil erat: si falsas, erat pœna corruptarum literarum. Bellissimum putarunt, dicere amissas.

Paulū absimiles sunt isti Pontificij testes, qui fingunt Arrianos è Nicæna synodo quinquaginta canones abstulisse, qui nihil illis incommodarint: viginti cæteros illæfos atque integros, quibus damnati fuerant, reliquisse. Si veros Pontificij canones proferunt, lædunt causam suam: si falsos, lædunt famam. Tutissimum putant, quinquaginta dicere exustos: & quidem ab illis, qui nihil ex fraude sua commodi percipere potuerunt.

Sed si tam stulti Arriani, certè Romani sapientiores esse debebāt, quàm vt finerent viginti canones apud se remanere, qui primatum coarctarunt: quinquaginta perire, qui dilatarunt.

Sed adeò nullam videmus verisimilitudinem in fabula, vt illam ipse Bellarminus exploserit. Nam illam incensionem librorum scribit accidisse tempore Constantij Imperatoris, quando Athanasio expulso Georgius quidam Arrianus in eius locum ordinatus est, vt ipse Athanasius testatur in epistola ad omnes Orthodoxos: Constat autem, inquit, ex Chronico Hieronymi, Marcum Papam eo tempore fuisse defunctum, Ergo Marcus defunctus accepit epistolā ab Athanasio. Ergo defunctus rescriptit ad Athanasium, si credimus Bellarmino.

Ludus est videre, quomodo mendaces isti Pontificij fabulam hanc mutuis contradictionibus detegant.

At epistolam Marci rescriptum Iulij confirmat, quo mentio fit viginti septem canonum Nicænorum, præter eos viginti, qui à Ruffino numerantur.

Hic verò fictitium Iulium habemus non mentientem modò primatus

primatus gratia, verumetiam peierantem. Quamquam qui mentiri solet, vt ait ille, peierare consuevit. Non modò falsos fingit canones, sed iuramento sancit: Verum me dixisse testis est Diuinitas, vt ait in rescripto suo commentitio. Verum enim veri Iulij rescriptum missum ad synodum Antiochenam in causa Athanasij, ab Athanasio in secunda apologia positum, si tum isto comparetur, omnes circumstantias huius mendacij periurijque conuincet. Non longè abibo: cæcum & spurium hoc Decretale se ipsum planè redarguit.

Datum est enim primo Nouembris, vt ascribitur, Feliciano eiusq; collega consulibus: eodem ipso anno quo Constantinus est mortuus, Socrates lib. i. cap. 40.

Iam Synodus Antiochena, quæ deposuit Athanasium, & ad quam Iulius scripsit, coacta est à Constantio quinque annis post mortem Constantini. Ita rescriptum hoc missum est ad Antiochenam synodum quinque annis antea quàm synodus cogeretur. Non oculis cernis, non digitis attrectas tam crassum mendacium?

Sozom. lib.  
3. cap. 5.  
Apolog. Atha.  
2.

Porro Iulius in rescripto Athanasium scribit secum mansisse Romæ integrum annum & dimidium, Antiochenorum præsentiam expectantem, postquam eos priore rescripto citasset; cui dies est ascriptus calend. Octobris, vt posteriori calendæ Nouembris eiusdem anni.

Ita inter duas Decretales intererant triginta dies & vnus. Quo temporis spacio Roma Antiochiam vt irent, & redirent cum responso, pegasos oportuit esse Papæ apparitores: quibus non equitandum fuit, sed volandum.

Sed si sex Iulij canones Papalem prærogatiuam clariùs demonstrarunt, quàm vnus canon Sozimi: certè sapientem Sozimum facis, qui deteriorem, & vnum elegerit, cum sex multò meliores afferre potuisset.

Nam quòd multos alios Nicænæ synodi canones, vt vocas, præter illos viginti, à magnis Authoribus commemoratos adducis: respondeant tibi Iesuitæ vestri, qui decreta synodi Nicænæ in duo genera distinguunt. Primum genus diatypothes vocant, id est, Constitutiones, vt ipsi interpre-

tantur : alterum *opus* nominant, id est, propriè canones, vt illi nobiscum confitentur. Constitutionum, siue actorum numerum, vt fatentur, ignorant; canonum propriè vocatorum, numerum à Rufino definitum esse concedunt. Ad primum genus referunt ferè hosce tuos impropiè dictos canones, quorum aliquos in actis synodi Nicænæ esse affirmant, in canonibus negant. Vt disertè Turrian. in procemio in can. Nicæn. apud Binium part. I. pag. 169. De constitutionibus autem hisce, quas vrges, singulatim alius proprius dabitur dicendi locus.

Hic confisto, hic habito, hic hæreo contra omnes vestrorum hominum corruptelas & imposturas, vbi me pedem figere docuit Augustinus: Quis dubitet, inquit, exemplaria esse verissima Nicænæ synodi, quæ de tam diuersis locis, & de tam nobilibus Græcis Ecclesijs adlata & comparata concordant? Credo Cyrillo Episcopo Alexandrino sic rescribenti ad Patres Carthagenenses.

Sur. tom. I.  
rescript. Cy-  
rill. Alexand.  
pag. 586.  
Epist. Attic.  
Epist. Const.  
ibid. fol. 190.

Necesse habui fidelissima exemplaria ex authentica Synodo in Nicæa Bithyniæ habita, vestræ Charitati dirigere.

Audio Atticum Episcopum Constantinopolitanum sic rescribentem: Sicut statuta sunt in Nicæa ciuitate à Patribus canones, in integro, sicut iussistis, direxi.

Non debeo, non possum non assentiri ducentis & septemdecim Patribus in Africano Concilio congregatis, quibus subscripsit Augustinus.

*b* Quisquamne sanus supposititia quædam falsi Marci nescio cuius, & Iulij rescripta in tenebris, & in angulo procusa, inter seque pugnantia, veris & indubitatis Nicæni Concilij canonibus, non solum in Carthagenensi, sed in Alexandrino, Constantinopolitano, & Romano Archiuo conseruatis, luce & palàm exscriptis, & inter se concordantibus anteponat? aut tres suspectos, vel cõuictos potius, in sua causa testes priuatos audiat, priusquam plusquam ducentos in communi causa integerrimos & religiosissimos testes in Concilio congregatos? & illos quidem factum Ecclesiæ suæ sine omni ratione perniciosum inducentes, hos verò factum illum grauissimis.



firmis sanè sanctissimisq̃ue rationibus, quantum poterant, coercerentes?

At in scenam à Bellarmino ridicula persona Iohannis cuiusdam inducitur, sine cognomine, quem virum doctissimum appellat, qui asserit in Concilio Florentino, scilicet posse se multis Veterum testimonijs ostendere. Quid autem iste Iohannes quidam asserit? Patres Carthagenenses tandem agnouisse falsos & corruptos ad se Nicæni Concilij canones ex Alexandria & Constantinopoli missos fuisse. Palinodiam credo cecinerunt Patres Carthagenenses, & quod in synodo publicè decreuerunt, id priuatim retractarunt. Quis asserit? Iohannes quidam. Quis ei dixit? Nemo. Tantum posse se dicit ostendere ex multis Veterum testimonijs. Quin igitur ostendit? Ergo quod pecus quoddam ignotum posse se dicit ostendere, nec ostendit, id nos quasi legitimum palinodiæ à tam illustri prudentiq̃ue Concilio factæ testimonium audimus? Et quia Robertus quidam tam obscuram in extremo personam induxit, & virum doctissimum appellat, idcirco nos illum vt idoneum & grauem testem contrà tot reuerendiss. Patres Carthagenenses admittemus? Quibus iste omnibus obijcere audet ignorantiam, nec in eo videt prodere sese suam arrogantiam. Iohanni cuidam doctrinam aspergit, inscitiam Augustino, scilicet hic & fumum ex fulgore, & ex fumo dare lucem cogitat: hæres Mineruæ, qui secum natam, secumq̃ue morituram scientiam somniat. Nam alioqui nunquam obiecisset ignorantiam Augustino, ceterisq̃ue Carthagenensibus Patribus, quasi distinguere nescissent inter duas synodos Sardicenses, cum ipse maiorem proderet imperitiam, qui Nicænam & Sardicensē confudisset.

Sed vt eò iam, vnde aduersarium sequuti necessariò digressi sumus, reuertamur, tibiq̃ue, CALANDER, primitiuæ Ecclesiæ de primatu iudicium breuiter colligamus: vides Pontifici Romano primatum ordinis & gradus concessum à multis, primatum verò potestatis & iurisdictionis à sex Concilijs denegatum. Non ignoro quid Victor ante Concilium Nicænum affectarit: quid post arrogarit Leo. Sicut duos filios Zebedæi legimus, alterum cupisse Christi dextræ, alte-

rum sinistrae assidere. Sed appetitus gloriae non infert articulum fidei. Itaque Patres Ecclesiae primitiae, nequis vnus se supra ceteros efferret, quantum poterant, prouidebant: Nicæni Romano non minus quam Alexandrino suam prouinciam assignabant, extra quam egredi non posset: Constantinopolitani, Ephesini, Chalcedonenses, Romanae sedis Constantinopolitanam exaequabant: Carthaginenses Romano ius appellationis ab Africanis synodis denegabant. Quos tam doctos sanctosque Patres non est credibile in sex Concilijs congregatos, eam Romano Episcopo iurisdictionem eripere voluisse, quam Scriptura tribuisset. Sed exorti sunt alij qui plus viderunt, & Scripturam melius intellexerunt, quam duo millia Patrum, qui in sex illis Concilijs conuenerant. Nunc possunt cœleste Diploma nobis ostendere multis locis, quibus Deus Petro, Petrique successori, vt præsunt, Pontifici Romano, vniuersalem principatum delegauit. Tibi dabo clauēs, & quodcunque ligaueris, &c. & Pasce oues meas: & Tu es Petrus, & super hanc petram, ceteraque generis eiusdem.

Patres autem illi, quamuis acerrimis oculis omnia Scripturæ sanctæ mysteria diligentissime perscrutari solerent, tamen nec clauem Petro maiorem melioremuē, quam ceteris Apostolis datam videre potuerunt: nec linguam igneam ceteris ampliorem aut illustriorem capiti Petri, quasi Principis, insidentem: neque ex duodecim columnis vnā ceteris omnibus firmiorem aut stabiliorem esse positam, sed omnes inter se æquales & pares: nec Petrum vnum omnium Apostolorum Pastorem constitutum, nedum Principem, efferentem sese supra ceteros Apostolos, supra Imperatorem, supra Concilium. Itaque primo Hierosolymitano Concilio non Petrus præsuit, sed Iacobus. Et Petrus à ceteris Apostolis cum Iohanne missus in Samariam, obediuit. Non mittitur autem superior ab inferiore, sed contrā. Sequitur igitur Petrum non fuisse superiorem ceteris, sed parem. Immo verò toto Concilio inferiorem. Cui propter Cornelium Centurionem, ad quem profectus erat, accusatus facti sui rationem reddidit, in quo quidem se inferiorem Concilio confessus est.

est. Quod non Petri mandato, sed communi omnium Apostolorum consensu celebratum est: multa in eo de Christianismi summa, id est, de iustificatione & salute electorum per gratiâ Christi disceptatio prius, quàm Petrus sententiam suam non sedens, sed assurgens, modestè & placidè proferebat. Post eum Iacobus non modò sententiam dixit, sed decretum ipsum, quod totus Apostolorum & Presbyterorum consensus sequitur, pronuntiavit & dictavit. Visum deinde est non vni Petro, sed Apostolis & Presbyteris cum tota Ecclesia, lectos ex se viros Antiochiam mittere cum Apostolo Paulo & Barnaba: neque Epistola synodalis nomen Petri, sed omnium Apostolorum & Presbyterorum & fratrum præferebat. Quòd si Petrus à Christo primatum iurisdictionis accepisset, iniuriam Petro cæteri Apostoli fecissent, quòd non sint passi Petrum præsidere Concilio, quòd Petrum, vt inferiorem, in Samariam miserint; quòd à Petro facti rationem acceperunt, quòd Petri mandato non conuenerunt, quòd non fuerint Petrum suprà alios sedere, decretum proponere, legatos suo nomine mittere, Epistolam synodalem suo nomine consignare. Sed Apostoli Petro iniuriam non fecerunt. Sequitur igitur Petrum à Christo nullum primatum iurisdictionis accepisse: sed reliquis Apostolis æqualem, toto autem Concilio inferiorem fuisse.

✓ Duplex Petro dominiū Pontificij tribuunt. Faciunt enim eum Dominum & spiritualium & temporalium. Malè igitur Paulus Apostolus, quod cum reuerentia dictum velim, qui se Petro exæquarit, seque nulla re Petro inferiorem prædicarit, immò verò etiam cum esset in culpa, grauiter illum in os, quasi parèem & collegam, & publicè reprehenderit. Nam Euangelium, inquit, mihi apud gentes concrediditum est, sicut Petro apud Iudæos. Nam qui efficax fuit per Petrum in Apostolatu Iudæorum, idem per me fuit efficax ergà gentes. Cumque Iacobus, Cephass, & Iohannes, qui videbantur esse columnæ, gratiam mihi datam cognouissent, tum mihi & Barnabæ societatis dexteram dederunt. Vide, Cephass socium agnoscit Paulum, non habet subditum. Nec domini apicem assumpsit, sed societatis dexteram præbuit: quod à Pe-

tro factum non solum humilitate animi, sed muneris æqualitate. Et à Paulo scriptum absit vt putemus animi superbia, sed rei veritate. Absit igitur vt Petrum Pauli dominum arbitremur. Quòd si Christus Petrum vniuersalem Episcopum & principem præfecisset Ecclesiæ, quomodo Petrus & Paulus ausi fuissent decimo octauo demum post Christi passionem annopacisci inter se, vt Petrus Apostolatum ergà Iudæos, Paulus ergà gentes, non tantummodò sed potissimum exerceret? Vnde Paulus à Veteribus non minus princeps Apostolorum dicitur esse, quàm Petrus. Par autem in parem non habet imperium.

Neque verò Petrus ipse dominari voluit in clerum, ne plus sibi assumpsisse, quàm alijs permisisse existimaretur: sed se cæteris Presbyteris exæquauit, cum se non Archipresbyterum, sed compresbyterum appellauit, 1. Petr. 5. Nedum gladium & ciuile dominium vsurpauit, & sibi Cæsarem subiectum iudicauit: sed se cum alijs Christianis omnibus admonuit, vt Cæsari tanquam præcellenti, & cæteris magistratibus tanquam ab eo missis sese subicerent: nec vnquam ciuile dominium exercuit. Non igitur habuit. Non est enim facultas, quæ nunquam educitur in actum. Non igitur Petrus plus suprà Reges, quàm suprà Apostolos.

Immo ne Christus quidem ipse, vt homo, suprà Imperatorem. Vt Deus, est Rex Regum, & Dominus dominantium. Vt homo, non Tiberio solum, sed Pilato Tiberij in Iudæa procuratori se subiecit, Non haberes, inquit, in me potestatem, nisi tibi data esset desuper. Porro regnum suum ait non esse de hoc mundo, cum interrogaretur à Pilato quod tandem regnum vendicaret. Ex quo constat, Christi non temporale, sed spirituale regnum habendum, vt ex ijs verbis colligit Augustinus: Animaduertite igitur, inquit, ô Reges, nec inuidete: (Christus) est Rex, sed longè aliter quàm vos estis, quid dixit, Regnū meū non est de hoc mundo. Ne timete igitur, ne vobis eripiat regnum huius mundi: aliud vobis dabitur, idque cœleste, cuius ille Rex est. Ergo Christo regnum temporale non fuit: Petro fuit? Quid est hoc aliud, quàm seruum Domino, legatum legante maiorem facere? Et

fi

si nec Christo, nec Petro fuit: Papat<sup>us</sup> suppositio Christi vicario, & fictio Petri successoris, non modo regnum temporale, sed omnium regnorum temporalium summum dominium datum esse indicatis? Vah stultam superbiam, vah solennem vanitatem. Quam Christus multis locis in Apostolis vellicauit; Cum diceret, Reges gentium dominantur eis, vos autem non sic. Et Sicut misit me Pater, sic & ego mitto vos. Et Regnū meum non est de hoc mundo. Et tamen Bellarminus ausus est scribere summo Pontifici datam supremam temporalem potestatem: quam Christus ipse, vt fatetur, non exercuit. Christus ait, Reges gentium dominantur eis, vos autem non sic. Bellarminus contrā, Vos autem sic. Christus, Sicut misit me Pater, sic & ego mitto vos. Bellarminus contrā: Non sicut misit me Pater, sic & ego mitto vos: misit me Pater in humilitate, & ignominia; sed ego mitto vos in gloria & maiestate. Christus, Regnum meum non est de hoc mundo. Bellarminus contrā, Immo est de hoc mundo & totius mundi: sic solet manifestò Cardinalis Christo contradicere.

At quamuis Christus vt homo, non exercuit temporalem potestatem, potuisset tamen si voluisset, inquit Bellarminus, Non autem hic quæritur quid Christus facere potuerit, sed quid fecerit. Nec fundanda autoritas Petri in eo quod potuerit facere Christus, sed quod reuera fecerit. Potuisset Christus, si voluisset, in instanti totum mundum condere, sed noluit. Noluisse Scriptura testis est, qua sex sibi dies ad hoc opus producendum sumpsisse memoratur. Potuisset, si voluisset, vna sanguinis guttula sine morte sua mundū redimere, sed noluit. Noluisse testis est illa Scriptura, quamori pro nobis illum oportuisse perhibetur. Ita potuisset, si voluisset, vt homo, temporalium dominium exercere, sed noluit. Noluisse ipsa testis est veritas, quæ dixit, Regnum meum non est de hoc mundo. A possibili igitur ad factum non valet argumentum in Christo, nedum in Petro. O suauem insaniam Bellarmini, quæ summā temporalem potestatem in possibilitate, tanquam in nube pendulam, suo Pontifici datam somniat.

At rationem hominis attendite: Deus Christum consti-

tuit hæredem vniuersorum, Ergo si voluisset, potuisset Christus Tiberium de folio suo, Pilatum de tribunali suo deijcere. Erat enim hæres vniuersorum. Potuisset etiam Petrus, si voluisset, Neroni sceptrum suum extorquere de manibus. Erat enim hæres Christi. Et potest iam Papa, si velit, cuiusvis non solum hæretici, sed etiam Catholici Regis, si malus esse cœperit, diadema de capite deturbare. Est enim hæres Petri. Huc enim redeunt omnia denique, vt à Christo ad Petrum, à Petro ad Papam temporale totius mundi dominium deuoluatur. Vt Papa potestatem & habeat & exerceat in Reges scilicet, quam Christus habuit, sed nō exercuit, exercere verò potuisset. Apagè tam ineptas argutias, quæ tam perniciosas inferunt consequentias. Quòd si non modò Augustinum, sed Maldonatum suum consulere vólisset; potuisset intelligere locum illum de spiritali, non temporali hæreditate mundi, Christo à Patre concessa interpretandū. Quid enim? qui priuatæ hæreditatis herciscundæ iudicium recusauit, is publicam totius mundi hæreditatem assumeret? Et qui se Pilati potestati, datæ desuper, libens subiecit vsque ad mortem crucis, is se temporalem Tiberij, mundi quæ Dominum demonstrauit?

At non erat (inquit Bellarminus) potestas Pilati ordinata, sed permissa. Et hic est loci sensus, Pilatum nihil potuisse facere aduersus Christum, si Deus id non permisisset. Quomodo etiam locus ille intelligitur, Hæc est hora vestra & potestas tenebrarum, 22. Lucæ. Verum quia D. Thomas, inquit, in cap. 13. ad Romanos, locum intelligit de potestate ordinaria, non dissentimus: sed quòd hæc potestas ad Christum se extenderit, factum id putamus ex ignorantia Pilati, qui Christi dignitatem, nesciens, eum ceu priuatum Patris ciuem iudicabat. Quemadmodum si hoc tempore clericus sub nomine & habitu laici sisteretur Iudici sæculari, posset ea potestate iudicari qua laicus ex ignorantia iudicis, non tamen ideò sequitur clericos de iure subiectos esse iudicio laicorum, vel Christum subiectum fuisse iudicio Pilati. Hæc Bellarminus.

At Christus potestatem Pilati dixit, non permissam, sed datam



datam desuper. Potestas permissa erat illa potestas tenebrarum, qua Deus permisit, vt Iudæi Dominum gloriæ occiderent, in eoque grauissimè peccarent. Idèd dicitur potestas tenebrarum, non data desuper, vt Pilati iudicis, quam Augustinus non vsurpatam, sed iniquam esse dicebat. Quem loquum, inquit, à diuo Thoma exponi de potestate legitima cum audiam, non repugno. Bene habet, quod malè affirmasti, honestè negas doctus à Thom. Loquitur homo iste tanquam è lintre, nunc in hanc, nunc in illam partem inclinat: nec alijs magis, quàm sibi ipse contradicit interdum. Sed videte quam versando sese in partes omnes elabendi rimam inuenit. Quòd Pilatus hanc suam potestatem extenderit contrà Christum, id factum est, inquit, ex ignorantia Pilati, quia Christi dignitatem nesciebat: vt si clericus sub habitu laici sisteretur iudici sæculari, posset ex ignorantia iudicis iudicari vt laicus, quod tamen ius non infert, &c.

Quod ille tribuit ignorantia Pilati, Augustinus tribuit timori, ne offenderet Cæsarem, si Christum dimisisset. Sed hoc potest assignari eius ignorantia, quòd petat principium. Id enim sumit, quod est in quæstione, nempe clericum non posse iure iudicari à iudice sæculari, quamuis ex ignoratìa iudicis possit, indutus habitu laico. Quasi diceret, Alexandrum tertium in suis Põtificalibus iure non potuisse iudicari à Frederico Imperatore, sed coci sui habitu indutum potuisse ex ignorantia: vel Episcopum illum, qui contrà Richardum primum Angliæ Regem arma gessisset, non potuisse suspendi indutum habitu Episcopali, sed intentum in tunica militari, potuisse ex ignorantia: vel Odonem Fratrem Guilielmi primi, scelestum perduellem, custodiæ mandari non potuisse vt Episcopum Baionæ, sed vt Comitem Cantij: vel Iesuitam aliquem proditorem, putà Garnettum aliquem, aut Oldcornum, non potuisse suspendi suis Missalibus indutum, sed aulico habitu vestitum potuisse ex ignorantia. Ego verò iam cuperem istos clericos ignorari potius, quàm cognosci. Sed peruersè facit innocentiam Christi pallium nocentis clerici: vt quia Christus non potuerit iure iudicari à Pilato, idèd clericus à iudicio laici quiuis eximatur. Est enim, vt dixi, ma-

nifesta petitio principij. Nam possum ita contrario modo rectius disputare: Persona Christi nulla fuit exemptio à iudicio Pilati. Nulla est igitur exemptio Pauli quinti à iudicio Imperatoris. Nam si Christus summus Pontifex non erat exemptus ab Imperatoris iudicio, quod Imperatoris potestas esset data desuper: certè Romanus Pontifex ab Imperatoris potestatis iudicio exemptus esse non debet. Actiones Christi sunt regulæ Papæ, non actiones Papæ sunt regulæ Christi. Quod autem Cardinalis clericum inducit sub habitu laico coram iudice sæculari, malè ad rem accommodat. Nam iste exemptionem, vt docetur, adeptus, non diceret iudici, illum à celsè potestatem in se habere, sed contrarium: Tu non habes in me potestatem desuper, nam ego sum clericus: cum autem hoc Christus non dixerit, sed contrarium, (habes in me potestatem desuper) exceptionē clerici non probauit. Nisi fortè clerici maior sit prærogatiua, quàm Christi. Sed certè clericum valde plumbeum induxisti, qui donatus, vt putas, priuilegio, id eloqui non possit, vt seruetur à periculo: similem asinæ eiusve pullo, vnde ducere solent argumentum aliud temporalis dominij Christi. Misit ille discipulos suos vt sibi asinam & pullum adducerent, cui, iuxta prophetiam Rex mansuetus insideret cum Hierosolymam ingrederetur; mandauitque, vt asinorum domino dicerent, Dominus ijs opus habet: vnde concludunt Christum temporalem totius mundi Dominum fuisse. Ineptè. Nam quod mutuo peteret asinum, id Christi paupertatem, quod eidem insideret, cum Hierosolymam intraret; id humilitatem & mansuetudinem inuocabat, vt Patres exponunt; ergo qui inde temporalis in eo Principis dignitatem & celsitudinem colligunt, Dominus ijs opus habet, nequid grauius videar dicere. Quod si auctoritas Principis ex hoc loco elici potuisset, non dixisset, Dominus ijs opus habet, sed, Dominus mandat vt mittas. Cuius humilitatem cum Romanus Episcopus Celestinus peruersè cupiens imitari per urbem asino veheretur, idque suis etiam Cardinalibus imperaret, irrisus est ab illis, qui non tam Papam asino, quàm asinum Papæ insedisse crederent; quod dum Christi humilitatem referre vellet, Papæ celsitudinem

nem abieciſſet. Et tamen adeo ſtupidi ſunt, vt Chriſtum, cum iſto modo equitans Hieroſolymam ingrederetur, in triumpho, temporalem exercuiſſe poteſtatem exiſtinent. Ergo modum hunc quem in Celeftino vix Papalem putabant, in Chriſto Regalem iudicant? quem in illo vilem, in hoc triumphalem arbitrantur? quem in illo ſignum infirmitatis putabant, in hoc ducunt ſpecimen poteſtatis? Eſt certe Chriſtus cœli terræque Rex, habetque regnum & ſpirituale & æternum. Sed regnum ſuum non eſſe de hoc mundo, quamvis ſit in hoc mundo, coram Pilato eſt profeſſus. Stetit igitur corâ Pilato & Dominus & ſubditus Imperatoris: poſt illum iudicaturus, tunc ab illo iudicandus: inuiſibili maiestate metuendus Deus, viſibili humilitate miſerandus homo: in cuius perſona potentia Spiritus ſub carnis infirmitate delituit, vt doceret Petrum, in eoque Papam cœleſtibus gaudere gratijs, non terrenis titulis ſuperbire: regniſque non externam & euaneſcentem, ſed internam ſemper & æternam animo gloriam cogitare.

Sed iam ex Scripturis ſuprà poſitis argumentum preamus, & ex Veterum interpretationibus propius vrgemus. Chriſto regnum de mundo nullum:

Nullum igitur Petro: niſi potuerit dare Petro, quod ipſe non habuit.

Chriſtus ſubditus Imperatoris, vt homo: Petrus igitur quomodo Dominus? niſi potuerit diſcipulus eſſe ſuprà magiſtrum. Quodd ſi Petrus ſubditus, Papa quomodo dominus?

Non erat Petrus ſuperior cæteris Apoſtolis. Non igitur Papa ſuperior cæteris Epiſcopis.

Petrus erat inferior Concilio. Eſt igitur Papa Concilio inferior.

Quibus autem gradibus auctus eſt Papa, iſſdem, ſi placet, minuatur.

Primum euectus ſuprà Epiſcopos, vt Bonifacius tertius: poſt ſuprà Reges & Imperatores, vt Gregorius ſeptimus: tum Imperatoriam & Pontificalem dignitatem aſſumpſit, & quidem iure Pontificatus, vt Bonifacius octauus. Poſtremo euectus ſuprà Concilia, vt omnia mali remedia tollerentur,

vtque populus Christianus calamitatem suam lugere forsitan posset, sanare non posset.

Petrus autem non erat supra ceteros Apostolos. Cyprianus: Hoc erant vtrique ceteri, inquit, Apostoli quod Petrus fuit, pari consortio præditi & honoris & potestatis.

Erat inter omnes Apostolos paritas potestatis, vbi igitur superioritas Petri?

Carthaginenses igitur Patres in Concilio, 42. capite decreuerunt, ne primæ sedis Episcopus appellaretur Princeps sacerdotum, vel summus sacerdos, aut aliquid eiusmodi, sed tantum primæ sedis Episcopus: vbi igitur Papæ spiritualis, quo de Bellarminus somniat, principatus?

Post Gregorius primus titulum vniuersalis Episcopi non solum in Iohanne Constantinopolitano, sed in seipso & in omnibus alijs detestatus vt nouum, scelestum, nomen singularitatis, esse vniuersalem pestem Ecclesiæ, corruptionem fidei, contra canones, contra Petrum Apostolum, contra sensum Euangelij, contra omnes Ecclesias, contra Deum ipsum.

Libro 4. epist. cap. 32.

Nunquam pium virum huiusmodi titulis vsum esse: nullum predecessorum suorum vti consensisse: & quicumque illo vsus fuerit, esse prænuntium & præcursorem Antichristi. Est autem hic titulus insignis, vniuersalis Ecclesiæ Episcopus, Romano Episcopo proprius, vt ait Bellarminus. Ergo nouus, scelestus, prophanus &c. titulus est Rom. Episcopo proprius, vt docet Gregorius.

Libro 4. epist. cap. 34.

Lib. 4. cap. 38.

39.

Bellar. lib. 2. de Rom. Põc. cap. 31.

At hic distinguit Bellarminus, Vnus est, inquit, sensus huius tituli, vt ille qui dicitur vniuersalis Episcopus omnium vrbium Christianarum, ita vt ceteri non sint Episcopi, sed vicarii tantum illius, & hoc modo est prophanum vocabulum, vt loquitur Gregorius, Lib. 2. de Rom. Pontif. cap. 31. Ita vt ex mente beati Gregorij vniuersalis Episcopus ceteris omnibus auctoritatem adimere videatur, vt œcumenicus Episcopus sit idem ac solus Episcopus, quemadmodum Bellarm. exponit in Torto. Perinde ac si Gregorius à Iohanne Constantinopolitano, qui primus nominari voluit œcumenicus, omnes alios exauthoratos Episcopos iudicasset.

In quo sanè Bellarminus repugnat historiæ, quæ declarat omnes

omnes Græcos Episcopos Iohanni Constantinopolitano consensisse, vt Vniuersalis titulum sumeret: quod nunquam fecissent, si eo titulo concessio, sibi ipsis omnem Episcopatus auctoritatem ademptam esse duxissent. Porro Bonifacium tertium ostendit Plátina, eundem præminentia locum sumpsisse, quem Iohannes vendicabat.

Deinde sibi ipsi eodem loco contradicit, quo scribit Græcos Episcopos sedem Constantinopolitanâ non solum sedi Alexandrinæ & Antiochenæ præferre, sed etiam æquare Romanæ, & vniuersalem facere voluisse. Quod quomodo stare potest cum eo, quod antè dixerat? Non enim prætulit se Alexandrinæ & Antiochenæ, sed vtramque sustulit sedes Constantinopolitana: nec se Romanæ æquauit, sed Romanam extinxit; siquidem œcumenicus est idem ac solus Episcopus: nec eam sibi parem, sed vicariam fecit. Siquidem cæteri non Episcopi, sed vicarij tantum illius, vt Gregorium sensisse finxit.

Non enim Gregorius eo nomine sublato omnes Episcopos, sed imminutos sensit: nec honorem abrogatum Libro 4. epist. 36.  
Patriarchis cæteris, sed derogatum: nec alios omnes de- Libro 4. 34.  
positos, sed vnum præpositum omnibus fuisse: nec id vnum egisse, vt solus esset, sed vt solus præficeret: nec vt cæteri ne essent Episcopi, sed vt cæteris dignior Episcopus videretur: vt cætera sibi membra omnia subiugaret, non amputaret: essetque inter Episcopos, vt Lucifer inter Angelos, qui se prætulit omnibus, non omnes sustulit. Sic iste vniuersalis Episcopus cæteros Episcopos passus est esse, sed voluit subesse: si Gregorio meliori suæ mentis interpreti quàm Bellarmino, credendum arbitremur. Et hoc fecit Postea Bonifacius tertius, & nihil sibi sumpsit tribuente Phoca Bonifacius, quod non Iohannes prius tribuente Mauritio vendicauit.

Quod sumpsit Bonifacius, Paulus quintus retinet, & multò amplius.

Retinet igitur nomen nouum, prophanum, scelestum, blasphemum, &c. vt censuit Gregorius: dum vniuersalis Episcopus appellatur.

Scitè dictum, & verè: Caput malum caput malorum. Ma-  
lum

lum autem quo vniuersalius, eò maius. Caput igitur malum vniuersale malum maximum; ex quo quidem mala omnia in Ecclesiam & in rempub. defluerunt: in Ecclesiam hæreses, in rempub. prodiones; dum Christi fidem perderet, & Imperatoris Maiestatem conculcaret. Quorum vtrunque prædixit Gregorius. Dixit enim Aniano, In isto scelesto vocabulo cōsentire, nihil esse aliud, quàm fidem perdere. Quantum detrimenti fides passa sit, ex sequentibus Catholicæ Romanæ fidei articulis apparebit. Scripsit Mauritio, Qui eo vocabulo gauderet, honori se per illud Imperij superponere. Quantum ex eo detrimenti Imperium cepit, lugubres multorum Imperatorum exitus declararunt. Quos REGIUS noster vobis exponet. Verus, vt dixi, ah nimis verus Propheta Gregorius. Recteque, vt Gregorij doctissimus interpres Cicestriensis, vniuersalis Episcopus quoad imperium Lucifer, quoad Ecclesiam Antichristus.

Lib. 4. ep. 39.

Lib. 4. ep. 32.

At Gregorius ipse, (inquiunt) quamuis vniuersalis vocabulum improbavit, tamen vniuersalem iurisdictionem exercuit. In quo Gregorium fingunt non syncerè pium, sed prophanè politicum, similem Cæsari, qui Regis nomen odiosum repudiavit, vt Regiam authoritatem callidiùs exerceret.

Gloss. in Gratia. edita à Greg. 13.

Itaque fingunt Gregorij quandam epistolam ad Iohannem Episcopum Syracusanum, ita inscriptam, Iohanni Episcopo Syracusano, de Episcopo Constantinopolitano de crimine accusato. In epistola autem ipsa Bizancenus primas dicitur fuisse in quodam crimine accusatus, quem piissimus Imperator iuxta statuta canonica per nos, inquit, voluit iudicari. Greg. lib. 7. epist. 64. Sed error nominis Bizaceni, vel Bizaceni, deducti non à Bizantio vrbe Constantinopoli dicta, sed à Bizatio Africæ prouincia, correctus est in glossa iuris canonici, quæ dicit Anselmum & Gratianum fuisse deceptos inscriptione epistolæ S. Gregorij; quia Bizācenus significat non Patriarcham Constantinopolitanum, sed primatem Africanum. Quæ res iustam sanè causam nobis affert suspicandi epistolam esse supposititiam: vt & aliam, in qua Gregorij affirmantem inducunt, Constantinopolitanam Ecclesiam



Ecclesiam Apostolicæ sedis esse subiectam, vt Eusebius eiusdem sedis Episcopus profitetur, Lib. 7. Ep. 63. quem locum Bellarminus citat, Lib. 2. de Rom. Pontif. cap. 14. Sed Gregorij tempore nullos nisi Iohannem & Syriacum sedis Constantinopolitanæ præfuisse, qui vniuersalis Episcopi titulum usurparunt, testis est Nicephorus in Chronico tripartito. Vnde constat falsum Eusebium inductum testem Romanæ prærogatiuæ, & spuriam epistolam à librario aliquo confectam, quæ testetur id scripsisse Gregorium mortuum, quod viuus non in alio modo, sed in scripto tam grauitèr & sæpe reprehendit.

Cum hæc non successerit, alia aggrediuntur via, Com- Baronijs &  
plures aiunt prædecessores Gregorij fuisse, qui se inscribe- Bellarminus.  
rent Episcopos Catholicæ Ecclesiæ, id est, vniuersalis. Idem autem esse vocari vniuersalem Episcopum Ecclesiæ, & Episcopum vniuersalis Ecclesiæ. In quo quidem habent Costentum sibi repugnantem in Enchiridio, & Lindanum in Panoplia sua, quorum iudicio hæc differunt, vniuersalis Episcopus, & vniuersalis Ecclesiæ Episcopus: vel vt tollatur homonymia, idem esse negant, vocari Episcopum Catholicæ Ecclesiæ, id est, vniuersalis; & Catholicum, id est vniuersalem Episcopum Ecclesiæ. Et rectè negant. Anne est idè dicere Tortum eruditum Theologum scholæ Papiensis, & Theol. eruditæ scholæ Papiensis? Minime. Nam ni illa propositione falsa laus affingitur Torto, in hac Papiæ vera conceditur. Sic aliud est Papa Catholicus Episc. Ecclesiæ, aliud Papa Episc. Catholicæ Ecclesiæ. Nam in illa propositione Papiæ titulus ementitus, in hac verum Ecclesiæ nomen exprimitur. At æquè pollet Catholicum, inquit, & vniuersale. Quid tum? At istæ propositiones non æquè pollent, Papa Romanus est Episcopus Catholicæ Ecclesiæ, id est, vniuersalis: ergo est Episcopus vniuersalis; non plus quàm ista duo enunciata æquè pollent: Rex Hispaniæ est Rex Catholicus: ergo est Rex vniuersalis. Vel sic. Rex Hispaniæ est Rex Catholicæ Ecclesiæ. Ergo est Rex vniuersalis orbis Christiani. Non enim ad Pontificem, qui vocatur Catholicus, omnium Ecclesiarum magis, quàm ad Regem, qui Catholicus dicitur, omnium regnorum

authoritas pertinet.

Quoniam iste vniuersalis Episcopus non summum modò dominium in spiritalibus, sed etiam in temporalibus vendicat, vt authoritas omnium in Papa, authoritatis executio tantum in Imperatoribus & Regibus residere dicatur: quam auferre vni, & conferre alteri, tanquam vasallis suis, pro suo iure & arbitrio possit; vt fecit Gregorius septimus. Et si velit, vtramque potestatem & Pontificiam & Imperatoriam simul coniungere in seipso vi & iure Pontificatus sui, vt fecit Bonifacius octauus. Quorum neutrum fecit diuinus Apostolus D. Petrus, sed pauper atq; humilis, qui sibi pascendi curâ, non regnandi authoritatem datam sensit: non dominium, sed ministerium delegatum. Vt Bernardus ad Eugenium Papam dixit: Apostolis interdicitur dominatus. Ergo tu tibi usurpare audes aut dominans Apostolatam, aut Apostolus dominatum? Forma Apostolica hæc est, interdicitur dominatio, indicitur ministratio. Quid igitur, inquires? Num negauit Eugenium Papâ prouinciarum suarum dominum temporale fuisse? Minime. Sed respondet, Illas esto, vt alia quacunque ratione vendices, certè non Apostolico iure. Nec enim Petrus dare, quod non habuit, potuit. Quod responsum Cardinalis valdè probat, Lib. 5. de Rom. Pontif. cap. 20. Vnde constat vi & iure Pontificatus duas hæc potestates in vno nec posse, nec debere cõfundi; vt Nicholaus primus Papa docuit ipse, Cum ad verum ventum est, inquit, loquens de Christo saluatore nostro, vltra sibi nec Imperator iura Pontificatus arripuit, nec Pontifex nomen Imperatorium usurpauit. Què locum exponens Bellarminus, Nicholaus primus, inquit, disertè docet, Christum distinxisse adus, officia, & dignitates Pontificis & Imperatoris, ne aut Imperator iura Pontificis, aut Pontifex iura Imperatoris præsumeret usurpare. Et tamen Bellarminus has duas potestates in Pontifice Romano confusas esse defendit vi & iure Pontificatus, quas à Christo, & Papa disertè distinctas confitetur. Quid huic homini facias? qui Christo, qui Papæ, qui sibi ipsi, cum libet, contradicit. Verum in hac parte Bellarminum Regro nostro fufus refellendum atque exagitandum relinquo. Hic ego tantum ostendo

Papam

Bernard. de  
confid. ad  
Eugen. lib. 2.

Nich. Pap. in  
epist. ad Mi-  
chael. Imp.

Lib. 5. de R. G.  
Pont. cap. 5.

Papam vsurpare temporale dominium suprà Imperatorem, quod nec Petrus, nec Christus habuit, & vterq; in Episcopo condemnauit.

Erat etiam Petrus inferior Concilio Hierosolymitano. Et Papa per diu Concilio generali inferior est habitus etiam à suis. Vt Panormitanus, In rebus fidei, inquit, Concilium est suprà Papam, sic vt res ordinare non possit contrà determinationem Concilij. Hinc est, quòd Concilium potest Papam condemnare propter hæresim; vt generale Concilium Pisani, Constantiense, Basiliense, complures Papas propter hæresim Papatu abdicarunt: in quibus decretum est, Concilium esse suprà Papam. Vnde Cusanus consuetudinem Ecclesiæ declarans, Concilium œcumenicum in omnibus rebus suprema potestatis esse scripsit, imò suprà Papam ipsum. Possem alios illustres huius opinionis Pontificios recensere: sed hoc loco non est necessarium. Nunc autem Papa est euectus suprà Concilia, & primatum in eo suum præcipuè situm arbitrat, vt exutis Episcopis, deiectis Imperatoribus, subactisque Concilijs, quicquid iam faciat, impunè faciat. Et hunc nos Petri successorem credamus, qui nihil Petri simile habeat? Quod tamen Bellarminus sumit vbique quasi concessum, cum nihil sit tam controuersum. Queniammodum etiam vicarium Christi passim affirmat, non probat: cum nihil sit ad fidem Catholicam-Romanam tam necessarium, quàm vt horum vtrunque ex Scripturis confirmaret. Omnino successor Petri in Patribus legitur: vicarius Christi non legitur. Non igitur id credendum fide Catholica, sed fide historica.

De vicario Christi pòst videro: nunc de successore Petri paucis inquiram.

Neque verò hoc loco argumentabor illa, quæ sunt controuersa vehementer, vtrū Petrus Romæ fuerit; vtrum Episcopus, vtrum Episcopus Romanus fuerit; neque, si fuerit, disputabo vtrū Petri dignitas personalis transire potuerit in successorem, quod negatur: cum concessa sit à Christo respectu confessionis, quæ ediderit, nō sedis quæ occuparit. Neque, si sedis, cum quæ habuisse Petrus memoretur, Antiochenam & Romanam, non tam inquiram cur priuilegium Petri Romæ

De elect. & electi potest. Cap. Significasti.

Concor. lib. 2. cap. 34.

potius alligari debeat, quam Antiochia. Porro nec illud hoc loco discutiam, quod pluribus in tota Pontificij symboli explicatione quæretur, verum Papa Petro successerit in fide: tantum hic quæram breuiter, vtrum successerit in sede, & vtrum successio Papæ, ex qua tota Papismi ratio pender, sit diuina, an humana constitutio. Nam si humana constitutio est, & humanis modò testimonijs confirmata: certè dogma Catholicæ fidei, vt Romulus ex suis Magistris asseruit, esse non potest. Si diuina, dicant nobis quo Scripturæ loco legant esse scriptum, Episcopum Romanum Petro successurum: aut vbi Petrus illum, vel alium quenquā sibi successorem surrogauerit. Respondent ferè, quod possunt, Christum cum diceret, Pasce oues meas, eodem loco intellexisse Petri successorem, cui simul cum Petro summam & perpetuam in gregem vniuersum iurisdictionem delegauit.

At nec successor illic, nec Pontifex Romanus successor nominatur. Fac Petrum Apostolum cæteris Apostolis superiorem fuisse factum hoc loco: num etiam Romanum Episcopum successorem, mortuo Petro, Apostolis superstilibus superiorem factum iudicant? Respondeant, & hunc nodum, si possint, soluant Pontificij.

Baronius scribit Petrum mortuum anno 69. Iohannem anno 101. Ita duo & triginta anni inter mortem Petri & Iohannis intercesserant.

Quæro iam mortuo Petro siue Linus siue Clemēs successerit: nam de illo magna apud illos controuersia est, vtrum Linum Iohanne, an Iohannem Lino superiorem existiment? Si Linus Iohanne, Episcopum Apostolo superiorem dicant, videbimus: si negent, sequitur aut primatum cum Petro mortuum: aut non ad Linum Episcopum, sed ad Iohannē Apostolum, vt superstitem, peruenisse. Vbi est igitur successio Papæ? Vt nodum hunc soluant, magni quidam Pontificij respondent, Successionem Papæ, in quantum Petrus est Episcopus Romanus, originem sumere à Petri facto, non à Christi institutione. Est igitur hæc materia facti, non fidei.

Age, & quod Petri factum fuit? Respondent, Quod sedem Romæ suam constituerit, ibique mortuus fuerit. Addit

Caictanus,

Caicta. de di-  
uina institut.  
Pontificis,  
cap. 13. &  
Bellarmio.  
lib. 2. de Pon-  
tif. cap. 12.

Caietanus, quoddamors Petri non simpliciter successione  
Romæ dederit. sed quoddam illuc mortuus ex speciali Christi  
ordinatione. Quam Caietanus probat ex historia quadam,  
quæ narrat Petro metu persecutionis Romam relinquere  
cogitanti, iam iamque exeunti, obviam venisse Christum.  
Cui Petrus inquit, Quid iam proficisceris, Domine? &  
Petro Christus, Romam, inquit, ut illic crucifigat. Eo Petrum  
admonens ut rediret, Romamque moreretur.

Ergo Papæ successio pendet ex Petri facto, ab eoque ori-  
tur: & ex hoc facto sumunt hæc omnia pro concessio, Petrum  
Romæ fuisse, Petrum Episcopum Romæ fuisse, Petrum  
Romæ mortuum, & mortuum ex Christi ordinatione. Quæ  
est autem horum certitudo, nisi credamus paucis quibus-  
dam humanis historiis, quæ sunt obnoxie multis humanis  
erroribus? qualis imprimis est error ille, unde datam tamen  
dicie Caietanus successione Papæ, de reditu Petri ex occa-  
sione visionis.

Primus author fabulæ Lilius scriptor stultus & spurius, ut Acta Petri &  
ab ipso Baronio notatur. Sed fuerit historia; non ex Spi- Pauli, Baron.  
ritus sancti revelatione, sed ex traditione manavit, ut ann. 69.  
Canus Locor. Theol. lib. 6. cap. 8. Deinde quomodo con-  
stat Christo & Petro propositum fuisse, hoc facto successio-  
nem sic confirmare, ut Ecclesia semper illam sub pena dam-  
nationis credere teneretur? Nam cum dicant esse de necessi-  
tate salutis subesse Romano Pontifici tanquam Petri suc-  
cessori, eumque virtus successionis suæ in omnibus rebus  
fidei & salutis nobis à Deo præfectum esse contendat: æ-  
quum fuit, ut successionem Papæ liquidius, & certius no-  
bis confirmarent, quam ex cæca quadam & incerta visi-  
one, cuius auctorem ipsi ut stolidum & spurium condem-  
narint.

Porro electionem Papæ humanam ordinationem existi- Francil. Viç.  
mans, quæ mutari potest: quod esset absurdum, si Chri- Relect. 2. de  
stus Petri facto successionem Romæ propriam destinasset, potestate eccl-  
formam electionis immutare. Itaque nemo tenetur credere  
hunc, vel illum Papam, (puta Clementem octavum aut  
Paulum quintum) esse verum Petri successorem, ut scribis

De hæref. lib.  
I. cap. 9.

Alphonsus. Ita cuius licebit, cum libuerit, Papam exuere, cuius de canonica saltem electione dubitarit. Quare cum Papæ successio tam incerta sit, rectius faceret, si ut Imperator non se Cæsaris successorem inscribit, sed Cæsarem; sic Papa non se amplius Petri successorem; sed Petrum ipsum nominet, ut Papa Stephanus seipsum quondam nominauit. Nam tam facile credemus Paulum quintum esse Petrum ipsum, quam verum Petri successorem. Namque ut in summam omnia contraham; vides; nobilissime CALANDER, in SATVRNINO Bellarminum vetera quædam suorum argumenta polientem & limantem ex textu, quibus primatum labantem iam & propè cadentem suffulciret: sed frustra sperat Cardinalis easdem posse technas imponere docto iam sæculo; quæ tum rudi imponebant.

Primum enim adeo corruptas locorum quorundam interpretationes adduxit, ut non à veteribus & nostris, sed à recentibus etiam & suis planè Doctoribus refellantur. Ex quibus tamen symbolica quædam arguments producit; quæ tam ineptas, tamque exitiales consequentias necessario inferunt, ut prudentibus deridendæ, pijs etiam detestandæ esse videantur.

Bonifac. 8.  
Extraug. C6.  
li. tit. de maior  
& obedienc.

Qualis fuit illa interpretatio & argumentatio Bonifacii octauæ ex primo Geneseos.

In principio, non in principijs, creauit Deus cælum & terram. Cum principio Papam intelligi somniasset Bonifacius.

Ex eo sic argumentatur, Qui igitur Papæ se non subiecit, duo principia fingit cum Manichæis, ut fingit Bonifacius. Qualis etiam illa ex eodem capite; Fecit Deus duo magna luminaria in firmamento, Quum igitur Papa sensum hunc inuallisset in textu, Sole Papæ, Luna intelligi Imperatorem: ex eo concludit: Quæto Sol Luna maior, tantò Papam maiorem Imperatorem. Quis mathematicus Archimedes Solis & Lunæ quantitatem melius potuit describere?

Eiusmodi sunt interpretationes, ex ijsque deductæ argumentationes Bellarmini. Ex clauibus cæli clauis terræ facit.

Honorem



Honorem regnandi colligit ex labore pascendi. Petrum pro  
 petra intelligit: caput metaphoricum pro capite visibili Ec-  
 clesie vniuersæ. Et ex hijs allegoricis expositionibus Ana-  
 lyticos pro Petri primatu se conficere credit syllogismos. Py-  
 thagoras fertur sic informasse discipulos in speculatiua sci-  
 entia numerorum, eorumque tam altas notiones animis im-  
 pressisse, vt cum post ad contemplationem rerum naturali-  
 um accederent, ex elementis numeri constitui crederent  
 opera naturæ. Sic iste Pythagoras suam symbolicam theo-  
 logiam tam altè suorum animis infixit, vt ex metaphoris san-  
 ctæ Scripturæ culmen erigi credant Ecclesiasticæ monar-  
 chie. Vtrum ille versutior, qui sic suadet, an iste simplici-  
 or, qui sic credit? Immo verò iste Roman. aduocatus, eum  
 qui sic non credit, hæreseos reum peragit: Bæne habet:  
 Actore non probante, vt Iureconfulti dicunt; reus absol-  
 uitur.

Aristot. 1.  
 Metaph.

Quæstisti deinde, CALANDER, de iudicio Ecclesiæ pri-  
 mitiæ, cuius doctissimi Patres in sex primis Concilijs con-  
 gregati primatum istum non modò non agnouerunt, sed de-  
 cretis suis confixerunt. Hic Pontificij tot voluntarias cor-  
 ruptelas, fallacias, imposturas adhibuerunt, quibus fal-  
 sos canones supponerent, veros expungerent: vt qui tam  
 mala fide egerint, malam causam habere merito iudicentur.

Postremo Christi & Petri doctrinam & praxim adduxi-  
 mus, vt primatum istum, quem Scripturæ sensus allegoricus  
 non probauit, redargueret literalis, & is quidem non vete-  
 rum modò Patrū & nostrorum, sed Pontificiorum testimonio  
 confirmatus, vt hæc turris Babylonica non suis modò sulcatis  
 exesis iam & deficientibus destituta, sed nostris etiam simili-  
 simis machinis, id est, Ecclesiæ decretis, & Scripturæ ora-  
 culis impulsâ dissilierit arque conciderit.

Ergò primatus Petri, qui Bellarmino est Transcendens,  
 Scripturæ sanctæ non est Ens: & successio Papæ non ex  
 Christi instituto, vt dicunt ipsi, sed ex Petri facto originem  
 sumit: & hoc Petri factum probatur non ex certa reuelatione,  
 sed ex incerta visione. En: cur primatum Bellarm. in Torto-  
 dogma Catholicæ fidei certum in Scripturis aperissime  
 fundatum

fundatum prædicet.

Animaduerte iam, CALANDER, quòd nunc omnia Bel-  
larmini commenta reciderint. Depositio Regis pendet ab  
excommunicatione Pontificis. Excommunicationis potestas  
inhæret primatui. Primatus incipit à primare. At primas  
in textu, quamvis diligentissimè quæsitus, tamen non est  
intuentus. Vbi iam igitur primatus? vbi potestas excommu-  
nicandi Reges? vbi ius denique deponendi? Certè primas  
vestier aut pessimum titulum habet, aut patronum. At patro-  
nus fertur optimus. Titulus est ergò pessimus. Sed Ponti-  
ficij quidvis ab illo, vt sperat, accipient: apud quos si quid in  
hac causa profecerit, maiorem oportet esse legentium credu-  
litatein, quàm scribentis prudentiam.

Tum REGIVS, Primatu igitur euerso, potestas illa du-  
plex, quam inuicem primatui dicit, simul euersa est, sa-  
cra & temporalis. Sacra, qua tanquam Episcopus per excom-  
municationem Reges refractarios, siue hæreticos, siue ca-  
tholicos, imperio abdicare se posse autumat: temporalis, siue  
directa, siue indirecta, qua tanquàm summus Princeps spiritu-  
alis possit coronas auferre vni, & conferre alteri pro arbitrio.  
Sed de temporali post viderimus. Nunc de sacra videamus.  
Grandis iste sophista, cum Pontifex Romanus sagittam ve-  
nenatam in caput Principis mittere decreuit, arcum Pontifici-  
um intendit duplici potestate quasi retinaculo, vt, si tempo-  
ralis deficiat, sacra feriat. Quam nisi sacram putem, vt ille  
sacram auri famem dixit, sanè mentiat. Nam hanc technam  
excommunicationis Pontificiæ, qua Reges ligat ne impe-  
tent, & subditos soluit ne pareant, sensit orbis nihil esse  
aliud quàm artem diabolicam, vt loquitur Vrsbergensis,  
quæ perfidiam & rebellionem induxit fidei & religionis ha-  
bitu contectas, Regibus formidolosam, subditis pernicio-  
sam, quorum corporibus exitium importauit, damnatio-  
nem animabus, vt ex superiore dialogo manifestum est.

Tum SATVRNIVS, Nos quidem, inquit, quid hære-  
tici disputent, non curamus; quid Ecclesia statuatur, attendi-  
mus. Nec illorum captionibus, sed huius decretis alligamur.  
Et primatum duplici iure retinemus, petitorio, & possessorio.

De

De petitorio rixas hæretici semper mouerunt: de possessorio nos nunquam dimouebunt.

Tum REGIVS, Statuta Ecclesiæ, inquit, vt dicis, attendis, malletm oracula Scripturæ. Duplici vos iure primatum retinere prædicas, petitorio, & possessorio. Magni petitoris iure excidit Pontifex, vt clarè vicit PATRIOTTA: ius igitur aliud ad extremum vrget, magni possessoris; quod quid est aliud quàm ius magni prædonis? Quod est enim aliud ius latronū, quàm vt id commemorent suum esse quod possident, quoeunque modo acquisierint? Nunc cum primatus non diuina institutione, sed humana ambitione fundatus sit, quem & Scripturæ oraculis, & Conciliorum decretis penitus euersum vides: sequitur iam, vt contuso capite serpentis, membra illius omnia conteramus.

Tum CALANDER, Videtur, inquit, SATVRNIVS redactus ad angustias, cum iure petitorio exclusus ad possessorium confugerit. Vt igitur respirandi tempus detur,

sermonem de reliquis articulis differamus in alium

diem. Nam nunc quidem tempus est vt ani-

mos vestros huius disputationis labore

defessos relaxetis.

*Errata.*

In epist. ad lector. pag. 2. lin. 7. lege amori. p. 3. l. 15. pro non, leg. omnino.  
 1b. lin. 32. leg. vini affir. p. 10. l. 35. leg. facultatum. p. 13. l. 10. leg. Theriaco.  
 p. 18. l. 34. leg. euerit. p. 19. l. 33. post hæresim inferre, quia læta est: & rider aduer-  
 sariū. p. 24. lin. 6. leg. cuiusquemodi. lin. 16. pro de le ex. l. 20. leg. prosequamur.  
 P. 8. libri. l. 30. pro aut. le. vt. p. 10. l. 5. le. patefactā. p. 14. l. 1. le. loquar. p. 18. l. 7. le.  
 toti. p. 40. l. 3. lege ergo. p. 43. l. 34. pro Christian. Imperat. le. Pseudochristianis  
 Pontificibus. p. 49. l. 27. l. sanata. p. 56. l. 18. l. expenderint. p. 57. l. 28. deest subiecta.  
 p. 58. l. 5. post Roma inferre quæ. p. 60. l. 3. l. definitæ. p. 66. l. 34. l. vicem. p. 71. l.  
 15. l. proprios prædicatores. p. 74. l. 3. l. verbi. p. 89. l. 16. l. disertissimis. p. 93. l. 5.  
 le. & vt. p. 95. l. 36. l. cruciatas. p. 101. l. 18. l. anni bis mille. l. 26. le. intelligemus.  
 p. 103. l. 11. le. responderet. p. 107. l. 18. l. gerat. p. 112. l. 17. l. antichristianam. p.  
 113. l. 6. pro vt. l. &. p. 114. l. vlt. l. induxit. p. 118. l. 9. pro velut Atlantem, l.  
 Seruatorem. p. 124. l. vlt. l. quā vt. p. 125. l. 31. l. muto mare. p. 127. l. 1. le.  
 vestra. lin. 10. le. furiosa. p. 133. l. 1. le. Ichu. p. 160. l. 33. dele non. p. 163. l. 1. post  
 vt, adde, sacerdotes. p. 164. l. 17. l. adiuvant. p. 168. l. 36. le. præstinguere. p.  
 177. l. 2. l. commixet. p. 183. l. 33. le. fateamur. p. 196. l. 19. le. quod lin. 36. le.  
 infirmos. p. 202. l. 28. le. Pontificum. lin. 33. le. Imperatorum. p. 208. l. 35. pro  
 3. le. 4. p. 209. l. 3. l. incurfioni. p. 224. l. 36. le. matrem. p. 225. l. vlt. post cupe-  
 rem adde, muniri præsidij. p. 227. l. 18. l. tantum. p. 228. l. 6. l. mali. p. 232. l. 6. l.  
 primatum. p. 250. l. 3. le. sit. p. 277. l. 29. l. persequetur. lin. 30. pro hoc, le. huius-  
 modi. p. 283. l. 7. l. cum. p. 296. l. 12. 13. pro REGIVS exponet. le. primus dia-  
 logus exponit. p. 300. l. 9. pro Romulus le. ARGENTINVS. p. 304. l. 21. le.  
 sed de temporali dubitans, sibi de sacra prouidit,

